

JOB

1 Juōn eman etan Job e ar ber ilo enen Uz; im armij eo e ¹ wāppen im wānik, im e ar mijōk Anij, im jeorlok jen nana. **2** Im ² e lotak nōn e jiljilimjuōn man im jilu kōra. **3** Mweiuk ko an, ³ jiljilimjuōn tausan sip, im jilu tausan kamel, im limabuki ion in ox ko, im limabuki ass kokōra, im ro ilo mweo imōn e kanuij lōñ; inem armij in elaptata ian ro otemjej nejin rear. **4** Im lōmaro nejin rar ilem kwojkwoj ilo imōn jabrewōt iair ilo ran eo an; im rar jilkinlok im kirtok limaro jeir im jātir bwe ren mōña im irak ibeir. **5** Im ein drein, ke ran ko ran in kwojkwoj ko air re motelok, Job e ar jiliklok bwe en kokwojarjar ir, im jerkak ke e jiboñ wōt, im katok kin katok kijeek ko ekar nōn orair otemjej; bwe Job ej ba, Ne ro nejiō man rab bwir im karmijete Anij ilo burueir. Ein drein an Job kōmōn ien otemjej.

6 Ak ilo ran eo ke ro nejin Anij rar iten mōke kwalok ir iman mejen Jeova, Setan e ar bareinwōt itok ibeir. **7** Im Jeova e ar ba nōn Setan, Kwoj itok jen ia? Inem Setan e ar uak Jeova im e ba, ⁴ Jen aō itoitōk ilo lōl, im jen aō wōnliñ wōnlōl iloan. **8** Inem Jeova e ar ba nōn Setan, Kwar kalomōnlokjen kake dri korijera Job ke? bwe ejelok einwōt ilo lōl, juōn armij e wāppen im wānik, eo ej mijōk Anij im jeorlok jen nana. **9** Inem Setan e ar uak Jeova, im ej ba, Ejelok unin an Job mijōk Anij ke? **10** Kwar jab likit juōn worwor in kabol e, im mweo imōn, im men ko otemjej iben, ijoko otemjej ke? Kwar kejerammōn jerbal ko an pein, im e lōñlok men ko an ilo eneo. **11** A Kwon kōtellok peōm kiō, im uñire men otemjej an, inem e naj karmi-

jete Yuk iman mejōm. **12** Im Jeova e ar ba nōn Setan, Lo, am wōt bebe men otemjej iben: men in wōt, kwon jab likit peōm ion. Ein drein Setan e ar drioielok jen iman mejen Jeova.

13 Im ilo juōn ran ke lōmaro im limaro nejin rar mōña im irak wair ilo mweo imōn manjien, **14** juōn dri jilik e ar itok nōn iben Job, im e ba, Ox ko rar tōblōl wōt, im ass ko rej mōña iturir; **15** im ro dri Sebia rar buñlok ioir, im bōklok ir: aet, rar mōn likao ro dri lale ir kin mejen jāji; im nā wōt I ar ko in kennanek yuk. **16** Ke ej konono wōt, bar juōn e ar itok, im e ba, Kijeek jen Anij e ar buñlok jen lōñ, im e ar tile sip ko im likao ro dri lali, im kokkure ir; im nā wōt I ar ko in kennanek yuk. **17** Ke ej konono wōt, bar juōn e ar bareinwōt itok, im e ba, Ro dri Kaldia rar kōmōn jilu jar, im rar buñ ion kamel ko, im rar bōklok ir, aet, rar mōn likao ro dri lale ir kin mejen jāji; im nā wōt I ar ko in kennanek yuk. **18** Ke ej konono wōt, bar juōn e ar bareinwōt itok, im e ba, Ro nejōm man im kōra rar mōña im irak wain ilo imōn manjiōm: **19** im lo, juōn kōto elap e ar itok jen ene jemaren, im iuni drem ko emen an mweo, im e ar buñ ion likao ro, im re mij; im nā wōt I ar ko in kennanek yuk.

20 Inem Job e ar jutōk, im ¹ kekel nuknuk eo an, im eāl bōran, im buñlok ion brij im kabuñ; **21** im e ar ba, I ar kelwantok jen lojien jinō, im kelwan I naj jeblaklok nōn e: Jeova e ar letok, im Jeova e ar bōklok, e mōnōnō etan Jeova. **22** Ilo aolepen men in Job e ar jab bwir, ak naruōn Anij kin bwebwe.

2 ² Bar juōn ien, ilo ran eo ke ro nejin Anij rar iten mōke kwalok

ir iman mejen Jeova, inem Setan e ar itok ibeir tok, in mōke kwalok e iman mejen Jeova. 2 Im Jeova e ar ba ñōn Setan, Kwoj itok jen ia? Im Setan e ar uak Jeova, im e ba, Jen aō itoitōk ilo lōl, im jen aō wōnliñ wōn-lōl iloan. 3 Im Jeova e ar ba ñōn Setan, Kwar kalomōnlokjen kake dri korijera Job ke? bwe ejelok einwōt ilo lōl, juōn armij e wāppen im wānik, ej mijōk Anij, im jeorlok jen nana: im ej kejbārok wōt an wānik, meñe kwar biuktōk Iō nae e, bwe In kok-kure e kin ejelok unin. 4 Im Setan e ar uak Jeova, im e ba, Kil wōt kil, aet, men otemjej iben juōn armij e naj lelok kin an mour. 5 Kwon kōtellok peōm kiō, im uñir drin im kōniekin, inem e naj karmijete Yuk iman mejōm. 6 Im Jeova e ar ba ñōn Setan, Lo, am wōt bebe e: men in wōt kwon kejbārok mour eo an.

7 Ein drein Setan e ar drioiylok jen iman mejen Jeova, im e ar kañitan Job kin wōt ko re metōk jen lobireneen ñōn moñen. 8 Im e ar bōk juōn mōtōn jābi in jukwe kake; im e ar ¹ jijōt ilo brij in ubaj. 9 Inem lio belen e ar ba ñōn e, Kwoj kejbārok wōt am wānik ke? kwon karmijete Anij im mij. 10 A e ar ba ñōn lio, Kwoj konono einwōt juōn ian kora ro re bwebwe. Ta? jen bōk emōn jen pein Anij, im jen jab bōk nana jen E ke? Ilo aolepen men in Job e ar jab bwir kin tien.

11 A ke lōmarojil jeran Job rar roñjake kin aolepen nana in e ar itok ion, rar itok jabrewōt iair jen jikin: Elipaz dri Timan, im Bildad dri Shua, im Zopar dri Neamat: im rar kajejit juōn ien iben dron bwe ren ilen jōñōt im kainemōn e. 12 Im ke rar rei jen ijo etolok, im jab kile, rej koutiej ainikeir im jōñ: im jabrewōt iair e ar kekel nuknuk ko an, im rar juliñlok bōñlōñlōn ion bōrair. 13 Ein drein rar jijōt iben ion brij jiljilimjuōn ran im jiljilimjuōn boñ, im ejelok juōn e ar konono juōn nan ñōn e: bwe rej lo buromōj eo an e kanuij lap.

3 Elikin men kein Job e ar wa-loñi loñin, im e ar kole ran eo an.

2 Im Job e ar uak im ba:

3 Ran eo I ar lotak ie en joko, im boñ eo e ar ba, Emwij keutak juōn niñniñ eman.

4 Ran eo en marok; Anij jen ilōñ En jab kabukot e, im maram en jab romak ion.

5 Marok im anōñin mij ren bōk e bwe en air; juōn kōro en kalibubuik e: men otemjej rej kamarok ran ren kemjōke.

6 Kin boñ eo, marok jiliñliñ en bōk e: en jab mōnōnō iben ran ko an yiō; en jab dreloñ ilo oran aliñ ko.

7 Lo, boñ eo en mōke ian; en ejelok ainiken mōnōnō dreloñlok ie.

8 Ro rej kol ran ren kole ran eo, ro re pojōk in kworuj livaetan eo.

9 Iju ko in jotan eo ren marok wōt: en kabukot maram, a en ejelok iben; im en jab lo kilin mejen jiboñ:

10 Bwe e ar jab kili aor in lojen jinō, ak noje jorran jen meja.

11 Etke I ar jab mij jen loje? etke I ar jab kōtlok aō ke jinō e ar keutak iō?

12 Etke bukwe ko rar bōk iō? ak etke tit ko, bwe in ninnin?

13 Bwe kiō I naj kar babu im tōt wōt; I naj kar kiki; inem I naj kar kakije,

14 Iben kiñ ro im ro dri bebe an lōl in, ro rar kalek ene jemaren ko ñōn ir mōke:

15 Ak iben iroiñ rōn ro eor gold ibeir, ro rar kobrōk mo ko imweir kin silver:

16 Ak einwōt juōn e koo im etino I jamin kar ber, einwōt niñniñ ro re jab lo maram.

17 Ijo e jemlok an dri nana maroñ in biuktōk; im ijo ro dri mōk rej kakije wōt,

18 Ijo ro dri prison rej kakijeik ir iben dron; re jab roñjake ainiken eo ej iroiñ ioir.

19 Ro redrik im ro relap rej ber ie; im dri korijer ej anemkwojan jen iroiñ eo an.

20 Etke ar lelok maram ñōn eo ej iñtan, im mour ñōn eo emeo iloan;

21 Ro rej oñkake mij, a e jab itok, im ro rej kōbij im bukot e elap jen mweuik ko retino;

22 Ro re kanuij mōnōnō, im re kanuij lōñliñ ñe re maroñ in lo lūp eo?

23 Etke ar lelok maram ñōn juōn armij ial eo an etino, im eo Anij e ar worwor e?

24 Bwe jabjenmenoa ej itok mokta jen aō mōña, im ñir ko aō emwij lutōk e einwōt dren.

25 Bwe men eo ij mijōk e ej itok ioō, im eo ij lelñōñ kake ej itok ñōn iba.

26 I jab ainemōn, im I jab tōt, im I jab kakiye: a jorran ej ebaktok.

4 Inem Elipaz dri Timan, e ar uak im ba,

2 Elañe juōn ej kajeoñ in kōmao ibōm, kwo naj buromōj ke? a ¹wōn eo e maroñ in drebij e jen konono?

3 Lo emwij am katakin elōñ, im kwar kakajur pā ko re mōjino.

4 Nan ko am rar jebōke eo e nañin buñ, im kwar kabin bukwe ko re mōjino.

5 A kiō emwij an itok ñōn ibōm, inem kwoj kijelok; ej uñir yuk, im kwoj jorran kake.

6 Am mijōk Anij e jab unin am liki, im wānik in ial ko am men in kejatrikrik ibōm ke?

7 Kwon kememej, ij akwelap, wōn e ar joko im ejelok ruōn? ak ia eo rar bukweelok ro dri wānik?

8 Einwōt I ar lo e, ²ro rej tōblōl jab wānik, im jeor jorran, ein drein air marmir.

9 ³Kin menono an Anij, re jokolok, im kin añin illu eo An, emij kokkure ir.

10 Ñōr in laion, im ainiken laion e lej, im ñi ko ñin laion ko jindrik, re moruj.

11 Laion eo e jinlap e bwijwōlā kin an aikwij men in jibwe, im kon ko kon in laion kokōra rej jibliklik wōt.

12 Ak ar bōktok juōn men ñōn iba ilo etino, im lojiliñiō e ar roñ unojrikrik kake.

13 Ilo lemnok ko jen visōn ko in boñ, ke kiki mitoñ ej buñlok ion armij,

14 Lelñōñ im wuririr, rar itok ioō, im ar kōmōn bwe dri ko driō otemjej rej makōtkit.

15 Inem juōn jitōb e ar itok iman meja: kolan enwiniō rar jutōk wōt.

16 E ar bwijrōk, a I jab maroñ in kile wāwen; juōn wāwen iman meja: ejelok kimñilñil, im I ar roñjake juōn ainiken, ej ba,

17 Armij drien mij en wāniklok jen Anij ke? armij en erreō jen ¹Eo e ar kōmōnmōn e ke?

18 Lo, E jab liki ro dri korijeran, im Ej kinaklok enjel ro An, kin bwebwe:

19 Etke e jab laplok iben ro rej jokwe ilo mo ko im kle, im loñtair ej ilo bōñlñōl, im emwij ruji ir iman meninloaj!

20 Ikōtan jiboñ im jota rej kokkure ir: re jokolok ñōn in drio im ejelok ej lemnok kake.

21 Men eo emōn tata ilo ir, ar jab kōtepi ke? re mij wōt, im ejelok metletet ibeir.

5 Kwon kir kiō; eor ke re naj uak yuk? im ñōn wōn ian ro dri kwojarjar kwo naj oktōk?

2 Bwe matōrtōr ej mōn dri bwebwe eo, im kamo ej kokkure eo dri jajelokjen.

3 I ar lo ²dri bwebwe eo ej ellō okran: a e mōkōj I ar kole kabijuknen.

4 Ro nejin retolok jen ainemōn, im rej kabij ir ilo kejem, im ejelok juōn in lomor ir:

5 Jonikōn eo air, dri kwuli ej kōñi, im ej bōki jen iben kāliklik ko; im jen eo ej walōñi loñin ñōn men ko an.

6 Bwe iñtan e jab walok jej bōñlñōl, im jorran e jab edreklok jen brij;

7 A armij ³ej lotak ñōn jorran, einwōt melkwarar rej belliñlok.

8 A kin ña I kōnan kabukot Anij, im ñōn Anij I kōnan lelok men ko aō;

9 Eo ej kōmōn men ko relap im etino jen maroñ in bukot e, men in bwi-lōñ ko ejelok orair:

10 Eo ej letok wut ion lōl in, im Ej jilkinlok dren ko ion jikin kallip ko;

11 Ein drein Ej koutiej ro rettā, im kwotōk ro rej buromōj ñōn ainemōn.

12 Ej kajitokjen bebe ko an ro dri etao, bwe pā ko peir ren ban kōmōn lemnok ko air.

13 Ej ¹jibwe ro dri meletlet ilo air lolātāt; im bebe an ro dri etao Ej dremōki.

14 Rej wōnmae marok ilo ran, im rej jatol ke e raelip einwōt ilo boñ.

15 A Ej lomor jen jāji in loñir, ro rej aikwij jen pein ro dri kajur.

16 Ein drein dri jeramel ej keja-trikrik wōt, im nana ej binej loñin.

17 Lo e mōnōnō armij eo Anij ej kowe e: kin men in kwon jab kejekron kaje an Eo e Kajur Potata.

18 Bwe Ej kemtōk, im Ej kitimi: Ej kakiniñij, im pā ko pein rej kaej-mour.

19 E naj² lomorōm ilo jiljino jorran: aet, ilo jiljilimjuōn ejelok nana e naj uñir yuk.

20 Ilo ñita E naj lomorōm jen mij: im ilo tōrinae, jen kajur in jāji.

21 Kwo naj nojōk jen dreñdreñ an lo: im kwo jamin mijōk kokkure ñe ej itok.

22 Kwo naj tōñkake kokkure im mij: im kwo jamin mijōk kiru ko in lōl.

23 Bwe kwo naj kōmōn bujen iben dreka ko in melaj: im kiru in melaj re naj ainemōn ibōm.

24 Im kwo naj jela bwe imōn kaber eo am ej ainemōn; im kwo naj lolo am worwor in sip, im naj aikwij ejelok.

25 Kwo naj bareinwōt jela bwe ineōm e naj lap, im ro nejōm einwōt ujoij in lōl.

26 Kwo naj tōbrōk lūp eo lūpōm

ñe kwo bwiwōlā, einwōt tir in korn ej itok ilo ien an kalo.

27 Lo, men in, kim ar kabukot e, im ej ein drein: kwon roñjake, im jela kake ñōn am naj emōn.

6 Inem Job e ar uak im ba,
2 O bwe ren paun aō jorran, im likit aolepen aō iñtan ilo ken paun ko!

3 Inem kiō e naj kar erro jen bok in lometo ko: kin men in nan ko aō re kar jajelokjen.

4 Bwe mōri ko an Eo e Kajur Potata rej iloaō, im aō ej ilim uno kōn mij: kalelñōñ ko an Anij rej nae iō.

5 Ass e awia ej lamij ñe eor ujoij iben ke? ak ox ej jōñ ion men ko kijen ke?

6 Ren maroñ ke mōña men eo ejelok nemen ñe ejelok salt? ak eor ke nemen ilo mire in lip?

7 Aō ej abwin in uñir men kein; rej ñōn iō einwōt ekōn in jōjōik.

8 O bwe in bōk aō men in kajitōk; im bwe Anij en letok men eo ij oñkake!

9 Men in, bwe en kabuñburuen Anij in kobar iō: bwe En kōtellok pein im bukwelok iō!

10 Im men in, men in kainemōn iō, aet, in lōñliñ ilo iñtan eo e jab kōtlok iō, bwe I ar jab karmijete nan ko an Eo e Kwojarjar.

11 Ta aō kajur bwe in kōtar? im ta aō jemlokōn bwe in kijinmij wōt?

12 Aō kajur einwōt kajur in dreka ko ke, a kōniekiō jen jinibōrōrō ke?

13 E jab men in ke, ejelok jibōñ iba, im emwij ubakelok meletlet jen ña?

14 Eo e nañin kijelok, emōn jeran en kwalok joiñ ñōn e; aet, ñōn eo ej illok jen mijōk Eo e Kajur Potata.

15 Ro jeiō im jātiō rar jelamon einwōt juōn wea, einwōt ial in wea ko re jokolok;

16 Ko re kilmej kin dren ebin, im ilo ir sno eo ej nojōk:

17 Ien eo re mōñanlok, re joko, ñe re bwił, emwij, re tōp im belloko.

18 Jaran i karwan ilo ial ko iturir, rej jeorlok; rej wōnliñlok iloaan ene jemaren im joko.

19 Jaran i karwan jen Tima rar rei bōjik, jar ko jen Shiba rar kōtari.

20 Rar jok kake kin air kar kōtōmene; rar itok ñōn e, inem rar no.

21 Bwe men in, kom jekron wōt; komij lo juōn men in kaleññoñ, im kom mijōk.

22 I ar ba ke, Komin letok ñōn iō? ak, Komin letok juōn jurtak jen men ko ami?

23 Ak, Komin kōtlok iō jen pein dri kijirāt eo ke? ak, Komin lomor iō jen pein dri kamakoko ke?

24 Komin katakin iō, inem I naj kejeklokjen; im kōmōn bwe in melele men eo I ar bwir kake.

25 Nan ko re wānik re nañin bin wōt! a ami nan in kowe, ta eo ej kowe?

26 Komin lemnok in kowe nan ko, ke nan ko an juōn ejelok an kōtōmene, rej einwōt kōto ke?

27 Aet, kom kōnan kōmōn kakōle ko ion ro ejelok jemeir, im kōmōn eo jerami einwōt men in wia.

28 Inem kiō komin mōnōnō in kalimjek iō; bwe emol I jamin riōp iman mejōmi.

29 Komin jeblaktok, ij akwelap, en ejelok jab wānik; aet, komin bar jeblak, bwe ijo aō e wānik.

30 Eor ke jab wānik i loñiō? aō enak e ban kili men ko men in kaiñtan ke?

7 E jab juōn ¹tōrinae ñōn armij ion lōl ke? ran ko an re jab einwōt ran ko an juōn dri jerbal ke?

2 Einwōt juōn dri korijer e kanuij kōnan ellur eo, im einwōt juōn dri jerbal ej kōtōmene kin wōnan jerbal eo an:

3 Ein drein emwij letok ñōn iō aliñ ko aliñ in iñtan, im likit ñōn iba boñ ko boñ in mōk.

4 Ke ij babu, ij ba, Ñāt I naj jerkak im e joko boñ? im I kanuij okokōtōk ñōn ien rantak.

5 Emwij kanuknuk kōniekiō kin likakrōk ko im mōtōn brij re ñūñ; kiliō e rup im ej einwōt men in jō-jōik.

6 Ran ko aō re mōkōj jen ken jerbal an eo dri ej nuknuk, im re joko im ejelok kōtōmene.

7 O kwon kememej bwe aō ¹mour einwōt juōn menono: meja e jamin bar lo emōn.

8 Mejen eo ej lo iō e jamin bar lo iō; mejōm re naj iōō, a ña I jamin ber.

9 Einwōt kōro etōp im e monlok, ein drein eo ej wōnlōllok ñōn Hedis e jamin bar wōnliñtok.

10 E jamin bar itok ñōn mweo imōn, im jikin e jamin bar kile.

11 Kin men in I jamin drebij loñiō; I naj konono ilo iñtan in aō; I naj lotan ilo meo in aō.

12 Ña I juōn lometo, ak kirudrujit in lometo, bwe Kwon likit dri bar iōō ke?

13 Ke ij ba, Kiniō e naj kainemōn iō, kiniō e naj kariklok aō men in lotan;

14 Inem Kwoj kemjōk iō kin tōnak ko, im Kwoj kaleññoñ iō kin visōn ko:

15 Ein drein aō e kōnan mij kin kul buruen, im emōn mij jen dri kein driō.

16 Ij drike aō mour; I jab kōnan mour ñōn in drio: komin likit iō mōke iaō; bwe ran ko aō re wan.

17 ²Ta armij bwe Kwon koutiej e, im bwe Kwon lemnok kin e?

18 Im bwe Kwon lolok e jiboññ otemej, im melejoñ e ien otemej?

19 Ie toñ Am jamin reilok jen iō, im likit iō mōke iaō mae ien in warōñlok iadratōltiliō?

20 Elañe I ar bwir, ta eo I maroñ kōmōn ñōn Kwe, O Kwe dri kili armij? etke Kwar likit iō juōn laruke ñōn Kwe, inem ña juōn inek ñōn iō mōke?

21 Im etke Kwo jamin jolok aō bwir, im bōklok aō nana? bwe kiō I naj babu ilo bōñōñl eo: im Kwo naj kanuij bukot iō, a I jamin ber.

8 Inem Bildad dri Shua e ar uak, im ba,

2 Ietoön am naj konono men kein? im ietoön nan ko jen loñöm re naj einwöt kōto e kajur?

3 Anij ej kankeke men eo e jime ke? ak Eo e Kajur Potata ej kankeke wānik ke?

4 Elañe ro nejōm rar jerawiwi nae E, im E ar ketōk ir na ilo pein bwir eo air;

5 Elañe kwo kōnan kanuij kabukot Anij, im kōmōn am akwelap ñōn Eo e Kajur Potata;

6 Elañe kwar kwojarjar im wānik; emol E naj kar ruj ñōn kwe, im keje-rammōn mweo imōn am wānik.

7 Im meñe jinoōm e ar drik wōt, jemlokōm e naj kar kanuij lap.

8 Ij akwelap ñōn yuk bwe kwon kajitōk iben ien ko mokta, im katak men eo ro jimair rar kabukot wōt:

9 (Bwe kij jen inne wōt, im ejelok ar jela, kin ke ran ko ar ion lōl einwōt juōn ellur);

10 Re jamin katakin yuk ke, im kennanek yuk, im kwalok nan ko jen burueir?

11 Ujoij rōsh e maroñ in edrek ke im ejelok birikōt? ujoij flag e maroñ in edrek ke im ejelok dren?

12 Ke ej ilo an māroro, im jañin bukweelok, e aimerlok mokta jen jabrewōt bar juōn ujoij.

13 Ein drein ial ko an ¹ ro otemjeje rej meloklok Anij; im ² kejatrikrik eo an armij eo e jab mijōk Anij e naj joko:

14 Naj rupe im kijbil beran eo an, im an liki ej ilo juōn to in kaulalu.

15 E naj atartar ion mweo imōn, a e jamin jutōk; e naj drebij e wōt, a e jamin ber.

16 Ej māroro iman al eo, im julin rej ilok ilo aolepen jikin kallip eo.

17 Okran rej drebij ebe dreka, ej lo jikin dreka ko.

18 Elañe naj kokkure e jen jikin, inem e naj karmijete, im ba, I jañin lo yuk.

19 Lo, eñin lōñliñ in ial eo an; im jen brij bar jet re naj edreklok.

20 Lo, Anij e jamin jolok juōn armij e wāppen, im E jamin kakajur ro dri kōmōn nana.

21 E naj kobrōk loñōm kin lea, im tiōm kin kelok ko.

22 Ro dri kijirāte yuk re naj kōnōk jok: im mweo imōn ro dri nana e naj joko wōt.

9 Inem Job e ar uak im ba,

2 Emol I jela bwe ein drein; a ekijkan an juōn armij maroñ in wānik iben Anij?

3 Elañe E kōnan akwail e, e ban uak ñōn E juōn nan ilo juōn tausan.

4 Ej meletlet ilo buruen, im E kajur potata: wōn eo e ar mōke kabin e nae E, im e jerammōn?

5 Eo ej kamōkit tol ko, im re jaje kake, ke Ej ukōji ilo An illu;

6 Eo ej kamōkit lōl jen jikin, im jur ko jurōn rej wuririr;

7 Eo ej jiroñ al, inem e jab tak, im Ej sil wōt iju ko;

8 Eo ej mōke erlokwe lōñ ko, im Ej etetal ion no ko noñ lometo:

9 Eo ej kōmōn iju ko, Bukwin Limōnmōn, Jiljilimkouj, im Jebro, im jikin mweiuk ko i rōk;

10 Eo ej kōmōn men ko relap im etino jen maroñ in bukoti, aet, men in bwilōñ ko ejelok orair.

11 Lo, Ej elā jen ña, im I jab lo E; Ej etallok bareinwōt, a I jab kile E.

12 Lo, Ej jibwe, im wōn e maroñ in bōprae? wōn e naj ba ñōn E, Kwoj it?

13 Anij e jamin bōklok An illu; ro an Rehab dri jibōñ rej barikrik jen E.

14 E nañin driklok aō naj uak E, im kālet nan ko aō in jumae E?

15 Eo, meñe ña dru wānik, I jamin uak; I naj kar akwelap ñōn aō dri ekajet.

16 Elañe emwij aō kir, im E ar uak iō, ijoke, I jamin kar tōmak bwe E ar eoroñ ainikiō.

17 Bwe Ej ruje iō kin juōn lañ, im Ej kalōñlok kinij ko aō, im ejelok unin.

18 E jab likit iō bwe in menono, a Ej kobrōk iō kin meo.

19 Elañe jej lemnok kin kajur, lo, E kajur otem kajur! im elañe kin jime, Wōn eo, Ej ba, e naj kirtok Iō?

20 Meñe ña dru wānik, loñiō e naj liakelok iō: meñe ña dru wāppen, E naj kamol aō anekeke.

21 Meñe ña ij wāppen; I jab lemnok kin iō mōke; ña ij kejekron aō mour.

22 Ej einwōt juōn; kin men in ij ba, Ej kokkure ro dri wāppen im ro dri nana.

23 Elañe ken dreñlok ej mōn makij, E naj kajirere kake jorran an eo ejelok ruōn.

24 Emwij lelok lōl na ilo pein ro dri nana; Ej kalibubu turin mejen ro an dri ekajet: elañe e jab E, inem wōn eo?

25 Ak ¹ran ko aō re mōkōj jen juōn dri etōr: rej koñil, rej lo ejelok emōn.

26 Emwij air ilok wōt einwōt wa ko re mōkōj; einwōt juōn igōl ej kālōllok ion men in jibwe.

27 Elañe ij ba I naj meloklok aō lotan, I naj wutik mejen buromōj im mōnōnō wōt;

28 Ij mijōk men in buromōj ko aō otemjej, I jela Kwo jamin lemnok ejelok ruō.

29 Naj liakelok iō; inem etke ij jerbal bata?

30 Elañe ij mōke kwol iō kin dren jen sno, im kōmōn pā ko peiō bwe ren erreō wōt;

31 Ijoke, Kwo naj kakelok iō ilo jikin birikōt, inem nuknuk ko aō re naj jōjōik iō.

32 Bwe E jab juōn eman, einwōt ña, bwe in uak E, bwe jen wōnmae dron kin ekajet.

33 Ejelok dri kilajrōk ikōtamro, eo e maroñ in likit pein iomro.

34 En bōklok¹ ken dreñlok eo An jen ña, im lelñōñ kake en jab kemjōk iō:

35 Inem I naj konono im jab mijōk E: bwe I jab ein drein ilo iō mōke.

10 Aō ej mōk kin aō mour; I naj kwalok wōt aō nan in lotan; I naj konono ilo meo in aō.

2 I naj ba ñōn Anij, Kwon jab liakelok iō; Kwon kalikar ñōn iō unin Am akwaile iō.

3 Emōn ke ñōn Kwe bwe kwon kamakokoik, bwe Kwon kejekron jerbal in peōm, im romak ion bebe an ro dri nana?

4 Mej ko mejen kōniek ibōm ke? Am lolokjen einwōt bar armij ke?

5 Ran ko Am einwōt ran ko an armij ke, ak yiō ko Am einwōt yiō ko an armij,

6 Bwe Kwon kajitōk kin bwir eo aō, im kabukot jerawiwi eo aō,

7 Meñe Kwo jela I jab nana, im ejelok maroñ in lomor jen peōm?

8 Peōm rar kōmōn iō im nawāwiō ijoke Kwoj kokkure iō.

9 Ij akwelap ñōn Kwe, bwe Kwon kememej bwe Kwar nawāwiō einwōt kle; im Kwo naj kōmōn bwe in jeb-lak ñōn brij ke?

10 Kwar jab lutōklok iō einwōt milk ke, im kokwoj iō einwōt jis?

11 Kwar kanuknuk iō kin kiliō im kōniekiō, im kobaik iō kin dri ko im iki ko.

12 Kwar letok ñōn iō mour im tiria-mokake: im Am lale iō e ar kejbārok aō.

13 Ijoke, men kein Kwar noje ilo buruōm; I jela bwe men in ej ibōm:

14 Elañe I bwir, inem Kwoj kakō-leik iō, im Kwo jamin jolok ruō kin aō bwir.

15 Elañe ña ¹dri nana, wo ñōn iō; im elañe I wānik, ijoke I jamin mōbōp, bwe ij obrōk kin men in jō-jōik, im ij lale wōt aō jorran.

16 Elañe bōra ej mōke koutiej e, Kwoj bukot iō einwōt juōn laion: im bar juōn, Kwoj mōke kwalok yuk Anij in bwilōñ iō.

17 Kwoj kōkāl ro Am dri kennan nae iō, im Kwoj kalaplok Am illu iō: jar in tōrinae rej lor jar in tōrinae nae iō.

18 Inem etke Kwar kadrioiptok iō

jen lōje? I naj kar kōtlok aō, im ejelok mej e naj kar lo iō.

19 I naj kar einwōt I jañin ber; re naj kar bōklok iō jen loje ñōn lūp eo.

20 Ran ko aō re jab eit ke? inem emwij, im Kwon likit iō mōke iaō, bwe in ainemōn jirik,

21 Mokta jen aō ilok ñōn ijo I jamin jeblak jen e, aet ñōn enen marok im an añōñin mij;

22 Eneo e marok einwōt lukwōn boñ: enen añōñin mij, im ijo ejelok lajrōk, im ijo maram eo ej einwōt marok jiliñliñ.

11 Inem Zopar dri Neamat e ar uak im ba,

2 E jab emōn ke in uak nan ko relōñ wōt? im emōn ke kowānik juōn armij e obrōk kin konono?

3 Am¹ nan in jualōñlōñ ren kōkejeklokjen armij ro ke? im ñe kwoj kajirere, ejelok armij en kajok yuk ke?

4 Bwe kwoj ba, Aō nan in katak ej erreo, im ña I kwojarjar iman mejōm.

5 A emōn wōt elañe Anij e naj konono, im walōñi tien nae yuk,

6 Im kwalok ñōn kwe men ko retino an meletlet! bwe E kanbil. Inem kwon jela bwe Anij e ar kōmōn bwe En meloklok jimōtōn am bwir.

7 ² Kwo maroñ in jela Anij kin kabukot ke? kwo maroñ in kanuij jela kake Eo e Kajur Potata ke?

8 Men in e utiej einwōt lōñ ko; kwo maroñ in it? e mulōl jen Hedis, ta eo kwo maroñ in jela?

9 Joñon, e aitok jen lōl in, im e rābōkbōk jen lojit.

10 Elañe ej driblok wōt, im kil e, im kirtok ñōn ekajet, inem wōn e maroñ in bōprae?

11 Bwe E jela armij re wan: Ej bareinwōt lo nana, meñe E jab lemnok kake.

12 A armij e utiej buruen ejelok an meletlet, aet, armij ej lotak einwōt kon in ass awia.

13 Elañe kwoj kajime buruōm, im kōtellok peōm ñōn E;

14 Elañe eor bwir ilo peōm, kwon jolok e etolok, im kwon jab kamelim bwe jab wānik en jokwe ilo mo ko imōm.

15 Emol kwo naj ejer im ejelok mār; aet, kwo naj jutōk bin, im jamin mijōk:

16 Bwe kwo naj meloklok am iñtan, kwo naj kememej e einwōt dren ko emwij air torlok.

17 Im am mour e naj alikarlok jen raelip; meñe eor marok, e naj einwōt rantak.

18 Im kwo naj tōt wōt, bwe eor kōtōmene; aet, kwo naj bukot iturōm, im naj kakije im ejelok uōta.

19 Kwo naj bareinwōt babu, im ejelok e naj kemjōk yuk; aet, elōñ re naj kabukot am jibōñ ir.

20 A mejen ro dri nana re naj tōplok, im e naj ejelok air ial in ko; im air kōtōmene e naj ilo kōtlok air.

12 Inem Job e ar uak im ba,

2 Ej alikar bwe ejelok bar dri ailñ a kom wōt, im meletlet e naj mij ibemi.

3 A ña, eor jelalokjen iba einwōt bar kom; I jab likjōp jen kom: aet, wōn eo e jaje kake men ko einwōt men kein?

4 Ña einwōt juōn ej men in tōñkake ñōn dri turin, ña, eo e ar kir ñōn Anij, im E ar uak: eo dru wānik, dru wāppen ej men in tōñkake.

5 Ilo lemnok an eo ej ainemōn, jekron jorran; e rerelok ñōn ro neir rej jirlok.

6 Mo ko imōn ro dri koaroñ rej jeramōn, im ro rej kitōtōkake Anij rej tōt wōt; ilo peir Anij ej lelok elōñlok.

7 A kwon kajitōk iben kiru ko, im re naj katakin yuk: im bao ko in mejatoto, im re naj kennanek yuk:

8 Ak kwon ba ñōn lōl, im e naj katakin yuk; im iik ko i lojit re naj kwalok ñōn kwe.

9 Wōn e jab jela kin men kein otemjej, bwe pein Jeova e ar kōmōn men in,

10 Im an jabrewōt men eo ej mour

ej ber ilo pein, kab menono an armij otemjej?

11 Lojiliñin e jab melejoñ nan ko ke, einwõt bri ej erjoñwe kijen?

12 Iben ridtorön eor meletlet, im ilo yiö ko relöñ eor jelalokjen.

13 Iben Anij, meletlet im kajur; iben, bebe im jelalokjen.

14 Lo, Ej ruplölok, inem re ban bar kaleke; Ej kil juön armij, re jab maroñ in kabellek ñön e,

15 Lo, Ej drebij dren ko, inem re mörälok; bar juön, Ej jilkinloki, im rej uköj löl.

16 Iben kajur im meletlet: ro emwij mön ir im ro dri jela mon rej An.

17 Ej tellok ro dri bebe im ejelok ibeir, im ro dri ekajet Ej kōmōn ir dri bwebwe.

18 Ej jelate kworök in kiñ ro, im Ej lukwoj ibir kin juön kōñör.

19 Ej tellok pris ro dri jebökwe, im Ej uköji ro dri kajur.

20 Ej kijbil konono jen ro dri tiljek, im böktok jelalokjen jen ridtorön.

21 Ej lutöklok kejekron ion iroi ro, im Ej jelati kōñör an ro dri kajur.

22 Ej kalikar men ko re mulöl jen marok, im kadrioiptok ñön maram, anōñin mij.

23 Ej kalōñlok ro dri ailiñ ko, im Ej kokkure ir: Ej kalaplok ro dri ailiñ ko, im Ej tellok ir dri jebokwe.

24 Ej böklök jelalokjen jen ro dri utiej an armij ro dri löl, im Ej kōmōn bwe ren jebwäbwe ilo ene jemaren ijo ejelok ial.

25 Rej jatol ilo marok im ejelok maram; im Ej kōmōn bwe ren jebwal einwõt dri karek.

13 Lo, ¹meja e ar lo aolepen men in, lojiliñiö e ar roñjake im melele.

2 Men eo komij jela, ña ij bareinwõt jela, I jab likjöp jen kom.

3 Emol I kōnan konono ñön Eo e Kajur Potata, im I kōnan bebe iben Anij.

4 A kom eo dri kine nan in riöp ko, kom dru uno im ejelok tokjemi.

5 O emön elañe kom naj kejeklokjen! im e naj ami meletlet.

6 A komin roñjake aö kalomōnlokjen, im eoroñ nan ko nan in akwelap jen tiö.

7 Kom naj konono jab wānik kin ami Anij ke, im ba nan in mon kin E?

8 Kom naj kaljikklok E ke? kom naj akwai kin E ke?

9 Emön elañe Ej kabukot kom ke? ak einwõt juön ej mone juön armij, kom naj mon E ke?

10 Emol E naj enoik kom, elañe komij kabwiloklok mej ilo etino.

11 Utiejtata eo An en jab kemjök kom, im An kaleññoñ en buñ iomi ke?

12 Nan in ememej ko ami rej jabōn kennan in brij in ubaj, ken kouk ko ami rej ken kouk kle.

13 Komin kejeklokjen, komin jab iltok bwe in maroñ in konono: inem men eo jabrewöt en itok ioö.

14 Etke in jibwe kōniekiö kin ñiiö, im likit aö mour na ilo peiö?

15 Lo, E naj mön iö; ejelok kejatrikrik iba: ijoke, I naj letoletök iman mejer: kin ial ko aö.

16 Eñin bareinwõt e naj men in lomor iö, bwe juön armij e nana e jamin itok iman.

17 Komin kanuij roñjake aö konono, im nan ko aö ren ber i lojiliñemi.

18 Komin lo kiö, emwij aö karök nan ko aö; I jela bwe I wānik.

19 Wōn eo e naj akwaile iö? bwe I naj kar kejeklokjen im kötlok aö.

20 Men kein wõt ruo Kwon jab kōmōn ñön iö; inem I jamin tilekek jen mejōm:

21 Kwon bök peöm etolok jen ña; im lelññoñ kin Kwe en jab kemjök iö.

22 Inem Kwon kir, im I naj uak; a Kwon likit bwe in konono, im Kwon uak iö.

23 Jete bwir im jerawiwi ko aö? Kwon kōmōn bwe in jela aö bwir im aö jerawiwi.

24 Etke Kwoj binej turin mejōm, im likit iö dri kijiräte Yuk?

25 Kwo naj kejjorran juōn bwilik ej belbēl ke? im Kwo naj lukworkwor menoknok emōrā ke?

26 Bwe Kwoj jeje men ko re meo nae iō, im kōmōn bwe in jolit bwir ko aō ke I ar inono:

27 Kwoj likit neiō bareinwōt ilo alal ko, im kakōleik ial ko otemjej aō; Kwoj na belakin jetñakin neiō:

28 Meñe ña einwōt juōn men emor im ej ijjurwewe, einwōt juōn nuknuk drile e ar kōñe.

14 Armij, eo ej lotak jen kōra, reit wōt ran ko an, im rej obrōk kin jorran.

2 Ej walok¹ einwōt leen mar, im rej bukwelok: bareinwōt ej ko einwōt juōn ellur, im jab berwōt.

3 Im Kwoj kabellok mejōm ion juōn einwōt, im bōktok iō ilo ekajet ibōm ke?

4 Wōn e maroñ in bōktok juōn men erreō jen eo etton? ejelok juōn.

5 Bwe emwij kajejit jemlokōn ran ko an, oran aliñ ko an ibōm, im Kwar na belakin im e ban elālok jen e;

6 Inem Kwon reilok jen e, bwe en maroñ in kakiije, mae ien an kamwijlok, einwōt juōn dri jerbal, kin ran eo an.

7 Bwe eor kōtōmene kin juōn wiji, elañe emwij juokwe, bwe en bar edrek, im jul eo an e ub e jamin joko.

8 Meñe okran ej aimerlok ilo lōl, im kñan e mij ilo briji;

9 Mekarta, kin bwin dren e naj eoñ, in kōmōn ran einwōt juōn mar.

10 A armij ej mij, im rej likit e ijo ilōl: aet, armij ej kōtlok an, inem ej ber ia?

11 Einwōt dren ko re joko jen lo-meto, im river eo eriklok im mōrālok;

12 Ein drein armij ej babu im jab bar jerkak: mae ien e joko lōñ ko, re jamin ruj, im jamin kworuj ir jen air kiki.

13 O emōn Kwon noj iō ilo Hedis, im kejbārok iō ilo etino mae ien an

mirlok Am illu, im kajejit ñōn iō juōn ien, im kememej iō!

14 Elañe juōn armij e mij, e naj bar mour ke? aolepen ran in aō tōrinae I naj kōtar, mae ien kōtlok iō.

15 Kwo naj kar kir im I naj uak Yuk: Kwo naj kar kōnan men in kōmōn an peōm.

16 A kiō Kwoj bwine jetñakin neiō: Kwo jab kejjare aō bwir ke?

17 Emwij sil jerawiwi eo aō ilo juōn bōjo, im Kwoj lukwoj wōt aō jab wānik.

18 A tol eo ej buñ e jokolok: im emwij kamōkit dreka jen jikin;

19 Dren ko rej kōñi dreka ko; jōbblok ko an rej kwolilok bōñōlñōl in lōl: ein drein Kwoj kokkure kōtōmene an armij.

20 Kwoj bōk anjo jen e, inem ej ilok; Kwoj ukot mōren, im jilkinlok e.

21 Ro nejin rej tōbar men in nebar, im e jaje kake; im emwij kōtaik ir, a e jab lo.

22 A kōniekin ej metōk wōt, im an iloan ej liājlol.

15 Inem Elipaz dri Timan, e ar uak im ba,

2 Juōn armij dri meletlet en uak ke kin jelalokjen e wan, im mōke kobrōk e kin kōto jen rear?

3 En kwalok an bebe kin konono ejelok tokjen, ak kin nan ko e ban kōmōn emōn kake ke?

4 Aet, kwoj kōmōn bwe en joko mijōk, im kwoj bōprae an armij jar ñōn Anij.

5 Bwe am jab wānik ej katakin loñōm, im kwoj kālet loen ro dri jela mon.

6 Loñōm wōt ej liakelok yuk, im jab ña; aet, tiōm rej kennan nae yuk.

7 Kwe armij eo e lotak moktata ke? ak emwij keutak yuk mokta jen tol ko ke?

8 Kwe kwar roñjake¹ bebe etino an Anij ke? im kwoj mōke kameletlet yuk ke?

9 Ta eo kwo jela im kim jaje kake? ta eo kwoj melele im e jab ilo kim?

10 Ibem eor armij e uōn, im ro re kanuij ridto, ro e laplok air bwijwōlā jen jemōm.

11 Men in kainemōn ko jen Anij redrik ñōn kwe, im nan ko re biruru ñōn kwe ke?

12 Etke buruōm ej bōklok yuk? im etke e rōmrōm mejōm,

13 Bwe am en bepjilmae Anij, im likit kwe nan ko ren ilok jen loñōm ke?

14 Ta armij, bwe en kwojarjar? im eo e lotak jen kōra bwe en wānik?

15 Lo, E jab liki ro An ro kwojarjar: aet, loñ ko re jab erre o iman mejen:

16 E nañin driklok juōn ej men in jōjōik im etton, juōn armij ej irak jab wānik einwōt dren!

17 I naj kwalok ñōn kwe, kwon roñjake iō; im men eo I ar lo I naj ba kake:

18 (Eo ro dri meletlet rar konono jen ro jimair, im rar jab noje;

19 Ro wōt ar lelok ene ñōn ir, im ejelok drua maijet e ar itoitōk ibeir):

20 ¹Armij dri nana ej mejōljōllok ran otemjej, aet, ora: yiō ko emwij kapojōk ñōn dri kejjorran eo.

21 Ainiken lelñōñ ko i lojiliñin; ilo jerammōn dri kokkure e naj itok ion.

22 E jab tōmak bwe e naj jeblaktok jen marok, im bwe jāji eo ej kōtar e.

23 Ej jebwābwe bwe en bukot bred, im e ba, Ej ber ia? e jela bwe ran in marok e rerelok im ebak ñōn e.

24 Jorran im iñtan rej kemjōk e; rej bōk anjo ion, einwōt juōn kiñ ej pojōk ñōn tōrinae.

25 Kin ke e ar erlokwe pein nae Anij, im ej jualōñlōñ nae Eo e Kajur Potata;

26 Ej etōr mae im e kijñeñi kenwan, ion mijil in likipijñōk ko An;

27 Bwe e ar kalibubu turin mejen kin an matōk, im kōmōn matōk ilo ibin;

28 Im e ar jokwe ilo jikin kwelok ko mōke ian, im mo ko ejelok armij ej ber ie, im re nañin men in jebeplok.

29 E jamin dri mweie, im mweien e jamin berwōt, im men ko air re jamin berijōke ion lōl.

30 E jamin drioijslok jen marok; urur e naj kamōrālōk ra ko an, im kin loñin Anij, e naj jokolok.

31 En jab liki men bata, im mōke mon e; bwe men in wan e naj wōnan.

32 Naj kōlla aolepen mokta jen ien eo an, im ra ko ran re jamin māroro.

33 E naj jojen grep eo an e jañin kālō einwōt vain eo, im e naj jolok leen einwōt wijki oliv.

34 Bwe jar an ro dri nana e naj jeramel, im kijeek e naj kōñi mo ko imōn lelok wōnan mon.

35 Rej ¹ettaik nana im keutak jab wānik, im burueir ej kapojōk men in mon.

16 Inem Job e ar uak im ba, 2 Emwij aō roñjake elōñ men ko einwōt men kein, komeo otemjej kom dri kainemōn re nana.

3 E naj or jemlokōn nan ko rewan ke? ak ta eo ej biuktōk yuk bwe kwon uak?

4 I naj kar maroñ in konono einwōt kom; elañe kar kom ña, I naj kar maroñ in kobaik nan ko nae kom, im jibolul bōra nae kom.

5 A I naj kar kakajur kom kin loñiō, im kainemōn jen tiō e naj kar kariklok ami iñtan.

6 Meñe ij konono, aō iñtan e jañin lul: im meñe ij kaberber iō, ij aine-mōn kin ta?

7 A kiō E ar kamōk iō: Kwar ke-jebeplok aolepen jar eo aō.

8 Im Kwar jibwe iō, men eo juōn kennan nae iō: im aō mō ej jerkak nae iō, ej kennan ñōn turin meja.

9 Emwij An kekel iō ilo An illu, im matōrtōr iō: E ar kijdreken ñin nae iō, dri kijirāte iō ej jeme mejen ñōn iō.

10 Rar kabellek loñir ñon iō: rar ubrare jibiō kin kinak: rej kweloktok nae iō.

11 Anij ej ketōk iō ñon ro dri nana, im Ej jolok iō ilo pein ro dri jab wānik.

12 Ña I ar ainemōn, inem E ar wobjibloke iō, aet, E ar jibwe kenwaō, im ruje iō; E ar bareinwōt kajutōk iō ñon laruke.

13 Ro An dri libon rej kabol io; Ej bukwe ibiō, im E jab tiriamokake; Ej lutōklok atiō ion brij.

14 Ej rujruj iō; Ej etōr mae iō einwōt juōn armij e kajur.

15 Emwij aō keke nuknuk eklep iren ion kiliō, im I ar katton drun eo aō ilo bōñōlñōl.

16 Turin meja e kilmir kin aō jōñ, im ilo kilin meja, anōñin mij;

17 Meñe ejelok kokkure ilo peiō, im erreō jar eo aō.

18 O lōl, kwon jab kalibubu bōtōk-tōkiō, im jab lelok jikin kakiye ñon aō lamij.

19 Kiō wōt, lo, aō men in kennan ej ilo lōñ ko, im Eo ej kamol iō E utiej.

20 Ro jera rej kajirere kake iō: a meja ej lutōklok dren ñon Anij,

21 Bwe En kejbārok wānik an juōn armij iben Anij, im an juōn nejin armij iben dri turin!

22 Bwe ñe emwij an itok eit wōt yiō, I naj ilok ilo juōn ial im jamin jeblak jen e.

17 Aō etōp, ran ko aō re mat im joko, lūp eo e rerelok ñon iō.

2 Emol eor dri kajirere iba, im meja ej ber im lo air kakitōtō.

3 Kiō Kwon letok juōn muri, Kwe kwon men in kamol ikōtarro; wōn eo en kōnan kapjere peiō?

4 Bwe emwij Am binej burueir jen jelalokjen: kin men in Kwo jamin koutiej ir.

5 Eo ej kinaklok ro jeran ñon ro dri rakim, mejen ro nejin re naj tōplok.

6 A E ar kōmōn iō nan in kajirere

iben armij rōn, im rej iyeloke turin meja.

7 Meja bareinwōt etōp kin buromōj, im ra ko raō otemjej einwōt juōn ellur.

8 Armij re jime rej bwilōñ kin men in, im eo ejelok ruōn e naj mōke biuktōk e nae ro dri nana.

9 Mekarta, eo dru wānik e naj etal wōt ilo ial eo an, im eo erreō pein e naj kajurlok im kajurlok.

10 A kin kom otemjej, kiō komin bar itok; im I jamin lo juōn armij dri meletlet ibemi.

11 Ran ko aō re joko, emwij ruprup bebe ko aō, aet lemnok ko wōt ilo buruō.

12 Rej ukot boñ bwe en ran: maram, re ba, ej ebak ñon marok.

13 Elañe ij bukot Hedis einwōt mweo imō: elañe I ar erlokwe kiniō ilo marok;

14 Elañe I ar ba ñon wabōnbōn, Kwe jema; im ñon likakrōk eo, Kwe jinō, im jeiō kōra;

15 Inem ewi aō kejatirikrik? im kin aō kōtōmene, wōn eo e naj loe?

16 E naj wōnlōllok ñon alal ko ken binej Hedis, elañe juōn ien e naj or kakiye ilo bōñōlñōl.

18 Inem Bildad dri Shua e ar uak im ba,

2 Ietoñ ami naj kabukot nan ko? kwon kalomōnllokjen, im tokelik kim naj konono.

3 Etke emwij likit kim einwōt kiru ko, im kimin etton iman mejōm?

4 Kwe kwoj mōke kekel yuk ilo am illu, ren illok jen lōl in kin kwe ke? ak naj kamōkit ejman eo jen jikin ke?

5 Aet, naj kwune ¹maram an eo dri nana, im urur an kijeek eo an, e jamin romak.

6 Maram ilo mweo imōn e naj maram, im naj kwune lamp eo an iturin.

7 Jetñakin kajur eo an e naj airik, im bebe eo an, naj jolōllok e.

8 Bwe emwij jolok e na ilo juōn ok kin neen, im ej etetal ion aluk ko.

9 Juōn jen e naj jibwe e kin jimwin neen, im juōn aluk e naj aluk e.

10 Ar noje juōn jen nōn e ilo brij, im juōn aluk nōn e ilo ial eo.

11 Lelñōñ ko re naj kemjōk e ijo-ko otemjej, im re naj lukworkwor e iturin jimwin neen.

12 Kajur eo an e naj joko kin kwuli, im jorran e naj rereklok iturin.

13 Naj kōñi ra ko ran enbwinin, aet, manjien mij, e naj kōñi ra ko ran.

14 Naj kōtepi jen mweo imōn, eo ej liki; im naj bōklok e nōn iben kiñ eo e kammijōk.

15 Eo e jab an e naj jokwe ilo mweo imōn: naj kijibliklik brimston ion mweo imōn.

16 Okran re naj mōrāllok iomin, im ilōñin naj bukwelok ra ko ran.

17 Ememej e e naj joko jen lōl, im e naj ejelok etan ilo ial eo.

18 Naj ubakelok e jen maram nōn marok, im naj lujeljelilok e jen lōl in.

19 E naj e jelok nejın man, ak jibwin iben ro an dri ailñ, im ejelok juōn e naj berwōt ijo e ar itoitōk ie.

20 Ro rej ilikin re naj bwilōñ kin ran eo an, einwōt ro rar mokta jen e rar lelñōñ wōt.

21 Emol ein drein mo ko imōn dri jab wānik, im eñin jikin armij eo e jab jela Anij.

19 Inem Job e ar uak im ba, 2 Ietoñ ami naj añte iō, im ruje iō ilo mōtōn ko kin nan ko?

3 Kiō alen joñoul ami kinak iō: komij jab jok kin ami kōmōn bin nōn iō.

4 Im elañe emol bwe I ar jebwābwe, aō bwir ej ber iba wōt.

5 Elañe emol ami naj koutiej kom nae iō, im kwalok nae iō aō men in kinak;

6 Inem komin jela bwe Anij e ar jolōllok iō, im E ar kabol iō kin ok eo An.

7 Lo, ij lamij kin kōmōn nana, im jab eoroñ iō: ij lamij kin jibōñ, a e ejelok ekajet.

8 Emwij An worwor aō ial, inem I

ban kijone, im E ar likit marok ilo ial ko aō.

9 E ar wutik jen iō aibujuij eo aō, im E ar bōk bokrōnat jen bōra.

10 E ar rujruj iō ituriō otemjej, im ña I joko; im E ar kōtepi aō keja-trikrik einwōt juōn wijki.

11 E ar bareinwōt kejo An illu nae iō, im Ej likit iō nōn E, einwōt juōn ian ro dri kijirāte E.

12 Jar in tōrinae ko An rej jimor itok, im rej kōmōn air ial nae iō, im rej nitbwile mweo imō.

13 E ar katoanlok ro jeiō im jātīō jen iō, im ro re jela kajīō rej einwōt ro drua maijet.

14 Ro nuku rar likjōp jen ña, im rc jera rar meloklok iō.

15 Ro rej jokwe ilo mweo imō, ro dri korijera kōra, rej likit iō juōn drua maijet: ña ij drua maijet iman mejeir.

16 Ij kir nōn leo korijera, im e jab uak, meñe ij akwelap nōn e kin loñiō.

17 Aō menonon ej men in jōjōik nōn lio beliō, im akwelap ko aō nōn ro inen lojiō.

18 Im ajiri redrik rej kejekron iō; elañe ij jerkak rej konono nae iō.

19 Ro jera otemjej rej drike iō, im ro I kar yokwe ir rej oktōk nae iō.

20 Dri ko driō rej edrep nōn kiliō im kōniekiō, im emwij aō ko kin kilin ñi ko ñiō.

21 Komin tiriamokake iō, komeo ro jera, bwe pein Anij e ar uñir iō.

22 Etke komij matōrtōr iō einwōt Anij, im kom jab jokōne kin kōniekiō?

23 O emōn elañe emwij jeje kiō nan ko aō! O emōn elañe emwij je ir ilo juōn buk!

24 Bwe kin juōn ken jeje māl im led re naj jekjeki ilo dreka nōn in driō!

25 A kin ña, I jela bwe aō dri Lomor ej mour wōt, im ien eliktata E naj jutōk ion lōl in:

26 Im elikin an joko kiliō, im enbwiniō in e joko, ñe ejelok kōniekiō, 1 I naj lo Anij;

27 Eo ña, aet ña, I naj ñoe kin nā mōke, im meja re naj loe, im jab einwōt drua maijet. Ejokolok buruō ilo ña.

28 Elañe kom ba, Ekijkan ar naj matōrtōr E! im bwe emwij lo okran men eo ilo ña;

29 Komin jab mijōk jāji eo: bwe illu ej bōktok joñōn kwotōn ko an jāji, bwe komin jela bwe eor ekajet.

20 Inem Zopar dri Neamat e ar uak im ba,

2 Kin men in, lemnok ko aō rej uak iō, kin kijorur eo ej ilo ña.

3 I ar roñjake nan in kowe ej kajok iō; im jītōb ōn jelalokjen eo aō ej uak ñōn iō.

4 Kwo jab jela men in jen etto ke, elikin likit armij ion lōl in,

5 Bwe jualōñlōñ an ro dri nana ej ñōn jirik wōt ien, im lōñliñ an ro dri jab wānik ej ñōn jirik wōt ien?

6 Meñe utiejen ej liñlok ñōn lōñ ko, im bōran ej tōbar kōro ko;

7 Mekarta, e naj joko ñōn in drio einwōt toeōkin: ro rar loe re naj ba, Ej ber ia?

8 E naj kālok einwōt juōn tōnak, inem re jamin loe: aet, naj lukworkwor e ñōn etolok einwōt visōn ilo boñ.

9 Mej eo e ar loe e jamin bar loe: im jikin eo an e jamin bar reilok ñōn e.

10 Ro nejin re naj bukot joi jien ro dri jeramel, im pein e naj bar kejeblak mweien.

11 Dri ko drin re obrōk kin ien an likao, a e naj babu iben ilo bōñlōñlōl eo.

12 Meñe nana ej¹ tōñlōl i loñin, meñe ej noje iomin loen,

13 Meñe ej tiriāmo, im jab kōnan kōtlok e, a ej drebij e wōt ilo loñin;

14 Ijoke, kijen ilo lojen ej ein juōn, ej at in serpent ko iloan.

15 E ar warōñlok mweuiuk ko, im e naj bar mwojaki; Anij e naj jolok ir jen lojen.

16 E naj ninnin uno in karek an serpent ko: loen vaiper e naj mōn e.

17 E jamin reilok ñōn river ko, river ko rej torlok kin nōnni im but-ter.

18 Men eo e ar jerbāl kake e naj bar lelok im jab warōñlok e; ekar ñōn mweuiuk ko e ar bōk e, e jamin lōñliñ.

19 Bwe e ar kejjorran im illok jen ro dri jeramel, e ar bōk juōn im kin kajur, im e jamin kalek e.

20 Kin an jab jela ainemōn iloan, e jamin kaurōk jabrewōt ian men ko ej mōñōnō kake.

21 Ejelok ej berwōt im e ar jab kōñi; kin men in, jerammōn eo an e jamin berwōt.

22 Ilo an obrōk im bwe, e naj jorran: pein jabrewōt eo ej iñtan e naj itok ion.

23 Ñe e kōnan kōne lojen, Anij e naj jolok bwil in illu eo An na ion, im E naj kowut e ion, ke ej mōña wōt.

24 E naj ko jen ken tōrinae māl, im libon jinibōrōrō e naj wākare.

25 Ej lekake, im ej walok jen enbwinin, aet, jabōn e jatōltil ej itok jen atin: ken kalelñōñ rej ion.

26 Emwij kejbārok aolepen marok ñōn mweuiuk ko mweien; juōn ki-jeek armij e jab ukwi e naj kōñe: e naj tile men eo ej berwōt ilo mweo imōn.

27 Lōñ ko re naj kwalok bwir eo an, im lōl e naj jerkak nae e.

28 Lōñlok an mweo imōn e naj joko: mweuiuk ko mweien re naj torlok ilo ran in illu eo an.

29 Eñin kij eo an juōn armij e jab wānik jen Anij, im men in jolit emwij likit e ñōn e kin Anij.

21 Inem Job e ar uak im ba, 2 Komin kanuij eoroñ aō konono: im men kein men in kainemōn kom.

3 Komin kōtlok iō, inem ña I naj bareinwōt konono; im ñe emwij aō konono, komin kajirere wōt.

4 Kin ña, aō lotan ej ñōn armij ke? im etke in jab inebata?

5 Komin reitok ñōn iō im bwilōñ kake, im likit peñmi na ion loñemi.

6 Ke I kememej wōt aŋte iō, im lelñoñ ej jibwe kōniekiō.

7 Etke ro re jab wānik rej mour, im bwijwōlālok, aet, kajurlok ilo air maroñ?

8 Emwij kabin ineir ibeir, im ro nejir iman mejeir.

9 Mo ko imweir rej jokwōr jen mi-jōk, im ken kaje an Anij e jab ioir.

10 Kau koman eo air ej kaine im jab likjōp, kau kokōra eo air ej neje, im jab jolok kon eo.

11 Rej jilkinlok ajiri ro joweir einwōt juōn bwij, im ro nejir rej eep.

12 Rej al iben timbrel im arp, im rej mōnōnō kin ainiken paip.

13 Rej mour ran ko air ilo jerammōn, im ilo juōn minit rej wōnlōllok nōn Hedis.

14 Im rej ba nōn Anij, Kwon illok jen ibem: bwe kim jab kōnan jela kake ial ko Am.

15 Ta eo Dri Kajur Potata, bwe kimin korijer nōn E? im ewi tokjen ibem elañe kim jar nōn E?

16 Lo, jerammōn eo air e jab ilo peir, bebe an ro re jab wānik ej etolok jen ña.

17 Jete alen an kwun lamp eo an ro dri nana? bwe ¹air iñtan ej itok ioir? im Anij ej kajulok buromōj ko ilo An illu?

18 Rej einwōt menoknok iman kōto, im einwōt kilin wit eo lañ ej bōkloke.

19 Komij ba, Anij ej kejbārok jab wānik eo an, nōn ro nejin. En mōke nawōnan e kake, bwe en jela wōt:

20 Mejen ren lo men in kokkure e, im en irak jen illu an Eo e Kajur Potata.

21 Bwe ta eo ej lemnok kake kin mweo imōn tokelik, ñe emwij kajejit oran aliñ ko an?

22 Jabrewōt en katakin Anij jela-lokjen, ñe rej lo An ekajeti ro dri utiej ke?

23 Juōn e ²mij ilo an man kajur, im ej ilo ainemōn im tōt wōt:

24 Bōket ko an relōñ kin milk, im nonnonmej ilo dri ko drin e molawi.

25 Bar juōn e mij ilo an meo, im e jañin erjoñ men eo emōn.

26 Einwōt juōn airro babu ilo bōñōlñōl, im likakrōk ej kalibubu ir.

27 Lo I jela lemnok ko ami, im men in kine ko kom kōnan mon iō kake.

28 Bwe kom ba, Ewi mweo imōn iroi eo? im ewi im nuknuk eo dri nana eo e ar jokwe iloa?

29 Kom ar jab kajitōk iben ro dri itoitōk ke? im kom jab jela air nan in kamol,

30 Bwe emwij ¹kejbārok armij e nana nōn ran in jorran ke? bwe naj añinlok ir nōn ran in illu ke?

31 Wōn e naj kwalok ial eo an iman mejen? im wōn e naj nawōnan nōn e men eo e ar kōmōne?

32 Ijoke, naj ineklok e nōn lūp eo, im armij re naj lale wuliej eo.

33 Mōtōn brij ko re ñuñ re naj emōn nōn e, im armij otemjej re naj etal lore, einwōt elōñ jen bwine ir ro rar mokta jen e.

34 Inem ekijkan ami kainemōn bata iō, bwe ilo ami nan in uak, riōp wōt?

22 Inem Elipaz dri Timan, e ar uak im ba,

2 Juōn armij e ²maroñ in or tokjen nōn Anij ke? emol eo dri meletlet ej or tokjen nōn e mōke.

3 Ej men in kabuñburuen Eo e Kajur Potata, bwe kwo wānik ke? ak ej men in jibarek iben ke? ñe kwoj kowāppen ial ko am?

4 Unin An eniok yuk kin am mijōk E, im Ej dreloñ ibōm ilo men in ekajet ke?

5 Am nana e jab lap ke? im ejelok jemlokōn jab wānik ko am.

6 Bwe kwar bōk jen jeōm im jātōm ken kamol ko im ejelok eamtōn, im kwar wutik nuknuk ko air jen ro dri kelwan.

7 Kwar jab ³lelok dren nōn ro dri mōk bwe ren irak, im kwar drebij bred jen ro dri kwuli.

8 A kin armij eo e kajur, lōl e kar an; im eo rej koutiej e, ej jokwe iloa.

9 Bwe kwar jilkinlok kōra ro e joko beleir im ejelok ibeir, im emwij ruji pā ko pein ro ejelok jemeir.

10 Kin men in aluk ko rej kabol yuk, im mijōk eiriñ ej biuktōke yuk,

11 Ak marok, inem kwo jab maroñ in lolokjen, im dren ko relōñ rej kali-bubu yuk.

12 Anij e jab ilo utiejen lōñ ko ke? im kwon lale utiejen iju ko, re nañin utiej wōt!

13 Inem kwoj ba, Ta eo Anij e jela kake? E maroñ in ekajet ilujen kabin marok ke?

14 Kōro ko re mijil rej ken kali-bubu E, inem E jab lo; im Ej etetal ion ial in mejatoto.

15 Kwo naj kejbārok ¹ial in etto ijo armij re nana rar juri ke?

16 Emwij jibwe ir mokta jen air ien, im lutōk loñtair einwōt juōn river,

17 Ro rar ba ñōn Anij, Kwon illok jen kim; im, Ta eo Dri Utiejtata E maroñ in kōmōn ñōn kim?

18 Ijoke, E ar kobrōk mo ko im-weir kin men ko remōn: a bebe an ro re nana ej etolok jen nā.

19 Ro dri wānik rej loe inem re mōnōnō; im ro ejelok rueir rej kajirere kake,

20 Im re ba, Emol emwij bukwelok ro rar jutōk nae kim, im ro bweir, kijeek e ar kokkure ir.

21 Kwon jela kin E, im ber ilo ainemōn, inem men eo emōn e naj iwij ñōn ibōm.

22 Ij kajitōk ibōm, bwe kwon bōk kien eo jen loñin, im likit nan ko An ilo buruōm.

23 Elañe kwoj jeblak ñōn iben Eo e Kajur Potata, ²naj kalek yuk, im elañe kwoj jolok jab wānik etolok jen mo ko imōm.

24 Im kwon likit mweiuk ko mweiōm ion brij, im gold jen Opir iben dreka ko ilo river ko;

25 Im Eo e Kajur Potata E naj mweiōm, im silver e aurōk ñōn kwe.

26 Bwe ien eo kwo naj mōnōnō

kake Eo e Kajur Potata, im kwo naj maroñ in jerliñlok ñōn Anij.

27 Kwo naj jar ñōn E, im E naj eoroñ yuk; im kwo naj kamol kanōj-nij ko am.

28 Kwo naj bareinwōt bebeik juōn men, im naj kabin e ñōn yuk; im maram e naj romak ilo ial ko am.

29 Ñe re naj jolōllok yuk, kwo naj ba, Eor leliñlok; im E naj lomor armij eo e etā.

30 E naj lomoren eo eor ruōn: aet, naj lomoren e kin pā ko peōm rereo.

23 Inem Job e ar uak im ba, 2 Ranin wōt aō lotan ej men in kabata: men in ubrare iō erro jen aō ñir.

3 O I kōnan jela ewi ijo in maroñ in lo E! bwe in maroñ in ilok ñōn jikin jijōt eo An!

4 In kilajrōk nan ko aō iman, im kobrōk loñiō kin nan in aituirōk ko.

5 I naj jela nan ko E naj uak iō kake, im melele ot E naj ba ñōn iō.

6 E naj akwaile iō ilo An kajur elap ke? Jab; a E naj eoroñ iō.

7 Ijo ro re wānik re naj maroñ in kalomōnlokjen iben: ein drein naj lomor iō ñōn in drio jen dri ekajete iō.

8 Lo, ij wōnmanlok, a E jab ijo; im jenliklok, a I jab maroñ in lo E.

9 I anmiñ, ke Ej jerbal, a E joko: Ej tilekek i anbijmaroñiō, bwe in ban lo E.

10 A E¹ jela ial eo ij etal ie; ñe emwij An melejoñ iō, I naj walok einwōt gold.

11 Neiō e ar anak jetñakin neen; I ar etal wōt ilo ial eo An im jab jeorlok.

12 I ar jab kāliklok jen kien tien; elaplok aō kejbārok nan ko jen loñin bwe ren kabinoka, jen kijiō.

13 A Ej in jellen wōt juōn, im wōn e maroñ in ukot E? im men eo An ej kōnan, eñin ej kōmōne.

14 Bwe Ej kōmōn men eo emwij likite ñōn ña: im elōñ men ko eirwōt rej iben.

15 Kin men in ij lelñoñ kin An ber iba; ke ij kalomñlokjen, ij mijōk E.

16 Bwe Anij e ar kōmōn bwe buruō en barōk, im Eo e Kajur Potata E ar kemjōk iō;

17 Bwe ar jab bukwelok iō mokta jen marok eo, im E ar jab kalibubu marok jiliñliñ jen meja.

24 Etke ar jab likit ien ko kin Eo e Kajur Potata? im etke ro re jela E, re jab lo ran ko An?

2 Eor ro rej ikir kōtan wāto ko; rej ¹bōklok bwij ko kin kajur, im najiriki.

3 Rej āninlok ass an ro ejelok jemeir; rej bōk ox an kōra eo e joko belen, men in kamol.

4 Rej kejeorlok ro dri aikwij jen ial eo: ro dri jeramel otemjej an lōl rej tilekek.

5 Lo, einwōt ass ko rawia i ene jemaren, rej drioielok ñōn air jerbal, im kanuij kabukot kijeir; ene jemaren eo ej lelok ñōn ir bred ñōn ro nejir.

6 Rej bukwe kijeir ilo jikin kallip eo; im rej kōlōruk leen vain an ro re nana.

7 Rej babu aolepen boñ im kelwan, im ejelok kojir ilo ien e bio.

8 Reu kin wutrikrik jen tol ko, im rej jiburlep ejman bwe ejelok imweir.

9 Eor ro rej kekake niñniñ eo e joko jemen jen ninnin ko, im bōk ken kamol jen ro dri jeramel;

10 Inem re kelwan im itoitōk, im rej ineklok tir in korn ilo air kwuli.

11 Rej kōmōnmōn oil illoan worwor ko an armij rein; rej juri air ken joniōk ko, im re maro.

12 Jen illoan jikin kwelok eo elōñ dri jokwe, armij rej ñir, im an ro emwij kakinijnij ir ej lamij: ijoke Anij e jab lemnok kin men in bwebwe eo.

13 Rein ian ro rej kabata nae maram eo; re jab jela ial ko an, im jab berwōt ilo jikin etetal ko an.

14 Dri urōte ej jerkak ke e ran-tak; ej mōn ro dri jeramel im dri aik-

wij; im ilo boñ ej einwōt juōn dri kwot.

15 Mejen leo dri lūñ ej kōtar jota, im ej ba, Ejelok mej e naj lo iō; im ej kejakilkil turin mejen.

16 Ke e marok rej ¹kōblok ñōn loan mo ko, ko rar kakōle ñōn ir mōke ke e ran; re jab jela kake maram.

17 Bwe jiboñ ñōn ir otemjej einwōt marok jiliñliñ; bwe re jela men in kalelñoñ ko an kabin marok.

18 E jarōpmōkōj air ilok ion mejen dren ko; air jolit men in jerata ilo lōl: re jab jeorlok ilo ial in bwil in grep ko.

19 Dret im bwil rej kokkure dren ko jen sno: ein drein Hedis ñōn ro emwij air jerawiwi.

20 Loje e naj meloklok e; likakrōk eo e naj kōñe im mōnōnō; jamin bar kememej e; im naj ruje jen wānik einwōt juōn wijki.

21 Ej kōñi dru war eo e jab keutak, im e jab kōmōn emōn ñōn lio e joko belen.

22 Mekarta, Anij ej kejbārok ro dri kajur kin kajur eq An, Ej kejerkak eo ejelok an kejatirikrik kin an mour.

23 Anij ej lelok ñōn ir bwe ren tōt wōt, im rej atartar ion; im mejen rej ber ion ial ko air.

24 Emwij koutiej ir: jirik wōt ien, inem re joko: aet, emwij kōtaik ir, im bōklok ir jen ial einwōt ro jet, kab bukwelok ir einwōt jabōn ko jabōn uror in korn.

25 Im elañe e jab ein drein kiō, wōn e naj kamol bwe ña dri riōp, im kajitokjen aō in nan?

25 Inem Bildad dri Shua e ar uak im ba,

2 Kajur potata im kokomak rej ber iben; Ej kōmōn ainemōn ilo jikin ko An re utiej.

3 Eor ke oran jar in tōrinae ko An? im wōn eo maram in An e jab romak ion?

4 Inem ekijkan juōn armij e maroñ in ²wānik iben Anij? ak ekijkan an maroñ erreo, eo ej lotak jen kōra?

5 Lo, imaliñ eo ejelok an jatöltil, im iju ko re jab erreo iman mejen:

6 E nañin drik armij, eo e likakrök wöt! im nejin armij, eo ej likakrök!

26 Inem Job e ar uak im ba,
2 O, e nañin lap am jiböñ eo ejelok an maroñ! e nañin lap am lo-moren pein eo ejelok an kajur!

3 O kwar bebeik eo ejelok an met-letlet, im kanuij kwalok jelalokjen emön!

4 Kwar kwalok nan ko ñön wön? im wön eo kwar lelok menono ñön e?

5 Ro re kar mij rej wuririr iomin dren ko im ro rej ber iloan.

6 Hedis ej kelwan iman Anij, im ejelok ken kalibubu Abaddon.

7 Ej erlokwe eañ ilöñin ijo ejelok kobön, im totoik löl ion ejelok men.

8 Ej lukwoj dren ko ilo köro ko An re mijil; im e jab rup köro eo iomir.

9 Ej binej mejen tron eo An, im Ej erlokwe köro eo An ion.

10 E ar likit juön belakin ion me-jen dren ko, ñön jemlokön maram im marok.

11 Jur ko jurön löñ ko rej wuririr, im rej lokjenair kin An kowe.

12 Ej biuktöke lojit kin An kajur, im kin An jelalokjen Ej wäkari Re-hab.

13 Kin Jitöb eo An, emwij kalitlit löñ ko; pein e ar wie serpent eo e mö-köj.

14 Lo, men kein jijidrik in ial ko An, im e nañin drik unojrikrik eo An jej roñjake! a jorur in kajur eo An wöñ e maroñ im melele?

27 Im Job e ar bar kwotöke pa-reböl eo an, im ba,

2 Einwöt Anij e mour, Eo e ar böklök ijo aö, im Eo e Kajur Potata, Eo e ar biuktöke aö;

3 (Bwe aö mour ej iyu wöt ilo en-bwiniö, im jitöb ön Anij ej ilo bodiö);

4 Emol tiö re jamin ba jab wānik, im loö e jamin kwalok men in mon.

5 En etolok jen ña, aö kowānik kom: ñön ien aö mij i jamin jolok aö jime jen ña.

6 I naj drebij aö wānik, im I jamin kötlök e: buruö e jamin kinak iö toön aö mour.

7 Dri kijiräte iö en einwöt eo dri nana, im eo ej loetök nae iö en einwöt dri jab wānik.

8 Bwe ta eo kötmene an dri nana eo, meñe ej korlok mweien, ñe Anij ej böklök an?

9 Anije naj eoroñ an kir E ke,¹ ñe jorran ej itok ion?

10 E naj möñöñ kin Eo e Kajur Potata ke, im kir ñön Anij ien ko otemjej?

11 I naj katakin kom kin pein Anij; men eo iben Anij I jamin noje.

12 Lo, kom otemjej ar loe: inem etke kom ar juwan wöt?

13 Eñin kij an juön armij e nana jen Anij, im men in jolit an ro dri kamakokoik, eo rej bök jen Dri Ka-jur Potata:

14 Elañe ro nejin rej orlok, ej ñön jāi eo: im ajiri ro re jamin māt kin bred.

15 Ro rej berwöt, jen e, naj kali-bwin ir ilo mij, im köra ro e joko be-leir re jamin jöñöt e.

16 Meñe ej ejoi silver einwöt bö-ñöñöñ, im kapoj nuknuk ko einwöt kle;

17 E maroñ in kapojök, a dru wā-nik e naj könöke, im ro ejelok rueir re naj ajej silver eo.

18 Ej kalek mweo imön einwöt kö-töñtöñ, im einwöt imön kabere eo dri lala ej kömönmöne.

19 Ej babu im mweie, a e jamin ber iben ro jiman; ej kablok mejen, inem e joko.

20 Lelñöñ ko rej ibor ñön e einwöt dren ko; juön lañ ej kwot e ilo boñ.

21 Köto jen rear ej böklök e, inem ej ilok; im ej bioke jen jikin.

22 Bwe Anij e naj kare, im jab tiria-mokake: e naj könan ko jen ilo pein.

23 Armij re naj kabok pā nae e, im re naj teorlok e jen jikin.

28 Emol eor roñ ñön silver, im jv-kin gold eo rej karreoik e.

¹ Ken. 1. 27.

2 Rej kōbijtok māl jen lōl, im jini-bōrōrō rej kaunlok jen dreka.

3 Armij ej kajemlok marok, im ej kabukot, nōn ijoko retolok tata, dreka ko retino im in marok jiliñ-liñ.

4 Ej rupe juōn roñ in kōbij, etolok jen ijo armij rej ber ie, ne ej meloklok ir; rej toto etolok jen armij ro, rej jekarto jekartōk.

5 Kin lōl, jen iloan brēd ej walok; im iomin, emwij kōbijlok e, einwōt kin kijeek.

6 Dreka ko an jikin saffair ko, im iloan eor bok gold.

7 Ial eo ejelok bao elej e jela kake, inem mejen igōl e ar jab loe:

8 Kiru ko re jua rar jab jure, im laion elej e ar jab elālok jen e.

9 Ej erlokwe pein nōn dreka ebin; ej ukōji tol ko kin okrair.

10 Ej jekjek ial ko i bwiljin dreka ko; im mejen ej lo jabrewōt men eo e aurōk.

11 Ej lukwōj river ko bwe ren jab torlok, im men eo e nojōk ej kadrioi; e nōn maram.

12 A ¹ewi ijo je naj lo meletlet ie? im ewi jikin jelalokjen?

13 Armij e jab jela wōnan; im jab loe ilo enen ro rej mour.

14 Mulōl ej ba, E jab ilo ña; im lojit ej ba, Ejoko iba.

15 Re ban wiaik e kin gold, im re jamin paun silver nōn wōnan.

16 Re ban nawōnan kin gold jen Opir, ak dreka onix ak saffair.

17 Gold im glas re jab aurōk einwōt, im jamin wiakake kin inōk ko gold emōn.

18 Re jamin konono kin wor ak kristal: aet, wōnan meletlet elap jen rubi ko.

19 Topaz eo jen Itiopia e jamin einwōt, im re jamin likit wōnan gold erre.

20 Inem meletlet ej itok jen ia? im ewi jikin jelalokjen?

21 Bwe emwij noji jen mejen dri mour otemjelok, im kanuij kejbāroke jen bao ko in mejatoto.

22 Kokkure im Mij re ba, Kim ar roñjake juōn nan kin lojiliñem.

23 Anij e jela kake ial eo an, im E jela wōt jikin.

24 Bwe Ej lo nōn jemlokōn ko in lōl, im Ej reilok iomin aolepen lōñ ko;

25 Bwe En kōmōn juōn ken paun nōn kōto eo: aet Ej joñwe dren ko kin ken joñōk.

26 Ke E ar kōmōn juōn kien nōn wut, im juōn ial nōn jarom in jorur eo;

27 Ien eo E ar lo e, im kwalok e; E ar kabin e, aet, im kabukot e wōt.

28 Im nōn armij E ar ba, Lo, ¹mi-jōk Anij, eñin meletlet; im illok jen nana, eñin jelalokjen.

29 Im Job e ar bar kwotōke parebōl eo an, im ba,

2 O e nañin emōn elañe ña ij einwōt ilo aliñ ko mokta, einwōt ilo ran ko ke Anij e ar lale iō;

3 Ke lamp eo An e ar romak ion bōra, im kin maram eo An I ar etal ilo ien marok;

4 Einwōt aō ber im kōmōn ilo enimōn in ran ko ač, ke Anij e ar jeraik mweo imō;

5 Ke Eo e Kajur Potata e ar ber iba, im ro nejiō rar ber ituriō;

6 Ke ar kabit jetñakin neiō kin butter, im dreka eo e ar katorlok nōn iō river in oil!

7 Ke I ar drioi;lok nōn kejem eo nōn jikin kwelok, ke I ar kapojōk aō ken jijōt ilo ial eo,

8 Likao rōn rar lo iō im tilekek, im ridtorōn rar jerkak im jutōk;

9 Iroi; rōn rar kejeklokjen, im likit peir ion loñir;

10 Ainiken bwirōk ro e ar jemlok, im loir e ar edrep nōn ñatir.

11 Bwe ke lojiliñ e ar roñjake iō, inem e ar kejerammōn iō, im ke mej e ar lo iō, e ar kennan nōn iō:

12 Kin aō kar lomoren dri jeramel eo e ar kir, bareinwōt eo e joko jemen, im eo ejelok dri jibōñ e.

13 Kejerammōn an eo e nañin

joko e ar itok iō; im I ar kōmōn bwe buruen lio e joko belen en kākī kin lōñliñ.

14 I ar kōnōk wānik, inem e ar kalibubu iō: aō men in ekajet jime, e ar einwōt juōn kobe im kraun.

15 I ar mejen nōn eo dri bilo, im I ar neen nōn eo dri kirro.

16 I ar jemen nōn eo dri aikwij; im I ar kabukot unin jorran iben eo I ar jaje kake.

17 Im I ar ruje roñōn eo dri jab wānik, im I ar kekake men in jibwe jen nīn.

18 Inem I ar ba, I naj mijilo el eo aō, im I naj korlok ran ko aō einwōt bok:

19 Okraō emwij ererōke nōn dren ko, im molawi ej berwōt aolepen boñ ion raō:

20 Aō aibujuij ej kāl iba, im emwij kōkāl aō libon ilo peiō.

21 Armij rar eoroñ iō im kōtar iō, im rar kejeklokjen nōn bebe eo aō.

22 Elikin nan ko aō, rar jab bar konono; im aō konono e ar wutrikrik ioir.

23 Im rar kōtar iō einwōt wut, im rar walōñi loñir einwōt nōn wut eo elik.

24 I ar tōñkake ir ke rar jab beran; im rar jab jolōllok maram jen turin meja.

25 I ar kālet air ial, im I ar jijōt einwōt iroi, im I ar ber einwōt juōn kiñ ilo jar in tōrinae eo, einwōt juōn armij ej kainemōn ro dri jōñ.

30 A kiō ro jobrik jen nā rej kajirere kake iō, ak ro jemeir I ar kejekron ir, im jab kōnan likit ir iben kiru roror ko an bwij eo aō.

2 Aet, kajur in peir, eor tokjen iba kin ta? armij ro e joko ibeir ke rar man kajur.

3 Re bōj kin aikwij in nīta: rej ajoljol brij emōra, ilo anōñin jemaren im kokkure.

4 Rej kōtepe mar awia iturin jul ko: im okran wijki in ene jemaren kijeir.

5 Emwij ubakelok ir jen bwiljin armij ro; rej lamij elikir einwōt dri kwot;

6 Inem rej jokwe ilo konilōl ko re nana, ilo roñ ko in lōl im dreka ko.

7 Iolapin jul ko rej lamij; rej kweelok iomin mar kuj ko.

8 Ir ro nejn ro dri bwebwe, aet, ro nejn armij re nana; emwij dreñlokwe ir jen eneo.

9 Im kiō nā ij al eo air, aet, ij nan in kejekron ibeir.

10 Rej jōjōik iō, rej jutōk etolok jen nā, im re jab mijōk in iyeloke turin meja.

11 Bwe E ar jelate to eo An, im kejjorran iō; im rar jolok ken drebij ors imaō.

12 I anbijmaroñiō armij rej jerkak; rej tibij neiō, im rej koutiejlok ial in kokkure ko air nae iō.

13 Rej kokkure ial eo aō, rej lemanlok aō jorran, aet armij ro ejelok air dri jibōñ.

14 Rej itok einwōt ilo juōn worwor e rup: ilo tūñtūñ in jorran rej drebillok iō.

15 Emwij ukottok men in lelñōñ iō; rej lukworkwor aō aibujuij einwōt kōto; im aō jerammōn e jokolok einwōt juōn kōro.

16 Im kiō emwij lutōk aō ilo nā; ran ko ran in jorran rar jibwe iō.

17 Dri ko driō rej wie iō ilo boñ, im iñtan ko rej ajole iō re jab kakije.

18 Kin kajur elap an Anij emwij kokkure nuknuk ko aō, Ej lukwoj iō einwōt buruen kobe eo aō.

19 E ar jolōllok iō na ilo birikōt eo, im I ar erom einwōt bōñōñlōl im brij in ubaj.

20 Ij lamij nōn Kwe im kwo jab uak iō: ij jutōk im Kwoj reitok nōn iō.

21 Kwoj erom lej nōn iō; kin kajur in peōm Kwoj matōrtōr iō.

22 Kwoj leliñlok iō nōn kōto, Kwoj kōmōn bwe in uwe ion; im Kwoj biokbioklok iō ilo lañ eo.

23 Bwe I jela bwe Kwo naj āñinlok iō nōn mij, im nōn mweo e pojōk nōn dri mour otemjej.

24 Ijoke, juōn e jab jebokrara ilo

an buñ ke? ak ilo an jorran e jab oor kin men in jibōñ ke?

25 I ar jab jōñōt eo ej ilo jorran ke? aō e ar jab buromōj ke kin eo dri aikwij?

26 Ke I ar kōtōmene kin emōn, inem nana e ar itok; ke I ar kōtar maram, e ar itok marok.

27 Buruō e lokjenaō, im e jab kake; ran ko ran in jorran rar itok iōō.

28 Ij etetal im likajkoko ke e joko al: ij jutōk ilo jar eo im kir kin men in jibōñ.

29 Ña jein im jātin jakol ko, im ij kōmao iben ostrij ko.

30 E kilmej kiliō, im ej wutlok jen ña, im dri ko driō emwij tili kin bwil.

31 Kin men in I ar ukot arp eo aō ñōn jōñ, im paip eo aō ñōn ainiken ro rej jōñ.

31 I ar kōmōn juōn bujen iben meja; inem ekijkan aō maroñ in reilok ñōn juōn virjin?

2 Bwe ta kij eo jen Anij ilōñ, im men in jolit jen Eo e Kajur Potata im E utiej?

3 E jab jorran ñōn ro re jab wānik, im men in jorran ñōn ro rej kōmōn nana ke?

4 E jab ¹kalimjeke ial ko aō, im bwine jetñakin neiō otemjeje ke?

5 Elañe I ar etetal im eor riōp iba, im neiō e ar kijorur in ilok ñōn mon

6 (Ren paun iō kin ken paun e jime, bwe Anij en jela aō wānik);

7 Elañe buñten neiō e ar jeorlok jen ial eo, im buruō e ar etal lore meja im elañe jabrewōt mār e ar edrep ñōn peiō;

8 Inem ña in jeor, im bar juōn en mōña; aet, ren totōki men ko rej edrek ilo aō jikin kallip.

9 Elañe emwij karel buruō ñōn juōn kōra, im I ar kebao ilo kejem in mweco imōn dri turiō;

10 Inem lio beliō en irir ñōn bar juōn, im bar jet armij ren babu iben.

11 Bwe men in juōn bwir elap im kanuij nana; aet, ej juōn bwir ekar ñōn kaje iben ro dri ekajet:

12 Bwe e ¹juōn kijeek ej kokkure ñōn Jorran, im e naj kar kōtep im jolok aolepen aō orlok.

13 Elañe I ar kejekron lotan an dri korijera man ak kōra, ke rar akwaile iō;

14 I naj it ñe Anij e naj jerkak? im ñe E naj itok, ta in uak kake ñōn E?

15 Eo e ar kōmōnmōn iō ilo loje, E ar jab kōmōnmōn e ke? im e jab juōn wōt E ar kōmōnmōn kimro ilo loje ke?

16 Elañe I ar drebij ro dri jeramel jen air kōnan, ak I ar kōmōn bwe mejen lio e joko belen en tōplok,

17 Ak I ar mōña kijiō mōke iaō, im ro e joko jemeir rar jab mōña jen e

18 (Jab, jen ien aō inono e ar ridtolok iba einwōt iben jemen, im I ar tellok lio jen lojen jinō);

19 Elañe I ar lo an joko jabrewōt kin an aikwij nuknuk, ak bwe ro dri aikwij, ejelok ballir;

20 Elañe murin rar jab kejeram-mōn iō, im elañe ar jab kamānān e kin kolan sip ko aō;

21 Elañe I ar kwotōke peiō nae ro e joko jemeir, kin aō kar lo men in jibōñ iō ilo kejem eo:

22 Inem aieraō en tumkok, im peiō en jelellok.

23 Bwe jorran jen Anij ej men in kaleñōñ iō, im kin utiejen e aibujuij, ejelok I maroñ in kōmōn.

24 Elañe I ar kōmōn bwe ²gold aō men in kejatrikrik, im I ar ba ñōn gold eo emōn, Kwe aō men in kōtōmene;

25 Elañe I ar mōnōnō kake an lōñ mweiō, im bwe peiō e ar bōk elōñ;

26 Elañe I ar reilok ñōn al ke e ar romak, ak aliñ ke ej etetal ilo an ja-tōltil,

27 Im emwij karel buruō ilo etino, im loñiō e ar mejenmaik peiō:

28 Men in bareinwōt juōn bwir ro

dri ekajet ren kajeik e; bwe I naj kar karmijete Anij eo iloñ.

29 Elañe I ar mōnōnō kin jorran an eo e ar kijirāte iō, ak koutiej iō mōke ke nana e ar lo e,

30 (Aet, I ar jab likit loñiō bwe en bwir kin an kole bwe en mi¹):

31 Elañe armij ro ilo mweo imō rar jab ba, Wōn e maroñ in lo juōn e jab māt kin ekōn ko an?

32 (Eo dri itoitōk e ar jab kiki ilo ial eo; a I ar kabellek kejem ko aō ñōn dri etetal);

33 Elañe einwōt Adam, I ar kali-bubu jerawiwi ko aō, kin noj jab wānik ko aō ilo ubō,

34 Kin aō mijōk jar eo elap, im drike an bwij ko e ar kemjōk iō, bwe in ikōñ im jab drioiĵlok jen kejem—

35 O elañe juōn iba bwe en roñjake iō! (lo, eñin wāwen eta, Eo e Kajur Potata en uak iō), im en iba nan in kinaklok eo ro dri kijirāte iō rar jeje!

36 Emol I naj bōklok e ion aieraō; I naj kar belik e:

37 I naj kar kwalok ñōn E oran buñiten neiō; einwōt juōn iroiĵ e naj kar kebaklok ñōn iben.

38 Elañe eneo eniō ej lamij nae iō, im jukur ko an rej jimor jōñ;

39 Elañe I ar mōña leen ko an im ejelok mōnni wōnan, ak I ar kōmōn bwe ro drinneĵ ren mij:

40 Inem kālīklik ko ren edrek im bineĵ jenkwōn wit, im mar bōĵik en bineĵ jenkwōn barli.

Emwij nan ko an Job.

32 Ein drein lōmaroĵil re jolok air uak Job, bwe e wānik iman mejen. 2 Inem e bwil illu an Ilaihu nejn Barekel dri Buz, ian ro nukin Ram: ar kejo illu eo an nae Job kin an mōke kowānik e, im jab Anij. 3 Bareinwōt e bwil illu eo an nae lōmaroĵil jeran Job, bwe rar jab lo juōn nan in uak, iĵoke rar liakelok Job. 4 Ak Ilaihu e ar jinliki an konono ñōn Job, bwe irĵil re ridto jen e. 5 Im ke Ilaihu e ar lo bwe ejelok nan in uak ilo loñirĵil, e bwil illu eo an.

6 Im Ilaihu nejn Barekel dri Buz,

e ar uak im ba, ña man ladrik im kom bwijwōlā; kin men in I ar lelñōñ im mijōk in kwalok aō lemnok.

7 I ar ba, Emōn bwe ran ko ren konono, im yiō ko relōñ ren katakin kij meletlet.

8 A eor ĵitōb iloan armij, im meno-noñ Eo e Kajur Potata ej lelok ñōn ir jelalokjen.

9 E jab¹ ro re utiej wōt re jela meletlet, e jab ridto ro wōt re jela ekajet ĵime.

10 Kin men in I ar ba, Komin roñjake iō; ña I naj bareinwōt kwalok aō lemnok.

11 Lo, I ar kōtar nan ko ami, I ar eoroñ ami nan in kemelele, ke kom ar bukot ta eo komin ba.

12 Aet, I ar eoroñ komĵil, im ejelok juōn e ar naruōn Job, ak uak nan ko an iami.

13 Lale kom ar ba, Kim ar lo meletlet; Anij e maroñ in bōk anjo jen e, im jab armij:

14 Bwe e ar jab kwalok nan ko an nae iō; im I jamin uak e kin nan ko ami.

15 Reĵ bwilōñ, re jab bar uak; ejelok juōn nan ibeir bwe ren konono kake.

16 Im ña in kōtar wōt, kin air jab konono, kin air bwijrōk, im jab bar uak ke?

17 Ña I naj bareinwōt uak kin iĵo aō, ña in bareinwōt kwalok aō lemnok.

18 Bwe iĵ obrōk kin nan ko; ĵitōb eo ilo aō e kijirĵir.

19 Lo, ubō ej einwōt wain ej uwe im ejelok roñ, einwōt boto in wain ekāl e kōnan rup.

20 I naj konono bwe in aimlolo; I naj kabellek tiō im uak.

21 Iĵ kajitōk ibōm, bwe in jab kabwiloklok jabrewōt mej; im I jamin lelok nan ko retao ñōn jabrewōt armij.

22 Bwe I jaje lelok nan in etaōik armij; elañe jab, Eo Dri Kōmōnmōn iō E naj bōklok iō mōkōĵ.

33 Ijoke, Job, ij akwelap ñõnyuk, bwe kwon roñjake aõ in nan, im eoroñ nan ko otemjej aõ.

2 Lo, kiõ, emwij aõ kabbellok loñiõ, loõ e ar konono i loñiõ.

3 Nan ko aõ re naj kwalok wānik an buruõ; im men ko tiõ re jela, re naj konono ilo mol.

4 Jitõb õn Anij e ar kōmōnmōn iõ, im menonoõn Eo e Kajur Potata ej letok mour.

5 Elañe kwo maroñ kake, kwon uak iõ; kwon kilajrõk nan ko am imaõ, kwon wōnmantok im jutõk.

6 Lo, ña ij iman Anij einwõt kwe: ña bareinwõt, emwij kōmōn iõ jen kle.

7 Lo, aõ kokomak e jamin mijõk yuk, im ao kobar yuk e jamin erro.

8 Emol emwij am konono i lojili-ñiõ, im I ar roñjake ainiken am in nan, im kwar ba,

9 Ña ij erreõ, im ejelok bwir iba; ejelok ruõ, im ejelok nana ilo ña;

10 Lo, Ej lo un ko unin illu iba, Ej likit iõ einwõt juõn An dri kijirāt;

11 Ej likit neiõ ilo ken kabab, Ej kakõleik ial ko aõ otemjej.

12 Lo, I naj uak ñõn kwe, ilo men in kwo jab wānik; bwe Anij elap jen armij.

13 Etke kwoj akwaile E, kin An jab lewoj nan kin jabrewõt men eo An?

14 Bwe Anij ej konono juõn alen, aet ruo alen, meñe armij e jab lem-nok kake.

15 Ilo juõn tōnak, ilo juõn visõn ilo boñ, ke kiki mitoñ ej buñlok na ion armij rōn, ilo ien kiki ion jikin babu;

16 Ien eo Ej kabbellok lojiliñin armij ro, im sil ñõn ir air nan in katak,

17 Bwe En kekake armij jen bebe eo an, im noj jua jen armij;

18 Ej drebij an jen roñ eo, im an mour jen an joko kin jāji.

19 Emwij kajelaik e bareinwõt kin iñtan ion kinien, im kin akwail ien otemjej ilo dri ko drin;

20 Inem an mour ej drike ekõn, im an ej drike kōn enno.

21 Kōniekin ej eõlok, bwe ren ban loe; im dri ko drin re kin jab loi rej alikar.

22 Aet, an ej kebaklok roñ eo, im mour eo an ej kebaklok ro dri kok-kure.

23 Elañe eor dri jilik iben juõn, juõn dri kemeleleik, juõn ian juõn tausan, bwe en kwalok ñõn armij eo ta eo e jime ñõn e;

24 Inem Anij e joiñ ñõn e, im ej ba, Emõn kōtlok e jen an wōnlōllok ñõn roñ eo, Ña I ar lo juõn men in bin-mour.

25 Kōniekin e naj emōnllok jen kō-niekin niñniñ; ej jeblak ñõn ran ko ke e ar inono.

26 Ej jar ñõn Anij, im Ej yokwe e; ein drein ej lo mejen im mōnōnõ: im Ej lelok ñõn armij wānik eo an.

27 Ej al iman armij ro, im e ba, Ña I ar bwir, im I ar kankeke men eo e jime, im e ar jab kakajuror iõ:

28 E ar lomoren aõ jen wōnlōllok ñõn roñ eo, im aõ mour e naj lo ma-ram eo.

29 Lo, Anij ej jerbali men kein otemjej, ruo alen, aet jilu alen iben juõn armij,

30 Bwe En kajebaktok an jen roñ eo, bwe en maramlok kin maram in mour.

31 Kwon lale mōk, O Job, kwon eoroñ iõ: kwon kejeklokjen, inem I naj konono.

32 Elañe eor ibõm bwe kwon ba kake, kwon uak iõ: kwon konono, bwe I kōnan kowānik yuk.

33 Elañe jab, kwon eoroñ iõ: kwon kejeklokjen, inem I naj katakin yuk meletlet.

34 Bar juõn, Ilaihu e ar uak im ba,

2 Komin roñjake nan kein aõ, kom dri meletlet; komin eoroñ iõ, kom eo eor jelalokjen ibemi.

3 Bwe lojiliñ ej melejoñ nan ko, ein-wõt bri ej erjoñ men in mōña.

4 Jen kālet n̄on kij men eo e jime: jen jela iben dron ta eo em̄on.

5 Bwe Job e ar ba, N̄a I wānik, im Anij e ar bōklok men ko kar aō wōt:

6 Jekron ijo aō, emwij likit iō dri riōp; ban kaejmour kinja, meñe ejelok aō bwir.

7 Armij ōt einwōt Job, eo ej irak kajirere kake einwōt dren,

8 Eo ej ilok iben dri kōmōn jab wānik, im etetal iben armij re nana?

9 Bwe e ar ba, Ejelok tokjen n̄on juōn armij bwe en mōnōnō kake Anij.

10 Kin men in komin eoroñ iō, komeo armij dri jelalokjen: en etolok jen Anij, bwe ¹En kōmōn nana, im jen Eo e Kajur Potata, bwe En kōmōn jab wānik.

11 Bwe jerbal an juōn armij, E naj kejeblaklok n̄on e, im kōmōn bwe jabrewōt armij en lo ekar n̄on ial ko an.

12 Aet, emol, Anij e jamin kōmōn nana, im Eo e Kajur Potata E jamin kankeke ekajet.

13 Wōn e ar lelok n̄on E bwe En lale lōl in? ak Wōn e ar likit loñtōn aolepen lōl?

14 Elañe Ej likit buruen ion E mōke, elañe Ej aine An im menono eo An;

15 Aolepen kōniek e naj jimor joko, im armij e naj bar ²oktōk n̄on bōñōlñōl.

16 Kiō elañe ibōm jelalokjen, kwon roñjake men in; kwon eoroñ nan ko aō.

17 Juōn eo ej drike ekajet jime, en iroi ke? im kwo naj liakelok Eo e wānik im kajur ke?—

18 Eo ej ba n̄on juōn kiñ, Kwe kwoj etton, ak n̄on bwirōk ro, Kom dri nana;

19 Eo e jab kaljiklok mejen iroi ro, ak yokwe ro dri mweie jen dri jeramel; bwe ir otemjej jerbal an pā ko pein.

20 Ilo jirik wōt ien re mij, i lukwōn boñ re mij; emwij kamōkitkit armij ro, inem re joko, im bōklok ro dri kajur kin ejelok pā.

21 Bwe mejen rej ion ial ko an juōn armij, im Ej lo etetal ko an otemjej.

22 Ejelok marok, ak kabin marok, ijo ro rej kōmōn jab wānik re maroñ in tilekek.

23 Bwe ejelok tokjen An lemnok wōt kin juōn armij, bwe en walok iman Anij kin ekajet.

24 Ej wojibloke dri kajur im e jab alikar wāweir, im Ej likit bar jet ilo jikir.

25 Kin men in E jela kin jerbal ko air; im Ej ukoj ir ilo boñ, inem re joko.

26 Ej mōn ir einwōt dri nana iman mejen ro jet ilo alikar;

27 Kin air jeorlok jen etal lor E, im re jab kōnan lale jabrewōt ian ial ko An:

28 Inem rej kōmōn bwe lamij an ro dri jeramel en wōnliñlok n̄on iben, im E ar roñjake lamij an eo dri jorran.

29 Ke Ej lelok inemōn, wōn e maroñ in liakelok? im ke Ej binej mejen, inem wōn e maroñ in lo E? einwōt juōn ñe Ej kōmōne n̄on ailiñ ak n̄on armij:

30 Bwe armij eo ej kejekron Anij en jab iroi, im ejelok juōn en mone armij rōn.

31 Bwe jabrewōt e ar ba n̄on Anij ke, Emwij aō bōk kaje, I jamin bar jerawiwi:

32 Men eo I jab loe Kwon katakin iō: elañe I ar kōmōn jab wānik, I jamin bar kōmōne?

33 Wōnan e naj einwōt am kōnan, ñe kwoj abwin bōke ke? bwe kwon kālet, kwe wōt kwe, im jab ña: kin men in kwon konono men eo kwo jela kake.

34 Armij dri meletlet re naj ba n̄on iō, aet, ro dri jelalokjen otemjej ro rej roñjake iō:

35 Job ej konono im ejelok an jela, im nan ko an ejelok air meletlet.

36 O I kōnan bwe ren melejoñe Job n̄on jemlokōn, kin an uak einwōt armij re nana.

37 Bwe ej kobaik kabata iben bwir

eo an; ej kabok pā iolaper, im ej korlok nan ko an nae Anij.

35 Bar juōn, Ilaihu e ar uak im ba,

2 Kwoj lemnok men in e jime wōt ibōm, ak kwoj ba, Aō wānik elap jen eo an Anij ke?

3 Inem kwoj ba ke, Ewi tokjen ibōm? im, Ewi men in kakajuror iō ilo aō jab bwir?

4 I naj uak nōn kwe, im nōn ro jerōm rej ber ibōm.

5 Kwon ¹reiliñlok nōn lōñ ko, im loi; im kwon kalimjek mejatoto, eo e utiej jen kwe.

6 Elañe kwar jerawiwi, kwoj jerbali ta nae E? im elañe eorlok am bwir, kwoj kōmōn ta nōn E?

7 Elañe kwe dru wānik, kwoj lelok ta nōn E? ak Ej bōk ta jen peōm?

8 Am ²nana e maroñ in kejjorran juōn armij einwōt kwe; im am wānik e maroñ in kejerammōn juōn nejin armij.

9 Kin elōñ men in kamakoko rej lamij; rej kir kin jibōñ jen pein ro dri kajur.

10 A ejelok ej ba, Ewi Anij Dri Kōmōnmōn iō, Eo ej ³letok al ko ilo boñ,

11 Eo ej katakin kij elap jen kiru ko in lōl, im Ej kōmōn bwe jen meletlet jen bao ko in mejatoto?

12 Rej lamij ijo, a ejelok ej lelok nan in uak, kin jua in armij re nana.

13 Emol Anij e jamin eoroñ juōn lamij wan, im Eo e Kajur Potata e jamin lale.

14 Eñañin driklok ñe kwoj ba kwo jab lo E, men eo ej iman, im kwoj kōtar E!

15 A kiō, kin An jab lolok ilo An illu, im E jab kanuij lemnok kin jua-lōñlōñ;

16 Kin men in Job ej walōñi loñin kin nan wan; ej korlok nan ko im ejelok jelalokjen iben.

36 Ilaihu e ar bareinwōt kononolok wōt im ba,

2 Kwon kōtar jirik, im I naj kwalok nōn yuk; bwe e bar or iba emōn bwe in ba kin Anij.

3 I naj bōktok aō jelalokjen jen etolok, im I naj kowānik eo Dri Kōmōnmōn iō.

4 Bwe emol nan kein aō re jab nan in riōp: juōn eo e jela wōt ej ibōm.

5 Lo, Anij e kajur, im E jab kejekron jabrewōt armij: E kajur ilo An maroñ in jela.

6 E jab kejbārok mour an ro re nana, a Ej lelok nōn ro dri iñtan einwōt air jime.

7 E jab reilok jen ro dru wānik: a iben kiñ ro ion tron Ej likit ir nōn in drio, im koutiej ir.

8 Im elañe emwij liabe ir, im alukwe ir kin to ko toñ jorran;

9 Inem Ej kwalok nōn ir air jerbali, im air bwir, kin air ber im jua-lōñlōñ.

10 Ej bareinwōt kabellok lojiliñir nōn nan in katak, im jiroñ ir bwe ren jeblaktok jen air bwir.

11 Elañe rej eoroñ im korijer nōn E, re naj jerammōn iomin ran ko air ran in mour, im re naj mōnōnō iomin yiō ko air.

12 A elañe re jab eoroñ E, re naj joko kin jāji, im re naj mij im ejelok air jela.

13 A ro re nana ilo burueir, rej korlok illu; re jab kir kin jibōñ, ke Ej lukwoj ir.

14 Rej mij ilo air inono, im air mour e joko iben ro rej etton.

15 Ej lomoren ro dri jorran ilo air jorran, im Ej kabellok lojiliñir kin kamakoko.

16 Aet, E naj kar karel yuk jen iñtan nōn iloan juōn jikin e rābōkbōk ijo e jab obrōk; im men ko rej likite ion tebel eo am e naj obrōk kin kioeo.

17 A kwe kwoj obrōk kin ejaket an ro dri nana: ekajet im wānik rej jibwe yuk.

18 Bwe kwon jab likit illu in biuktōki kaje ko nae yuk, im kwon jab likit bwe men in wiaik buruōm en karel yuk.

19 E naj or tokjen am lamij, ak

kajur ko otemjej in am maroñ bwe kwon jab jorran ke?

20 Kwon jab oñkake boñ, ñe mōn ro dri ailiñ ko ilo jikir.

21 Kwon lale mōk, kwon jab lem-nok kin jab wānik; bwe kwar kålet men in, im jab kålet jorran.

22 Lo, Anij ej kōmōn men ko re utiej ilo An kajur: wōn juōn dri kaki einwōt E?

23 Wōn e ar jiroñ E ial eo An? ak wōn e maroñ in ba, Kwar kōmōn jab wānik?

24 Kwon kememej in kalaplok jerb-al eo An, eo armij rar al kake.

25 Armij otemjej rar reilok ñōn e, armij ej lo e jen etolok.

26 Lo, ¹ Anij elap im je jaje kake; im oran yiō ko An, elap jen maroñ in bukot e.

27 Bwe Ej itōki liñlok biliñliñ ko biliñliñ in dren, ko rej bar wutlok ilo wut jen tap eo An,

28 Ko mejatoto ej katorlok im wuj-leptok ion armij ro.

29 Aet, jabrewōt e maroñ in melele kin An ererōki kōro ko, jorur ko an imōn kabere eo An ke?

30 Lo, Ej erlokwe maram eo An na iturin; im Ej kalibubu jurmik.

31 Bwe kin men kein Ej ekajet ro dri ailiñ ko; im Ej lelok elōñ kijeir.

32 Ej kalibubu pein kin jarom eo, im Ej jiroñ e bwe en tue laruke eo.

33 Ainiken ej kwalok kin E, kiru ko bareinwōt kin lañ eo ej waloktok.

37 Aet, buruō ej wuririr kin men in, im emwij kamōkit e jen jikin.

2 Komin roñjake, O, komin roñjake, ainiken An keroro, im ainiken eo ej drioiñlok jen loñin.

3 Ej jilkinlok e iomin aolepen lōñ, im jarom eo An ñōn belakin lōl.

4 Elikin, juōn ainiken ej ñirñir, Ej jorur kin ainiken kilipilip; im E jab drebij jarom ko An ke rej roñjake ainiken.

5 Anij ej jorur kin ainiken e tuñtuñ

in lap; men ko relap Ej kōmōni, je ban melele kake.

6 Bwe Ej ba ñōn sno eo, Kwon wutlok ion lōl; bareinwōt ñōn wutrikrik, im ñōn wut mejiljil eo An.

7 Ej sil pein armij otemjej, bwe jabrewōt armij ro E ar kōmōn ir ren maroñ in jela kake.

8 Ien eo kiru ko rej ilok ñōn jikir retino, im berwōt iloan roñ ko roñair.

9 Jen mweo irōk lañ ej itok, im bio jen eañ.

10 Kin menonoñ Anij emwij letok dren ebin; inem kairiklok dren ko.

11 Aet, Ej ektōk molawi ion kōro eo emijil; Ej erlokwe wōtkōro in jarom eo An:

12 Emwij karol e kin kibren, bwe ren kōmōn jabrewōt Ej jiroñ ir kake, ion mejen lōl ijo armij rej ber ie;

13 Elañe ñōn kaje, ak ñōn eneo An, ak ñōn men in yokwe, Ej kōmōn bwe en itok.

14 Kwon roñjake men in, O Job: kwon bwijrōk, im lemnok kin jerb-al ko an Anij, men in bwilōñ.

15 Kwo jela ke ekijkan Anij ej jiroñ ir, im kōmōn bwe jarom in kōro eo An en romak?

16 Kwo jela ke wāwen An jebōke kōro ko, jerb-al in bwilōñ ko an Eo e wāppen ilo jelalokjen?

17 Ekijkan nuknuk ko am re mānān, ñe Ej kainemōn lōl kin kōto jen rōk ke?

18 Kwo maroñ in erlokwe mejatoto einwōt E ke, eo ebin einwōt kapjur e unlok?

19 Kwon katakin kim ta eo kimin ba ñōn E; bwe kim ban kajime am konono kin marok eo.

20 Emōn ke kennanek E ta eo I kōnan ba? ak juōn armij en kōnan bwe ren warōñōlok e ke?

21 Im kiō armij re jab reilok ñōn maram eo elap i mejatoto; a kōto ej elālok, im bioke.

22 Jen eañ ej itok jatōlti wāwen wōt gold: wuj an Anij men in lelñōñ.

23 Kin Eo elaptata, je ban lo E:

ej emōn tata ilo kajur; im ilo jime im elōñ wānik E jamin kaiñtan.

24 Kin men in armij rej mijōk E: E jab reilok ñōn jabrewōt eo e melet-let buruen.

38 Inem Jeova e ar uak Job jen aire eo, im E ba,

2 Wōn in ej kamarok bebe kin nan ko im ejelok jelalokjen?

3 Kwon kañōññōr kiō einwōt juoñ eman; bwe I naj kajitōk ibōm, im kwon kwalok ñōn iō.

4 Kwar ber ia ke I ar likit loñtōk ko loñtōn lōl? kwon kwalok, elañe eor jelalokjen ibōm.

5 Wōn e ar bek kin joñok ko an, elañe kwo jela? ak wōn eo e ar kōnike juōn lain ion?

6 Loñtōk ko emwij kabini ion ta? ak wōn eo e ar likit dreka in boñl,

7 Ke iju ko in ran rar jimor al, im ro nejin Anij otemjej rar lamij kin lōñliñ?

8 Ak wōn e ar kili lojit kin aur ko, ke e ar tormanlok, einwōt elañe e ar tortok jen loje;

9 Ke I ar kōmōn kōro ko nuknuk ko an, im marok e mijil juōn kworōk in kirboke,

10 Im na belakin einwōt Aō kōnan, im likit alal ko im aur ko,

11 Im ba, Ñōn ijin kwo naj itok, a kwon jab elā jen e; im naj drebij no ko am relej ijin?

12 Kwe kwar jiroñ jiboñ eo jen jinoñ ran ko am, im kwar kōmōn bwe rantak en jela jikin ke;

13 Bwe en maroñ in jibwe belakin lōl, im en kamōkitkit ro dri nana jen iloan ke?

14 Emwij ukot e einwōt kle ion juōn sil; im men otemjej rej jutōk einwōt ilo juōn kobe:

15 Im drebij air maram jen ro dri nana, im ruje pein eo e utiej.

16 Kwe kwar dreloñ ke ilo unin dren ko in lometo? ak kwar etetal ke ilo jikin ko retino i lojit?

17 Ar kwalok ke ñōn kwe aur ko

in mij? ak kwar lo ke kejem ko in anōñin mij?

18 Kwar melele kin drilpen lōl ke? kwon kwalok e elañe kwo jela aolepen.

19 Ewi ial ñōn imōn maram? im kin marok, ewi jikin eo an,

20 Bwe kwon bōklok ñōn tōreran, im bwe kwon kili ial ko ñōn mweo imōn?

21 Bwelen kwo jela wōt, bwe kwar lotak ilo ien eo, im oran ran ko am re nañin lōñ!

22 Kwe kwar dreloñ ilo jikin mweuiuk ko in sno, ak kwar lo jikin mweuiuk ko in wut ebin,

23 Ko I ar drebij mae ien jorran, mae ran eo ran in keitak im tōrinae?

24 Ilo ial ot emwij kijbil maram eo, im kijibliklik kōto in rear ion lōl?

25 Wōn e ar jek juōn tor ñōn dren in lōñ, ak juōn ial ñōn jarom in jorur;

26 In kōmōn bwe en wut ilo juōn ene ejelok armij ie; ilo ene jemaren ijo ejelok armij;

27 In kabwe an aikwij eneo e jemaren im joko, im kōmōn bwe ujoi j e biruru en edrek wōt?

28 Eor jemen wut ke? ak wōn e ar keutak biliñliñ ko in molawi?

29 Jen lojen wōn e ar itok dren ebin? im molawi ebin jen lōñ, wōn e ar keutak e?

30 Dren ko rej tilekek im erom einwōt dreka, im emwij kabin ion aijit kin bio.

31 Kwo maroñ in lukwoj bwijin Jebro ke, ak jelate kworōk ko an Jiljilimkouj?

32 Kwo maroñ in tellok jowin Lik-tōñir ilo ien eo air ke? ak kwo maroñ in jineit ñōn Bukwen Limōnmōn im ro nejin ke?

33 Kwo jela kien ko in lōñ ko ke? kwo maroñ in kabin juōn kiñ ion lōl ke?

34 Kwo maroñ in koutiej ainikiōm ñōn kōro ko, bwe elōñ dren ko ren kalibubu yuk ke?

35 Kwo maroñ in jilkinlok jarom ko, bwe ren ilok, im bwe ren ba ñon kwe, Kimuij ijin, ke?

36 Wõn e ar likit meletlet iloañ armij? ak wõn e ar lelok jelalokjen ñon lolātāt?

37 Wõn e maroñ in bwine kōro ko ilo meletlet? ak wõn e maroñ in katorlok boto ko in lõñ,

38 Ke bok ej unlok im kwoj, im mōtōn ko in brij re ñuñ rej edrep ñon dron?

39 Kwo maroñ in kabukot men in jibwe ñon laion kokōra, ak eo jikin konen laion,

40 Ke rej babu iloañ roñ ko roñair, im berwōt ilo jikin etino in kejar ke?

41 Wõn ej lelok ñon bao reven an men in jibwe, ke ro nejin rej lamij ñon Anij, im jebwābwe kin air aik-wij kijeir?

39 Kwo jela ien eo ke got rawia in dreka rej keutak ke? ak kwo maroñ in kakōle ñāt dir kokōra rej kemour ke?

2 Kwo maroñ in bwine aliñ ko rej kajejiti ke? ak kwo jela ke ien eo rej kemour?

3 Rej barikrik, rej keutak kon ko nejir, rej jolok iñtan ko air.

4 Ro nejir rej kajurlok, rej ridtolok ilo melaj; rej drioiñlok im jab bar jeb-laktok.

5 Wõn e ar jilkinlok ass e awia bwe en anemkwojan? ak wõn e ar jelat lukjen ass e mōkōj,

6 Eo I ar kōmōn jikin ilo ene jemaren, im ene jātōk kabijuknen?

7 Ej kejekron iruij an jikin kwelok eo, im e jab roñjake lamij ko an dri kejerbale.

8 Lajrōk in tol ko, jikin mōña eo an, im ej kabukot jabrewōt men eo e māroro.

9 Ox eo e awia e naj jokōne in korijer ñon yuk ke? ak e naj berwōt iturin jikin ekōn eo am ke?

10 Kwo maroñ in lukwoj ox e awia ilo plau ke? ak e naj lor yuk im tōblōle komlōl ko ke?

11 Kwo naj liki e ke, bwe elap an

kajur? ak kwo naj likit am jerbal iben ke?

12 Kwo naj liki bwe en bōktok ñon ibōm am ine, im aine korn in jikin dreñdreñ eo am ke?

13 Pein ostrij eo e jualōñlōñ, a pā ko pein im kolan ken yokwe ke?

14 Bwe ej likit lip ko lipen ion brij, im kamānāni ilo bok,

15 Im ej meloklok bwe ne e maroñ in rupi, ak kiru eo e awia e maroñ in juri.

16 E bin an kōmōn ñon ro nejin, einwōt elañe re jab an: meñe jerbal eo an ejelok tokjen, e jab mijōk;

17 Bwe Anij e ar drebij meletlet jen e, im E ar jab lelok ñon e jelalokjen.

18 Ien eo ej lõñjōk, ej kejekron ors im eo ej uwe ion.

19 Kwar lelok ñon ors kajur eo an ke? kwar kanuknuk kenwan kin kol eo e makōtkit ke?

20 Kwar kōmōn bwe en kākī einwōt juōn lokōs ke? añin botin ej men in kaleññōñ.

21 Ej kobij kin neen ilo komlōl, im mōnōnō kin kajur eo an: ej wōnmanlok in wōnmae armij im ken tōrinae ko ibeir.

22 Ej kejekron mijōk, im e jab lelñōñ; im e jab oktōklik jen jāji eo.

23 Rej kamōkit tir in mōri nae e, mōri eo e jatōltil im mōri eo e aitok.

24 Ej kōñ brij kin illu im lej; im e jab tōmak bwe men eo ainiken jilil.

25 Ien otemjej jilil ej jōñ, ej ba, Aha! im ej atbwīn tōrinae eo ñe etolok, jorur an kapen ro im jeolok eo.

26 Bao hok ej jeblā kin am meletlet, im erlokwe pā ko pein ñon rōk ke?

27 Kin am jiroñ bao igol ej wōnliñlok ke, im kōmōnmōn el eo an ijo e utiej?

28 Ion dreka e utiej ej ber, im kōmōn mweo imōn, ion jabōn dreka eo, im me e kajur.

29 Jen ijo ej kili men in jibwe eo an; mejen rej loe ke etolok jen e.

30 Ko nejn bareinwõt rej jorme bõtöktök; im ijo ro mijijak rej ber, ijo ej ber ie.

40 Bar juõn, Jeova e ar uak Job, im ba,

2 Eo ej konono nae, en akwaile Eo e Kajur Potata ke? eo ej aituiröke Ejin uak E.

3 Inem Job e ar uak Jeova, im e ba,

4 Lo, ña erik tokja; ta eo in uak ñõn Kwe? ij ¹likit peiõ ion loñiõ.

5 Juõn alen aõ kar konono, im I jamin uak; aet, ruo alen, a I jamin kononolok wõt.

6 Inem Jeova e ar uak Job jen aire eo, im E ba,

7 Kwon kañõrñõr yuk kiõ, einwõt juõn eman: I naj kajitök ibõm, im kwon kwalok ñõn Iõ.

8 Kwo naj kajitokjen Aõ ekajet ke? kwo naj liakelok iõ ke, bwe ren kowānik yuk?

9 Ak eor ke peõm einwõt Anij? im kwo maroñ in jorur kin ainikiõm einwõt E ke?

10 Kwon kalitlit yuk kiõ kin utiejen im lapen; im kaibujuij yuk kin nebar im men in iroi.

11 Kwon katorlok jiõblok in illu eo am; im reilok ñõn jabrewõt dri jua, im kõtaik e.

12 Kwon reilok ñõn jabrewõt dri jua im dror e; im kwon jur ro dri nana ijo rej jutök ie.

13 Kwon jimor noje ir ilo bok; kwon lukwoj turin mejeir ilo jikin etino.

14 Inem I naj kwalok kin kwe bwe anbijmaroñõm e naj maroñ in lomo-rõm.

15 Kwon lo kiõ bihimot, eo I ar kõmõnmõne einwõt bar kwe; ej mõiña ujoij einwõt ox.

16 Lo, kiõ, kajur eo an ilo ibin, im an maroñ ilo kõniekin lojen.

17 Ej kamõkit lokõn einwõt wijki

aik: iki in neen emwij kobaiki ñõn dron.

18 Dri ko drin einwõt alal in jini-bõrõrõ; dri ko drin katin einwõt alal māl.

19 E lukuwõn ial ko an Anij: E wõt E ar kõmõnmõne, Ej lelok ñõn e jāji eo an.

20 Emol tol ko rej kwaloktok kijen ñõn iben, ijo kuru ko otemjej rawia rej kure.

21 Ej babu iomin wijki lotus ko, ilo lurin koba ko in birikõt.

22 Wijki lotus ko rej kalur e; julin willo ko iturin wea rej kabol e.

23 Lo, elañe juõn river ej jiõblok, e jab wuririr; ej beran, meñe juõn Jordan ej keñõrñõr.

24 Jabrewõt en jibwe e ke ej ekil ke, ak alukwe bodin kin juõn aluk ke?

41 Kwo maroñ in tõbe livaletan kin juõn kāj ke? ak jon loñn kin juõn ekwol ke?

2 Kwo maroñ in likit juõn to ilo botin ke? ak kiji atlõlin kin juõn kāj ke?

3 En loñ an akwelap ñõn kwe ke? ak en ba ñõn yuk nan ko nan in joij ke?

4 En kõmõn bujen ibõm ke, bwe kwon bõke dri korijerõm ñõn in driu ke?

5 Kwo naj kure iben einwõt iben juõn bao ke? ak kwon lukwoje ñõn jiroñ ro dri korijerõm ke?

6 Jaran dri añwor ro ren wiakake ke? ren wojibloke iben ro dru wia ke?

7 Kwo maroñ in kobrõk kilin kin mõi ro eor air kenlik, ak bõran kin mõi ro mõi in añwor ke?

8 Kwon likit peõm ion; kwon kememej iri eo im jab bar kõmõne.

9 Lo, kõtõmene kin e men bata: e jamin kirõñ juõn kin an kalimjeke wõt ke?

10 Elañe ejelok juõn elej in keboko ñõn e; inem wõn e maroñ in jutök imaõ?

11 Wõn e ar letok ñõn lõ mokta, bwe In nawõnan? jabrewõt eo iomin aolepen loñ, Aõ wõt.

12 I jamin kejeklokjen kin ra ko ran, ak an kajur elap, ak enbwinin emōn.

13 Wōn e maroñ in wutik kobe eo an? wōn e naj dreloñ ikotan atlōñ im atlōl ko an?

14 Wōn e maroñ in kabellok aur ko in turin mejen? ñi ko ñin men in kaleññoñ i belakin.

15 Wunin re kajur men in jualōñ-lōñ iben, re kijik iben dron einwōt kin sil ebin.

16 Juōn ebak ñōn bar juōn, ineme ejelok mejatoto e maroñ in dreloñ ikotair.

17 Rej koba ñōn dron; rej edrep ñōn dron, inem ban kijibili.

18 An mōje rej urur im maramlok, im mejen rej einwōt kilin mejen rantak.

19 Jen loñin beli ko rej ilok im urur, im melkwarar rej waloktok.

20 Jen botin bat ej ilok, einwōt pot ej bululul, im koba ko rej urur.

21 Menonoñ ej kejo melle ko, im juōn urur ej walok jen loñin.

22 Ilo kewan ej berwōt kajur, im men in kaleññoñ ej eep iman.

23 Mōtōn kōniekin rej drebijik iben dron: re bin wōt ion; inem ban kamōkiti.

24 Buruen ebin einwōt juōn dreka; aet, ebin einwōt dreka irir ilōl.

25 Ñe ej mōke bañwōlñwōl ro dri kajur rej mijōk: kin air lelññoñ rej einwōt dri uriekak.

26 Elañe juōn ej jebōk kin jāji, ejelok tokjen; ak mōri eo, mōri erik, ak alal ekōñ.

27 Ej likit māl einwōt kām, im jini-bōrōrō einwōt alal e marebep.

28 Mōri jen libon e ban kokōk e: dreka in buat rej erom kām ko iben.

29 Alal ko ej likiti kām ko: ej tōñkake itokin mōri elap.

30 Mōtōn ko iomin rej einwōt jābi rekōñ: ej erlokwe einwōt ken eōr ion birikōt.

31 Ej kabululul lojit einwōt juōn pot: ej kōmōn lometo einwōt pot in uno in kabit.

32 Ej kōmōn juōn ial elikin im ej romak; juōn e naj lemnok bwe e uōn lojit.

33 Ilo lōl ejelok einwōt, eo emwij kōmōnmōne im ejelok an mijōk.

34 Ej aluij jabrewōt men eo e utiej: ej kiñ ion ro nejn jua otemjej.

42 Inem Job e ar uak Jeova, im ba,

2 I jela¹ Kwo maroñ in kōmōn men otemjej, im ejelok Am bebe re maroñ in dremōke.

3 Wōn in ej noje bebe im ejelok an jelaokjen? kin men in I ar konono men eo I jab melele, im men in bwi-lōñ ko I bani, im I jaje kake.

4 Ij akwelap bwe Kwon roñjake, im I naj konono; I naj kajitōk ibōm, im Kwon kwalok ñōn iō.

5 I kar roñjake kin lojiliñiō kin Kwe; a kiō meja ej kab lo Yuk:

6 Kin men in ij mōke jōjōik iō, im ukwelok ilo bōñōlñōl in brij in ubaj.

7 Im ein drein, elikin an Jeova konono nan kein ñōn Job, Jeova e ar ba ñōn Elipaz dri Timan, E bwil Aō illu nae yuk, im nae lōmaro ruo jerōm; bwe komjil ar jab konono men eo e jime kin Ña, einwōt dri korijera Job. 8 Inem kiō, komin bōk ñōn ibemi jil-jilimjuōn kau koman im jiljilimjuōn sip koman, im komin ilok ñōn iben korijera Job, im katok kin kom juōn katok kijeek: im korijera Job e naj jar kin komjil; bwe I naj eoroñ e, bwe In jab kōmōn ñōn kom ekar ñōn men in bwebwe eo ami; bwe kom ar jab ba men eo e jime kin Ña einwōt korijera Job. 9 Ein drein Elipaz dri Timan, im Bildad dri Shua, im Zopar dri Neamat, rar ilok, im kōmōn einwōt Jeova e ar jiroñ ir: im Jeova e ar eoroñ Job.

10 Im Jeova e ar ukot men in jebokwe an Job, ke e ar jar kin ro jerran: im Jeova e ar lelok ñōn Job ruo alen jen men ko an mokta. 11 Im ro jein im jātin rar itok ñōn iben, im ro jātin kōra otemjej, im ro otemjej e ar jela kake ir mokta, im rar mōña bred iben ilo mweo imōn: im rar jōñōt e, im kainemōne kin nana otemjej Jeova e ar bōktok ion: jabrewōt eman

e ar bareinwōt lelok ñōn e juōn mōtōn mōnni, im bareinwōt juōn luko gold. 12 Ein drein Jeova e ar kejerammōn jemlokōn Job elap jen jinoin: ¹im iben joñoul emen tausan sip, im jiljino tausan kamel, im juōn tausan ion in ox, im juōn tausan ass kokōra. 13 Bareinwōt iben, ²jiljilimjuōn nejin eman im jilu nejin kōra. 14 Im e ar naetan eo mokta Jemaima; im etan

¹jap. 1. 3. ²jap. 1. 2.

eo ken ruo Kizaia; im etan eo ken ka jilu Kiren-hapuk. 15 Im ilo aolepen eneo ar lo ejelok kōra re dreo einwōt limaro nejin Job: im jemeir e ar lelok ñōn ir men in jolit iben ro jeir im jātir man. 16 Im elikin men in Job e ar mour iomin jibuki eñoul yiō, im e ar lo ¹ro nejin, im ro jibwin ñōn emen ebeben. 17 Ein drein Job e ar mij, im e kanuij dri ennep, im elōñ an ran.

¹Jen. 50. 23.

SAM KO.

SAM 1.

EMÖNÖNÖ armij eo e jab etal ilo bebe an ro dri jerawiwi, im e jab jutök ilo ial eo an ro dri nana, im e jab jijöt ilo jikin jijöt an ro dri kajirere.

2 A ej löñliñ ilo kien Jeova; im ej lemnok kin kien eo ran im boñ.

3 E naj einwöt wijki eo emwij kallipe iturin river in dren, eo ej jebar leen ilo ien eo an; im bwillikön e jamin mörrar; im e naj jeram-mön kin men otemjej ej kömöni.

4 Ro dri jerawiwi re jab einwöt, a rej einwöt kilin wit eo köto ej böklök.

5 Kin men in ro dri jerawiwi re jamin jutök ilo ekajet eo, ak dri nana ilo jar an ro dru wänik.

6 Bwe Jeova e jela ial eo an dru wänik; a ial eo an ro dri jerawiwi e naj joko.

SAM 2.

ETKE dri ailiñ ko rej aol, im armij rön rej lemnok kin men eo ejelok kobön?

2 Kiñ ro i löl rej möke kajutök ir; iroi j ro rej jimor bebe nae Jeova, im nae Dri kabit eo An, im ba,

3 Emön jen mijköki lukjeir, im jolok to ko air jen kij.

4 Eo ej jijöt ilöñ E.naj töñ: Iroi j e naj kajirekake ir.

5 Inem E naj konono ñön ir ilo An illu, im naj kalelñöñ ir ilo An liböpne.

6 Ak ña ij kairoij aö Iroi j ion Zaiön, aö tol ekwojarjar.

7 I naj kwalok kien eo: Jeova e

ar ba ñön iö, Kwe nejiö man, ranin I ar keutak Yuk.

8 Kwon kajitök iba, im I naj lewoj dri ailiñ ko ñön Yuk bwe ren Am jolit, im ijo ko retoloktata i löl bwe ren Am wato.

9 Kwo naj lojaik ir kin mal wäwer alal, Kwo naj kokkure ir im joko einwöt jäbi dreka.

10 Im kiö, O kiñ ro, komin meletlet; iroi j in ekajet in löl, komin katak.

11 Komin jerbal ñön Jeova ilo mijök, im löñliñ kin wurirrir.

12 Komin mejennaik Nejin eo, bwe en jab illu, im komin joko jen ial eo, bwe An illu e naj mököj an urur. Emönönö ro otemjej rej liki E.

SAM 3.

Sam an David, ke e ar ko jen Absalom neñn.

O JEOVA, eorlok ro rej matörtör iö; elöñ rej jutök nae iö.

2 Elöñ re ba kin aö, Ejelok lomor kin e iben Anij. Sela.

3 A Kwe, O Jeova, kwe aö likepijñök, aö aibujuij, im Eo ej leliñlok böra.

4 Tj lamij ñön Jeova kin ainikiö, im Ej uak iö jen tol eo An ekwojarjar. Sela.

5 I ar babu im kiki; I ar ruj, bwe Jeova ej kejbärok iö.

6 I jamin lelñöñ kin eloññoul taus an armij, ro rej ber im jumae iö ituriö.

7 Kwon jutök O Jeova, Kwon lomor iö, O aö Anij; bwe Kw'ar dreñlok roñön ro otemjej rej kijirät iö. Kw'ar ruji ñiin ro dri jerawiwi.

8 Lomor ej ber iben Jeova: am ainemön en ber ion ro drom. Sela.

SAM 4.

Nõn eo ej lalē al: ilo ken kajõñjõñ ko eor toair.
Sam au Devid.

ILO aõ kir, Kwon roñjake iõ, O aõ Anij ewānik; ilo aõ jorran Kw'ar kötlok iõ; Kwon joij ñõn iõ, im roñjake aõ jar.

2 O kom nejñin armij, ietoõn ami ukot aõ aibujuij ñõn jok? Ietoõn ami yokwe men eo ejelok tokjen, im kabukot riõp? Sela.

3 A komin jela bwe Jeova e ar kãlet eo emõn bwe en An: Jeova e naj roñjake iõ ñe ij kir ñõn E.

4 Komin wurirrir im jab jerawiw; komin konono ilo buruemi ion kiniemi im kejeklokjen. Sela.

5 Komin katok men in katok ko remõn, im liki Jeova.

6 Elõñ re ba, Wõn e naj kwalok emõn ñõn kim? O Jeova, kwon kamramlok kim kin inaram in mejõm.

7 Kw'ar letok lõñliñ ilo buruõ, elap jen air lõñliñ ñe elõñlok air korn im wain.

8 Ilo ainemõn I naj babu im kiki, bwe Kwe mõke, O Jeova, kwoj kõmõn bwe in ber ilo mour.

SAM 5.

Nõn eo ej lalē al ion Nehliot. Sam an Devid.

KWON roñjake nan ko aõ, O Jeova; kwon kill aõ kalomõnlokjen.

2 Kwon karoñjake ainiken aõ jõñ, O Jeova aõ Kiñ, im aõ Anij; bwe I naj jar ñõn Yuk.

3 Kwo naj roñ ainikiõ ñe erantak, O Jeova; ilo rantak I naj kajime aõ jar ñõn Yuk, im I naj ekil.

4 Bwe Kwo jab juõn Anij ej lõñliñ ilo jerawiw, im nana e jamin jokwe ibõm.

5 Ro dri jua re jamin jutõk iman mejõm: Kwoj drike ro otemjej rej kõmõnmõn nana.

6 Kwo naj kokkure ro rej konono riõp; Jeova e naj kijirãte armij e bõtõktõk im jela mon.

7 A ña, I naj dreloñ illoan mw eo imõm ilo joij ko Am relõñ; im ilo

aõ mijõk Yuk I naj kabuñ iman Am tempel ekwojarjar.

8 O Jeova, kwon tel iõ ilo Am wānik kin ro rej kijirãt iõ; Kwon kajime Am ial iman meja.

9 Bwe ejelok mol ilo lõñir; nana wõt, iloir; burueir rej einwõt lüp e walõñi; rej etaoik kin loir.

10 O Anij, kwon liakelok ir; ren buñ kin bebe ko air; Kwon ubakelok ir ilo nana ko air relõñ; bwe r'ar kabata nae Yuk.

11 A ro otemjej rej liki Yuk ren lõñliñ; ren elok kin lõñliñ in dri, bwe Kwoj kouk ir; ro rej yokwe etõm re naj lõñliñ ilo Yuk.

12 Bwe Kwe, O Jeova, kwo naj kainemõn dru wānik; kin joij Kwo naj kabol e einwõt kin juõn likepljñõk.

SAM 6.

Nõn eo ej lalē men in kajõñjõñ ion ken ka dualitok. Sam an Devid.

O JEOVA, kwon jab enoik iõ ilo Am illu, im ilo am illu ebwil Kwon jab kajek iõ.

2 O Jeova, kwon tiriamokake iõ, bwe I mõralok: O Jeova, kwon kaejmour iõ; bwe dri ko driõ re wurirrir.

3 Bareinwõt aõ elap an wurirrir: a Kwe O Jeova, ietoõn?

4 O Jeova, kwon jeblaktok, Kwon kötlok aõ: O Kwon lomor iõ kin Am tiriamokake.

5 Bwe ilo mij ejelok ememej Kwe; ilo lüp wõn e naj kamolol Yuk?

6 Ij mõk kin aõ ñir; boñ otemjej I naj kabebe kiniõ; I naj kaiu kiniõ kin aõ dren in kemjalal.

7 Meja etõp kin buromõj; e ridtolok kin ro otemjej rej kijirãt iõ.

8 Komin ilok jen ña, kom otemjej dri kõmõnmõn nana, bwe Jeova e ar roñjake ainiken aõ jõñ.

9 Jeova e ar roñjake aõ akwelap; Jeova e naj bõk aõ jar.

10 Ro otemjej rej kijirãt iõ re naj jok im wurirrir: re naj jeblaklok im jok kiõkiõ.

SAM 7.

Sam in jebwäbwe an Devid, eo ej al ñön Jeova kin nan ko an Kuš dri Benjamin.

O JEOVA aō Anij, I ar liki Yuk; Kwon lomor iō jen ro otemjej rej matörtör iō, im Kwon kötlok iō.

2 Bwe en jab kekel aō mour einwöt juōn laiōn, kekele im ejelok dri lomor.

3 O Jeova aō Anij, elañe I ar kōmōn men in; elañe eor nana ilo peiō;

4 Elañe I ar nawōnan nana ñön eo e joiñ ñön iō; elañe I ar rakimi eo ej kijirāt iō im ejelok unin;

5 Eo ej kijirāt iō en matörtör aō im böke: aet en juri aō mour ion iōl, im likit aō wōj ilo briñ. Sela.

6 O Jeova, kwon jutök ilo Am illu: Kwon möke koutiej Yuk nae illu an ro rej kijirāt iō. Kwon ruj ñön iō; Kw'ar kwalok ekajet.

7 Im jar an dri ailiñ ko ren kabol Yuk; kin ir Kwon jeblak ñön ijo eutieñ.

8 Jeova e naj ekajet dri ailiñ ko: O Jeova kwon ekajet iō kin aō wānik, im kin aō jime ilo ña.

9 O kōmōn bwe nana an ro dri nana en joko, im kabin eo ewānik: bwe Anij ewānik Ej melejoñ buru ko im lemnok ko.

10 Aō likepiññök iben Anij, eo Ej lomor eo ejime ilo buruen.

11 Anij ej ekajet dru wānik, im Anij ej illu ran otemjej.

12 Elañe E jab oktök E naj jeme An jāñ; emwij An kiele libon im kapoje.

13 Im E ar alej ken iri ko ñön e: E naj kōmōn mōri kijeek ko An.

14 Lo e naj iñtan kin nana, im ej etaik nana, im keutak riōp.

15 E ar kōmōn roñ im kōbiñe, im ej buñ na ilo roñ eo e ar kōbiñe.

16 An nana e naj itok ilo bōran, im an lej e naj buñ iōh mōñen.

17 I naj kamolol Jeova kin An emōn; im kin al I naj nebar etan Jeova eutiejtata.

SAM 8.

Ñön eo ej lale al ilo Gittit. Sam an Devid.

O JEOVA am Iroiñ, e nañin aibujulj etōm i aolepen iōl: Kw'ar likit Am aibujulj iōñin iōñ ko.

2 Jen loñin ajiri im niñniñ ro Kw'ar kapoj kajur, kin ro rej kijirāt Yuk; bwe Kwon kajeklokjen dri kijirāt eo im dru kwi.

3 Ke ij lale iōñ ko Am, jermal an arrim; aliñ im iju ko Kw'ar kōmōnmōni;

4 Ta armij bwe Kwon kememej e? Im jecin armij bwe Kwon itok ñön iben?

5 Bwe Kw'ar kōtaik e jirik jen enjel rōn, im kabelbil e kin aibujulj im wuj.

6 Kw'ar kairoiñ e ion jermal ko an peiōm! Kw'ar likit meu otemjej iomin-neen.

7 Šip otemjej, im kau ko, kab kiru ko rawia i ene jemaren;

8 Bao ko i mejatoto, im lik ko i lojit, im jabrewōt men eo ej iōitōk ilo ial ko in lojit.

9 O Jeova aō Iroiñ, e nañin aibujulj etōm i aolepen iōl.

SAM 9.

Ñön eo ej lale al ion Mutlaben. Sam an Devid.

I NAJ kamolol Jeova kin aolepen buruō; I naj kwalok jermal in bwilōñ ko Am otemjej.

2 I naj iōñliñ im bunburuō kin Yuk; I naj wijtak etōm ilo al, O Kwo utiejtata.

3 Ke ro rej kijirāt iō rej oktōk-lik, re naj buñ im joko iman mejōm.

4 Bwe Kw'ar kajime aō ekajet im men eo ruō; Kw'ar jijōt ion tron im Kw'ar ekajet emol.

5 Kw'ar kowe dri ailiñ ko, Kw'ar mōn eo enana, Kw'ar jeorlok etair in drio im in drio.

6 Kin dri kijirāt, kokkure ko an rejemlok ñön in drio: im Kw'ar kokkure jikin kwelok ko air; air ememej ejoko ibeir.

7 A Jeova e naj jijōt im Kiñ ñön

in drio: E ar kapojök An tron kin ekajet.

8 Im E naj ekajet löl ilo wäuk, E naj kömöñ ekajet ñön dri ailiñ ko ilo jime.

9 Bareinwöt Jeova e naj jikin eutiey an ro dri kamakoko, jikin eutiey ilo ien ko ien iñtan.

10 Im ro re jela etöm re naj liki Yuk; bwe Kwe O Jeova, kw'ar jab illok jen ro rej bukot Yuk.

11 Komin wijtak ilo al ñön Jeova, eo Ej jokwe i Zaiön: komin kwalok ñön dri ailiñ ko jermal ko An.

12 Ke Fj kajitök kin bötkötök, Ej kememej ir; E jab meloklok an dri iñtan jöñ.

13 O Jeova, kwon tirlamokake iö; lale aö iñtan kin ro rej kijirät iö, Kweo kwoj kwotöke jen kejem ko an mij.

14 Bwe in kwalok wijtak eo Am otemfej ilo kejem ko an köra nejin Zaiön: I naj löñliñ ilo lomor eo Am.

15 Ro dri ailiñ rej ruñulok ilo roñ eo r'ar köbije; ilo jen rej noje emwij bo nek.

16 Jeova e ar kömöñ bwe ren jela E; e ar kömöñ ekajet. Dri jerawiwi e bo ilo jermal an pein. Higaiön. Sela.

17 Dri jerawiwi re naj oktöklük ñön jikin nana, im dri ailiñ ko otemfej rej meloklok Anij.

18 E jamiu meloklok dri jeramel ñön in drio: kejatrikrik an dri etä e jamin joko in drio.

19 O Jeova kwon jutök; armij en jab kajur; Kwon ekajet ro dri ailiñ ko iman mejöm.

20 O Jeova kwon likit leññoñ loir: bwe ro dri ailiñ ko ren jela ir armij wöt. Sela.

SAM 10.

O JEOVA, etke Kwoj jutök etolok? Etke Kwoj tilekek ilo ien iñtan ko?

2 Ilo jua an dri jerawiwi ej matör-tör dri jeramel: ren bo ilo bebe ko r'ar lemnok kaki.

3 Bwe dri nana ej jualöñlöñ kin könan ilo buruen, im dri ankwo-nak ej nebar im kajirere kin Jeova.

4 Dri jerawiwi kin an mejen jua ej ba, E jamin bukot: ilo an lemnok otemfej ejelok Anij.

5 Ial ko an rebin ien otemfej: ekajet ko Am reutiey jen iman mejen: kin an ro dri kijirät otemfej, ej ukwilok ir.

6 E ar ba ilo buruen, I jamin makötkit; bwe I jamin jorran ñön ebeben im ebeben.

7 Loñin eobrök kin jinjin im mon ko im kañtau; jorran im nana iomin loen.

8 E jijöt ilo jikin tilekek ko an jikin kwelok ko redrik; ilo jikin tilekek ej uröte eo ejelok ruön; mejen rej tilekek im jumae dri jorran.

9 Fj ber ilo jikin tilekek einwöt laiön ilo roñ: ej tilekek bwe en jibwe dri jorran: ej jibwe dri jorran ke ej ane ilo an jen.

10 Ej kumwil, ej barikrik, im dri jorran rej buñ kin ro an dri kajur.

11 E ar ba ilo buruen, Anij e ar meloklok: E ar biney mejen; E jamin lo in drio.

12 O Jeova kwon jutök; O Anij kwon kwotöke peöm; Kwon jab meloklok ro dri jorran.

13 Etke dri jerawiwi e ar kejekron Anij im ba ilo buruen, Kwo jamin kajitök kake?

14 Kw'ar loe; bwe Kwoj lo nana im bale in nawönan kin peöm; dri jorran ej möke likit e ñön Kwe; Kw'ar jiböñ dri atajinemjen.

15 Kwon ruje pein dri jerawiwi im dri nana: Kwon kabukot an nana ñön ien Kwoj lo ejelok.

16 Jeova ej Kiñ in drio im in drio; ejoko dri ailiñ ko jen eneo An.

17 O Jeova kw'ar roñ an dri jorran könage: Kwo naj kabin burueir, Kwo naj karoñlokjen;

18 Bwe Kwon ekajet ro ratajinemjen im dri jorran, bwe armij jen brij en jab bar kejjorran.

SAM 11.

Nõn eo ej lale al. An Devid.

I AR liki Jeova: ekijkan ami ba ñõn iõ, Kwon kälök ñõn am tol einwõt bao?

2 Bwe, lo ro dri jerawiwi rej kiele libon, r'ar likit air mõri ilo kwol, bwe ren libon ilo barok ñõn ro ejime burueir.

3 Elañe loñtak ko re joko, ro remõn ren it?

4 Jeova ej ber ilo tempel eo An ekwojarjar; trou an Jeova ilo lõñ: mejen ej lale, kilin mejen ej melejoñ ro nejin armij.

5 Jeova ej melejoñ eo ej wānik; im An ej kijirāte dri jerawlwi im eo ej yokwe lej.

6 Ej kowut ion dri jerawiwi jen ko, kijeek im brimston, aire kijeek, men kein ilon air kõp.

7 Bwe ewānik Jeova; ej yokwe wānik; ro rejime re naj lo mejen.

SAM 12.

Nõn eo ej lale al lou ken ka drualitok. Sam an Devid.

O JEOVA kwon lomor, bwe dru wānik rejemlok, bwe dri tiljek re joko jen ro nejin armij.

2 Rej konono nan in riõp, armij iben dri turin; tieir etaõ, im burueir romeõñe ke rej konono.

3 Jeova e naj kokkure tieir etaõ otemjej, im lo eo ej konono men ko relap.

4 Ro r'ar ba, Kin loem kim naj bõk anjo; tiem ibem wõt: wõn e naj iroi jiom?

5 Jeova e ba, Kiõ I naj jutõk kin iñtan an dri jorran, kin jõñ an dri jeramel; I naj likit e ijo ejelok uõta jen eo ej birlokwe e.

6 Nan ko an Jeova rokwojarjar, einwõt silver einwij karreo e ilo bri j in ubaj, karreo e alen jiljilinjũõn.

7 O Jeova, kwo naj lale ir, Kwo naj kejbārok ir jen ebeben in ñõn in drio.

8 Ro dri jerawiwi rej etetal ijo jabrewõt, kin koutiej nana iben ro nejin armij.

SAM 13.

Nõn eo ej lale al. Sam an Devid.

O JEOVA ietoõn? Kwo naj melõklok iõ ñõn in drio ke? Ietoõn Kwo naj binej mejõm jen ña?

2 Ietoõn I naj likit bebe ko ilo aõ im buromõj ilo buruõ ran otemjej? Ietoõn eo ej kijirāt iõ e naj utiej jen ña?

3 O Jeova aõ Anij, Kwon lale, Kwon karoñjake iõ, Kwon kama-ramlok meja, elañe jab ein drein I naj kiki ilo mij.

4 Ñe ab eo ej kijirāt iõ ej ba, Ña I ar bõk anjo jen e, im ro dri jumae iõ rej lõñliñ kake bwe ij makõt-kit.

5 A ña, I ar liki Am joi j; buruõ e naj lõñliñ ilo Am lomor.

6 I naj al ñõn Jeova, bwe E ar wujleptok emõn ñõn iõ.

SAM 14.

Nõn eo ej lale al. Sam an Devid.

DRI bwebwe e ar ba ilo buruen, Ejelok Anij. Re nana, r'ar kõmõnmõn jerbal ko renana otem nana; ejelok juõn iair ej kõmõn emõn.

2 Jeova e ar reitok jen lõñ ko ñõn ro nejin armij, bwe En lo elañe jabrewõt eo e meletlet, im bukot Anij.

3 Ir otemjej re bwir, rej jimor im buõl; ejelok juõn ej kõmõn emõn, ejelok juõn.

4 Ta, re jaje kake, ro otemjej rej jerbal ilo nana ke? Rej mõña ro droõ einwõt rej mõña bred, im jab kir ñõn Jeova.

5 Ijo elap air mijõk; bwe Anij ej ber ilo ebeben an ro remõn.

6 Kom ar kajok bebe an ro dri jeramel; a Jeova e likepijñiõk eo air.

7 Wõn e naj lelok lomor ñõn Israel jen Zaiõn? Ñe Jeova ej ke-jebaktok dri jebokwe ian ro droñ, Jekõb e naj lõñliñ, im Israel e naj buñburuen.

SAM 15.

Sam an David.

O JEOVA, wõn e naj ber ilo imõn kabere eo Am? Wõn e naj jokwe ilo Am tol ekwojarjar?

2 Eo ejime an etetal, ej kõmõn wānik, im e konono mol ilo buruen.

3 Eo e jab rurue kin loen; im e jab kõmõn nana fiõn jeran, im e ar jab kwotõke nan in kinakelok driturin.

4 Ilo mejen ej kejekron eo armij in jolok, a ej koutiej ro rej mijõk Jeova. Eo e ar kanõjnij in kokkure e mõke, a e jab ukwelok kake.

5 Eo e jab bõk jimaier elap kin mõnni e ar lelok; im e jab bõk mõnni im jumae eo ejelok ruõn. Eo ej kõmõnmõn men kein e jamin makõtkit.

SAM 16.

Miktam an David.

KWON kejbārok iõ, O Anij, bwe I ar liki Kwe.

2 I ar ba fiõn Jeova, Kwe aõ Anij, aõ emõn e jab fiõn Kwe.

3 Kin ro remõn rej ber ilo löl, ir re wāppen im ij mõnõnõ kake ir.

4 Ro rej kalur ir fiõn bar juõn anij, iñtan ko air re naj orlok. I jamin lutõklok men in lelok limeir in bõtõktõk; I jamin konono etair kin tiõ.

5 Jeova e aõ jolit im aõ ken irak. Kwo naj koorlok aõ men in jolit.

6 Joñok ko r'ar wutlok fiõn iõ ilo jikin mõnõnõ ko. Aet e kanuij emõn aõ men in jolit.

7 I naj kamõnõnõik Jeova eo E ar bebeik iõ. Aet aõ ej katakin iõ ilo bofi ko.

8 I ar likit Jeova imaõ ien otemej; kin An ber i anbijmaroñiõ I jamin makõtkit.

9 Kin men in buruõ e mõnõnõ im aõ aibuij ej lõñliñ, kõnlekiõ bareinwõt e naj ber im jab uõta.

10 Bwe Kwo jamin likit aõ ilo Hedis; im Kwo jamin likit Eo Am bwe En lo köt.

11 Kwo naj bakajen fiõn iõ ial in mour. Ibõm lõñliñ elaptata; i anbijmaroñõm men ko men in mõnõnõ fiõn in driõ.

SAM 17.

Jar an David.

O JEOVA kwon roñjake wānik, Kwon lale aõ lamij; Kwon eorofi aõ jar e jab ilok jen tiõ etao.

2 Aõ ekajet en walok jen imam. Mejõm ren lo men ko rejime.

3 Kw'ar melejoñ buruõ. Kw'ar lotok iõ ilo bofi; Kw'ar melejoñ iõ im Kwoj lo ejelok. Emwij aõ bebe bwe loñiõ en jamin bwir.

4 Kin jerbañ ko an armij rõn, ilo nan in tiõm, I ar kejbārok iõ jen ial ko an ro relej.

5 Buñten neiõ r'ar drebij ial ko Am. Neiõ re jafin jir.

6 I ar kir fiõn Kwe, bwe Kwo naj uak iõ, O Anij. Kwon ukot lojillfiõm fiõn iõ, im karoñjake aõ konono.

7 Kwon kalaplok ioij ko Am, O Kwe, kwoj lomoren ro rej liki Yuk jen ro rej jutõk jumae iõ kin anbijmaroñõm.

8 Kwon kejbārok iõ einwõt iju in mejõm; Kw'ar noj iõ ilo lurin peiõm:

9 Jen ro renana rej rakimi iõ, jen ro re kanuij kijirāt aõ im kabol iõ.

10 Air keoio e ar kabol ir; kin loñir rej konono im jua.

11 R'ar kabol kim kiõ ilo buñten neem. Rej likit mejeir bwe ren jolõlok kim fiõn brij.

12 Ej einwõt juõn laiõn, e kanuij kõnan kekel; im einwõt juõn laiõn emõn ridtõn eo ej ber ilo jikin tilekek ko.

13 Kwon jutõk, O Jeova, kwon ilok iman mejen, Kwon jolõlok e; Kwon lomoren aõ jen ro renana kin jaji ne Am;

14 Jen armij rõn kin peiõm, O Jeova, jen armij in löl in, ro air jolit ilo mour in, im lojill Kwoj kobrõk kin air men in aurõk. Re

mat kin nejlr, im rej likit matōn inweleir nōn niñnīñ ro air.

15 Ak nā, I naj lo mejōm ilo kwo-jarjar, I naj jokōne nē ij ruj ilo wāwōm.

SAM 18.

Nōn dri lalc al. Sam an David, korijeran Jeova, e ar konono nōn Jeova nan ko an al in, ilo ran eo ke Jeova e ar lomoren jen pein ro otemjej dri kijirāt e, im kab jen pein Saul; im e ar ba,

IJ yokwe yuk, O Jeova, aō kajur.

2 Jeova aō dreka, im aō me, im aō dri lomor; aō Anij, aō dreka ekajur. I naj liki E; aō likepijñōk im drun aō lomor, aō imōn bar eutiej.

3 I naj kir nōn Jeova, eo ej tellokōn bwe ren nebar E. Ein drein naj lomor iō jen ro rej kijirāt iō.

4 To ko to in mij r'ar kabol iō, im ibij ko in nana r'ar kemjōk iō.

5 To ko in Hedis r'ar kolorōk io; jen ko jen in mij r'ar itok iō.

6 Ilo aō jorran I ar kir nōn Jeova, im I ar lamij nōn aō Anij. E ar roñjake ainikiō jen tempel eo An, im aō kir e ar dreloñ ilo lojiliniñ.

7 Inem e irik lōl in im e wurirrir, loñtak in tol ko re makōtkit, im irik ir, bwe Ej illu.

8 E ar wōnliñlok bat jen ilo baulin im kijeek jen loñin e ar kokkure; melle ko r'ar urur kake.

9 E ar kabarikrik lōñ ko, im wōn-lōltok, im kabin marok lomōn neen.

10 Im E ar uwe ion kerub im E ar kākī; aet E ar kākī mōkōj kin pā ko pein kōto.

11 E ar likit marok jikin tilekek eo An, juōn imōn kabēr iturin marok in dren ko, kōro ko remjil in lōñ ko.

12 Kin romak iman kōro ko remjil re elalok, wut rebin im melle in kijeek.

13 Im Jeova e ar jorur ilo lōñ ko, im Eo eutiejtata E ar kwalok ainiken; wut rebin im melle in kijeek.

14 Im E ar jilkinlok mōri ko An, im kijibliklok ir, aet, jarōm ko re-lōñ im kokkure ir.

15 Inem r'ar walok river ko, river

in dren im kalikar loñtak ko in lōl in, kin Am enōk ir, kin menono in kōto jen baudōm.

16 E ar jilkintok jen lōñ, E ar bōk iō; E ar kekake iō jen dren ko re-lōñ.

17 E ar lomoriō jen dri jumae iō ekajur, im jen ro r'ar kijirāt iō, bwe r'ar kajur wōt jen nā.

18 R'ar wōnmae iō ilo ran in aō jorran: a Jeova e ar aō jokwōn.

19 E ar tel iō iloan jikiō erabōk-bōk; E ar lomoriō bwe E ar mōnōnōkake iō.

20 Jeova e ar nawōnaō ekar nōn aō wānik, ekar nōn peiō rerreo E ar nawōnaō.

21 Bwe I ar kejbārok ial eo au Jeova, im I ar jab bwir im illok jen aō Anij.

22 Bwe ekajet ko otemjej An r'ar imaō, im I ar jab jolok kien ko An jen nā.

23 Barelnwōt I ar wāppen iben, im I ar kejbārok iō jen aō bwir.

24 Inem Jeova e ar nawōnaō ekar nōn aō wānik, im ekar nōn peiō erreō iman mejen.

25 Kwo naj kwalok Yuk im joij nōn ro rejoiij, Kwo naj kwalok Yuk im wāppen nōn ro re wāppen.

26 Kwo naj kwalok Yuk im kwo-jarjar nōn ro dri kwojarjar, im Kwo naj kwalok Yuk im makoko nōn ro r'ankeke.

27 Bwe Kwo naj lomoren armij ro re jorran; a mejen ro re jua Kwo naj jolōllok.

28 Bwe Kwo naj tili lamp eo aō: Jeova aō Anij e naj kamramlok aō marok.

29 Kin Kwe ij etōr ion juōn jar an armij; im kin aō Anij ij uwe ilōñin juōn worwor.

30 Kin Anij, ial eo An ewāppen; nan in Jeova emwij melejoñ e; E juōn likepijñōk nōn ro otemjej rej liki E.

31 Bwe wōn Anij, a Jeova wōt? Im wōn e dreka elañe jab am Anij?

32 Anij ej kanuknuk iō kin kajur, im Ej kowāppen aō ial.

33 Ej kõmõn neið einwõt neen kiru hind; im Ej likit ið ilo jikið reutiej.

34 Ej katakin peið bwe ren iri, inem peið re kiele juðn libon jini-bor.

35 Kw'ar bareinwõt letok likepij-ñõk eo an Am lomor, im peiu an-bijinaroñõm e ar drebij ið: Am joij e ar koutiej ið.

36 Kw'ar kalaplok buñten neið iomið, im neið r'ar jab jir.

37 I naj lukworkwor ro dri kijirāt ið, im tõbar ir; im I jamin oktõk mae ien naj kokkure ir.

38 I naj jebõk ir, im re jamin maroñ in jerkak; re naj buñ lomin neið.

39 Bwe Kw'ar kanuknuk ið kin kajur ñõn keitak; Kw'ar kõtaik iomið ro r'ar jerkak jumae ið.

40 Kw'ar bareinwõt kejeblaklok ro dri kijirāt jen ña, bwe in mõn ro rej kijirāt ið.

41 R'ar lamija ejelok air dri lomor; aet ñõn Jeova a E ar jab uak ir.

42 Inem I ar kokkure ir einwõt bõñõlñõl iman kõto; I ar kadrioi-jlok ir einwõt birikõt in ial ko.

43 Kw'ar lomor ið jen kabata ko an armij røn; Kw'ar koutiej ið bwe in bõran dri ailiñ ko; juðn ailiñ I ar jab jela e naj jermal ñõn ið.

44 Ñe emwij air roñ kin ña, re naj bokake ña; ro drua maijet re naj mõke kõtaik ir ñõn ña.

45 Ro drua maijet re naj weaklok jen ña, im re naj itok im wurirrir jen air jikin tilekek.

46 Jeova ej mour wõt; im e mõnõnõ að dreka, im en utiej Anij an að lomor.

47 Aet Anij ej irenwõne kin ña, in i kõtaik armij iomið.

48 Ej lomorið jen ro dri kijirāt ið; aet, Kwoj koutiej ið jen ro rej jerkak im jumae ið: Kwoj lomorið jen armij eo elej.

49 Inem I naj kamolol Yuk, O Jeova, i bwiljin dri ailiñ ko; im I naj al im nebar etõm.

50 Ej letok lomor elap ñõn Kiñ eo

An; im Ej kwalok joij ñõn dri ka-bit An, ñõn Devid im ro nejin ñõn in drio.

SAM 19.

Ñõn dri lale al. Sam an Devid.

LÕÑ ko rej kennan kin aibujuij an Anij, im mejatoto ej kwalok jermal an pein.

2 Ran ñõn ran e naj katorlok nan, im boñ ñõn boñ e naj kwalok jela-lokjen.

3 Ejelok air ba, im ejelok nau; je jab roñ ainikeir.

4 A air ken joñok e ar ilok ilo aolepen lõl, im nan ko air ilo mõtõn lõl eliktata. Ilo ir E ar kalek imõn kabere ñõn al.

5 Eo einwõt juðn leo belen ej drioiytok jen bo eo an; ej lõñliñ einwõt juðn dri kajur ej etõr ilo iaikwij.

6 An drioiytok jen jabõn lõñ ko, im an itok ñõn jemlokõn ko air, im ejelok ej tilekek jen bwil eo an.

7 Kien Jeova e wäppen im ej karok an; nan in katak an Jeova e bin im ej kameletlet ro re jaje.

8 Nan ko nan in kaiñi an Jeova re jime im re kalõñliñ buruer: kien ko an Jeova rerreo im rej kamramlok mejer.

9 Mijõk Jeova e kwojarjar, im ej ber ñõn in drio: ekajet ko an Jeova re mol wõt, im ir otemej rejime otem jime.

10 Re men in yokwe emõn jen gold, im jen elõñ gold e kanuij aurõk; im re tõñel jen hõnni im bõliñliñ re wutlok jen nien hõnni.

11 Bareinwõt rej kamramlok kori-jerõm; ro rej bokake ir elap wõnair.

12 Wõn e maroñ in jela bwir ko an? Kwon karreoik ið jen bwir ko re jab alikar.

13 Bareinwõt Kwon kejbärõk kori-jerõm jen jerawiwi ko re mõkar-kar; inem I naj wäppen im ejelok ruð kin bwir ko relap.

14 Nan ko jen loð, im lemuok ko ilo buruð, ren emõn iman mejõm, O Jeova að dreka im að Dri lomor.

SAM 20.

Nōn eo ej lalē al. Sam an Devid.

JEOVA en eoroñ yuk ilo ran in jorran; etan Anij an Jekōb en koutiej yuk.

2 En jilkinwoj men in jibōñ jen mweo imōn, im kakajur yuk jen Zaiōn.

3 En kememej men in lelok ko am otemjej, im bōk jurtak ko am men in urur. Sela.

4 En lewoj einwōt ilo buruōm, im kamol bebe ko am otemjej.

5 Jen lōñliñ ilo Am lomor, im ilo etan Anij jen leliñlok flag ko am. Jeova en kamol jar ko ar otemjej.

6 Inem I jela bwe Jeova ej lomore Dri kabit eo An: E naj eoroñ E jen lōñ ko An rokwojarjar kin kajur in lomor an anbijmaroñōn.

7 Jet armij rej liki jariōt ko, im jet rej liki ors ko; a kij je naj kabuñbuñ etan Jeova ar Anij.

8 R'ar jirlok im buñ; ak kij jar jerkak im jej jutōk jime.

9 O Jeova, kwon lomor. Kiñ eo en roñjake kij ñe jej kir.

SAM 21.

Nōn eo ej lalē al. Sam an Devid.

KIÑ eo e naj lōñliñ ilo Am kajur, O Jeova; im ilo Am lomor e nañin lap an lōñliñ.

2 Kw'ar lelok ñōn e an buruen kōuan, im Kw'ar jab drebij jen e men in kajitōk an loen. Sela.

3 Bwe Kwoj wōnmae e kin men in mōnōnō ko an emōn: Kwoj likit ilo bōran kraun in gold emōn.

4 E ar kajitōk ibōm kin mour, Kw'ar lelok ñōn e: aitokōn ran ko ñōn in drio im in drio.

5 Albujuj eo an elap ilō Am lomor; nebar im wōj Kwoj likit ion.

6 Bwe Kwoj likite mōnōnō otem mōnōnō ñōn in drio; Kwoj kamōnōnōik e kin lōñliñ iman me-jōm.

7 Bwe kiñ eo ej liki Jeova, im kin joij an Eo eutlej tata re jamin kamōkite.

8 Peiōm e naj kabukot ir otemjej

rej am dri kijirāt: anbijmaroñōm e naj kabukot ro rej drike yuk.

9 Kwo naj likit ir einwōt juōn ubaj ej urur ilo len am illu, Jeova e naj wōrōñōlok ir ilo An illu, im kijeek e naj tili ir.

10 Kwo naj kokkure leir jen lōl im ineir jen iben ro nejin armij.

11 Bwe r'ar bebe kin nana nae Yuk; r'ar lemnok kin men ko renana re jab maroñ kake.

12 Bwe Kwo naj kōmōn bwe ren oktōklik; Kwo naj kapojōk to in libon ko Am nae mejeir.

13 Kwon utiej tata O Jeova, ilo Am kajur; ein drein kim naj al im nebar Am kajur.

SAM 22.

Nōn dri lalē al. Ilo Aljelet has-Shahar. Sam an Devid.

AŌ Anij, aō Anij, etke Kw'ar ilok jen ña? Etke Kwoj etolok jen lomoriō, im jen ainiken aō lamij?

2 O aō Anij, ij kir ilo ran, im Kwo jab kōnan uak, im ilo boñ, im jab kejeklokjen.

3 A Kwe kwo kwojarjar, O Kwe kwoj jokwe ilo wijtak ko an Israel.

4 Ro jemem r'ar liki Yuk, r'ar liki Yuk im Kw'ar lomori.

5 R'ar lamij ñōn Kwe, im ar lomori. R'ar liki Yuk im r'ar jab jok.

6 A ña juōn likakrōk im jab eman; armij rōn rej kitōtōkake iō, im ro dri ailiñ rej drike iō.

7 Ro otemjej rej lo iō rej kajirere kake iō; rej kamerrelok tieir, rej jibolul bōrair im ba;

8 Kwon lelok yuk ñōn Jeova: En lomoren, En lomoren, bwe e ar lōñliñ kin e.

9 A Kwe eo E ar bōk iō jen lojien: Kw'ar kōmōn bwe in liki ke I ar ber ion etin jiuō.

10 Emwij jolok iō na iom jen lojien; Kwe aō Anij jen lojien jiuō.

11 Kwon jab etolok jen ña, bwe ebak jorran; bwe ejelok dri jibōñ iō.

12 Elōñ kau koman r'ar ber itu-

rið; kau koman re kajur jen Besan r'ar kabol ið.

13 R'ar kablok loñir nae ið, einwöt juðn laioñ ej kekel im ñijñij.

14 Rej katorlok ið einwöt dren; dri ko drið rej ir; buruð einwöt bwil ej unlök ilo enbwinið.

15 Að kajur ej aimerlok einwöt mōtōn jābi dreka; loð ej edrep ñōn ñatte, im Kw'ar bōk ið ñōn bōñōl-ñōl in mij.

16 Bwe kiru rorrer r'ar ber iturið; jar an dri nana r'ar kabol ið; rej wakāre neið im peið.

17 I maroñ in bwini drið otemfej; rej lo ið im kalimjek ið.

18 Rej ajej nuknuk ko að ñōu dron, im r'ar kōmōn kakōle ko kin, að kobe.

19 Kwon jab etolok jen ña, O Jeova; að Dri jibōñ, kwon kijorur im jibōñ ið.

20 Kwon lomor að jen jāji, mij-
loku jen pein kiru rorrer.

21 Kwon lomor ið jen loñin laiðn; aet, jen drun kau ko rawia, Kw'ar uak ið.

22 I naj kwalok etōm ñōn ro jeið im jatið; ilo bwiljin jar an armij I naj nebar Yuk.

23 Komeo kom mijōk Jeova, komin nebar E: aolepen inen Jekōb komin kaibujulij E: aolepen inen Israel komin mijōk E.

24 Bwe E ar jab kejekron ak drike iñtan an ro rej iñtan, im E ar jab noje mejen jen e, a ke e ar kir ñōn E, e ar roñjake.

25 Jen Kwe að mēn in nebar iloan jar eo elap: I naj kōlla að nan in kalimur iman mejen ro rej mijōk E.

26 Ro etā burueir re naj mōña im mat, re naj nebar Jeova, ro rej kabukot E. Buruemi en mour ñōn in drio.

27 Jabōn lōl otemfej re naj keme-
mej im oktōk ñōn Jeova, im ro u-
kin ailiñ ko otemfej re naj kabuñ
iman mejōm.

28 Bwe ailiñ eo an Jeova; im E iroi j ion ro dri ailiñ ko.

29 Ro otemfej re mātōk ion lōl re

naj mōña im kabuñ. Ro otemfej
rej wōnlōllok ñōn bōñōlñōl re naj
barikrik iman mejen, aet, eo e ban
kej bārok an ilo mour.

30 Juðn inen e naj korijer ñōn E.
Re naj kennan kin Jeova ñōn ebe-
ben eo e naj lore.

31 Re naj ilok im kwalok wānik
eo An ñōn juðn bwiljin armij e naj
lotak, bwe emwij an kōmōn e.

SAM 23.

Sam an Devld.

JEOVA að Šepherd, I jamin aik-
wij.

2 Ej kababu ið ilo melaj in ujoij
e maroro. Ej tel ið iturin dren ko
relae.

3 Ej farok að. Ej tel ið ilo ial ko
rejime kin etan.

4 Aet, meñe ij etal ilo komlōl in
anōñin mij, I jamin mijōk jabre-
wöt nana, bwe Kwoj ber iba; Am
alal im jokwōnōm, rej kainemōn
ið.

5 Kwoj kapoj juðn tebel imað
iman mejen ro rej kijirāt ið. Kw'ar
kabit bōra kin oil; að kōp ej elōñ-
mejirjir.

6 Emōn wöt im joij re naj lor ið
ran ko otemfej ij mour, im I naj
jokwe ilo imōn Jeova ñōn in drio.

SAM 24.

Sam an Devld.

AN Jeova lōl im kobōn, ene im ro
rej jokwe iloan.

2 Bwe E ar kajure ilōñin lometo,
im kabine ion ibij ko.

3 Wōn e naj wōnlōllok ilo tol in
Jeova? Wōn e naj jutōk ilo jikin
kwojarjar eo An?

4 Eo exreo pein, im buruen ekwo-
jarjar: eo e ar jab koutiej an ñōn
riðp, ak kanōjni j im e jab mol.

5 E naj bōk men in mōnōnō jeñ
Jeova, im wānik jen Anij an lomor
eo an.

6 Eñin ebeben eo ej kabukot E, ro
rej bukot mejōm, O Anij an Jekōb.

7 Komin leliñlok bōrōmi, O komeo
aur ko; im komin liñlok komeo aur

ko jen in drio, im Kiñ in aibujuj e naj dreloñ iloam.

8 Wõn eo Kiñ in aibujuj? Jeova ekajur im e monmon. Jeova ekajur in törinae.

9 Komin leliñlok börömi, O komeo aur ko, aet, komin leliñlok ir, komeo aur ko jen in drio; im Kiñ in aibujuj E naj dreloñ iloam.

10 Wõn eo Kiñ in aibujuj? Jeova an jar in törinae, E Kiñ in aibujuj. Sela.

SAM 25.

Sam an Devid.

NÕN Kwe O Jeova, ij leliñwoj aõ.

2 O aõ Anij, I ar liki Yuk, Kwon jab likit iõ bwe in jok; ro rej kijirät iõ Kwon jab likit bwe ren kimjaje kin ña.

3 Eokwe, ejelok juõn ian ro rej kõtar Yuk e naj jok. Re naj jok ro rej kõmõn men in mon im ejelok unin.

4 Kwon kwalok ñõn iõ ial ko Am, O Jeova, kwon katakin iõ kin ial ko Am.

5 Kwon tel iõ ilo Am mol, im katakin iõ; bwe Kwe Anij ej lomor iõ. Ij kõtar Yuk lomin aolepen ran.

6 O Jeova kwon kememej Am men in tliamokake, im Am joij im mol ko, bwe men kein jen in drio.

7 Kwon jab kememej bwir ko aõ ke I ar ajiri, ak jerawiwi ko aõ. Ilo Am joij im mol Kwon kememej iõ, kin Am emõn, O Jeova.

8 Jeova ej emõn im wānik, inem E naj katakin ro dri jerawiwi ilo ial eo.

9 Ro etā burueir E naj tel ir ilo wānik, im dri etā burueir E naj katakin ir ilo ial eo An.

10 Ial ko otemjej an Jeova re joij im mol, ñõn ro rej kejbārok bujen eo im klen ko An.

11 Kiu etõm, O Jeova, kwon jolok aõ bwir bwe elap.

12 Wõn armij eo ej mijõk Jeova? E naj katakin e ilo ial eo E naj kalete.

13 An e naj ber ilo emõn, im inen e naj bõk ene an jolit.

14 Bebe etino an Jeova iben ro rej mijõk E, im E naj kwalok ñõn ir bujen eo An.

15 Meja ñõn Jeova ien otemjej, bwe E naj kõtlok neiõ jen aujir eo.

16 Kwoj oktõk ñõn iõ im tliamokake iõ, bwe ña ij möke iaõ, im jorran.

17 Jorran ko an buruõ relaplok: O Kwon bõktok iõ jen iñtan ko aõ.

18 Kwon kalomõnlokjen kin aõ jorran im aõ iñtan, im jolok jerawiwi ko aõ otemjej.

19 Kwon lo ro rej jumæ iõ, bwe relõñ, im rej kijirät iõ kin kijirät elej.

20 O Kwon kejbārok aõ im lomor iõ; Kwon jab likit iõ ñõn jok, bwe ij liki Yuk.

21 Wānik im jimwe ren kejbārok iõ, bwe ij kõtar Yuk.

22 O Anij, kwon lomoren Israel jen jorran ko an otemjej.

SAM 26.

Sam an Devid.

KWON ekajet iõ, O Jeova, bwe I ar etal ilo aõ wānik: I ar bar einwõt liki Jeova, im jab makõtkit.

2 Kwon kalimjek iõ, O Jeova, im kamol iõ; Kwon melejoñ lemnok ko aõ im buruõ.

3 Bwe Am yokwe ejoiij iman meja; im I ar etal ilo mol eo Am.

4 I ar jab jijõt iben armij dri riõp; im I jamin etal iben ro dri jela mon.

5 Ij drike jar an ro rej kõmõn nana, im I jamin jijõt iben ro dri jerawiwi.

6 I naj amini pelõ ilo erreõ, ein drein I naj kabol lokatok eo Am, O Jeova.

7 Bwe in kwalok kin ainiken kamolol im kenannek jermal ko Am otemjej re men in bwilõñ.

8 O Jeova, ij yokwe mweo imõn, im jikin ijo Am aibujuj ej beriwõt.

9 Kwon jab bõklok aõ iben ro dri

jerawiwi, ak aō. mour iben armij re bōtōktōk.

10 Ilo peir kejjorran, im anbijma-roñir re obrōk kin wōnan nana.

11 A kin ña, I naj etal ilo aō wānik; Kwon lomoriō im tirlamokake iō.

12 Neiō ej jutōk ilo jikin jeban wōt juōn; ilo jar ko I naj nebar Jeova.

SAM 27.

Sam an Devid.

JEOVA aō maram im aō lomor, wōn eo in mijōk e? Jeova kajur an aō mour, wōn eo in leliñōñ kake?

2 Ke ro dri kōmōn nana r'ar itok nae iō bwe ren kāñi kōniekiō, aet ro dri kijirāt iō, im ro dri jumae iō, r'ar tibñil im buñ.

3 Meñe juōn jar elap e naj ber im jumae iō, buruō e jamin leliñōñ; meñe tōrinae e naj walok nae iō, im ein drein I naj beran kake.

4 Juōn aō kar kajitōk iben Jeova, men in I naj kabukot; bwe in jokwe ilo imōn Jeova ran ko otemej ñe ij mour; bwe in lo wōleo an Jeova, im bwe in kajitōk ilo tempel eo An.

5 Bwe ilo ran in jorran E naj kejbārok iō ilo etino i mweo imōn: ilo jikin ko rekab an imōn kabere eo An E naj noj iō, E naj leliñlok iō iōn juōn dreka elap.

6 Im kiō naj koutiej bōra jen ro rej jumae im kabol iō; im I naj katok iloan imōn kabere eo An men in katok in lōñliñ: I naj al, aet, I naj al im nebar Jeova.

7 O Jeova, kwon roñ ñe ij lamij kin ainiokiō; Kwon tirlamokake iō im uak iō.

8 Ke kw'ar ba, Kwon bukot meja, buruō e ar ba ñōn Yuk, O Jeova I naj kabukot mejōm.

9 Kwon jab noj mejōm jen ña; Kwon jab ubakelok korijerōm kin ñlu. Kw'ar aō Dri jibōñ; Kwon jab jolok iō, ak jab illok jen ña, O Anij an aō lomor.

10 Bwe jema im jinō r'ar illok jen ña, a Jeova e naj bōk iō.

11 Kwon katakin iō kin ial eo Am, O Jeova, im tel iō ilo ial e alikar kin ro rej kijirāt iō.

12 Kwon jab ketōk iō ñōn ankil an ro rej kijirāt iō, bwe ro dri kennan riōp r'ar jutōk nae iō, im ro rej buñañon lej.

13 I naj kar karutok menwa, elañe I ar jab tōmak in lo mol an Jeova ilo ene an ro dri mour.

14 Kwon kōtar Jeova, kwon kajur, im buruōm en beran wōt, aet, kwon kōtar Jeova.

SAM 28.

Sam an Devid.

ÑŌN Kwe O Jeova, I naj kir: aō dreka, Kwon jab roñjammōn ñōn iō, bwe elañe Kwoj ikōñ ñōn iō, I naj einwōt ro rej wōnlōllok ñōn iloan roñ eo.

2 Kwon roñjake ainiken jar ko aō, ñe ij lamij ñōn Yuk, ñe ij kwotōke pe'ō ñōn jikōm ekwojarjar otem kwojarjar.

3 Kwon jab kekake iō iben ro dri jerawiwi; ak iben ro rej kōmōn nana, ro rej konono ainemōn iben ro dri turir, a nana ilo burueir.

4 Kwon lelok ñōn ir ekar ñōn air jermal, im ekar ñōn nana an kōmōn ko air. Kwon lelok ñōn ir einwōt jermal in peir; Kwon nawōnair kin wōnan ekar.

5 Bwe re jab kalomōnlokjen kin jermal ko an Jeova, ak men ko E ar kōmōn kin pein; E naj kokkure ir im jab kalek ir.

6 Emōnōnō wōt Jeova, bwe E ar roñjake ainiken jar ko aō.

7 Jeova aō kajur, im aō likepijñōk, buruō e ar liki E, im emwij jibōñ iō: kin men in buruō elap an lōñliñ, im kin aō al I naj nebar E.

8 Jeova air kajur, im E juōn me ebin in lomor ñōn ro An ñri kabit.

9 Kwon lomoren ro dri ailiñ eo Am, im kejerammōn am jolit. Bareinwōt Kwon najirik ir im baur ir ñōn in drio.

SAM 29.

Sam an David.

KOMIN lelok ñôn Jeova, O kom ro nejin dri kajur, komin lelok ñôn Jeova wuj im kajur.

2 Komin lelok ñôn Jeova wijtak etan e tellokôn kake; komin kabuñ ñôn E ilo wôlio in kwojarjar.

3 Ainiken Jeova ion dren ko; Anij in aibujuij ej jorur, Jeova ej ion dren ko relôñ.

4 Ainiken Jeova ekajur; ainiken Jeova eobrök kin wuj.

5 Ainiken Jeova e ruji sidar ko, aet, Jeova e ruji ñôn môtôn ko wijki sidar ko an Lebanôn.

6 Ej kômôn bwe ren kâki einwôt kon in kau; Lebanôn im Sirîôn einwôt juôn kau koman awia.

7 Ainiken Jeova ej kijbil urur in kijeek.

8 Ainiken Jeova ej kamökit ene jemaren; Jeova ej kamökikîkît ene jemaren in Kadesh.

9 Ainiken Jeova ej kômôn bwe dir koköraren keutak, ej jôlok bwilikôn wijki kô; im ilo tempel eo An men ko otemjej re ba, Komin wijtak.

10 Jeova e ar jijôt einwôt Kiñ ke ibij liplip eo; aet, Jeova ej jijôt im Kiñ ñôn in drio.

11 Jeova e naj letok kajur ñôn ro dri ailîñ An; Jeova e naj kejeram-môn ro dron kin ainemôn.

SAM 30.

Juôn sam. Al in lelok im mweo. An David.

INAJ koutiej Yuk, O Jeova, bwe Kw'ar kejerakak iô, im Kw'ar jab likit ro dri kijirât iô bwe ren iôñlin iô.

2 O Jeova, kw'ar bökliñtok aô jen Hedis; Kw'ar kejbârok aô mour bwe in jab wônöllok ñôn ilon roñ eo.

3 O Jeova aô Anij, I ar kir ñôn Kwe im Kw'ar kâejmour iô. O Jeova kw'ar bökliñtok aô jen Hedis; Kw'ar kejbârok aô mour bwe in jab wônöllok ñôn ilon roñ eo.

4 Komin al im nebar Jeova, O

komeo kom ro remôn, im kamolol etan ekwojarjar.

5 Bwe An illu e jirik wôt ien; ilo An joiy mour; bwelen jôñ e naj ber-wôt ilo boñ, a lônîlîñ e naj itok ñe ejibôñ.

6 Kin ña, ilo aô jerammôn I ar ba, I jamin makötkit in drio.

7 Kwe O Jeova, kin Am joiy Kw'ar likit aô tol bwe en jutök im bin. Kw'ar noj mejôm, inem I ar abnônô.

8 I ar kir ñôn Kwe, O Jeova, im ñôn Jeova I naj akwelap.

9 Ewi tokjen draô, O Jeova, ñe ij wônöllok ñôn roñ eo? Bônölñöl en nebar Yuk ke? En kwalok Am mol ke?

10 O Jeova, kwon roñjake im tiria-mokake iô; Jeova kwon aô Dri jibôñ.

11 Ñôn ña Kw'ar uköt aô jôñ ñôn eep; Kw'ar jelate aô nuknuk in buromôj. Im Kw'ar kañörñör iô kin lônîlîñ.

12 Bwe aô aibujuij en al im nebar Yuk, im jab kejeklokjen, O Jeova, aô Anij, I naj kamolol Yuk ñôn in drio.

SAM 31.

Ñôn dri lalé al. Sam an David.

O JEOVA ij liki Yuk; kwon kômôn bwe in jamin jok. Kwon kötklok iô ilo Am wânîk.

2 Kwon lelôltok lojilîñôm ñôn iô; Kwon kötklok iô kiôkiô: Kwon einwôt dreka ekajur ñôn iô; juôn imôn kouk in lomor iô.

3 Bwe Kwe aô dreka, im aô me; inem kin etôm Kwon tel iô im bakajen aô ial.

4 Kwon kötklok iô jen aluk eo r'ar kapojök ñôn iô ilo etino, bwe Kwe aô me ekajur.

5 Ñôn peiôm ij lewoj aô jîtôb; Kw'ar wiaik iô, O Jeova, kwo Anij in mol.

6 Ij drike ro rej lemnok kin men in jekron ko an riôp, a ña ij liki Jeova.

7 I naj lônîlîñ im mônônô ilo Am

tiriamokake; bwe Kw'ar lo aō jorran: Kw'ar jela iñtan ko aō.

8 Im Kw'ar jab ketōk iō ilo pein eo ej kijirāt iō, Kw'ar likit neiō ijo erabōkbōk.

9 Kwon tiriamokake iō, O Jeova, ij jorran. Meja etōp kin buromōj, aet aō im enbwiniō.

10 Bwe aō mour ejokolok kin buromōj, im yiō ko aō kin jabjenmenōan: aō kajur ejokolok kin aō nana, im dri ko driō re morlok.

11 Kin ro otemjej rej kijirāte iō, I ar men in kinak, aet, ñōn ro dri turu e kanuij laplok im men in lelñōñ ñōn ro re jela iō. Ro r'ar lo iō insbij r'ar ko jen iō.

12 R'ar meloklok iō einwōt juōn dri mij, re jab lemno kake. Ña einwōt jābi erup.

13 Bwe I ar roñ ke elōñ r'ar riōp nae iō; lelñōñtata e ar kabol iō, ke r'ar bebe iben dron nae iō, r'ar kalomōnlokjen bwe ren bōklok aō mour.

14 A I ar liki Yuk, O Jeova, I ar ba, Kwe aō Anij.

15 Ien ko aō ilo peiōm. Kwon kōtlok iō jen pein ro rej kijirāt iō, im jen ro rej matōrtōr iō.

16 Turin mejōm en romak ion korijerōm; Kwon lomor iō ilo Am joij.

17 Kwon likit iō bwe in jab jok, O Jeova, bwe I ar kir ñōn Yuk. Ro dri nana ren jok, ren kejeklokjen ilo Hedis.

18 Tieir rej riōp, ren ban konono, ro rej jualōñlōñ im konono nae ro remōn, kin jua im kakitōtō.

19 O eñanin lap Am emōn eo Kw'ar kejbārok ñōn ro rej mijōk Yuk, eo Kw'ar kōmōnmōn ñōn ro rej liki Yuk, iman ro nejin armij!

20 Ilo likepijñōk an mejōm Kwo naj noj ir jen bebe ko an armij. Kwo naj kejbārok ir ilo etino ilo juōn imōn kabere jen iri an lo ko.

21 E mōnōnō Jeova, bwe E ar kwalok ñōn iō An joij e men in bwilōñ, i jikin kwelok ekajur.

22 Kin ña, I ar ba ilo aō kijorur,

Emwij bukwelok iō jen iman mejōm: mekarta Kw'ar roñjake ainiken aō akwelap ke I ar kir ñōn Yuk.

23 O komin yokwe Jeova, komeo dri'mōn otemjej An; Jeova ej kejbārok ro re tiljek, im elap An nawōnan eo ej jerbale jua.

24 Komin bin im buruemi ren beran, kom otemjej komij kejatrikrik kom ilo Jeova.

SAM 32.

Sam an Devid. Maskil.

EMŌNŌNŌ eo emwij jolok bwir eo an, im kalibubu an kōmōu nana.

2 Emōnōnō armij eo Jeova e jab watōk jerawiwi ñōn e, im ilo bu-ruen ejelok mon.

3 Ke I ar ikōñ, dri ko driō remorlok kin aō ñijñij lominaolepen ran.

4 Bwe ran im boñ peiōm e ar erro loō, enbwiniō emōralok einwōt kin dret ilo ien manan. Sela.

5 I ar kwalok ñōn Yuk aō bwir, im aō jerawiwi I ar jab noje; I ar ba, I naj kwalok aō jebwābwe ñōn Jeova, im Kw'ar jolok nana an aō bwir. Sela.

6 Kin men in ro drom otemjej ren jar ñōn Kwe ilo ien eo ñe re maroñ in lo Yuk. Emol, ñe dren ko relap relōñlok re jamin tōbar e.

7 Kwe aō likepijñōk; Kwo naj kejbārok iō jen jorran; Kwo naj kabol iō kin al ko al in lomor. Sela.

8 I naj kajelaik yuk im katakin yuk ilo ial eo kwo naj etal ie: I naj bebeik yuk ke meja ej lo yuk.

9 Kwon jab einwōt ors, ak einwōt mul, ejelok meletlet ibeir; im men ko men in kalitlit ir ken drebij, im to ko ken drebij ir, elañe ein juōn re jamin kebakwōj yuk.

10 Elōñ iñtan re naj iben ro re-nana, a eo ej liki Jeova, tiriamo e naj kabol e.

11 Komin mōnōnō ilo Jeova, im lōñliñ, komeo dri'mōn im lamij kin lōñliñ, kom otemjej im ejime buruemi.

SAM 33.

KOMIN lõnliñ ilo Jeova, kom dru wānik: lõnliñ ekar ñōn ro remōn.

2 Komin kamolol Jeova kin arp, komin al im nebar E kin salteri joñoul toan.

3 Komin al ñōn E kin juōn al ekal, komin kabel im kajōñjōñ kin ainiken elap.

4 Bwe nan an Jeova ejime wōt, im aolepen jerbal eo An emwij kōmōne ilo tiljek.

5 Ej yokwe wānik im ekajet; lõl eobrōk kin joij an Jeova.

6 Kin nan in Jeova, ar kōmōnmōn lõñ ko, im ir otemjej relōñ kin atloōn lõñin.

7 Ej kokweloktok dren ko otemjej in lometo einwōt juōn be; Ej likit dren ko imlōl ilo mo ko einwōt imōn mweiuk.

8 Aolepen lõl in en mijōk Jeova. Ro dri lõl otemjej ren leñōñ kin E.

9 Bwe E ar ba, inem emwij kōmōne: E ar jiroñ inem e ar jutōk im bin.

10 Jeova ej kokkure bebe ko an ro dri ailñ ko, Ej kōmōn bwe lemnok ko an armij en ejelok tokjeir.

11 Bebe an Jeova ebin ñōn in drio. Lemnok ko an buruen ñōn ebaben otemjej.

12 Emōnōnō ailñ eo elañe an Anij Jeova: armij ro E ar kalet ir bwe ren jolit eo An.

13 Jeova ej reilōltok jen lõñ, ej lo ro nejin armij otemjej.

14 Jen jikin eo ej ber ie, Ej reilōltok ñōn armij otemjej rej ber i lõl.

15 Eo ej kōmōnmōn burueir otemjej, Ej lale jerbal ko air otemjelok.

16 Ejelok lomoren kiñ kin jar an elōñ armij; jab lomoren juōn armij ekajur kin kajur an elap.

17 Juōn ors men in jekron kin lomoren, im e jamin lomoren jabrewōt armij kin kajur eo an elap.

18 Lo mejen Jeova ion ro rej mijōk E, im ro rej kōtar An tiriamokake ir.

19 Bwe En lomoren air jen mij, im kejbārok ir ilo mour iomin ien fiitta.

20 Am e ar kōtar Jeova: E am Dri jibōñ im am likepijñōk.

21 Bwe buruem re naj lõñliñ ilo E, bwe kim ar liki etan ekwojar-jar.

22 Am tiriamokake, O Jeova, en ber iom, einwōt kim ar kōtar Yuk.

SAM 34.

Sam an Devid ke e ar ukōt an meletlet iman Abimelek, eo e ar ubakelok e, inem e ar ilok.

INAJ wijtak Jeova ien otemjej; An nebar e naj ber i lõñiō ieu otemjelok.

2 Aō e naj kimjāje ilo Jeova; ro etā burueir re naj roñjake im re naj lõñliñ.

3 O komin koutlej Jeova, im jen jimor leññlok etan.

4 I ar kabukot Jeova, im E ar uak iō, im E ar lomor iō jen aō mijōk otemjej.

5 R'ar rellñ ñōn E, im emwij kamramlok ir, im turin mejer re jamin jok.

6 Dri jeramel in e ar kir, im Jeova e ar roñjake, im lomoren jen jorran ko an otemjej.

7 Enjel an Jeova ej ber iturin ro re mijōk E, im lomorir.

8 O kwon erjoñ im lo bwe Jeova e joij; emōnōnō eo ej liki E.

9 O komin mijōk Jeova, komeo dri'mōn ro An; bwe ejelok aikwij iben ro remjōk E.

10 Kon in laiōn rej aikwij im kwūli, a ro rej bukot Jeova re jamin aikwij jabrewōt men emōn.

11 Kom ro nejiō, komin item roñjake iō; I naj katakin kom mijōk Jeova.

12 Wōn armij eo ej yokwe mour, im e kōnan elōñ ran bwe en lo emōn?

13 Kwon drebij loōm jen nana, im tiōm jen konou etāō.

14 Kwon illok jen nana im kōmōn emōn, kwon kabukot ainemōn im lukwōrkwōre.

15 Mejen Jeova ñõn ro remõn, im lojiliñin rebellok ñõn air kir.

16 Turin mejen Jeova e nae ro rej kõmõn nana, bwe en kokkure eme-mej ir jen lõl.

17 Ro dri'mõn r'ar kir im Jeova e ar roñjake, im lomorir jen jorran ko air otemjej.

18 Jeova ej ebak ñõn ro eruj burueir, im Ej lomoren ro retã wõt ilo air.

19 Elõñ iñtañ an ro remõn, a Jeova ej lomorir jen ir otemjej.

20 Ej kejbãrok drin otemjej, ejelok iair im e moruj.

21 Nana e naj kokkure ro dri jera-wiwi, im ro rej kijirãt ro remõn naj liakelok ir.

22 Jeova ej lomoren an ro dri kori-geran, im ejelok ian ro rej liki E naj liakelok ir.

SAM 35.

Sam an David.

O JEOVA kwon jumae ro rej jumae iõ; Kwon torinaek ro rej torinaek iõ.

2 Kwon bõk likepijñõk im ken tõrak, im jutõk im jibõñ iõ.

3 Kwon nuri mõri, im ber ilo ial nae ro rej lukwõrkwõr iõ; Kwon ba ñõn aõ, Ña am Dri lomor.

4 Ren jok im kananaik ir rej kabukot aõ; ren jeblaklok im lolbon ro rej bebe nana nae iõ.

5 Ren einwõt kilin wit iman kõto, im enjel an Jeova en jebõk ir wõt.

6 Air ial en ilo marok im jirlok, im enjel an Jeova en lukwõrkwõr ir.

7 Bwe ke ejelok unin r'ar noj air jen nae iõ ilo juõn roñ; ke ejelok unin r'ar kõbij roñ nae aõ.

8 Kokkure en walok nae e ñe e jaje kake; jen eo e ar noje en jibwe e mõke, kin kokkure en buñ na iloan.

9 Im aõ e naj mõnõnõ ilo Jeova, e naj lõñliñ ilo An lomor.

10 Driõ otemjej re naj ba, Jeova, wõn ej einwõt Kwe, kwoj lomoren dri jeramel im dri aikwij jen eo ej rakimi?

11 Ro dri kennan im re jab jime rej jutõk; rej kajitõk iba kin men ko I jaje kake.

12 Rej nawõnaõ nana kin emõn ñõn air kaliallol aõ.

13 A ña, ke r'ar nañinmij, nuk-nuk ko aõ renana, I ar kejjorran aõ kin jitlok, im aõ jar e ar jeblaktok ñõn ubõ.

14 I ar kõmõn einwõt elañe e ar jera ak jatiõ, I ar kumliklik im jõñ einwõt eo ej jõñot jinen.

15 A ke I ar ajkupkup r'ar mõ-nõnõ, im kweloklok; ro dri nana r'ar kweloktok nae iõ im I ar jaje kake; e ar jab jokwõr air kekel iõ.

16 Einwõt ro dri kajirere ilo kwoj-kwoj ko, r'ar kijdrekein ñi nae iõ.

17 Iroi, ietoñ Am reitok? Kwon lomoren aõ jen kokkure ko air, eo e jitenburu iba jen laiõn ko.

18 I naj kamolol Yuk ilo jar eo elap, i bwiljin elõñ armij I naj ne-bar Yuk.

19 Ro rej jumae iõ ilo riõp ren jab lõñliñ iõ; ro rej kijirãt iõ im ejelok unin, ren jab rumrum kin mej.

20 Bwe re jab konono ainemõn; a rej kine nan ko nan in etaõ nae ro rej ber i ene im tõt wõt.

21 Aet, r'ar kanuij walõñi loñir nae iõ: r'ar ba, Aha, Aha, mejem r'ar loe.

22 Kw'ar loe, O Jeova; kwon jab ikõñ. O Jeova kwon jab etolok jen ña.

23 Kwon ruj, Kwon ruj ñõn aõ ekajet; aet ñõn men ko aõ, aõ Anij im aõ Iroi.

24 Kwon ekajet iõ, O Jeova, aõ Anij, ilo Am wãnik, im jab likit bwe ren lõñliñ iõ.

25 Ren jab ba ilo burueir, Aha, ein drein am kõnan; ren jab ba, Kim ar wõrõñõlok e.

26 Ren jok im lolbon iten dron, ro rej lõñliñ kin aõ jorran. Ren kõnõk jok im kananaik ir, ro rej koutlej ir mõke nae iõ.

27 Ren lamij kin lõñliñ, im ren mõnõnõ wõt, ro rej yokwe men ko aõ remõn, aet, ren ba ien otemjej,

Ren koutiej Jeova eo E mōnōnō kin jerammōn an korijeran.

28 Inem loē e naj konono kin Am wānik, im kin Am nebar iomiu aolepen ran.

SAM 36.

Nōn eo ej lalē al. Sam an Devid korijern Jeova.

BWIR an dri nana e ba llo buruō, Ejelok mijōk Jeova iman mejen.

2 Bwe ej etaōk e mōke iman mejen, bwe ren jab lo nana eo an im kijirāte.

3 Nan ko an loñin renana im mon: e jokwōr an meletlet im kōmōn emōn.

4 Ej kine nana ilo kinien; ej likit e mōke ilo ial e jab emōn; e jab, drike nana.

5 Am joij im yokwe, O Jeova ej ber i loñ ko: Am tiljek ej tōbar mejatoto.

6 Am emōn ej einwōt tol ko an Anij; ekajet ko Am einwōt lometo elap. O Jeova kwoj kejbārok arnij im kiru.

7 E nañin aurōk Am joij im yokwe, O Anij! im ro nejin armij rōn re naj ko ñōn lurin peiōm.

8 Re naj kanuij jokōne kin mweien mweo imōm relōñlok; im Kwo naj kairak ir kin river eo river in mōnōnō ko Am.

9 Bwe ibōm unin dren in mour; ilo maram eo Am kin naj lo maram.

10 O kwalok wōt Am joij elap ñōn ro re jela Kwe, im Am wānik ñōn ro ejime burueir.

11 Neen jua en jab iteu jumae iō, im pein dri nana en jab ubaklok iō.

12 Ijo ro re kōmōn nana r'ar buñ, emwij jolōllok ir, im re jamin maroñ in jerkak.

SAM 37.

Sam an Devid.

KWON jab aliñōrñōr kin ro rej kōmōn nana, im kwon jab junmare nae ro rej jerbal ilo jab wānik.

2 E naj mōkōj in bukwe ir einwōt ujoij; im re naj almerlok einwōt mar e maroro.

3 Kwon liki Jeova im kōmōn emōn; kwon jokwe ilo ene im lore tiljek.

4 Kwon bareinwōt lōñliñ ilo Jeova, im E naj lewoj men in kajitōk ko an buruōm.

5 Kwon karebillok am ial ion Jeova, kwon bareinwōt liki E, im E naj kōmōne.

6 Im E naj kwaloktok am wānik einwōt maram, im am ekajet einwōt ke lolliñ al.

7 Kwon kakijeik yuk ilo Jeova, im kōtare im jab kijorur. Kwon jab aliñōrñōr kin eo e jerammōn an ial, kin eo ej kōmōnmōn bebe ko renana.

8 En jokwōr am illu, im kwon illok jen e; im kwon jab aliñōrñōr in kōmōn nana wōt.

9 Bwe ro rej kōmōn nana re naj joko; a ro re kōtar Jeova re naj jolit ene eo.

10 Bwe jirik wōt ien, im eo enana e naj joko; aet, kwo naj kalimjeke jikin im e naj ejelok.

11 A ro etā burueir re naj jolit ene eo, im re naj kalōñliñ ir mōke kin ainemōn elōñlok.

12 Eo dri nana ej bebe nae dru wānik, im ej kijdrekein ñin nae e.

13 Jeova e naj tōñ kake, bwe Ej lo an itok wōt ran eo an.

14 Ro dri nana r'ar nuri jājl eo, im r'ar kiele libon eo air, bwe ren jolōllok ro dri jeramel im ro re aikwij, bwe ren inōn ro dri jime ilo air ial.

15 Jāji eo air e naj wākāri burueir wōt, im e naj bwilōk libon eo air.

16 Emōnlok mōtōn jirik wōt iben ro remōn jen mweiuk elap an elōñ dri nana.

17 Bwe naj ruje pein ro dri nana, ak Jeova ej kejbārok ro remōn.

18 Jeova e jela ran kō an ro rewāppen, im air jolit e naj ñōn in drlo.

19 Re jamin jok ilo ien eo enana, im ilo ran ko ran in fitta re naj mat.

20 A ro renana re naj joko, im ro

rej kijirāte Jeova re naj einwōt matōk in lam ko. Re naj monlok, im ilo batat re naj tor wōt.

21 Ro renana rej karoñ im jab barlelok, a eo ewānik e joij in kōmōn im ej-lelok.

22 Bwe ro rej mōnōnō ilo E re naj jolit ene eo, im ro rejerata kin E naj bukwelok ir.

23 Jeova ej kabin etal ko an juōn eman, im E mōnōnō kake an ial.

24 Meñe e buñ, jamin jolōllok e wōt, bwe Jeova ej drebij e kin pein.

25 I kar ajiri im kiō I lōlap, a I jañin lo dri'mōn ke r'ar illok jen e, ak inen ke r'ar oor kijeir.

26 Iomin aolepen ran ej kōmōn joij im lelok; im inen emōnōnō wōt.

27 Kwon illok jen nana im kōmōn emōn, im ber ñōn in drio.

28 Bwe Jeova ej yokwe ekajet, im E jab illok jen ro remōn An: naj kejbārok ir ñōn in drio, a naj bukwelok inen ro renana.

29 Ro remōn re naj jolit ene eo, im jokwe illoan ñōn in drio.

30 Loñin dri'mōn ej konono kin meletlet, im loin ej konono kin ekajet.

31 Kien Anij ej ilo buruen; ejelok buñten neen e naj jir.

32 Dri nana ej kejure dri'mōn, im ej bukot bwe en mōn e.

33 Jeova e jamin likit e ilo pein, im E jamin liakelok ñe ekajet e.

34 Kwon kōtar Jeova im kejbārok ial eo An, im E naj koutiej yuk in jolit ene eo. Ñe bukwelok ro dri nana kwo naj loe.

35 I ar lo dri nana ilo kajur elap, im e ar edrete einwōt juōn wijki e maroro im jañin kōtepe.

36 A ejoko, im lo e jab ber; eokwe I ar kabukot e, im I ban lo e.

37 Kwon kakōle armij ewāppen, im kalimjek eo ejime, bwe mour in drio ñōn armij in ainemōn.

38 A kin ro dri bwir, naj kokkure ir otemjej; ilo jemlokōn ro dri nana naj bukwelok ir.

39 A lomor an ro remōn jen Jeova, E air me ekajur ilo ien jorran.

40 Im Jeova ej jibōñ ir, im lomor ir. Ej kōtlok ir jen ro renana im lomor ir, bwe r'ar ko im ber ilo E.

SAM 38.

Sam an David in kakememej.

O JEOVA kwon jab kowe iō ilo Am illu, im Kwon jab kajeik iō ñe ebywil Am illu.

2 Bwe mōri ko Am r'ar wākāri iō, im peiōm e kanuij kabij iō.

3 Ejelok kōniekiō ebin kin Am illu: ak ejelok mour ilo dri ko driō kin aō bwir.

4 Bwe bwir ko aō r'ar kijone bōra. Einwōt inek erro rerrolok jen ña.

5 Kinij ko aō re buōl im re kōt kin aō anapāp.

6 Ij metōk im I kanuij kumliklik, ij etetal im jōñ iomin aolepen ran.

7 Bwe ibiō re obrōk kin bwil, im ejelok keje ilo kōniekiō.

8 Ij barōk im kanuij eobōp; I ar rorror kin abnōnō in buruō.

9 Iroi, aolepen aō kōnan iman mejōm; im aō ñirñir I ar jab noj jen Kwe.

10 Buruō e kūmkūm wōt, aō kajur ejokolok, kin maram in meja, e bareinwōt joko jen ña.

11 Ro r'ar yokwe im jeraik iō re jutōk im jibil jen aō iñtan, im ro nuku re jutōk etolok.

12 Bareinwōt ro rej kabukot aō mij rej kōmōn jen ko nae iō, im ro re kabukot aō jorran re konono men in kokkure iō, im kine etaō ko iomin aolepen ran.

13 A ña einwōt armij e roñjam-mōn, I ar jab roñjake, im ij einwōt armij e ban konono, eo e jab walōñi loñin.

14 Aet ña einwōt juōn armij e jab roñ, im ilo loñin ejelok nan in kowe.

15 Bwe ilo Kwe O Jeova, ij keja-trikrik iō; kwo naj uak, O Iroi aō Anij.

16 Bwe I ar ba, Ñe ab ren lōñiliñ kin ña; ke neiō ej jirlok, re koutiej ir mōke nae iō.

17 Bwe I naſin ajkupkup, im aō buromōj ej ien otemjej imaō.

18 Bwe I naj kwalok aō bwir, I naj buromōj kin aō jerawiwi.

19 A ro rej kijirāt iō re mour wōt, im rekajur: im ro rej drike iō ilo jab wānik, relōñlok.

20 Bareinwōt ro rej nawōnan nana kin emōn, re dri jumae iō, bwe I lore men eo emōn.

21 Kwon jab illok jen ſia; O Jeova; O aō Anij, kwon jab etolok jen ſia.

22 Kwon kijorur im jibōñ iō, O Jeova aō Dri lomor.

SAM 39.

Nōn eo ej lale al, Nōn Jedutun. Sam an Devid.

I AR ba, I naj lale ial ko aō, bwe in jab bwir kin loō; I naj kej-bārok loñiō kin ken drebij ke dri nana e iman meja.

2 I ar einwōt I ban konono, I ar jab ba men eo emōn, im aō buromōj elaplok.

3 Buruō ebwil ilo ſia; ke I ar kalomōnlokjen urur e jo, inem I ar konono kin loō.

4 Jeova kwon kajelaik iō kin jemlokōn aō mour, im kin joñōñ ran ko aō ta eo. Kwon kajelaik iō ekijkan I mōjino.

5 Lo, Kw'ar kōmōn ran ko aō einwōt drillpen pā ko. Im aō mour einwōt ejelok imam. Emol armij otemjej ſie remōntata, rewan wōt. Sela.

6 Emol jabrewōt armij ej etal einwōt ilo men in ewan. Emol re makōtkit im ejelok tokjen; ej koorlok mweiuk ko im e jaje wōn eo e naj aini.

7 Im kiō, Irolj, ta eo ij kōtare? Aō kejatrikrik ilo Kwe.

8 Kwon lomor iō jen bwir ko aō otemjej: Kwon jab kōmōn iō bwe in men in kajok an dri bwebwe.

9 I ar einwōt I ban konono, I ar jab walōñi loñiō, bwe Kwe Kw'ar kōmōne.

10 Kwon kadruaklok Am kaiſitan iō jen ſia; ij etōr kin an peiōm drefiok iō.

11 Ke Kwoj kajeik juōn armij kin enoik ko bwe e dri jerawiwi, Kwoj kōmōn bwe an wōleo en joko einwōt kin drile: emol armij otemjej einwōt men in wan.

12 Kwon roñjake aō jar O Jeova, im eoroñ aō kir; Kwon jab ikōñ ſie ij jōñ, bwe ſia drua maljet iōm, dri itoitōk einwōt ro jima otemjej.

13 O Kwon reilok jen ſia bwe in mōnōnōlok mokta jen aō ilok jen ijin im joko wōt.

SAM 40.

Nōn eo dri lale al. Sam an Devid.

I AR kōtar Jeova im jab kijorur, im E ar mōltok ſiōn iō, im roñjake aō jar.

2 E ar kwotōke iō jen juōn roñ e kanuij nana, jen birkōt in kle ebl-ruru, im E ar likit peiō ilo juōn dreka, im kabin etal ko aō.

3 Im E ar likit juōn al ekal ilo loñiō, eokwe, nebar ſiōn aō Anij. Elōñ re naj loe im mijōk, im naj liki Jeova.

4 Emōnōnō armij eo ej liki Jeova wōt, im e jab lale ro dri jua, ak ro rej jebwābwe ſiōn riōp ko.

5 O Jeova aō Anij, elōñ men in bwilōñ, jermal ko Kw'ar kōmōne, kab lemnok ko Am ſiōn kim: re ban kilajrōk ir ſiōn Kwe; elafie I naj kōñan kwalok im konono kaki, relōñ jen maroñ in bwini.

6 Jurtak im men in katōk, Kwo jab loñliñ kaki: lojiliñiō Kw'ar kebellok. Men in katok ko rej tili, im men in katok kin jerawiwi, Kw'ar jab kajitōk.

7 Inem I ar ba, Lo ij itok; ilo Buk eo elimlim emwij jeje kin ſia.

8 I loñliñ in kōmōnmōn ankil Am, O aō Anij, aet kiōm ej ber iloan buruō.

9 I ar kwalok wānik ilo jar eo elap: lo I jamin bor tiō: O Jeova kwo jela.

10 I ar jab noj Am wānik ilo buruō; I ar kwalok Am tiljek im Am lomor; I ar jab noj Am joij im Am mol jen jar eo elap.

11 Kwon jab drebij Am tiriamokake ko jen ña, O Jeova. Am joij im Am mol ren kejbärok ið ien otemjej.

12 Bwe men ko renana relöñ jen maröñ in bwinir, r'ar kabol ið. Bwir ko að r'ar lukwörkwör ið im böök ið, inem I ban relliflok. Relöñ jen kol ko kolan böra, im buruð e ar kijelok.

13 Kwon joij O Jeova, im lomorið; Kwon kijorur in jiböñ ið O Jeova.

14 Ren jok im lolbon, ro rej kabukot að bwe ren mön e. Ren jenliklik im kananaik ir, ro rej mönönö in kokkure ið.

15 Ren men in jeebeplok kin air jok, ro re ba ñön ið, Aha! Aha!

16 Ro otemjej rej kabukot Yuk, ren löñliñ im mönönö ilo Kwe; ro rej yokwe Am lomor, ren ba ien otemjej, En utlej Jeova!

17 A ña I jeramel im alkwij, a Jeova ej lemnok kin ið. Kwe að Dri jiböñ im að Dri lomor: Kwon jab rumij, O að Anij.

SAM 41.

Ñön eo ej lale al. Sam an David.

EMÖNÖNÖ eo ej lale ro dri jeramel; Jeova e naj lomoren ilo ran in jorran.

2 Jeova e naj kejbärok e im kaitoklok an mour, im e naj jerammön ilo löl, im E jamin ketök e ñön ankil an ro rej kijiräte.

3 Jeova e naj lale e ilo kinlen ñe e mojtmo: Kwoj kömön aðlepen bed eo an ilo an nañinmij.

4 I ar ba, O Jeova kwon tiriamokake ið; Kwon käejmour ið, bwe I ar jerawiwi nae Yuk.

5 Ro rej kijirät ið, rej konono nana nae ið, im ba, Ñat e naj mij im etan en joko wöt?

6 Im elañe ej iten lotok ið, ej konono riðp; buruen ej aini nana ñön e möke. Ne ej driojlok ej kwalok e.

7 Ro otemjej dri kijirät ið rej unojrikrik iben dron nae ið; nae ið rej kine men ko men in kokkure ið.

8 Juön nañinmij enana, re ba, ej

edrep ñön e, im kið ej babu inem e jamin bar jerkak.

9 Aet, jera eo e jitenburu iba, eo I ar liki, im e ar möña jimötön kijið, e ar bijlok jimwin neen nae ið.

10 A Kwe O Jeova, kwon tiriamokake ið, im kejkak ið, bwe in nawönair.

11 Kin men in I jela Kwoj-löñliñ ilo ña, bwe eo ej kijirät ið e jab jua-löñliñ ið.

12 Ak kin ña, Kwoj baur ið ilo að wänik, im likit ið iman mejöm ñön in drio.

13 Emönönö wöt Jeova, Anij in Israel jen in drio im ñön in drio. Amen im Amen.

SAM 42.

Ñön eo ej lale al. Maskil an ro neñin Kora.

EINWÖT kiru hart e kanuij könan river ko in dren, ein drein að e kanuij könake Yuk, O Anij.

2 Að emaro kin Anij, kin Anij eo dri mour; ñat I naj iwij im walok iman mejen Anij.

3 Að dren in kemjalal e ar kijið ran im boñ, ke re ba ñön ið ien otemjej, Ewi am Anij?

4 Men kein ij kememej im lutöklok að iloð, ekijkan að kar ilok iben jar eo im tellok ir ñön imöñ Anij.

5 Etke jolölok yuk O að? Etke kwoj abnönö ilo ña? Kwon kejat-rikrik yuk ilo Anij, bwe I naj nebar E juön ien kin lomor an mejen.

6 O að Anij, emwij jolölok að ilo ña; kin men in I kememej Yuk jen ene'n Jordan, im jen Hermön ko im tol Maizar.

7 Imlöl ej kir ñön imlöl kin aini-ken aire ko Am; no ko otemjej Am, im ibij ko Am r'ar uweliñlok ilöñið.

8 A Jeova e naj jiroñ joij eo An ilo ran, im ilo boñ al eo An e naj iba: aet juön jar ñön Anij in að mour.

9 I naj ba ñön Anij að dreka, Etke Kw'ar meloklok ið? Etke ij etal im jöñ kin an dri kijirät kama-kokoik ið?

10 Einwöt juön jäji ilo drið, ro dri

jumae ið re kinaklok ið, ke re ba ien otemjej ññn ið, Ewi am Anij?

11 Etke jolöllok yuk, O að, im etke kwoj abunññ ilo ñña? Kwon kejarikrik yuk ilo Anij, bwe juññ ien I naj nebar E; Eo ej mour an turin meja im að Anij.

SAM 43.

KWON ekajet ið O Anij, im akwaile að akwail nae ro dri ailiñ eo re dri jerawiwi: O Kwon lomorið jen armij eo dri mon im e jab wānik.

2 Bwe Kwe Anij an að kajur; etke Kw'ar jolok ið? Etke ij etal im liaj-lol kin an dri kijirāt matörtör ið?

3 O Kwon jilkintok Am maram im mol, ren tel ið; ren kötöbar ið ññn am tol in kwojarjar, im imñn kabere ko Am.

4 Inem I naj itok ññn imñn lokatok in Anij, ññn að löññiñ e kanuij lap: im kin arp I naj nebar Yuk, O Anij, að Anij.

5 Etke jolöllok yuk O að, im etke kwoj abunññ ilo ñña? Kwon kejarikrik yuk kin Anij, bwe juññ ien I naj nebar E, eo mour in turin meja im að Anij.

SAM 44.

Ññn eo ej lale al. Sam an rō neññ Kora. Maskil.

KIM ar roñ kin lojiliññim, O Anij; ro jimam r'ar kennanek kim, ta jermal eo Kw'ar kōmōni-ilo ran ko air, ilo ran ko remotelok.

2 Kw'ar kadrioijlok ro dri ailiñ ko kin peiñm, im Kw'ar kallip ir ie; Kw'ar kokkure ro dri ailiñ ko, im Kw'ar kejbliklok ir.

3 Bwe r'ar jab bōk ene eo kin jāji eo air, im peir e ar jab lomori: a aubijnarōññm im peiñm, im maram in turin meñm, bwe Kw'ar kōññajoik ir.

4 Kwe að Kiñ, O Anij, kwon kalññi men in lomori ññn Jekōb.

5 Kin Kwe kim naj jibellok ro rej jumae kim: kin etñm kim naj juri ro rej jerkak nae kim.

6 Bwe I jamin liki að libon, im jāji eo að e jamin lomorið.

7 A Kw'ar lomorem jen ro rej jumae kim: Kw'ar kajok ro rej kijirāt kim.

8 Ilo Anij kim ar jualōññlōñ iomin aolepen ran; im kim naj kamolol etñm ññn in drio. Sela.

9 A kið Kw'ar jolok kim, im kanaanik kim, im Kw'ar jab ilok iben jar in torinae ko am.

10 Kwo kejeblaktok kim jen eo dri jumae; im ro rej kijirāte kim rej rakimi kim ññn ir mōke.

11 Kwo lelok kim einwōt šip ko kijan armij; im Kw'ar kejbliklok kim iben ro dri ailiñ ko.

12 Kwo wiakake ro drom kin ejelok, im Kw'ar jab mweielok kin wōnair.

13 Kwoj kōmōu bwe kimin men in kinak iben ro dri turum; men in kejekron im kitōtōkake ññn ro rej kabol kim.

14 Kwoj kōmōn bwe kimin nan in kinak iben ro dri ailiñ ko; juññ men in jibolul bōrair iben jar in armij rōn.

15 Iomin aolepen ran air kanaanik ið ej imað; im jok e ar kalibubu turin meja:

16 Kin ainiken eo ej kinaklok im kitōtōkake, kin eo ej dri kijirāt im dri irenwōne.

17 Aolepen men in e ar itok iom, a kim ar jab meloklok Yuk; im kim ar jab kōmōn men in riōp ilo bujen eo Am.

18 Buruem e jab oktōklik, im buñten neem r'ar jab jirlok jen Am ial;

19 Bwe Kwon kokkure kim ilo jikin kiru rawia, im kalibubu kim kin lurin mij.

20 Elaññe kim ar meloklok etan am Anij, ak erlokwe peem ññn juññ anij e drua maijet.

21 Anij e jamin kabukot men in ke? Bwe E jela men ko retino in buru.

22 Aet kin Kwe rej mōn kim iomin aolepen ran, rej bwini kim einwōt šip ko drien mij.

23 Kwon ruj, etke Kwoj kiki, O

Jeova? Kwon jerkak, Kwon jab
jolok kim ñòn in drlo.

24 Etke Kwoj noj turin mejòm,
im meloklok am jorran im matör-
tör kim?

25 Bwe-am ej kumliklik ñòn bō-
ñōññōñ, lojlem ej edrep ñòn lōl.

26 Kwon jerkak ñòn jibōñ kim,
im lomorem kin Am tiriamokake.

SAM 45.

Ñòn dri lale al ion Sosannim. Ñòn ro nejn Kōra.
Maakil. Al kin yokwe ko.

BURUŌ elōñamejirir kin men eo
emōn. I konono men ko I ar
kōmōni kin Kiñ eo: loñ ej einwōt
pen an juōn armij e minene in
jeje.

2 Kwe kwoj wōllo jen ro nejn ar-
mij; emwij lutōklok joij emōn ilo
tiōm, inem Anij e ar kamōnōnōik
Yuk ñòn in drlo.

3 Kwon kañōññōñ am jāji ion ibim,
O Kwe eutlejtata; Am wuj im Am
utlej.

4 Im ilo Am utiej Kwon uweman-
lok im jeban, kin Am mol im ine-
mōn im wānik: im anbijmaroññōm
e naj katakin Yuk men ko relet
wōt.

5 Mōri ko Am rekōñ, ro dri ailñ
ko re buñ iomin neōm; rej ilo bu-
ruen ro rej kijirāt Kiñ eo.

6 Am tron O Anij, e in drlo im in
drlo; septer in wānik septer in ailñ
eo Am.

7 Kw'ar yokwe wānik im drike
jerawiwi, inem Anij, Am Anij e ar
kabit Yuk kin oil in lōñliñ eutlej
jen ro rej ber ibōm.

8 Nuknuk ko Am otemjej rewōj
kin mōrr im aloes im kassia, jen in
alvōri an iroij, ken kajōñjōñ ko eor
toair r'ar kamōnōnōik Yuk.

9 Kōra ro nejn kiñ rej lañ kōra
ro Am reutiej; i anbijmaroññōm ej
jutōk liroij ilo gold in Ofir.

10 Kwon roñjake, O Nejln kōra,
im kalomōnlokjen im eorōñ; kwon
meloklok dri ailñ ro am im imōn
jemōm.

11 Ein drein Kiñ eo e naj kōnake

am dreo, bwe E am Iroij; im kwon
kabuñ ñòn E.

12 Im nejiu kōra dri Tair e naj ijo
im jurtak iben: ro dri mwele wōt
lan ro dri ailñ re naj bukot am joij.

13 Kōra eo nejn kiñ iloan mweo
imōn iroij e aibujulj wōt: nuknuk
ko an e litlit kin gold.

14 Naj tellok e ñòn Kiñ eo im kō-
nōk nuknuk ko retilit: virjin ro
jiroñ rej lore; naj telwoj ir ñòn
kwe.

15 Kin mōnōnō im lōñliñ naj tel
ir; re naj dreloñ ñòn iloan mweo
imōn iroij an kiñ eo.

16 Ro nejōm man re naj binej jen-
kwōn ro jemōm, ro kwo naj likit ir
iroij i aolepen lōl.

17 I naj kakememiej etōm ilo ebe-
ben otemjej; kin men in ro dri ailñ
ko re naj kamolol Yuk ñòn in drlo
im in drlo.

SAM 46.

Ñòn eo ej lale al. An ro nejn Kōra. Ilo Alamōt.
Juōn al.

ANIJ amuij likepijñōk im kajur;
Dri jtbōñ e kanuij ebak ilo iñ-
tan ko.

2 Inem kim jamin mijōk meñe lōl
ej ein juōn, ak meñe kamōkit tol
ko ñòn iloan lometo;

3 Meñe dren ko an re ñirñir im
lijemōrmōr, meñe tol ko re makōt-
kit kin an ibijlok. Sela.

4 Juōn river im al ko an re naj ka-
lōñliñ jikin kwelok an Anij; jikin
kwojarjar an imōn kabere ko an Eo
eutlejtata.

5 Anij e iloan, e jamin makōtkit;
Anij e naj jibōñ e, im men in ñe
erantak.

6 Ro dri ailñ ko r'ar aol, ailñ in
kiñ ro re makōtkit: E ar konono
im lōl e unlok.

7 Jeova an jar in tōrinae ko ibem;
Anij an Jekōb amuij likepijñōk.
Sela.

8 Komin iten lojerbal ko an Jeova;
ta kokkure ko E ar kōmōni ilo lōl.

9 Ej kejemlok tōrinae ko ñòn
jemlokōn lōl; Ej kabwilok libon

eo, im bukwe mōri, E tili jariōt ko kin kijeek.

10 Komin beriwōt im jela bwe Ņa Anij; I naj utiej i bwiljin dri ailiñ ko, I naj utiej ilo lōl.

11 Jeova an jar in tōrinae ko lbem; Anij an Jekōb aō likepijñōk. Sela.

SAM 47.

Ņōn eo ej lale al. Sam an ro nejin Kora.

O KOMIN kabokpā, kom dri ailiñ ko otemjej: komin lamij ñōn Anij kin ainiken anjo.

2 Bwe Jeova eutiejtata Ej aiet wōt: E kiñ elap ion aolepen lōl in.

3 E naj kamakokoik ro dri ailiñ ko ñōn kim; im jar ko air iomin neem.

4 E naj kalet amuij jolit ñōn kim; men eo emōnpotata an Jekōb, eo E ar yokwe. Sela.

5 Anij e ar wōnliñlok kin lamij; Jeova kin ainiken jilil.

6 Komin al im nebar Anij, komin al im nebar; komin nebar amuij Kiñ, komin al im uebar.

7 Bwe Anij e Kiñ in aolepen lōl; komin al im nebar kin jalalokjen.

8 Anij e Kiñ ion ro dri ailiñ ko; Anij ej jijōt ilo tron eo An ekwojarjar.

9 Iroj-an ro dri ailiñ ko r'ar kweloktok bwe ren dri ailiñ an Anij in Ebream. Bwe likepijñōk ko ilo lōl in an Anij: E kanuij utiej.

SAM 48.

Juōn al. Sam an ro nejin Kora.

ELAP Jeova, im ren kanuij nebar E, ilo jikin kwelok an amuij Anij, ilo tol eo An ekwojarjar.

2 E wōllo kin An utiej, men in lōñliñ in aolepen lōl, tol Zaiōn ilo katin ko eññ, jikin kwelok an Kiñ eo elap.

3 Anij e ar mōke kwalok E ilo imōn iroj ko an bwe en likepijñōk.

4 Bwe lo, kiñ ro r'ar kweloktok; r'ar jimor jokolok.

5 R'ar loe, inem r'ar bwilōñ kake; r'ar kanuij mijōk; r'ar kijorur in ilok.

6 Wuriñr e ar juowe ir ijo, im intan einwōt an juōn kōra ej iñtan ilo an keutak.

7 Kwoj rupe wa ko an Taršiš kin kōto jen rear.

8 Einwōt kim ar roñjake, ein drein kim ar loe; ilo jikin kwelok an Jeova in jar in tōrinae ko, ilo jikin kwelok an am Anij: Anij e naj kabin e ñōn in drio. Sela.

9 Kim ar lemnok kin Am joi, O Anij, i bwiljin tempel eo Am.

10 Einwōt etōm O Anij, ein drein air nebar Yuk ñōn jemlokōn kō jemlokōn lōl. Anbijmaroñōm e obrōk kin wānik.

11 Tol Zaiōn en mōnōnō, kōra ro nejin Juda, ren lōñliñ kin ekajet ko Am.

12 Komin etal iturin Zaiōn, im kabol e, bwini imōn bar ko au.

13 Komin kalimjek worwor ko an; komin lale imōn iroj ko an, bwe komin kenannek ebeben eo tokelik.

14 Bwe Anij in E amuij Anij ñōn in drio: E naj amuij dri tel ñōn ien mij.

SAM 49.

Ņōn eo ej lale al. Sam an ro nejin Kora.

KOMIN roñjake men in, kom ro dri ailiñ ko otemjej; komin eoroñ, kom otemjej kom dri jokwe ilo lōl.

2 Ro retā im ro reutiej, dri mwele im dri jeramel jimor.

3 Loñlō e naj konono meletlet; im kalomōnlokjen in buruō e naj kin jalalokjen.

4 I naj eoroñ juōn wan jōñok, im kwalok aō nan etino kin arp.

5 Etke in mijōk ilo ran ko renana, ñe jab wānik an ro rej matōrtōr iō ej kabol iō?

6 Ro rej liki air kajur, im jualōñ-lōñ kin elōñ mweleuk ko mweleir:

7 Ejelok juōn iair e maroñ in wialk jātīn man, im e ban lelok ñōn Anij binmour kin e.

8 Bwe e aurōk binmour eo an, im ren likit e ñōn in drio.

9 Bwe en mour wõt fiñn in drio, im bwe en jamin lo kõt.

10 Bwe ej lo an ro dri meletlet mij, dri bwebwe im dri jelalokjen re jímor joko, im likit mweiluk ko mweleir fiñn bar jet.

11 Ilo buruelr eor air lemnok, mo ko imweir re naj ber fiñn in drio, im jikir fiñn ebeben otemjej; rej naetan ene ko air kin etair wõt.

12 A armij e jab berlwõt ilo nebar, e einwõt kiru ko remij.

13 Eñin, air ial, e men iu bwebwe ibeir: ak elikir armij rej nebar air in nan. Sela.

14 Emwij likit ir juñn bwij fiñn Hedis; mij e naj air drilale, im ñe e jiboñ ro dru wānik re naj iroj ioir im air wōlio e naj etōp kin Hedis, bwe en ejelok jikin.

15 A Anij e naj binmour aō jen kajur an Hedis, bwe E naj bōk iō. Sela.

16 Kwon jab mijōk ñe juñn armij e mweielok, ñe wuj au mweo imōn elōñlok.

17 Bwe e naj mij, e jamin bōklok jabrewõt; an aibujuij e jamin wōn-lōllok iben.

18 Meñe ke e ar mour, e ar nebar an; im armij rej nebar yuk ñe kwoj kōmōn emōn fiñn kwe mōke.

19 E naj ilok fiñn ebeben an ro jiman; re jamin lo maram fiñn in drio.

20 Armij eo eutiey im dri jajelokjen, ej einwõt kiru re joko.

SAM 50.

Sam an Esap.

ANIJ, aet Anij Jeova e ar konono, im kir lōl in jen tak al fiñn tulok al.

2 Jen Zaiñn, men e wāppen an wōlio, Anij e ar romaktok.

3 Amuij Anij e naj itok im E jamin kejeklokjen; kijeek e naj kāñi iman, im e naj kanuij einwõt lañ iturin.

4 E naj kir fiñn lōñ ko im fiñn lōl, bwe En ekajet ro dri ailiñ An.

5 Komin kokweloktok fiñn iba

ro remōn Am, ro r'ar kōmōn bujen iba kin katok.

6 Im lōñ ko re naj kwalok An wānik, bwe Anij e mōke dri ekajet eo. Sela.

7 Komin roñjake, O aō dri ailiñ, im I naj konono, O Israel im I naj kennan fiñn yuk: Ña Anij, aet am Anij.

8 I jamin kowe yuk kin katok ko ami; im men in katok ko ami re tili, rej imaō ien otemjej.

9 I jamin bōk kau koman jen mweo imōm, ak goat koman ko jen worwor ko ami.

10 Bwe kiru otemjej i bwiljin wijki ko rej aō, im kau ko ilo juñn tausan tol ko.

11 I jela bao ko otemjej ilo tol ko reutiey, im kiru ko rawia ilo ene ko rej aō.

12 Elañe I kwūli, I jamin kenan-nek yuk, bwe lōl ej aō kab men ko e obrōk kaki.

13 Ña in mōña kōñjeken kau koman ko ke? ak irak bōtōktōkin goat ko?

14 Komin lelok fiñn Anij jurtak in kamolol, im kōlla fiñn Eo eutiey-tata men ko kw'ar kanōjniñ kaki.

15 Im kwon kir fiñn iō ilo ran in jorran; I naj lomoren yuk im kwo naj nebar iō.

16 A fiñn ro dri nana, Anij ej ba; Ta ibōm bwe kwon kwalok kien ko Aō, im bōk fiñn loan loñōm bujen eo Aō?

17 Bwe kwoj drike katak, im kwoj jolok ilikōm nan ko Aō.

18 Ke kw'ar lo juñn dri kwot, kw'ar bōk fiñn buruen, im kw'ar komaō iben ro dri lūñ.

19 Kw'ar lelok loñōm fiñn nana, im loñm ej kōmōnmōn etao.

20 Kwoj jijōt im konono nae jeōm, kwoj ba nan in riōp kin nejñ jinōm.

21 Kw'ar kōmōn men kein im I ar kejeklokjen; kw'ar lemnek Ña kanuij einwõt yuk; a Ña I naj enoik yuk, im kilajrōk bwir ko am iman mejōm.

22 Inem komin kalomönlokjen kin men in, komeo komij meloklok Anij, fie I ab kekel kom, im ejelok dri lomor.

23 Jabrewöt eo ej katok kin kamolol ej kaibujuij Iö, im fiön eo ej kajime an konono, I naj kwalok an Anij lomor.

SAM 51.

Fiön dri lala al. Sam an David, ke Netán dri kanan e drelofik fiön iben. elikin an babu iben Batseba.

KWON tirlamokake iö, O Anij, ilo Am joij elap: ilo Am tirlamo in yokwe relöfi, Kwon jolok bwir ko aö.

2 Kwon kanuij kwolkwol iö jen aö nana, im karreoik iö jen aö jerawiwi.

3 Bwe ij kwalok bwir ko aö, im jerawiwi eo aö ej imäo ien otemjej.

4 Nae Yuk, nae Yuk wöt I ar bwir; im I ar kömön men in enana iman mejöm: bwe ren kowänik Yuk ne Kwoj konono, im enjelok ruöm ne Kwoj ekajet.

5 Lo emwi kömönmöön iö ilo jab wänik; im ilo jerawiwi jinö e ar etalk iö.

6 Lo, Kwoj köuan mol iloan armij, im ilo mötön etino Kwo naj kajalaik iö meletlet.

7 Kwon kokwojarjar iö kin hisöp, im I naj erreo; Kwon kwolkwol iö im I naj mouj jen sno.

8 Kwon karöfiolok iö kin mönönö im löñliñ, bwe dri ko Kw'ar ruji ren lloeo.

9 Kwon noj mejöm jen bwir ko aö; im Kwon jeor aö jerawiwi otemjej.

10 Kwon kömönmöön buruö erreo ilo fia, O Anij; im kökal aö ejime iloan.

11 Kwon jab jolok iö jen iman mejöm; im Kwon jab böc jen fia Am Jitöb Kwojarjar.

12 Kwon kejeblaktok fiön iö löñliñ in Am lomor; im baur iö ilo buru anemkwoj.

13 Inem I naj katakin ro dri bwir

lal ko Am; im ro dri jerawiwi re naj ukwelok fiön Yuk.

14 Kwon lomoriö jen ruön bötkök, O Anij kwe Anij an aö lomor, inem loö e naj al im lamij kin Am wänik.

15 O Jeova kwon kebellok tiö, im loö e naj kwaloklok Am nebar.

16 Bwe Kwo jab buuburuöm kin katok, ak I naj kar lewoj: Kwo jab mönönö kin men in katok rej till.

17 Jurtak ko an Anij buru erup; buru erup im etä O Anij, Kwo jamin kejekron.

18 Kwon kömönmöön emön ilo Am joij fiön Zaiön; Kwon kalek worwor ko an Jerusalem.

19 Inem Kwo naj mönönö kin men in katok ko rewänik; kin men in katok ko re till, ko re tili im jab bukwi. Inem re naj katok kin kau koman ko ilo lokatok eo Am.

SAM 52.

Fiön eo ej lala al. Maakil an David ke Doeg dri iööm e ar item kenaunek Saul, im ba fiön e, David e ar itok fiön imön Ahimelek.

ETKE kwoj jualöñliñ ilo kömön nana, O armij ekajur? An Anij tirlamo ej ber ien otemjej.

2 Loöm ej kine nana wöt, einwöt juön naip eköfi, e jermal kin mon.

3 Kwoj yokwe nana jen emön. im riöp jen konono wänik. Sela.

4 Kwoj yokwe nan ko nan in woröfiolok, O kwe loen mon.

5 E naj ein drein an Anij kökkure yuk fiön in drlo; E naj kwotöke yuk, im kekake yuk jen im nuknuk am, im kötepe yuk jen enen mour. Sela.

6 Ro dru wänik e naj loe, im mijök, im re naj töñkake e im ba,

7 Lo efin armij eo e ar jab likit Anij an kajur, a e ar liki mweien elöfiolok, im kakajur e möke ilo an nana.

8 A kin fia, I einwöt wijki oliv e maroro, ilo imön Anij; ij liki an Anij tirlamokake fiön in drlo im in drlo.

9 I naj kamolol Yuk fiön in drlo, bwe Kw'ar kömöne, im I naj kejat-

rikrik ið ilo etõm; bwe e emõn iman ro remõn Am.

SAM 53.

Nõn eo ej lale al: ion Mahalat. Maskil an David.

DRI bwebwe e ar ba ilo buruen, Ejelok Anij. Re kõt, r'ar kõmõn nana men in jøjõik. Ejelok juõn ej kõmõn emõn.

2 Anij e ar reilõltok jen lõñ ion ro nejn armij bwe En lo elañe jabrewõt eo e jelalokjen, im kabukot Anij.

3 Ir otemjej r'ar jeblaklok, ir otemjej rej jimor brijrij; ejelok juõn ej kõmõn emõn, e jab juõn wõt.

4 Ejelok jelalokjen iben ro rej kõmõn nana ke? Ro rej kãñi ro droõ einwõt air mõña bred, im re jab kir ñõn Anij.

5 Tjo r'ar kanuij lelñõñ im ejelok unin lelñõñ ie: bwe Anij e ar ke-jibliklok dri ko drin eo ej nitbwilli yuk; Kw'ar kajok ir, bwe Anij e ar jolok ir.

6 O emõn' elañe lomõr an Israel e ar itok jen Zaiõn! Ñe Anij e naj kejeblaktok matõn iri ian ro dron, inem Jekõb e naj lõñliñ, im Israel e naj mõnõnõ.

SAM 54.

Nõn eo ej lale al, ion ken kajõñjõñ eor toair. Maskil an David, ke dri Zip r'ar item ba ñõn Saul, David e jab tilekek ibem ke?

KWON lomoriõ O Anij kin etõm, im ekajet ið kin Am kajur.

2 Kwon roñjake aõ jar, O Anij; Kwon eorõñ nan ko jen loñiõ.

3 Bwe ro drua maijet r'ar jerkak nae ið, im ro dri lej r'ar kabukot aõ; r'ar jab likit Anij imair. Sela.

4 Lo Anij aõ Dri jibõñ; Iroi e ian ro rej baur ið.

5 E naj nawõnair ro rej kijirät ið kin nana; Kwon kokkure ir ilo Am mol.

6 Kin jurtak men in yokwe, I naj katok ñõn Kwe; I naj kamolol etõm, O Jeova, bwe e emõn.

7 Bwe E ar lomoriõ jen jorran otemjej; im meja r'ar lo aõ kõnan kin ro rej kijirät ið.

SAM 55.

Nõn eo ej lale al, ilo ken kajõñjõñ eor toair. Maskil an David.

KWON eorõñ aõ jar, O Anij, im Kwon jab tilekek jen aõ akwe-lap.

2 Kwon lale ið im uak ið. Ij ab-nõnõ ilo aõ lotan, im ij ñõrñõr;

3 Kin ainiken ro dri kijirät, kin matõrtõr an ro dri nana: bwe rej jotok iõð jab wänik, im kin illu rej matõrtõr ið.

4 Buruõ ej iñtan ilo ña, im lelñõñ ko in mij r'ar buñ iõð.

5 Mijõk im wurirrir r'ar itok iõð, im lelñõñ elap e ar kamaloñ ið.

6 Im I ar ba, O emõn iba elañe peið einwõt pein muli, inem I naj kälök im kakije.

7 Lo I naj jebwäbwe etolok; I naj jokwe ilo enejemaren. Sela.

8 I naj kaur ið im ko jen kõto elap, im jen lañ ko.

9 O Iroi, kwon kokkure im kijbil loair, bwe I ar lo jab wänik elej im akwail ilo jikin kwelok eo.

10 Ran im boñ rej etal iturin ion worwor ko an; nana im kejjorran rej illoan.

11 Jerawiwi ej ber illoan, matõrtõr im mon re jab ilok jen ial ko an.

12 Bwe e ar jab juõn dri jumae, e ar kinaklok ið, elañe ein drein I naj kar maroñ in kijenmij kake: im e ar jab juõn e ar drike ið ej koutlej e mõke nae ið: elañe ein drein I naj kar tilekek jen e.

13 A kwe, juõn armij einwõt ña, jera im jitenburu iba.

14 Emõn wõt amro kar bebe iben dron, im kim ar etal ñõn imõn Anij iben jar eo.

15 Kokkure ko ren iloir: ren wõnlõllok ñõn illoan roñ eo: bwe jerawiwi ilo mweco imweir, ilo bwiljir.

16 Kin ña, I naj kir ñõn Anij, im E naj lomoriõ.

17 Jota, ke ejiboñ, im ke e loliñ al, I naj lotan im ñõrñõr, im E naj roñjake ainikiõ.

18 E ar lomoriõ ilo ainemõn jen

ketak eo e ar jumae ið, bwe elðñ ro r'ar tōrinaek ið.

19 Anij e naj roñjake, im naj ke-jorran ir, aet Eo ej ber jen ien ko remotelok. Sela. Armij ro ejelok ukot ibeir, im re jab mijðk Anij.

20 E ar erlokwe pein nae ro r'ar iben ilo ainemðñ; e ar kananaik bujen eo an.

21 Loen e ar meoeo jen butter, a buruen tōrinae wōt: nan ko an ebiruru jen oil, a re jāji ko emwij nuri.

22 Kwon jolok inek eo am ion Jeova, im E naj baur yuk: E jamin likit ro remðñ bwe ren makðtkit.

23 A Kwe, O Anij, kwo naj dror-lðllok ir ññn iloan roñ in kokkure; armij ro rej yokwe bōtðktðk im mon re jamin mour jimðtðñ ran ko ran in armij, a ña I naj liki Yuk.

SAM 56.

Ññn eo ej lale al; ilo Jonat-elem rehokim. Sam an Devid: Miktam. Ke dri Piliſtia r'ar bōk e i Gath.

KWON tiriamokake ið, O Anij, bwe armij eo e kōnan wōrðñðlok ið; iomin aolepen ran ej iri im matðrtðr ið.

2 Ro rej kijirāt ið re kōnan wōrðñðlok ið aolepen ran; bwe relðñ rej jua im iri nae ið.

3 Ieu ko ñe ij lelñoñ I naj liki Yuk.

4 Ilo Anij I naj nebar An in nan. I ar liki Anij, I jamin mijðk, ta eo kōniek e maroñ in kōmðñ nae ið?

5 Iomin aolepen ran rej kankekenan ko að, lemnok ko air otemjej re nae ið kin nana.

6 Re kweloklok, re tilekek, re kili buñten neið, im ein drein air kōtar nae að.

7 Re naj ko kin air jab wānik ke? Ilo illu Kwon jolðllok ro dri ailññ ko, O Anij.

8 Kwoj bwini jebwābwe ko að, Kwoj likit dren in kemjalal ko að ilo boto eo Am; re jab ilo buk ne Am ke?

9 Ien eo ro dri kijirāt ið re naj jenliklik ilo ran ñe I naj kir: men in I jela bwe Anij e ññn ið.

10 Ilo Anij I naj nebar An in nan; ilo Jeova I naj nebar An in nan.

11 I ar liki Anij, I jamin mijðk; ta eo armij re maroñ in kōmðñ ññn ið?

12 Kanðjniñ ko Am ioð O Anij, I naj lewoj men in katok ko, im kamolol Kwe.

13 Bwe Kw'ar lomoren að jen mij: Kwo jamin lomoren neið jen buñ ke? bwe in etal iman Anij ilo maram in mour.

SAM 57.

Ññn eo ej lale al: ilo Aſtaſheth. An Devid; miktam; ke e ar ko jen Saul iloan roñ eo.

KWON tiriamokake ið, O Anij, Kwon tiriamokake ið; bwe að ej ko ññn Kwe; aet ilo lurin peiðm I naj tilekek, mae ien iñtan kein ren joko.

2 I naj kir ññn Anij eutiejtata, ññn Anij eo Ej kōmðñmðñ men otemjej ññn ið.

3 E naj jilkintok jen lðñ ko, im lomorið, ke eo e kōnan wōrðñðlok ið ej kajirere. Sela. Anij e naj jilkintok An tiriamo im mol.

4 Að ej iben laiðñ ko; ij babu i bwiljin ro emwij tili ir, aet ro nejin armij, ñi ko ñiir rej mōri ko, im loir juðñ jāji ekðñ.

5 Kwon utiejlok jen lðñ ko, O Anij, Am aibujuij en ilðñin aolepen lðl in.

6 R'ar kapoj juðñ jen ññn buñten neið, að e kumliklik, r'ar kōbij roñ imað, emwij air mōke buñ na iloan. Sela.

7 Buruð ebin O Anij, buruð ebin; I naj al, aet I naj al im nebar.

8 Kwon ruj, að aibujuij, kwon ruj salteri im arp: ña mōke I naj ruj ñe e rantak.

9 I naj kamolol Yuk, O Jeova, ilo jar ko an armij: I naj al im nebar Yuk iben ro dri ailññ ko.

10 Bwe Am tiriamo elap ññn lðñ ko, im Am mol ññn mejatoto.

11 Kwo utlej O Anij iloñin loñ ko; Am aibujuij en iloñ jen aoopen löl in.

SAM 58.

Nön dri lale al. Al-Tashbeth. An David: Miktam.

EMOL ami konono wänik ilo kejeklokjen ke? Kom ekajet ilo wänik ke, O komeo ro nejin armij?

2 Jab, ilo buruemi kom jerbale jerbale ko renana: kom paun ilo löl kokkure in peömi.

3 Ro renana re drua maijet jen loji; re jebwäbwe jen ien air lotak, im re konono riöp ko.

4 Air uno ekarek einwöt eo an juön serpent; rej einwöt kiru adder ej binej lojiliñin.

5 Eo e jab eoröñ ainiken ro dri karel, ñe re meletlet im karel wöt.

6 Kwon ruje ñi ko ilo loñir, O Anij: kwon ruji im jolok ñi ko relap an laiön ko emöu ridtair.

7 Ren monlok einwöt dren eo etorlok mököj: ñe ej kajime möri ko an, ren einwöt ke emwij bukwe-lok ir.

8 Ren einwöt kiru snel, eo ej unlok im joko; einwöt ko an juön köra eo e jab lo al eo.

9 Mokta jen pot ko ami re maroñ in iñjake kaliklik ko, E naj böklök ir kin aire ko, ro rej ikör im ro remat einwöt juön.

10 Dru wänik e naj löñliñ ñe ej lo irenwöne eo; e naj katutu neen ilo böttöktökin dri nana.

11 Ein drein armij re naj ba, Emol eor wönan ñön ro remön: emol e juön Anij ej ekajet ilo löl.

SAM 59.

Nön dri lale al. An David Miktam, ke Saul e ar jilkinlok, im r'ar kil mweo inön bwe ren mön e.

O AÖ Anij kwon lomoriö jen ro dri kijirät iö; Kwon leliñlok iö jen ro rej jerkak nae iö.

2 Kwon kötlök iö jen ro rej jerbale nana, im lomoriö jen armij ro re könae böttöktök.

3 Bwe lo rej kejar aö; ro reka-jur rej kweloklok nae iö: jab kin aö bwir, jab kin aö jerawiwi, O Jeova.

4 Rej etör im kapoj ir möke, im ejelok ruö: Kwon ruj im jiböñ iö im lo.

5 Aet, Kwe O Jeova Anij in jar in torinae ko, Anij in Israel, Kwon jerkak in lolok ro dri ailiñ otemjej: Kwon jab tiriamokake jabrewöt dri ketök enana. Sela.

6 Rej jeblaktok ke ejota, rej keroro einwöt kiru rorrör: rej etetal iturin jikin kwelok in.

7 Lo rej katorlok jen loñir; jäji ko ilo tieir; bwe re ba, Wön eo ej röñjake?

8 A Kwe O Jeova kwo naj töñkake ir; Kwo naj kajirere kake ro dri ailiñ ko otemjej.

9 O aö Kajur, I naj kötar Yuk; bwe Anij e aö imön bar eutie.

10 Anij in aö tiriamo E naj wöumaie iö; Anij e naj likit bwe in lo aö könan ion ro dri kijirät iö.

11 Kwon jab mön ir ñe ab ro droö ren meloklok; Kwon kejbliklok ir kin Am kajur, im jolöllok ir, O Jeova amuij likepijñök.

12 Kin bwir an loñir, im nan ko an tieir ren jibwe ir ilo air jua, im kin air kanöjniñ in riöp eo re ba kaki.

13 Kwon kokkure ir ilo Am illu, kokkure bwe ren joko wöt: im ren jela bwe Anij ej Iroiñ ilo Jeköb ñön jemlokön löl in. Sela.

14 Im ke ejota ren jeblak, im ren keroro einwöt kiru rorrör im etetal iturin jikin kwelok eo.

15 Re naj jebwäbwe böjik kin ki-jeir, im berwöt iomin aoopen boñ elañe re jab mat.

16 A I naj al kin Am kajur, yokwe, I naj kəlaplok al kin An tiriamo ñe ejiboñ bwe Kw'ar aö imön bar eutie, im juön likepijñök ilo ran eo ran in aö jorrau.

17 Nön Kwe O aö Kajur, I naj al im nebar; bwe Anij e aö imön bar eutie, Anij in tiriamokake iö.

SAM 60.

Nōn dri lale al. Ion Shushan Eduth: Miktam an David. Kin katakin, ke e ar torinaek Aram-Naharaim im Aram-Zoba, im Joab e ar jeblak im mōn flo komlōl in salt jošoul im ruo tausau.

O ANIJ kw'ar jolok kim, Kw'ar rupe kim, Kw'ar illu, O Kwon bar karok kim.

2 Kw'ar kamōkit ene eo, Kw'ar nat e: Kwon karbin e ijo erup bwe e makōtkit.

3 Kw'ar kwalok nōn ro drom men ko rebīn; Kw'ar kairak kim wain in jebwal.

4 Kw'ar lelok juōn flag nōn ro rej mijōk Yuk, bwe ren kwalok e kin Am mol. Sela.

5 Bwe kōtlok ro rej jitenburu lbōm, Kwon lomorem kin anbij-marōnōm im uak kim.

6 Anij e ar konono ilo An kwo-jarjar, I naj jualōñlōñ; I naj kij-bil Sikem, im joñe komlōl in Sukkot.

7 Gilead e Aō, im Menassa ej Aō; Ipraim bareinwōt ej ken tōrak in bōra: Juda ej Aō septer.

8 Moab ej Aō jābi in kwolkwol; ilo Idōm I naj jolok juj eo Aō: Pilistia, kwon lamij kin ņa.

9 Wōn e naj añinlok iō űa iloan jikin kwelok ekajur? Wōn e naj añinlok iō nōn Idōm?

10 Kw'ar jab jolok kim ke, O Anij? Im Kwo jab ilok iben jar in tōrinae ko am.

11 Kwon letok jibōñ nae eo dri jumae, bwe ejelok tokjen an armij jibōñ.

12 Kin Anij kim naj beran in kō-mōn: bwe E eo e naj juri ro rej kijirāte kim.

SAM 61.

Nōn dri lale al, ilo ken kajōñjōñ eor toair. Sam an David.

KWON roñjake aō kir, O Anij, Kwon eorōñ aō jar.

2 Jen jemlokōn lōl I naj kir nōn Kwe, ñe buruō e kijelok: Kwon añinlok iō nōn dreka eutiejen űa.

3 Bwe Kw'ar juōn jikin tilekek nōn iō, juōn imōn bar ekajur jen ro dri kijirāt.

4 I naj jokwe ilo imōn kabere eo Am nōn in drio, I naj ko nōn ken tōrak in peiōm ko. Sela.

5 Bwe Kwe O Anij, kw'ar roñjake aō kanōjni ko: Kwo naj letok nōn iō jolit an ro rej mijōk etōm.

6 Kwo naj kaitoklok mour an kiñ eo: yiō ko an re naj einwōt ebeben im ebeben.

7 E naj beriman Anij nōn in drio: O Kwon kapoj tiriāmo im mol bwe ren kejbārok e.

8 Ein drein I naj al im nebar etōm nōn in drio, bwe in kamol aō nan in kalimur ran im ran.

SAM 62.

Nōn dri lale al. Ion Jedutun. Sam an David.

Aō ej kōtar Anij wōt: jen E ej itok lomoriō.

2 E wōt aō dreka im aō lomor: E aō imōn bar eutiejen; I jamin kanuij makōtkit.

3 Ietoñ ami naj teltok juōn armij, bwe komin mōn e, aolepemi einwōt worwor in dreka emōllok, ak worwor in alal enañin ubel?

4 Ir rej bebe wōt bwe ren jolōllok e jen an utiej; rej mōnōnō kin riōp ko, rej kamōnōnōik kin loir a rej kokol ilo burueir. Sela.

5 Aō kwon kōtar Anij wōt, bwe aō kōtōmene e jen E.

6 E wōt aō dreka, im aō lomor; E aō imōn bar eutiejen, I jamin makōtkit.

7 Iben Jeova aō lomor im aō aibu-juj: dreka an aō kajur im aō likepijñōk ilo Anij.

8 Komin liki E ien otemjej, O armij rōn; komin kwalok buruemi iman: Anij e likepijñōk nōn kim. Sela.

9 Armij retā re men in jekron, im armij reutiejen men in riōp: ilo ken paun re naj wōuliñlok; re jimor emera jen wan.

10 Komin jab liki matōrtōr, im en jab utiej buruemi kin rakimi: elañe mweuiuk elōñlok komin jab kanuij yokwi.

11 Anij e ar konono juōn aleu, ruo

alen I ar roñjake men in; bwe kajur iben Anij.

12 Bareinwöt iböm O Jeova e tiriarmo; bwe Kwoj lelok ñön armij otemjej ekar ñön kömön ko air.

SAM 63.

Sam an Devíd, ke e ar ber i eno jemaren an Juda.

O ANIJ kwe aō Anij; I naj kanuij kabukot Yuk: aō ej maro kin Kwe, kōniekiō ej oñkake Yuk ilo ene emera im kamōk, ijo ejelok dren ie.

2 Einwöt I ar lo Yuk ilo jikin kwojarjar eo, in lo Am kajur im aibujuij.

3 Bwe Am joij emōn jen mour, tiō re naj nebar Yuk.

4 Ein drein I naj kamolol Yuk ke ij mour; I naj kwotōke peiō ilo etōm.

5 Aō e naj mat einwöt kin marro im matōk, im loō e naj nebar Yuk kin tien lōñliñ.

6 Ke ij kememej Yuk ilo kiniō, im kalomōnløkjen kin Kwe ilo mmij ko ke eboñ.

7 Bwe Kwe aō dri jibōñ, im ilo lurin peiōm I naj mōnōnō.

8 Aō e kanuij lore Yuk, aubijmaroñm ej baur iō.

9 A ro rej bukot aō bwe ren kokkure, re naj ilok ñön mōtōn lōl retātata.

10 Naj lelok ir ñön kajur in jāji; re naj kijan jakol ko.

11 A kiñ eo e naj lōñliñ ilo Anij; ro otemjej rej kanōjniñ kin E re naj jualōñlōñ, naj binej loñin jabrewōt eo ej konono riōp.

SAM 64.

Ñön dri lalē al. Sam an Devíd.

KWON roñjake ainikiō ilo aō lotan; Kwon kejbārok aō mour jen mijōk dri kijirāt eo.

2 Kwon noj iō jen bebe etino an ro rej kömön nana, jen iruij an ro enana air jerbal.

3 Ro r'ar jeme loir einwöt jāji, im r'ar alej mōri ko air, nan ko remeo.

4 Bwe ren libon, ilo jikin ko re-

tino, ñön ro rewāppen: emōkōj air libon e im jab mijōk.

5 Rej kaberanlok ir mōke ilo juōn bebe enana; rej komao kin kapojōk jen ko ilo etino; re ba, Wōn e naj loi?

6 Rej kabukot jerawiwi ko; re ba, Kim ar katōbar juōn bukot e kanuij emōn, im lennok ilon jabrewōt, im burueir r'imlōl.

7 A Anij e naj libon ir, kin juōn mōri re naj lil mōkōj.

8 Ein drein naj lōkatipe ir, loir re naj jumae ir: ro otemjej rej lo ir re naj jibolul bōrair.

9 Armij otemjej re naj mijōk; im re naj kwalok jerbal an Anij: im re naj kalomōnløkjen ilo meletlet kin kömön ko An.

10 Ro remōn re naj mōnōnō ilo Jeova, im naj liki E; im ro otemjej ejime burueir re naj jualōñlōñ.

SAM 65.

Ñön dri lalē al. Juōn Sam. Al an Devíd.

NEBAR ej kōtar Yuk O Anij, i Zaiōn; im ñön Kwe re naj kamol kalimur eo.

2 O Kwe kwoj roñjake jar, ñön Kwe kōniek otemjej e naj itok.

3 Jerawiwi ko rej bōk anjo jen ña, kin bwir ko am, Kwo naj karreolok ir.

4 Emōnōnō armij eo Kwoj kalet e, im kebakwoj e, bwe en jokwe ilon worwor ko Am; kin naj jokōne kin an mweo imōm emōn, kin jikin kwojarjar in tempel eo Am.

5 Kin men ko men in lelñōñ Kwo naj uak kim ilo wānik, O Anij in am lomar: Kwo men in liki an jemlokōn lōl in otemjej, im ro otemjej etolok i lometo.

6 Eo kin An kajur Ej kabin tol ko; emwij kāñōr E kin maroñ:

7 Eo ej kakejekløkjen ñirñir in lomalo ko, ñirñir in no ko air, im iruij an bwijin armij rōn.

8 Bareinwöt ro rej ber ijo etoloktata remjōk kin kakōle ko Am; Kwoj kalōñliñ etallok ko an jibōñ im jota.

9 Kwoj lotok löl in im kaimlolo e, Kwo kanuij kamorur e: river an Anij elöñ kin dren: Kwoj lelok ññn ir korn, ñe ein drein Am kapojök ene.

10 Kwo kanuij kaimlolo jukur ko an, Kwo kötaik mötön ko reutiej, Kwo kabirurui kin wut ko, Kwo kejerammön men ko rej edrek.

11 Kwoj kabelbil yiö eo kin Am joij, im ial ko Am re kabeliñliñ matök.

12 Re buñ ion melaj ko an ene jemaren, im tol ko redrik re kaññör kin löñliñ.

13 Melaj ko re libubu kin bwij ko bwijin šip: komlöl ko re libubu kin korn; rej lamij kin löñliñ, re bareinwöt al.

SAM 66.

Ññn dri lala al. Juön al. Juön Sam.

KOMIN lamij ññn Anij kin löñliñ, aolepen löl.

2 Komin al im kwalök an etan aibujuij: kaibujuij im nebar E.

3 Komin ba ññn Anij, e nañin men in lelñöñ jermal ko Am! Kin Am kajur elap ro rej kijiräte Yuk re naj möke kötaik ir ññn Kwe.

4 Aolepen löl e naj kabuñ ññn Kwe, im naj al ññn Yuk: re naj al ññn etöm. Sela.

5 Komin item lo jermal ko an Anij, E men in lelñöñ ilo An kömön ññn re nejn armij.

6 E ar ukot lometo bwe en ene emera: r'ar ela im etetal ilujen river eo; ijo kim ar löñliñ ilo E.

7 E kiñ in drio kin An kajur: mejen rej lala ro dri ailiñ ko: ro dri kabata ren jab koutiejlok ir möke. Sela.

8 O komin kamönönöik am Anij, komeo ro dri ailiñ ko, im kömön bwe ren roñjake ainiken nebar E.

9 Eo ej drebij am ilo mour, im E jab likit bwe ren kamökkit neem.

10 Bwe Kwe O Anij, kw'ar melejoñ kim: Kw'ar melejoñ kim einwöt air melejoñ silver.

11 Kw'ar kadrelöflok kim ññn

iloan jen eo: Kw'ar likit inek erro ion ibim.

12 Kw'ar kömön bwe armij ren uwe ion börm: kim ar ilok ilo kijeek im dren: a Kw'ar kadrioijtok kim ññn ilo mweiuk elöñlok.

13 I naj iwij ññn mweo imöm kin men in katok re tili: I naj kölaik kalimur ko aö.

14 Kalimur ko tiö r'ar ba, im loö e ar konono ke I ar jorran.

15 I naj katok ññn Kwe kin jurtak ko rej tili, men ko remattok kin ññj in šip koman ko, I naj katok kin kau koman ko im goat ko. Sela.

16 Komin iten roñjake, kom otemjej komij mijök Anij, im I naj kwalok ta eo E ar kömön ññn aö.

17 I ar lamij ññn E kin löñiö, im loö e ar nebar E.

18 Elañe ij lala jerawliwilo buruö, Jeova e jamin eoroñ iö.

19 A emol Anij e ar roñjake iö; E ar lala ainiken aö jar.

20 Emönönö Anij eo E ar jab kejeor aö jar, ak An tiriamo jen ña.

SAM 67.

Ññn dri lala al. Ilo ken kajöñjñññ eor toñir. Juön Sam. Juön al.

ANIJ en tiriamokake kim, im kejerammön kim, im kömön bwe mejen en romak iom. Sela.

2 Bwe ren jela Am ial ilo löl, Am lomor ilo ailiñ ko otemjej.

3 Bwijn armij rön ren nebar Yuk O Anij, bwijn armij otemjej ren nebar Yuk.

4 O ro dri ailiñ ko, ren mönönö im al kin löñliñ: bwe Kwo naj ekajet bwijn armij rön kin wäñik, im iroñ ion ro dri ailiñ ko ilo löl. Sela.

5 Bwijn armij rön ren nebar Yuk O Anij; bwijn armij otemjej ren nebar Yuk.

6 Löl e ar letok an löñlok, aet am Anij wöt, E naj kejerammön kim.

7 Anij e naj kejerammön kim, im jemlokön löl otemjej re naj mijök E.

SAM 68.

Ŋōn dri lāle al. Sam an Dēvīd. Juōn al.

ANIJ en jerkak: ro dri kijirāte ren jibliklok; ro rej drike E ren ko jen iman.

2 Einwōt ubakelok bat, ein drein Kwon ubakelok ir. Einwōt bwil ej unlōk ilo kijēek, ein drein ro renana ren joko iman Anij.

3 Ro remōu ren mōnōnō, ren lōñliñ iman Anij; aet ren lōñliñ im mōnōnō.

4 Komin al ñōn Anij, komin al im nebar etan; komin kōmōn ial eutieñ ñōn Eo ej uwelok ilo ene jemaren ko, kin etan JAH, im jua-lōñlōñ iman.

5 Jemen ro ejelok jemeir, Dri eka-jet an ro ejelok leo beleir, E Anij ilo imōn kwojarjar.

6 Anij ej likit ro rej mōke ialr ilo nukilr ko; Ej kadrioiĵtok ro dri prisōn ñōn ilo jeban; a ro dri kabata rej jokwe ilo ene jemaren ijo ejelok dren.

7 O Anij, ke Kw'ar ilok imañ armij ro drom, ke Kw'ar etal im driblok ene jemaren eo. Sela.

8 Lōl e ar wurirrir; lōñ ko r'ar wut iman mejen Anij, aet Sainai eo e ar wurirrir iman mejen Anij, Anij in Israel.

9 Kwe O Anij, kw'ar jilkintok elōñ wut, Kw'ar kabin jolite eo Am ke e mōk.

10 Bwīj eo Am e ar jokwe iloan: Kwe O Anij kw'ar kapoj Am joij ñōn ro dri jeramel.

11 Irioj ej letok nan eo; kora ro rej kwalok e, juōn jar elap.

12 Kiñ ro an jar in tōrinae ko re ko, re ko, im lio ej ber ilo jikin ej ajej men in rakimi.

13 Meñe kom babu iturin worwor in šip, kom naj einwōt pein muli re libubu kin silver, im kolan bau ko kin gold emar.

14 Ke Eo eutiejtata E ar ke jibliklok kiñ ro iloan, e ar einwōt ke sno e wutlok i Zalmōn.

15 Juōn tol an Anij, tol Bešan; juōn tol im jabōn eutieñ, tol Bešan.

16 Komeo tol ko reutieñ, etke komij kili tol eo Anij e ar kōnan bwe En jokwe ijo? Aet Jeova e naj jokwe ie ñōn in drio.

17 Jariōt ko an Anij roñoul tausān, aet tausān ko in tausān ko. Iroiñ ej ibeir, einwōt i Sainai, ilo jikin kwojarjar.

18 Kwon wōnliñlok ñōn jikin eutieñ, Kw'ar kajebokweik ro dri kajebokwe: Kw'ar bōk jurtak ko iben armij, aet ibeu ro re bareinwōt kabata, bwe Jeova Anij en jokwe ibeir.

19 Emōnōnō Iroiñ eo Ej ineke inek eo am, ran im ran. Aet Anij eo Ej am lomor.

20 Anij e ñōn kim juōn Anij in lomor; im ial ko jen mij an Jeova, Iroiñ.

21 Emol Anij e naj kakiniñij bōran ro dri kijirāte, kilin bōran eo ej etal wōt ilo ruōn.

22 Iroiñ e ar ha, I naj bar bōktok jen Bešan, I naj bar bōktok ir jen imlōl ko in lojit:

23 Bwe Kwon likit neōm ilo bōtōktōk; bwe loen kiru rorrōr ko en bōk an kij jen ro dri kijirāte Yuk.

24 Re kar lo ial ko Am O Anij, eokwe, ial ko an aō Anij ilo jikin kwojarjar.

25 Ro dri al r'ar ilok imanlok, ro dri kajōñjōñ r'ar lori, i bwiljin kōra rōn rej pā ilo timbrel ko.

26 Komin kamōnōnōik Anij ilo jar an armij rōn, aet Iroiñ eo, komeo jen unīn dren ko an Israel.

27 Ijo Benjamin erik, air iroiñ; im bwirōk ro an Juda im dri bebe ro air; bwirōk ro an Zebulōn; bwirōk ro an Naptelai.

28 Amuiñ Anij e ar kaiñi am kajur; Kwon kakajur, O Anij, men eo emwij Am kōmōnmōne ñōn kim.

29 Kin tempel eo Am i Jerusalem, kin ro re bōktok owōj ko ñōn Kwe.

30 Kwon kowe kiru rawia in koba ko, kau koman relōñ im kon in

kau ko an dri ailiñ ko rej lõñliñ ilo tõrinae ko.

31 Bwirõk rõn re naj itok jen Ijpt; Itiopia e naj kaiur e im erlokwe pein fiõn Anij.

32 Komin al fiõn Anij, komeo ailiñ ko ailiñ in kiñ in lõl; O komin al im nebar Iroj. Sela.

33 Ñõn Eo ej uwe ion lõñ ko in lõñ ko, re jen ien emotelok, lo Ej kwalok ainiken, ainiken ekajur.

34 Komin lelok kajur fiõn Anij: an utiejtata ej ion Israel, im kajur eo An ilo mejatoto.

35 O Anij kwoj aiet jen jikin kwojarjar ko Am: Anij in Israel ej letok kajur im bin fiõn ro dron. Emõuõnõ Anij.

SAM 69.

Ñõn dri lale al. Ion Shoshannim. Sam an David.

KWON lomoriõ O Anij, bwe dren ko r'ar dreloñtok fiõn aõ.

2 Ña ij maloñ ilo birikõt ijo imlõl im ejelok jikin jutõk. I ar itok fiõn iloan dren ko rimlõl, ijo ibij ko re kamaloñ lõ.

3 Ij mõk kin aõ jõñ, buruõ emeralok; e mõk toõn meja ke ij kõtär aõ Anij.

4 Ro rej kijirät iõ im ejelok unin, relõñlok jen kol ko kolan bõra: ro re kõnan kokkure iõ, kri kijirät iõ im dri wan, re kajur wõt: inem I ar lelok men ko I ar jab bõktok.

5 O Anij kwo jela aõ bwebwe, im bwir ko aõ I ar jab noj jen Kwe.

6 Ro rej kõtär Yuk ren jab jok kin ña, O Anij Jeova in jar in tõrinae ko: ro rej kabukot Yuk ren jab kananaik ir kin ña, O Anij in Israel.

7 Bwe kin Kwe r'ar kinaklok iõ; jok e ar binej turin meja.

8 I ar drua maijet fiõn ro jeiõ im jatiõ; juõn dri belli fiõn ro nejin jinõ.

9 Bwe aõ kijejeto kin mweo imõm e ar kãñiõ: im kinaklok ko an ro rej kinaklok Yuk r'ar buñ iõ.

10 Ke I ar jõñ im kajeik aõ kin jittok, eñin e men in kinak fiõn iõ.

11 Ke I ar kõnõk nuknuk ko eklep

iren, I ar juõn nan in kajirere fiõn ir.

12 Ro rej jijõt ilo kejem re kouono kin ña; ro dri karek rej alkake iõ.

13 A kin ña, aõ jar fiõn Yuk O Jeova, ilo ien kabuñburuõm O Anij, ilo Am tiriamokake relõñ.

14 Kwon lomoriõ jen birikõt, im jab likit iõ bwe in maloñ; ren lomoriõ jen ro dri kijirät lõ, im jen dren ko r'imlõl.

15 Ibij en jab kamaloñ iõ; ijo imlõl en jab wõrõñõlok iõ, im roñ eo en jab kill loñin iõ.

16 Kwon uak iõ O Jeova, bwe Am joij e emõn; kin Am tiriamokake relõñ Kwon jujeltok fiõn iõ.

17 Im kwon jab binej mejõm jen korijerõm, bwe ña I jorran; Kwon uak iõ mõkõj.

18 Kwon kebaktok fiõn aõ im lomoren. Kwon wiaik iõ kin aõ dri kijirät.

19 Kwo jela aõ kinak im aõ jok, im air kananaik iõ; ro rej kijirät iõ, ir otemjej re imam.

20 Kinak eo e ar rupe buruõ, I obrõk kin erro, im I ar lale elañe jabrewõt eo en tiriamokake, e ejelok; im elañe eor dri kainemõn, a I ar lo ejelok.

21 R'ar letok fiõn iõ at kijiõ, im ilo aõ maro r'ar letok dren emuñ limõ.

22 Air tebel imair en juõn jen; im ñe re ainemõn men in en nokajir.

23 Mejeir ren tõp, bwe ren jab lo; im Kwon kõmõn bwe ibir ren wurrirr ien otemjej.

24 Kwon lutõklok Am illu ioir; im Am illu ebwil en lukwõrkwõr ir.

25 Moko imweir ren jeebeplok, im ejelok en jokwe ilo im nuknuk ko air.

26 Bwe rej matõrtõre eo Kw'ar dreñlokwe; im rej kenan kin buromõj an ro Kw'ar kakiniñij ir.

27 Kwon kobaik nana fiõn air nana; im ren jab dreloñ fiõn iloan Am wānik.

28 Kwon jeorlok ir jen buk in mour; im jab jeje ir iben ro dru wānik.

29 A ña I jeramel im buromōj; Am lomor O Anij en likit iō ijo eutie.

30 I naj nebar etan Anij kin juōn al; im I naj kalaplok E kin kamolol.

31 Im men in e naj kabuñburuen Jeova elap jen kau, ak jen kau koman eor an drun im aki.

32 Ro r'inimōn r'ar loe im mōnōnō, komeo komij bukot Anij, buruemi ren mour.

33 Bwe Jeova ej roñjake ro dri aikwij; im E jab kejekron dri prisōn ro An.

34 Lōñ im lōl ren nebar E, lometo ko im jabrewōt ej tobōllōk ilo.

35 Bwe Anij e naj lomoren Zaiōn, im kalek jikin kwelok ko an Juda, im re naj jokwe le, im e naj air wōt.

36 Inen ro dri koriđeran re naj bōke air jolit; im ro rej yokwe etan re naj jokwe iloan.

SAM 70.

Ñon dri lale al. Sam an Devid; men in kakeme-mej.

O ANIJ, kwon kaiur Yuk in lomoriō; Kwon kaiur Yuk in jibōñ iō, O Jeova.

2 Rō rej kabukot aō, ren jok im lolbon; kejbliklok ir im kananaik ir, ro rej mōnōnō in kejjoran iō.

3 Ren jeblaklok kin air jok, ro re ba, Aha! Aha!

4 Ro otemjej rej kabukot Yuk, ren lōñliñ im mōnōnō ilo Kwe: im ro rej yokwe Am lomor ren ba ien otemjej, Anij en laplok.

5 A ña I jeramel im aikwij; Kwon jarōptok ñōn iba, O Anij, Kwe aō dri jibōñ im aō dri lomor. O Jeova kwon jabrumijtok.

SAM 71.

O JEOVA ij liki Yuk; in jamin jok ñōn in drio.

2 Kwon kōtlok iō ilo Am wānik, im likit bwe in ko: Kwon kajirtok lojilifōm ñōn iō im lomoriō.

3 Kwon einwōt dreka in jokwe ñōn iō; eo in maroñ in ilok ñōn e ien otemjej: Kw'ar kaiñi in lomoriō, bwe Kwe aō dreka, im aō me.

4 O aō Anij, kwon kōmōn bwe in ko jen pein dri nana eo, jen pein armij eo e jab wānik im elej.

5 Bwe Kwe aō kejatrikrik, O Iroi Anij, im aō men iu liki jen ke I ar ajiri.

6 Kw'ar kwotōk iō jen lojien: Kw'ar bōk iō jen lojien jinō; aō nebar e naj kin Kwe ien otemjej.

7 Ña men in bwilōñ ñōn elōñ: a Kwe aō likepijñōk ekajur.

8 Loñiō e naj obrōk kin nebar Yuk, im kin Am aibujuij iomin aolepen ran.

9 Kwon jab jolok iō ñe I naj kamuij ridto; Kwon jab illok jen ña ñe I mōjinolok.

10 Bwe ro dri kijirāt iō rej konono kin iō; im ro rej kili aō re bebe iben dron.

11 Im ba, Anij e ar likit e, komin lukwōrkwōr e im bōke, bwe ejelok ñōn lomoren.

12 O Anij kwon jab etolok jen ña; O aō Anij kwon kaiur Yuk in jibōñ iō.

13 Ren jok im etōp, ro rej kijirāt aō; ren libubu kin kinak, im kananaik ir rej kabukot in kokkure iō.

14 A ña I naj kejatrikrik iō ien otemjej, im I naj nebar Yuk im kalaplok aō nebar.

15 Loñiō e naj kennan kin Am wānik, im kin Am lomor aolepen ran; bwe I jaje bwinbwin ko an.

16 I naj itok im iba kōmōn ko rekajur an Iroi Jeova: I naj konono kin Am wānik; Am wōt.

17 O Anij kw'ar katakin iō ien aō ajiri, im ñōn ien in I ar kwalok kōmōn ko Am, re men in bwilōñ.

18 Eokwe, ñe I naj ridto im uōn kolan bōra O Anij, kwon jab illok jen ña, mae ien emwij aō kwalok Am kajur ñōn bar juōn ebeben; Am maroñ potata ñōn ir otemjej re naj itok.

19 Am wānik bareinwōt O Anij, e kanuij utiej: Kw'ar kōmōn men ko relap, O Anij, wōn eo ej einwōt Kwe?

20 Bwe Kw'ar kwalok ñōn kim jorran ko relōñ im reuana; Kwo naj bar kǎejmour kim, im naj bōk-liñlōk kim jen imlōl ko in ene.

21 Kwon kalaplok aō lapen, im oktōk im kainemōn iō.

22 I naj bareinwōt nebar Yuk kin ken kajōñjōñ salteri, aet Am mol, O aō Anij: ñōn Kwe I naj al im nebar kin arp, O Kwe dri kwojar-jar in Israel.

23 Tiō re naj kanuij lōñliñ ñe I naj al ñōn Kwe kin nebar ko, im aō eo Kw'ar lomoren.

24 Loō bareinwōt e naj konono kin Am wānik iomin aolepen ran; bwe re jok im lolbon, ro rej bukot in kokkure iō.

SAM 72.

Sam an Solomōn.

O ANIJ kwon lelok ekajet ko Am ñōn kiñ eo, im wānik ñōn eo nejn kiñ.

2 E naj ekajet ro dri ailif eo Am ilo wānik, im dri jeramel ro Am kin ekajet.

3 Tol ko re naj bōktok ainemōn ñōn ro dri ailif eo, im tol ko redrik, ilo wānik.

4 E naj ekajet ro dri jeramel an ailif eo, E naj lomoren ro nejn dri aikwij rōn, im E naj ruprupe dri matōrtōr.

5 Re naj mijōk yuk ke al ej berwōt, im iman aliñ, iomin ebeben otemjej.

6 E naj wōnlōltok einwōt wut ion ujoij emwij bukwelok, einwōt wut-rikrik ko re kaimlolo ene.

7 Ilo ran ko an ro remōn re naj jerammōn, im e naj lōñ ainemōn mae ien joko aliñ.

8 E naj bareinwōt iroij jen lomalo ñōn lomalo, im jen river eo ñōn jemlokōn ko jemlokōn lōl.

9 Ro dri ene jemaren re naj barik-rik jen e, im ro dri kijirāte re naj drōmij bōñlōñlōl.

10 Kiñ ro an Tarsis, im an ailif ko, re naj bōktok men in lelok ko, kiñ ro an Siba im Shiba re naj lelok jurtak ko.

11 Eokwe kiñ ro otemjej re naj buñbero iman; ro dri ailif ko otem-jej re naj korijer ñōn e.

12 Bwe e naj kōtlok ro dri aikwij ke rej lamij, im ro dri jeramel, ro ejelok air dri jibōñ.

13 E naj tiriamokake ro dri jeramel im ro dri aikwij, im e naj lomoren mour an ro dri aikwij.

14 E naj wiaik air jen matōrtōr im kokkure, im e naj aurōk botōk-tōkir iman mejen.

15 Im re naj mour, im ñōn e re naj lelok gold in Siba: im armij re naj jar kin e ien otemjej; re naj kamōnōnōik e iomin aolepen ran.

16 E naj'lōñ korn ilo ene ion jabōn tol ko; leir e makōtkit einwōt Lebanōn: im ro dri jikin kwelok eo re naj edreklok einwōt ujoij in ene.

17 Etan e naj berwōt ñōn in drio; etan e naj ber einwōt al, im armij re naj jerammōn ilo e: ro dri ailif otemjej re naj naetan dri mōnōnō.

18 Emōnōnō Jeova Anij, Anij in Israel, eo wōt Ej kōmōn men in bwilōñ ko.

19 Im emōnōnō etan e aibujuij ñōn in drio; im aolepen lōl in en obrōk kin an wuj. Amen, im Amen.

20 Emwij jar ko an Devid, nejn Jesse.

SAM 73.

Sam an Esaf.

EMOL Anij e joij ñōn Israel, ñōn ro erreo burueir.

2 A kin ña, neiō re kar nañin joko; buñten neiō r'ar nañin jir.

3 Bwe I kar junmar ro re jua, ke I ar lo an ro dri nana jerammōn.

4 Bwe ejelok iñtan ilo air mij; ak kajur eo air ebin.

5 Re jab jorran einwōt armij ro jet, im jab kokkure ir einwōt ro jet.

6 Inem jua ej kabol burueir ein-

wōt tomere, matōrtōr ej kalibubu ir einwōt kobe.

7 Mejér rebōj kin mattōk, ibelr elōñ jen burueir re maroñ in kōnan.

8 Re kajirere, im ilo nana rej konono kake matōrtōr, re burollap wōt.

9 Rej likit loñir nae lōñ ko, im loir rej etetal ilo lōl.

10 Inem armij ro An re jeblaktok ñōn iñin, im dren ko in kōp elōñ emwij uñtake ñōn ir.

11 Im re ba, Ekijkan Anij e jela? Eorke jelalokjen iben Eo eutlej-tata?

12 Lo rein ro drl nana, im ilo air alnemōn ieu otemjej re koorlok mweiuk ko.

13 Emol ejelok tokjen aō karreo buruō, im amini peiō ilo jab ruō.

14 Bwe lomina aolepen ran ar kafñtan iō, im ilo jibōñ otemjej emwij kajeik iō.

15 Elañe I ar ba, E naj ein drein aō konono, lo I naj kar kōmōn men in mon ñōn ebeben in ro nejōm

16 Ke I ar lemnok, ekijkan I naj maroñ in jelakake men in, e ar men in jorran ilo meja.

17 Mae ieu aō ilok ñōn jikin kwojarjar an Anij, im kalomōnlokjen kin jemlokir.

18 Emol Kw'ar likit ir ilo jikin jirlok ko; Kwoj jolōllok ir ñōn kokkure.

19 Etke rej einwōt jeebeplok mōkōj? Re joko otem joko kin men ko men in kaleññōñ ir.

20 Einwōt tōnak ke juōn eruj, ein drein O Iroi, ñe emwij Am ruj Kwo naj kejekron wāweir.

21 Bwe buruō e ar buromōj, im e kar lil ubō.

22 Ein drein I ar nañin einwōt juōn kiru, im jab jelalokjen; I ar einwōt kiru awia iman mejōm.

23 Mekarta ña ij ibōm ien otemjej; Kw'ar drebij anbijmaroñiō.

24 Kwo naj bakajen aō ial kin Am bebe, im tokelik bōk iō ñōn aibujuj.

25 Wōn eo aō ilo lōñ ko elañe jab

Kwe? Im ejelok ion lōl ij oñkake, a Kwe wōt.

26 Kōniekiō im buruō re kijelok; a Anij e kajur in buruō, im aō men in jolit ñōn in drlo.

27 Bwe lo, ro retelok jen Kwe re naj joko; Kw'ar kokkure ir otemjej rej illok jeu Kwe ilo lūñ ko.

28 A emōn iba bwe in kebakwoj ñōn Anij; I ar kōmōu Anij Jeova aō likepijñōk bwe in kennan kake jerbāl ko Am otemjej.

SAM 74.

Maskil an Esaf.

O ANIJ etke Kw'ar jolok kim ñōn in drlo? Etke Am illu ej batat nae šip ko ilo melaj eo Am.

2 Kwon kememej jar eo Am, kw'ar wialk e jen ien ko retelok; eo Kw'ar lomoren bwe en bwijin eo Am jolit; im tol Zaiōn Kw'ar jokwe iloan.

3 Kwon leliñlok neōm ñōn men ko men in jeebeplok ñōn in drlo, aolepen nana dri kijirāt eo e ar kōmōn ilo jikin kwojarjar.

4 Ro dri kijirāte Yuk r'ar rorrer ilo bwiljin jar eo Am; r'ar leliñlok flag ko air einwōt kakōle ko.

5 R'ar einwōt armij rej kwotōke mal ko nae wijki ko re kut.

6 Im kiō men ko otemjej r'ar tiltil kin naip rej jimor kokkure kin mai ko im kin'ammer ko.

7 R'ar tili kin kijeek imōn kwojarjar eo Am; r'ar kananaik mweo, ljo etōm ej jokwe, ñōn brij wōt.

8 R'ar ba ilo burueir, Jen kokkure ir otemjej; r'ar tili imōn kwelok ko otemjej an Anij ilo ene eo.

9 Kim jab lo kakōle ko Am; ejelok bar juōn dri kanan, im ejelok juōn ibem eo e jela ietoñ.

10 Ietoñ O Anij, dri kijirāt eo e naj kitōtōkake? Dri kijirāt eo e naj blaspim etōm ñōn in drlo ke?

11 Etke Kwoj kekake peiōm, aet anbijmaroñōm? Kwon bōke jen ubōm im kokkure ir.

12 A Anij aō Kiñ jen ien ko remotelok, E jerbale lomor ilo bwiljin lōl.

13 Kw'ar kijbil lomalo eo kin Am kajur, Kw'ar ruji bōran drakōn ko ilo dren ko.

14 Kw'ar ruji ilo mōtōn ko bōran Livaiaatan, Kw'ar lelok e fōn ro rej jokwe ilo ene jemaren eo bwe en kijeir.

15 Kw'ar belaj unin dren, im iblj; Kw'ar karoj river ko relap.

16 Ran eo Am, boñ bareinwōt Am; Kw'ar kapojōk maram im al.

17 Kw'ar likit toreren kō in lōl; Kw'ar kōmōn ien mǎnǎn im ien ebio.

18 Kwon kememej men in, ro dri kijirāt r'ar kitōtōkake, O Jeova, im jar an dri bwebwe r'ar kejekron etōm.

19 Kwon jab lelok fōn kiru awia mour an tōrtel dōv eo Am: Kwon jab meloklok kin mour an dri jeramel ro Am fōn in drio.

20 Kwon lale bujen eo, bwe jikin ko remarok an lōl robrōk kin mo ko imōn kōkkure.

21 O Kwon jab likit bwe ro emwij matōrtōr ir ren jok im jeblak, ro dri jeramel im ro dri aikwij ren nebar etōm.

22 Kwon jerkak O Anij, kwon aituerōk kin men ko Am; kwon kememej ekijkan dri bwebwe eo ej kitōtōkake Yuk iomin aolepen ran.

23 Kwon jab meloklok ainiken ro dri jumae Yuk; irulj an ro rej jerkak nae Yuk eliflok ien otemjej.

SAM 75.

Nōndri lale al. Al-tasheth. Saman Esaf, Juōn al.

KIM kamolol Yuk O Anij, kim kamolol, bwe ebak etōm; armij rej kennan kin jermal ko Am, men in bwilōñ.

2 Ñe I naj lo ien emwij bebe kake; I naj ekajet jime.

3 Lōl im ro dri lōl otemjej re unlok; I ar kajutōk jur ko an. Sela.

4 I ar ba fōn ro dri jua, Komin jab jualōñlōñ; im fōn ro dri nana, Komin jab leliflok drun.

5 Komin jab kanuij koutiej drun

eo ami: komin jab konono im ebin kenwami.

6 Bwe leliflok e jab itok jen rear, ak jen kabilūñ, im jab jen rōk.

7 A Anij e dri ekajet, Ej kōtaik juōn im koutiej bar juōn.

8 Bwe ilo pein Jeova juōn kōp im wain eo ej lijemōrmōr; ej elōñ kin men in karek, im E katorlok jen e; emol ro dri nana otemjej in lōl re naj uñtake, im irak men re jo.

9 A fia I naj kwalok fōn in drio, I naj nebar im al fōn Anij in Jekōb.

10 Drun ko otemjej an ro dri nana I naj bukwe, a drun ko an ro remōn naj koutiej ir.

SAM 76.

Nōn dri lale al, lon ken kajōñjōñ eor toair. Sam an Esaf. Juōn al.

ILO Juda re jela Anij, elap etan ilo Israel.

2 I Selem bareinwōt imōn kabere eo An, im mweo imōn ilo Zaiōn.

3 Ijo E ar kabwilok mōri ko im libon; likepijñōk eo im jāji im ketak. Sela.

4 Kwe aibujuij im emōntata jen tol ko in rakimi.

5 Emwij rakimi roekajur burueir, r'ar kiki mitōñ, im armij rekajur otemjej r'ar jab lo peir.

6 Kin Am kowe ir O Anij in Jekōb, jariōt im ors r'ar kiki mitōñ.

7 R'ar lelñōñ kin Yuk, kwe wōt, im wōn e naj jutōk iman mejōm ñe emwij Am illu?

8 Kw'ar kōmōn bwe ren roñjake ekajet jen lōñ; lōl e ar mijōk im kakije.

9 Ke Anij e ar jerkak fōn ekajet, in lomoren ro otemjej an lōl ro etā burueir. Sela.

10 Emol illu an armij rōñ e naj nebar Yuk; matōn illu Kwo naj kañōrñōr Yuk kake.

11 Komin kalimur im kamol e fōn Jeova ami Anij: ro otemjej rej ber iturin ren bōktok men in lelok fōn eo emōn ren lelñōñ kake.

78:12 SAM
12 E naj bukweelok mour an iroi
rou; E komak ñon kin ro an lol.

SAM 77.

Ñon dri lala al. Ilo wāwen Jeduthun. Sam an
Esaf.

I NAJ lamij ñon Anij kin aini-
kiō, aet ñon Anij kin ainikiō,
im E naj eoroñ iō.

2 Ilo ran in jorran eo aō I ar bukot
Iroi; I ar erlokwe peiō ke eboñ im
e jab kakiē; aō e ar abwin bwe ren
kainemōn e.

3 Ij kememej Anij im abwin-
mōke; I lotan im aō ej kijelok.
Sela.

4 Kwoj drebij meja jen kiki; I lil
im ban konono.

5 I ar kalomōnlokjen kin ran ko
remotelok, yiō ko an ien ko mokta.

6 I kememej aō al ilo boñ, I ka-
lomōnlokjen ilo buruō im aō e
kanuij kabukoť.

7 Iroi en jolok ñon in driō ke?
Im E jamin bar jeraik ke?

8 An tirlamo e joko otem joko ñon
in driō ke? An kalimur e mōjino-
lok in driō ke?

9 Anij e ar meloklok kin joij ke?
Ilo An illu E ar kili an tiriamokake
ke? Sela.

10 Im I ar ba, Eñin aō mōjino, a I
naj kememej yiō ko an anbijmaro-
ñon Eo eutiejtata.

11 I naj konono kin jermal ko an
Jeova, I naj kememej men in bwi-
lōñ ko Am jen ien ko remotelok.

12 I naj kalomōnlokjen kin aole-
pen Am jermal, im lemnok kin kō-
mōn ko Am.

13 Am ial O Anij ilo jikin kwo-
jarjar: wōn eo anij elap einwōť
Anij?

14 Kwe Anij eo Ej kōmōn men in
bwilōñ ko; Kw'ar kwalok Am ka-
jur iben ro dri ailiñ ko.

15 Kw'ar lomoren ro dri ailiñ eo
Am kin anbijmaroñom, ro nejin
Jekōb im Josep. Sela.

16 Dren ko r'ar lo Yuk, O Anij,
dren ko r'ar lo Yuk im mijōk; imlōl
ko re bareinwōť wurirrir.

78:10 KO.
17 Kōro ko r'ar katorlok dren;
mejatoto e ar kwalok ainiken; mōri
ko Am re bareinwōť kākī.

18 Ainiken Am jorur ilo aire ko;
jarōm ko r'ar kamramlok lol: ene
e ar bañijñij im makōťkit.

19 Ial eo Am e ar ilo lometo, im
etal ko Am ilo dren ko relap, im
buñten ko buñten neōm r'ar jaje
kākī.

20 Kw'ar tellok ro dri ailiñ eo Am
einwōť bwijin šip kin pein Moses
im Aarōn.

SAM 78.

Maskil an Esaf.

O DRI ailiñ eo aō, komin eoroñ
Aō kien; komin kajirtok lo-
jiliñemi ñon nan ko nan in loñiō.

2 I naj walōñi loñiō ilo wan jō-
ñok; I naj konono kake nan ko
retino jen ien mokta.

3 Nan ko kim ar roñjake im jela-
kake; im ro jimam r'ar kenannek
kim.

4 Kim jamin noji jen ro nejiir,
im naj-kennanek ñon ebeben e naj
itok nebar ko an Jeova, im An ka-
jur, im men in bwilōñ ko E ar
kōmōnmōni.

5 Bwe E ar kajur men in kennan
ilo Jekōb, im likit kien ñon Israel,
eo E ar kañi ñon ro jimam, bwe
ren kajalaik ro nejiir kākī.

6 Bwe ebeben eo enaj itok en jela
kajeir, im ro nejiir re naj lotak; ro
re naj jerkak im kenannek kākī ro
nejiir.

7 Bwe ren likit air kōťōmene ilo
Anij, im jab meloklok jermal ko an
Anij, a ren bokake kien ko An.

8 Im ren jab einwōť ro jimair,
ebeben e bōť im e kabata; ebeben
eo e ar jab likit burueir bwe ren
jimwe, im air jitōb e ar jab rim
iben Anij.

9 Ronejin Ipraim, eor ken tōrinae
ibeir, im libon ko, r'ar okťoklik ilo
ran in tōrinae.

10 R'ar jab kejbārok bujen eo an
Anij, im abwin in etal ilo kien eo
An.

11 Im r'ar meloklok kōmōn ko An, im jermal ko men in bwilōñ E ar kwalok ñōn ir.

12 E ar kōmōn men in bwilōñ ko iman mejen ro jimalr, ilo ene Ijpt, ilo melaj eo an Zoan.

13 E ar kijbil lomalo eo, im kōmōn bwe ren etallok iloan: im E ar kajutōk dren ko einwōt ejoiij.

14 Ilo ran E ar tel ir kin kōro, im omin aolepen boñ kin maram in kijeek.

15 E ar ruje dreka ko ilo ene jemaren, im lelok ñōn ir limeir elōñ jen imlōl ko.

16 E ar bareinwōt. bōktok kata-rakt ko jen dreka, im katorlok dren ko einwōt river.

17 Ijoke, r'ar etal wōt im jerawiwi nae E, im kabata nae Eo eutiejtata ilo ene jemaren eo.

18 Im r'ar melejoñ Anij ilo burueir kin air kajitōk kijeir ñōn air dōr.

19 Aet, r'ar konono nae Anij, im r'ar ba, Anij e maroñ in kapojōk tebel i ene jemaren ke?

20 Lo E ar jebōk dreka, inem dren ko r'ar torlok, im river elōñmejir-jir; E bareinwōt maroñ in letok bred ke?

21 Kin men in Jeova e ar illu, kejo kijeek nae Jekōb, im illu e ar wōñliñlok nae Israel.

22 Bwe r'ar jab tōmak Anij, im jab liki An lomor.

23 Mekarta, E ar jiroñ mejatoto ilōñ, im kebellok aur ko in-lōñ.

24 Im E ar kowutlok manna ioir bwe ren mōña, im E ar lelok ñōn ir korn in lōñ.

25 Armij r'ar mōña bred an ro rekajur; E ar jilkinlok ñōn ir kijeir bwe ren mat.

26 E ar kōmōn bwe kōto in rear en ukwe i mejatoto; im kin kajur eo An E ar kajimetok kōto jen rōk.

27 E ar kowut kōniek bareinwōt ioir einwōt bōñōñlōñ, im bao ko eor peir einwōt bok in lometo.

28 Im E ar kowutlok e ilo bwiljin

imōn kabēr ko air, im iturin mō ko imweir;

29 Ein drein r'ar mōña im remat, im E ar lelok ñōn ir men ko r'ar kanuij oñkaki.

30 R'ar jañin jolok air dōr, kijeir e ar berwōt ilo loñir;

31 Inem illu an Anij e ar wōnliñlok nae ir, im E ar mōn jet ian ro remattok ibeir, im jebōk ñōn lōl ro likao, ro dri kalet in Israel.

32 A jekron men kein otemjej, re jerawiwi wōt, im jab tōmak men in bwilōñ ko An.

33 Kin men in E ar jeroane ran ko air ilo wan, im yiō ko air iloleñōñ.

34 Ke E ar mōn ir, ien eo r'ar kabukot E, im r'ar jeblak im kajitok mōkōj kin Anij.

35 R'ar kememej bwe Anij e air dreka, im Anij eo eutiejtata air Dri lomor.

36 A r'ar etaō ñōn E kin loñir, im r'ar riōp ñōn E kin loir.

37 Bwe burueir r'ar jab jime iben, im r'ar jab tiljek ñōn bujen eo An.

38 A Eo, eobrōk kin tiriamo, E ar jolok air nana, im E ar jab mōn ir; aet elōñ alen E ar kajeōr An illu, im E ar jab biuktok aolepen illu eo An.

39 Im E ar kememej bwe r'ar kōniek wōt, juōn kōto ej ilok im jab jeblaktok.

40 Elōñ alen air kabata nae E ilo ene jemaren, im kaburomōj E ilo ene rārōk eo.

41 Im r'ar bar oktōk im melejoñ Anij; im kakitōtōik Eo ekwojar-jar an Israel.

42 R'ar jab kememej pein, ak ran eo ke E ar lomorir jen dri kijirāt eo.

43 Ekijkan E ar likit kakōle ko An ilo Ijpt, im men in bwilōñ ko An ilo ene Zoan.

44 Im E ar kōmōn river ko air erōm bōtōktōk, river ko redrik bwe ren ban irak ie.

45 E ar jilkinlok ñōn ibeir bwiljin loñ ko r'ar kāñi ir, im frog ko r'ar kōkkure ir.

46 E ar lelok air jonikōn ñōn lika-

křok eo, im air jerbal řn lokřs ko.

47 E ar kokkure vain ko air kin wut ebin, im air wijki sikamor kin bio.

48 E ar bareinwřt lelok kiru kau ko air řn wut ebin, im air bwijin řip řn jarřm ko rebwil.

49 E ar jilkinlok řn ibeir bwil in illu eo An, libřpne, illu, im jorran, juřn jar an enjel ro renana.

50 E ar křmřn ial řn illu eo An, E ar jab kejbřrok air jen mij, a E ar lelok air mour řn nařinmij enana.

51 Im E ar mřn manji řn otem-
jej i Ijpt, lukuwřn air kajur ilo
mo ko imřn Ham.

52 A E ar tellok ro dron einwřt řip ko, im E ar tel ir ilo ene jema-
ren einwřt bwijin řip.

53 Im E ar tellok ir ilo ainemřn,
inem r'ar jab lelřn; a lomalo eo e
ar kamalořn ro dri kijirřt ir.

54 Im E ar tel ir řn třreran jikin
kwojarjar eo An, im řn tol in, eo
anbijmarořn e ar wlaik e.

55 E ar ubakelok ro dri ailřn ko
jen imair, im E ar ajej řn ir air
jolit kin to in jořok, im E ar kř-
mřn bwe bwijin Israel ren jokwe
ilo im nuknuk ko air.

56 Ijoke r'ar melejořn im kabata
nae Anij eo eutiejtata, im r'ar jab
kejbřrok kien ko An.

57 A r'ar okřklik im křmřn ilo
mone einwřt ro jimair; r'ar jeřr ein-
wřt libon eo etařik.

58 Bwe r'ar ařřřřřte E kin air ji-
kin kabuř reutiej, im r'ar kamoik
E kin air men in e, r'ar jekjekl.

59 Ke Anij e ar rořjake men in,
E ar illu, im E ar kanuij jřjřik
Israel.

60 Inem E ar illok jen imřn kab-
er in řailo, im nuknuk eo E ar likit
iben armij řn.

61 Im E ar ketřk an kajur řn
jebokwe, im albuuij eo an řn pein
dri kijirřt.

62 E ar bareinwřt lelok ro dron
řn jaji, im E ar illu nae jolit eo An.

63 Kijeek e ar kaři likao ro air,
im jirořn ro air ejelok air al in be-
lele.

64 Pris ro air r'ar buř kin jaji,
křra ejoko beleir r'ar jab jořřt ir.

65 Inem Iroj e ar ruř einwřt juřn
armij jen kiki, einwřt juřn armij
ekajur eo ej lamij kin wain.

66 Im E ar jebokliklok ro dri 'ki-
jirřt ir, im E ar kajok ir řn in
drio.

67 Bareinwřt E ar abwin im nuk-
nuk ko an Josep, im E ar jab kalet
bwijin Iprainu.

68 E ar kalet bwijin Juda, tol
Zaiřn eo E ar yokwe.

69 Im E ar kalek imřn kwojarjar
eo An einwřt tol ko reutiej, einwřt
lřl eo E ar kabin e řn in drio.

70 E ar bareinwřt kalet Devid
korijeran, im břk e jen worwor in
řip.

71 Jen an lore řip kokřrai, E ar
břke, bwe en najirik Jekřb, ailřn
eo An, im Israel An jolit.

72 Ein drein e ar najirik ir ekar
řn wřnik in buruen, im e ar tel ir
kin mejerik in pein.

SAM 79.

Sam an Esaf.

O ANIJ ro dri ailřn ko r'ar dre-
lořlok ilo Am jolit: tempel
ekwojarjar Am r'ar kananaik e;
r'ar ukot Jerusalem řn ebe ko.

2 R'ar lelok ubeir ubřn ro dri kori-
jerřn řn bau ko in mejatoto bwe
ren kijeir, křniekin ro remřn Am
řn kiru ko in lřl.

3 R'ar katorlok břřřřřkir einwřt
dren iturin Jerusalem, im ejelok en
kalibwin ir.

4 Kim ar erřm men in kinaklok
řn ro dri turum; men in kajok
im kitřřřkake řn ro rej ber itu-
rum.

5 Ietořn O Jeova, kwo naj illu
řn in drio ke? Kamo eo Am e naj
urur einwřt kijeek ke?

6 Kwon katorlok Am illu ion ro
dri ailřn ko re jaje Kwe, im ion dri
ailřn ko re jab kir ilo etřm.

7 Bwe r'ar kōñ Jekōb, im keje-
beplok mweo imōm.

8 Kwon jab kememej nae kim
jerawiwi ko an ro jimam, Kwon
kaiur Yuk, im tiriamo ko Am ren
wōnmae kim, bwe r'ar kanuij kō-
taik kim.

9 Kwon jibōñ kim, O Anij in
amuij lomor, kin aibujuij in etōm,
im Kwon lomorem, im karreolok
jerawiwi ko am kin etōm.

10 Etke ro dri ailiñ ko ren ba,
Ewi Anij eo air? Irenwōne kin
bōtōktōkin ro dri korijerōm, e ar
torlok, ren jelakake iben ro dri
ailiñ ko iman mejem.

11 Jabjenmenoan an dri jebokwe
en itok imam, ekar ñōn kajur eo
Am elap, Kwon kejbārok ir ro drien
mij.

12 Im Kwon nawōnan ñōn ro dri
turum ilo ubeir, jiljilimjuōn alen
air kinaklok Yuk kake, O Iroj.

13 Ein drein kim ro drom, šip ko
an melaj eo Am, kim naj kamolol
Yuk ñōn in drio; kim naj kwalok
Am nebar ñōn ebeben ro otemjej.

SAM 80.

Ñōn dri lale al: Shoshannim Edith. Sam an Esaf.

KWON eoroñ, O Seperd in Israel,
Kwe kwoj tel Josep einwōt
bwijin šip, Kwo jijōt ion kerub ko,
Kwon romaktok.

2 Iman Ipreim im Benjamin im
Menassa, Kwon kworuj Am kajur,
im iten lomorem.

3 Kwon bar ukot kim, O Anij,
im kōmōn bwe turin mejōm en ro-
mak, im naj lomorem.

4 O Jeova, Anij in jar in tōrinae
ko, ietoñ Am naj illu nae jar an
dri ailiñ eo Am?

5 Kw'ar najirik ir kin bred in
kemjalal, im Kw'ar lelok ñōn ir
limeir elōñ dren in kemjalal.

6 Kwoj kōmōn bwe kimin men
in akwail iben ro dri turum; im ro
dri kijirāte kim rej tōñkake iben
dron.

7 Kwon bar ukot kim, O Anij in
jar in torinae ko, im kōmōn bwe

turin mejōm en romak, im naj lo-
morem.

8 Kw'ar bōktok juōn vain jen
Ijpt; Kw'ar ubakelok ro dri ailiñ
ko im kalibwin e.

9 Kw'ar karreo ene iman, im e ar
kōmōn okrair imlōl, im e ar kobrōk
ene eo.

10 Tol ko r'ar libubu kin lurin, ra
ko ran r'ar einwōt aik ko an Anij.

11 E ar bukwelip ra ko an ñōn lo-
malo, im ro nejin ñōn river eo elap.

12 Etke Kw'ar kabwilōk worwor
ko an, im ein drein ro otemjej rej
elalok rej lote?

13 Pig koman jen wijki ko ej kok-
kure, im kiru ko rawia jen melaj rej
kōñe.

14 Kwon bar jujeltok, kim akwe-
lap ñōn Yuk, O Anij in jar in tōri-
nae ko, Kwon reilōltok jen lōñ im
lale im lotok vain in.

15 Im Kwon lale men eo anbij-
maroñōm e ar kalibwin e, im ra eo
Kw'ar kakajur ñōn Kwe mōke.

16 Emwij an urur ilo kijeek, emwij
bukwe; re joko kin an turin me-
jōm enoik ir.

17 Peiōm en ion armij in anbij-
maroñōm, ion nejin armij eo Kwoj
kakajure ñōn Kwe mōke.

18 Ein drein kim jamin jeblaklok
jen Kwe: Kwon kemour kim im
kim naj kirtok etōm.

19 Kwon bar ukot kim O Jeova,
Anij in jar in tōrinae ko; Kwon
kōmōn bwe turin mejōm en romak,
im naj lomorem.

SAM 81.

Ñōn dri lale al ilo Gittit. An Esaf.

KOMIN kalaplok al ñōn Anij,
amuij kajur: komin kwalok
ainiken lōñliñ ñōn Anij in Jekōb.

2 Komin kwotōke Sam ko, im
bōktok timbrel, im arp emōn, im
salteri.

3 Komin jilil ñe ekal aliñ, ñe ero-
lul aliñ, ilo ran in kwojkwoj, eo am.

4 Bwe e juōn kien ñōn Israel, nan
in kaiñi an Anij an Jekōb.

5 E ar likit e ilo Josep bwe en nan.

in kalimur, ke e ar drioiptok ion ene Ijpt, ijo I ar roñjake konono I ar jajekake.

6 I ar bök aleran jen ine eo; em-wij kötlok pä ko pein jen kilok eo.

7 Kw'ar kir ilo jorran im I ar kök yuk; I ar uak yuk ilo jikin etinö an jorur; I ar melejoñ yuk i dren ko in Meriba. Sela.

8 Komin eoroñ, O dri ailiñ eo Að, im I naj kennan fiñn yuk; O Israel elafie komin kõnan roñjake ið!

9 E naj ejelok anij druä ibemi, im komin jamin kabuñ fiñn juñn anij druä.

10 Ña Jeova ami Anij, eo E ar kadrioiptok yuk jen enen Ijpt: kwon walöñi loñöm im I naj köbrök e.

11 A ro droð, r'ar jab eoroñ aini- l ið, im Israel e ar jab kõnak ið.

12 Inem I ar likit ir fiñn benawia in burueir, bwe ren etal wöt ilo bebe ko air.

13 O I kõnan bwe ro droð ren eoroñ ið, im Israel en etal ilo ial ko Að!

14 Inem I naj kar kötaik ro dri jumae ir, im ukot peið nae ro rej kijiñt ir.

15 Ro rej drike Jeova re naj kar kötaik ir möke fiñn ir, a air ien e naj kar ber fiñn in driö.

16 E naj kar najirik ir kin wit emönpotata, im kamat ir kin hönni jen dreka.

SAM 82.

Sam an Esaf.

ANIJ ej jutök ilo jar an Anij; ej ekajet i bwiljin anij rön.

2 Ietoñn kom naj ekajet im jab jime, im kabwiloklok mejen ro dri nana? Sela.

3 Komin ekajet ro dri jeramel im ro ejelok jimair, komin kõmön wä- nik fiñn ro dri jorran im ro ejelok ibeir.

4 Komin lomoren ro dri jeramel im ro dri aikwij; komin kötlok ir jen pein dri nana.

5 Re jab jela im re jab melele, rej etal ilo marok; loñtak otemjej in löl re makötkit.

6 I ar ba, Kom anij rön, im kom otemjej ro nejin eo Eutiejtata.

7 Mekarta kom naj mij einwöt armij, im einwöt juñn ian bwirök rön kom naj buñ.

8 Kwon jutök O Anij, kwon ekajet löl in, bwe kwo naj jolit ailiñ ko otemjej.

SAM 83.

Juñn al. Sam an Esaf.

O ANIJ kwon jab ikön; Kwon jab kejeklokjen im jab kakije, O Anij.

2 Bwe lö ro dri jumae Yuk rej iruij; im ro dri kijiñt Yuk r'ar le- lifilok börrair.

3 Rej bebe kake mon nae ro drom, im bebe iben dron nae ro Kw'ar noj ir.

4 R'ar ba, Komin itök, im jen bukvelok ir bwe ren jab juñn ailiñ, bwe armij ren jab bar kememejetan Israel.

5 Bwe r'ar bebe iben dron im burueir wöt juñn; rej kõmön bujeir nae Yuk.

6 Mo kö im nuknuk an Idöm, im ro dri Ismael, Moab im ro dri Hegar;

7 Gibal, im Ammön, im Amalek; Pillista iben ro dri Tair:

8 Assiria bareinwöt ej koba-ibeir, r'ar jiböñ ro nejin Lot. Sela.

9 Kwon kõmön fiñn ir einwöt fiñn Midian, einwöt fiñn Sisera, im Je- bin i river Kaiñön:

10 Ro r'ar joko i Endor; r'ar erom einwöt kubwe fiñn ene.

11 Kwon kõmön leatöktök ro air einwöt Ziba im Zalmunna.

12 Ro r'ar ba, Jen bök mo ko imön Anij fiñn kim möke bwe ren am.

13 O að Anij kwon kõmön ir ein- wöt monöknök ilo aire, einwöt kilin wit iman köto.

14 Einwöt kijeek ej tili wijki ko, einwöt urur ej kejo kijeek ilo tol ko.

15 Ein drein Kwon lukwörkwör
ir kin lañ.eo Am, im kaleññoñ ir kin
ñõt eo Am.

16 Kwon kobrök turin mejeir kin
jok, bwe ren bukoť etõm, O Jeova.

17 Ren jok im lelññoñ ñõn in drio,
aet ren kaiur ir im ren joko.

18 Bwe ren jela bwe Kwe wõt, im
etõm Jeova, Kwo eo eutiejtata ion
aolepen lõlin.

SAM 84.

Nõn eo ej lale al. Ilo Gittit. Sam au ro nejñ
Kora.

ENAÑIN men in yokwe imõn
kaber ko Am, O Jeova in jar in
tõrinae ko.

2 Aõ ej oñkake, aet ej kijelok wõt
kin worwor ko an Jeova. Buruõ
im kõniekiõ re lamij ñõñ Anij
emour.

3 Eokwe bao sparro e ar lo mweo
imõn; im bao swallo e ar lo juõn
an el ijo en likit kon ko nejñ, aet
lokatok ko Am, O Jeova in jar ko
jar in tõrinae, aõ Kiñ im aõ Anij.

4 Emõnõnõ ro rej jokwe ilo mweo
imõm, re naj etal wõt ilo nebar Yuk.
Sela.

5 Emõnõnõ armij eo an kajur ilo
Kwe; eo ilo buruen ial ko ñõn
Zaiõn.

6 Ke rej driblok komlõl in jõñ,
rej kõmõn e jikin unin dren ko, aet
wut eo mokta ej kalibubu e kin
jeramõn ko.

7 Rej ilok jen kajur ñõn kajur, ir
otemjej re naj walok iman Anij i
Zaiõn.

8 O Jeova Anij in jar in tõrinae
ko, Kwon roñjake aõ jar, Kwon
eoroñ iõ, O Anij in Jekõb.

9 Kwon lo, O Anij amuij likepij-
ñõk, im reilok ñõn mejen Am dri
kabit.

10 Bwe juõn ran iloañ worwor ko
Am emõnlok jen juõn tausañ ran;
ña emõn iba bwe in dri lale aur ilo
imõn aõ Anij, jen aõ jokwe ilo im
nuknuk ko an jerawiwi.

11 Bwe Jeova Anij juõn al im like-
pijñõk; Jeova e naj letok joiñ im

aibujuij; E naj drebij ejelok men eo
emõn jen ro rej etal ilo wānik.

12 O Jeova in jar in tõrinae ko,
emõnõnõ armij eo ej liki Yuk.

SAM 85.

Nõn dri lale al. Sam an ro nejñ Kora.

KW'AR joiñ ñõn ene eo Am, O
Jeova, kw'ar kejeblaktok je-
bokwe an Jekõb.

2 Kw'ar jolok nana an ro drom,
Kw'ar kalibubu aolepen air jera-
wiwi. Sela.

3 Kw'ar bõklok aolepen libõpne
eo Am; Kw'ar oktõk jen bwil in
illu eo Am.

4 Kw'ar ukot kim, O Anij in amuij
lomor, im kejemlok Am libõbue
ñõn kim.

5 Kwo naj illu ñõn kim ñõn in
drio ke? Kwo naj kaitoklok Am
illu ñõn ebeben ko otemjej ke?

6 Kwo jamin kãejmour kim bwe
ro drom ren lõñliñ ilo Kwe ke?

7 O Jeova kwon kwalok Am tiria-
mo ñõn kim, im letok ñõn kim Am
lomor.

8 I naj roñjake ta eo Jeova Anij e
naj ba; bwe E naj konono kin
ainemõn ñõn ro drou, im ñõn ro
remõn Am, a ren jab bar oktõk ñõn
men in bwebwe.

9 Emol An lomor ebak ñõn ro
re'mjõk E, bwe aibujuij en berwõt
ilo ene am.

10 Tiriamo im mol r'ar wõnmae
dron, wānik im ainemõn r'ar me-
jenmaik dron.

11 Mol ej edrek jen lõl, im wānik
e ar reitok jen lõñ.

12 Aet, Jeova e naj letok men eo
emõn, im ene in am e naj letok an
orlok.

13 Wānik e naj ilok imanlok e;
im naj kõmõn juõn ial ñõn buñten
neen.

SAM 86.

Jar an Devd.

KWON kajirtok lojiliñõm im
uak iõ, O Jeova, bwe ña I jera-
mel im aikwij.

2 Kwon kejbarok ađ bwe ña dru wānik; O Kwe ađ Anij, kwon lomoreñ korijerōm in ij liki Kwe.

3 Kwon tiriamokake iđ, O Iroi, bwe ij kir ñōñ Kwe iomin aolepen ran.

4 Kwon kalōñliñ an korijerōm, bwe ñōñ Kwe, O Iroi ij leliñwoj ađ.

5 Bwe Kwe Iroi kwoj emōñ, im kōnan jeđrlok, im Kwoj kalōñlok tiriamo ñōñ ro otemjej rej kir ñōñ Kwe.

6 Kwou eoroñ ađ jar, O Jeova, im roñjake ainiken ađ akwelap ko.

7 Ilo ran in ađ jorran I naj kir ñōñ Kwe, bwe Kwo naj uak iđ.

8 Ejelok ian anij rōñ einwōt Kwe O Iroi, im ejelok jermal einwōt jermal ko Am.

9 Ro dri alliñ ko otemjej, Kw'ar kōmōnmōñ ir, re naj itok im kabuñ imam, O Iroi, im re naj kaibujuij etōm.

10 Bwe Kwe kwo laplap, im Kwoj kōmōñ nien in bwilōñ ko: Kwe wōt kwo Anij.

11 Kwon tel iđ, O Jeova ilo Am ial; I naj etal ilo mol eo Am: Kwon kadrebijik buruđ bwe en mijōk etōm.

12 I naj nebar Yuk, O Iroi ađ Anij, kin aolepen buruđ; I naj kaibujuij etōm ñōñ in drio.

13 Bwe elap Am tiriamokake iđ; Kw'ar kōtlok iđ jen roñ eo imlōl-tata.

14 O Anij ro dri jua r'ar jutōk nae iđ; im jar an armij relej r'ar kabukot ađ, im r'ar jab likit Yuk imair.

15 A Kwe O Iroi, kwo Anij e kanuij keni im joi, erumi Am illu, im Kwo obrōk kin tiriamo im mol.

16 O Kwon oktōk ñōñ iđ im tiriamokake iđ; Kwon letok Am kajur ñōñ korijerōm, im lomoreñ nejin kōra korijerōm.

17 Kwon kwalok ñōñ iđ kakōlen in emōñ, inem ro rej kijirāt iđ ren loe, im jok kake, bwe Kwe Jeova Kw'ar jibōñ iđ im kainemōñ iđ.

SAM 87.

Sam an ro nejin Kora. Juñ al.

LONTAK ko An ilo tol ko rokwo jarjar.

2 Jeova ej yokwe aur ko in Zaiōñ jen mo ko otemjej an Jekōb.

3 Re konono kake men ko men in aibujuij kin Kwe, O jikin kwelok an Anij. Sela.

4 I naj ba kin Reab im Babulōñ einwōt ian ro re jela ña: Lo Pillistia im Tair im Itiopia, armij in e ar lotak ie.

5 Aet, re naj ba kin Zaiōñ, Eñin ak eñe e ar lotak ilo e; im Eo eutiejtata E mōke naj kabin e.

6 Jeova e naj bwini, ñe E naj je ro dri alliñ ko, eñin e ar lotak ie. Sela.

7 Ro rej al im ro dri kajōñjōñ re naj ba, Unin dren ko otemjej ađ iđōm.

SAM 88.

Juñ al. Sam an ro nejin Kora: ñōñ eo dri lalal, ilo Mahalat Liannot. Maskil an Himan dri Ezra.

O JEOVA Anij an ađ lomor, I ar lamij ran im boñ imam.

2 Ađ jar en dreloñwoj iman mejōm, Kwon eoroñ ađ kir.

3 Bwe ađ elōñ kin jorran ko, im ađ mour ej kebaklok ñōñ Hedis.

4 Emwij bwini iđ iben ro rej wōñ-lōllok ñōñ iloan roñ eo; ña einwōt juñ armij im ejelok dri jibōñ e.

5 Emwij jolok iđ ña iben ro remij, einwōt dri mōñ re babu ilo lūp, ro Kw'ar jab bar kememej ir, im bukwelok ir jen peiōm.

6 Kw'ar likit iđ ilo roñ eo etātata, ilo jikin marok ko, ilo imlōl ko.

7 Am illu ej erro iđ, im Kw'ar kejjorran iđ kin no ko Am otemjej. Sela.

8 Kw'ar likit ro re jela ña bwe ren etelok, Kw'ar kōmōñ iđ men in jōjōik ibeir: emwij kili iđ: I ban drioielok.

9 Meja rejokolok kin ađ jorran. I ar kir ñōñ Kwe ran otemjej. O Jeova I ar erlokwe pā ko peiđ ñōñ Kwe.

10 Kwo naj kwalok men in bwilōñ ko ñōn ro remij ke? Ro re joko re naj jerkak im nebar Yuk ke?

11 Ren jelakake Am joiy ilo lūp ke? Ak Am tiljek ilo kokkure ke?

12 Men in bwilōñ ko Am re naj jela ilo marok ke? Im Am wānik ilo ene in meloklok ke?

13 A I ar lamij ñōn Kwe O Jeova, im ñe ejiboñ aḏ jar e naj iwij imam.

14 O Jeova etke Kwoj jolok wōt aḏ? Etke Kwoj binej mejōm jen ña?

15 Ña I jorran im I nañin joko jen ke ij ajiri ñōn ien in; ke ij lñtan kin Am kaleññoñ iḏ I jebarujuj.

16 Am illu ebwil e ar itok loḥ: Am kaleññoñ ko r'ar bukwelok iḏ.

17 R'ar kabol iḏ einwōt dren ko lomin aolepen ran: r'ar jimor kabol iḏ wōt.

18 Dri yokwe im jera Kw'ar likit etolok jen ña, im ro I jela ir ilo marok.

SAM 89.

Maskil an Itan dri Ezra.

I NAJ al kin tiriāmo ko an Jeova ñōn in drio: kin loñiḏ I naj kwalok Am tiljek ñōn ebeben ko otemjej.

2 Bwe emwij aḏ ba, Naj kalek joiy ñōn in drio. Kwo naj kabin Am tiljek ilo lōñ ko.

3 I ar kōmōn bujen iben aḏ Dri kalet, I ar kauḏjniy ñōn Devid korijera.

4 Ineōm I naj kabin ñōn in drio, im kalek tron eo am ñōn ebeben ko otemjej. Sela.

5 Im lōñ ko re naj nebar men in bwilōñ ko Am, O Jeova, bareinwōt Am tiljek ilo jar ko an ro remōn.

6 Bwe wōn eo ilo mejatoto re maroñ in keiri ñōn Jeova? Wōn ian ro nejn dri kajur roñ ej einwōt Jeova?

7 Anij eo E kanuij alet ilo bebe an ro remōn, im emōn ren mijōk E jen ir otemjej rej ber iturin!

8 O Jeová Aaij in jar in tōrinae ko, wōn e dri kajur potata einwōt Kwe, O JAH? im Am tiljek ej iturōm.

9 Kwo iroiḏ ion lometo ñe eju: ke no ko an relōñlok, Kwoj kōkajek-lokjen ir.

10 Kw'ar ruje Reab ñōn mōtōn ko, einwōt eo emwij air mōn e. Kw'ar kejbliklok ro dri kijirāt Yuk kin pein Am kajur.

11 Lōñ ko Am, ene bareinwōt Am: lōl im men ko e obrōk kaki, Kw'ar likit loñtak ko air.

12 Eañ im irōk Kw'ar kōmōnmōn ir, Tebor im Hermōn re lōñliñ ilo etōm.

13 Pā e monmon ibōm, ekajur peiōm, im eutiey anbijmaroñōm.

14 Wānik im ekajet loñtak ko an tron eo Am; joiy im mol re ilok iman mejōm.

15 Emōnōnḏ dri ailiñ eo re jela ainiken in lōñliñ eo; rej etal, O Jeova, ilo maram in turin mejōm.

16 Ilo etōm re lōñliñ lomin aolepen ran, im ilo Am wānik naj koutiej ir.

17 Bwe Kwe aibujuij in kajur eo air; im ilo Am mol drun eo am e naj liñlok.

18 Bwe amuij likepijñōk, iben Jeova, im amuij kiñ an Dri kwojarjar in Israel.

19 Inem Kw'ar konono ilo viḥōn ñōn ro remōn Am, im ba, I ar likit jibōñ ion juḏn ekajur potata; I al koutiej juḏn dri kalet jen armij rōn.

20 I ar lo Devid korijera; I ar kabit e kin aḏ oil ekwojarjar.

21 Im peiḏ e naj bin iben; bareinwōt peiḏ e naj kakajur e.

22 Dri kijirāt eo e jamin matōr-tōr e, im eo nejn nana e jamin kañitan e.

23 Im I naj jolōllok ro dri kijirāte iman, im mōn ro rej kitōtōkake e.

24 A Aḏ tiljek im aḏ joiy e naj iben; im ilo etā e naj utiejlok drun eo an.

25 I naj likit pein ion lomalo eo, im anbijmaroñōn ion river ko.

26 E naj kir ñōn Iḏ, Kwe jema. aḏ Anij im dreka in aḏ lomor.

27 I naj bareinwöt likit e manjiö, eo eutiejtata ian kiñ ro an löl.

28 Aö joij I naj kejbärok ñön e in drio, im bujen eo Aö e naj bin iben.

29 I naj kömön bwe inen en ber ñön in drio, im tron eo an einwöt ran ko in löñ.

30 Elañe ro nejn rej illok jen kiö, im jab etal ilo ekajet ko Aö;

31 Elañe re kejekron nan ko Aö, im jab bokake Aö men in kaiñi;

32 Inem I naj kajeik air jerawiwi kin alal, im air nana kin dreñlok:

33 Ak Aö joij I jamiu böc jen e ñön in drio, im I jamin likit Aö tiljek bwe en joko.

34 I jamin rupe bujen eo Aö, im I jamin ukot men eo e ar ilok jen tiö.

35 Juön Aö kanöjnij kin Aö kwojarjar, I jamin riöp ñön Devid.

36 Inen e naj ber ñön in drio, im tron eo au einwöt al imaö.

37 Naj kabin e ñön in drio einwöt aliñ, im einwöt dri kennau eo etiljek ilo mejatoto. Sela.

38 A Kw'ar abwin im jolok, Kw'ar illu ñön dri kabit eo Am.

39 Kw'ar jöjöik bujen in kori jeröm; Kw'ar kananaik kraun eo au ñön brij.

40 Kw'ar jölölok worwor ko an otemjej; Kw'ar kokkure me ko an.

41 Ro otemjej rej ela re rakimi e; e ar erom men in kejekron ñön ro dri turin.

42 Kw'ar leliñlok anbijmaroñön ro dri kijirät; Kw'ar kömön bwe ro otemjej rej jumae ren löñliñ.

43 Aet Kwo ukötliklok mejen jäji eo an, im Kw'ar jab kömön bwe en jutök ilo ketak.

44 Kw'ar kejemlok an jatöltil, Kw'ar jölölok ñön brij tron eo an.

45 Ran ko ran in au likao Kw'ar kakarulok: Kw'ar kalibubu e kin jok. Sela.

46 Ietoön O Jeova, kwon tilekek ñön in drio? Ietoön Am illu en urur einwöt kijeek?

47 O Kwou kememej bwe e karu aö ber. Ñön men in jekrou öt

Kw'ar kömönmön ro nejn armij otemjej?

48 Armij öt e naj mour im jamin lo mij, im kötlök an jen kajur in Hedis? Sela.

49 Iroi, ewi Am tiriamokake mokta, Kw'ar kanöjnij kaki ñön Devid ilo Am tiljek?

50 Kwon kememej O Iroi nan in kejekron ro dri korijeröm; ekijkan ij inek ilo ubö nan in kinak an ro dri aillñ ko rekajur otemjej:

51 Ro dri kijirät r'ar kinaklok Yuk kake O Jeova, r'ar kinaklok kake jenkwön neen Am dri kabit.

52 Emönönö Jeova ñön in drio. Amen im Amen.

SAM 90.

Juön jar an Moses armij in Anij.

IROIJ, kw'ar amuij jikin jokwe iomin eeben ko otemjej.

2 Mokta jen an tol ko walok, ak Kw'ar kömönmön löl im ene, jen in drio ñön in drio, Kwe Anij laplap.

3 Kwoj ukot armij ñön böñöliñöl im ba, Konin jeblaktok, kom ro nejn armij.

4 Bwe juön tausan yiö iman mejöm rej einwöt inne ke ejoko, im einwöt juön mmij ilo boñ.

5 Kwoj böklök ir einwöt kin ibij liplip, re einwöt juön kiki, ke ejiboñ re einwöt ujoij ej edreklok.

6 Ke ejiboñ ej edrek im laplok; ke ejota rej bukwe inem ej almerlok.

7 Bwe kim etöp ilo Am illu, im kim lokjenam kin Am liböpn.

8 Kw'ar likit bwir ko am imam, im jerawiwi ko am retño ilo maran in mejöm.

9 Bwe ran ko am otemjej re joko lok ilo Am liböpn: kim kejemlok yiö ko am einwöt juön bwebwenato ñe emwij konono kake.

10 Ran ko in yiö ko am jiljilimñoul yiö, ak kin kajur re drualitokñoul yiö, a air jua ej jerbal wöt im buromöj, bwe emököj bukweloke, inem kim kälök.

11 Wön e jela kajur an Am illu,

an Am liböpnē ekar ñōn lelñōñ
emōn mijōk Yuk kake?

12 Ein drein Kwon katakin kim
ñ bwinī yīō ko am, bwe kimin bōk
ñōn kin buruen meletlet.

13 O Jeova kwon jeblaktok;
ietoñ? Im Kwon ukwelok ibōm
kin ro dri korijerōm.

14 O Kwon kamat kim ke ejiboñ
kin Am tiriamo; bwe kimin lōñ-
liñ im mōnōnō ran ko am otem-
jelok.

15 Kwon kalōñliñ kim ekar ñōn
ran ko ke Kw'ar kaññan kim, im
yīō ko kim ar lo nana iloir.

16 Am jerbal en walok ñōn ro dri
korijerōm, im Am aibujulj ion ro
nejiir.

17 Im wōlio an Jeova am Anij en
ber iom, im Kwon kabin jerbal in
peim iom; aet jerbal in peim Kwe
kwon kabin e.

SAM 91.

EO ej jokwe ilo jikin etino an Eo
eutiejtata, e naj berwōt iomin
lurin Eo dri kajur otem kajur.

2 I naj ba kin Jeova e aō likepij-
ñōk im aō me; aō Anij, I naj liki E.

3 Bwe E naj kōtlok yuk jen aluk
an dri ane, im jen mij eo enana.

4 E naj kalibubu yuk kin kol ko
kolōn hao, im iomin pein kwo naj
lo ainemōn; mol eo An e. naj am
likepijñōk im ken tōrak.

5 Kwo jamin mijōk kin men in
kaleññōñ ilo boñ, ak kin mōri ej
kāki ilo ran.

6 Ak kin mij eo ej etetal ilo ma-
rok, ak kokkure ej jerbal ke e
loliñ al.

7 Juōn tausan re naj buñ iturōm,
im joñoul tausan i anbijmaroñōm,
a e jamin kebak ñōn kwe.

8 Kin mejōm wōt kwo naj lalē im
lo nawōnan eo dri nana.

9 Bwe Kwe O Jeova aō likepijñōk.
Kw'ar kōmōn Eo eutiejtata bwe En
mweo imōm.

10 Ejelok nana e naj iwij iom, ak
ejelok men in kokkure naj kebak
ñōn mweo imōm.

11 Bwe E naj jiroñ enjel ro An
kin kwe, bwe ren kejbārok yuk ilo
ial ko am otemjej.

12 Re naj baur yuk ilo peir bwe
kwon jab itak neōm ilo dreka.

13 Kwo naj juri laiōn im adder,
laiōn emōu ridtōn im serpent kwo
naj juri iomin neōm.

14 Bwe e ar likit an yokwe Ioō,
inem I naj kōtlok e; I naj koutiej
e bwe e ar jela etā.

15 E naj kir ñōn iō im I naj uak
e, I naj ber iben ilo jorran: I naj
kōtlok im koutiej e.

16 I naj kamat e kin mour e aitok,
im kwalok ñōn e Aō lomor.

SAM 92.

Juōn Sam; juōn al ñōn ran in Sabat.

MEN eo emōn in lelok kamolol
ñōn Jeova im al im nebar
etōm, O Kwe kwo utiejtata.

2 In kwalok Am joij ne ejiboñ, im
Am tiljek ilo boñ otemjej.

3 Kin ken kajōñjōñ toen joñoul,
im kin salteri; kin ainiken ekwo-
jarjar ilo arp.

4 Bwe Kwe Jeova, kw'ar kalōñliñ
iō kin Am jerbal; I naj lamij kin
lōñliñ ilo jerbal ko in peiōm.

5 Re nañin lap jerbal ko Am, O
Jeova; lemnok ko Am re kanuij
imlōl.

6 Armij awia e jab jela, im dri
bwebwe e jab melele men in.

7 Kwo dri jerawiwi rej edrek ein-
wōt ujoij, im ke ro otemjej rej kō-
mōn nana re jeban, men in bwe reu
joko ilo kokkure ñōn in drio.

8 A Kwe O Jeova, kwoj iliñtata
ñōn in drio.

9 Bwe lo, ro dri kijirāt Yuk O
Jeova, bwe lo ro dri kijirāt Yuk re
naj joko: ro otemjej dri kōmōn
nana re naj jibliklok.

10 A aō drun Kw'ar koutiej ein-
wōt drun kau koman awia: emwij
kabit iō kin oil ekal.

11 Bareinwōt meja r'ar lo einwōt
aō kōnan ion ro dri kijirāt iō, lojil-
iñiō r'ar roñjake einwōt air kōnan

ioa ro dri kōmōn nana rej jerkak jumae iō.

12 Ro dru wānik re naj edrek emōn einwōt wijki pan; re naj edrek einwōt wijki sidar in Lebanōn.

13 Ro emwij kallip ir ilo imōn Jeova, re naj edrek im laplok ilo worwor ko an Anij.

14 Re naj jebar leir fīe re kenato, re naj ibip im dril:

15 In kwalok bwe Jeova ewānik; E aō dreka im ejelok jab wānik iben.

SAM 93.

JEOVA e Kiñ: ej kanuknuk E kin utiej; Jeova ej kanuknuke, E ar kañōññōr E kin kajur: bareinwōt lōl ebin bwe ban kamōkit e.

2 Tron eo Am emwij kabin e jen ien etelok; jen ien ko moktata Kwe.

3 Ibij ko r'ar koutiej, O Jeova; ibij ko r'ar koutiej ainikeir: ibij ko re koutiej no ko air.

4 Ilōñin ainiken dreu ko relōñ, no ko rekilip an lometo, Jeova ilōñ ekajurpotata.

5 Kennan ko Am re kannij mol; kwojarjar ekar ñōn mweo imōm, O Jeova ñōn in drilo.

SAM 94.

O JEOVA, kwe Anij in irenwōne ko, Kwe Anij in irenwōne ko, Kwon romaktok.

2 Kwon jutōk, Kwe dri ekajet in lōl; Kwon nawōnan ro dri jua.

3 Jeova ietoñ ro dri nana, ietoñ ro dri nana ren jualōñlōñ?

4 Re bakake wan, re konono burrollap; ro dri kōmōn nana otemjej re jualōñlōñ kin ir mōke.

5 Rej kōprakilkil ro dri ailīñ eo Am, O Jeova, im kaiñtan Am jolit.

6 Rej mōn kōra ejoko belen im dru maiget, im urōte eo ejelok jenen.

7 Im re ba, Jeova e jamin loe, im Anij in Jekōb e jamin lale.

8 Komin lale mōk, kom dri einwōt kiru iben dri ailīñ kōn, kom dri bwebwe, kom naj meletlet fiat?

9 Eo e ar karōk lojilīñin, E jamin roñ ke? Eo e ar kōmōnmōn mej E jamin lo ke?

10 Eo e ar enoik ro dri ailīñ ko, E jamin kajeik ke? Aet, Eo ej katakin armij jelalokjen.

11 Jeova e jela lemnok ko an armij rōn bwe rewan.

12 Emōnōññō armij eo Kwoj kajeik e, O Jeova, im katakin e jela kiōm.

13 Bwe Kwon maroñ in kakijeik e jen ran ko renana mae ien emwij kōbij roñ ñōn ro dri jerawiwi.

14 Bwe Jeova e jamin jolok dri ailīñ ro An, im E jamin illok jen An men in jolit.

15 Bwe ekajet e naj jeblak ñōn wānik; im ro otemjej ejime burueir re naj lore.

16 Wōn e naj jerkak kin ña mae ro dri kōmōn nana? Wōn e naj jutōk kin ña nae ro rej jerbale jab wānik?

17 Elañe Jeova e ar jab aō jibōñ, aō e naj kar mōkōj in ber ilo jikin ikōñ.

18 Ke I ar ba, Neiō ej jirlok, Am tiriamo O Jeova e ar baur iō.

19 Ke elōñ lemnok ilo buruō, Am nan in kainemōn ej kalōñlīñ aō.

20 Tron in jerawiwi e naj komao ibōm ke, eo ej kōmōn men in kejjorran kin kien?

21 Re kweloklok nae air an ro remōn, im re liakelok bōtōktōk im ejelok ruōn.

22 A Jeova e ar aō imōn bar eutiej; im aō Anij, dreka eo ij ko ñōn e.

23 In E ar kejeblaklok ioir air jab wānik, im E naj bukwelok ir ilo air nana; Jeova amuij Anij e naj kokkure ir.

SAM 95.

KOMIN itok, jen al ñōn Jeova, jen kwalok ainiken lōñlīñ ñōn dreka in lomor eo am.

2 Jen itok iman mejen kin kamo-
lol; jen lamij ñõn E kin Sam ko.

3 Bwe Jeova e Anij laplap; im
juõn Kiñ elap, eutiej jen anij otem-
jelok.

4 Ilo pein imlöl ko in löl; barein-
wõt jabõn tol ko re An.

5 Lometo An, im E ar kõmõnmõn
e; im pein r'ar kõmõnmõn ene
emõra.

6 O komin itok, jen kabuñ im
barikrik; jen bukwelölõ iman Jeova
amuij Dri kõmõnmõn.

7 Bwe E amuij Anij, im kim ro
dri ailiñ an melaj eq An, im šip ko
an pein. Ranin, O emõn komin
roñjake ainiken.

8 Komin jab kabu buruemi, ein-
wõt i Meriba; einwõt ran in Massa
ene jemaren eo.

9 Ke ro jimam r'ar kabo Iõ, r'ar
melejoñ Iõ im lo jerbal eo Aõ.

10 Iomin eñoul yiõ I ar illu iben
ebeben eo, im ba, E ailiñ ej jebwã-
bwe ilo burueir, im r'ar jaje ial ko
Aõ.

11 Kin men I ar kanõjnij ilo Aõ
libõpne, Re jamin drelõñ iloan Aõ
kakiye.

SAM 96.

O KOMIN al ñõn Jeova juõn al
ekäl; komin al ñõn Jeova,
kom dri löl otemjej.

2 Komin al ñõn Jeova, komin
nebar etan: komin kwalok lomor
eo An jen ran ñõn ran.

3 Komin ba kin An aibujuij iben
ro dri ailiñ ko, jerbal ko An, men in
bwilõñ iben ro dri ailiñ ko otemjej.

4 Bwe elap Jeova, im ren kanuij
nebar E; ren mijõk E jen anij
otemjej.

5 Bwe anij ro otemjej an ro dri
ailiñ ko re ekjõp wõt; a Jeova e ar
kõmõnmõn lõñ ko.

6 Mütoktok im utiejjen rej iman;
kajur im wõllo rej ilo jikin kwojar-
jar eo An.

7 Komin lelok ñõn Jeova, kom ro
nukin ian ro dri ailiñ ko, komin
lelok ñõn Jeova aibujuij im kajur.

8 Komin lelok ñõn Jeova aibujuij
ekar ñõn etan; bõktok jurtak, im
drelõntok ñõn iloan wõrwor ko An.

9 O komin kabuñ ñõn Jeova ilo
wõllo in kwojarjar, komin wurirrir
iman, aolepen löl.

10 Komin ba iben ro dri ailiñ ko,
Jeova e Kiñ; löl emwij kabin e
bwe ren ban kamõkit e; E naj
ekajet ro dri ailiñ ko kin wänik.

11 Lõñ ko ren mõnõnõ, im löl en
lõñliñ; lometo en ñiñir im barein-
wõt-an obrõk.

12 Melaj eo en jualõñlõñ im men
otemjej iloan; inem wijki otemjej
in jikin wijki ren al ilo lõñliñ.

13 Iman Jeova, bwe Ej itok; bwe
Ej iten ekajet löl. E naj ekajet löl
kin wänik, im ro dri ailiñ ko kin
inol.

SAM 97.

JEOVA e Kiñ; löl en lõñliñ, ailiñ
ko relõñ ren mõnõnõ.

2 Kõro ko im marok rej iturin;
wänik im ekajet re loñtak ko in
tron eo An.

3 Kijeeek ej ilok imanlok, im tili
ro dri kijirät iturin.

4 Jarõm ko An r'ar kamaramlok
löl; ene e ar loe im wurirrir.

5 Tol ko r'ar unlok einwõt bwil
jen iman Jeova, jen iman Iroj in
aolepen löl.

6 Lõñ ko re kwalok An wänik,
im ro dri ailiñ otemjej r'ar lo An
aibujuij.

7 Ren jok, ro otemjej rej korijer
ñõn men in e ko rej jeki, ro re
mõke jualõñlõñ kin ekjõp ko: ko-
min kabuñ ñõn E, kom ro anij
otemjej.

8 Zaiõn e ar roñjake im mõnõnõ,
im kõra ro nejin Juda r'ar lõñliñ
kin ekajet ko Am, O Jeova.

9 Bwe Kwe Jeova, kwo utiejtata
ilõñin aolepen löl: Kwo kanuij
liñlok ilõñ jen anij otemjelok.

10 O kom dri yokwe Jeova, komin
kitõtõkake nana: Ej kejbãrok an ro
remõn An. Ej kötlok ir jen pein ro
dri jerawiwi.

11 Emwij jeor maram ñõn ro dru wānik, im mōnōnō ñõn ro ejime burueir.

12 Komin lõñliñ ilo Jeova, kom dru wānik, im kamolol etan ekwojarjar.

SAM 98.

Juñ Sam.

O KOMIN al ñõn Jeova juñ al ekal: bwe E ar kōmōn men in bwiłõñ ko: anbijmaroñõn in pein ekwojarjar, e ar kōmōnmōn lomor ñõn E.

2 Jeova e ar kajelaik kin An lomor; E ar kwalok alikar an wānik imēn mejen ro dri ailiñ ko.

3 E ar kememej An tiriāmo im An tiljek ñõn imōn Israel: jemlokōn lõl otemjej r'ar lo lomor eo an amuij Anij.

4 Komin lelok ñõn Jeova, aolepen lõl; en ruplok ainiklōmi im komin al ilo lõñliñ, aet komin al im nebar.

5 Komin al ilo nebar ko ñõn Jeova kin arp, kin arp im ainiken alel.

6 Kin jilil ko, im kin ainiken kornet, komin kōmōn ainiken lõñliñ iman Kifi eo, Jeova.

7 Lometo en ñilñir, im an obrōk; lõl im ro re jokwe ion.

8 Ibiy ko ren kaboklok pelr; tol ko ren jimor al im lõñliñ.

9 Iman Jeova, bwe Ej iten ekajet ene eo: E naj ekajet lõl kin wānik, im ro dri ailiñ ko kin jimwe.

SAM 99.

JEOVA e Kifi; ro dri ailiñ ko ren wurirrir: Ej jiyōt ion kerub ko; lõl en makōtkit.

2 Jeova elaplap ilo Zaiōn; E utiej ilōñin ailiñ ko otemjej.

3 Ren nebar etōm elap im men in lelñõñ: E kwojarjar.

4 Bareinwōt kajur an kiñ eo ej yokwe ekajet; Kwoj kabin wānik. Kwoj kōmōnmōn ekajet im wānik ilo Jekōb.

5 Komin koutiej Jeova amuij Anij,

im kabuñ iturin eran neen: E kwojarjar.

6 Moses im Aaron ian pris ro An, im Samuel ian ro rej kir ñõn etan: r'ar kir ñõn Jeova, im E ar uak ir.

7 E ar konono ñõn ir ilo juron kōro; r'ar kejbārok kien eo An, im nan in kaiñi E ar lelok ñõn ir.

8 Kw'ar uak ir O Jeova amuij Anij, Kw'ar juñ Anij e ar jeorlok jen ir, meñe Kw'ar kwi kin kōmōn ko air.

9 Komin koutiej Jeova aruij Anij, im kabuñ ñõn E ilo tol eo ekwojarjar; bwe Jeova aruij Anij ekwojarjar.

SAM 100.

Sam in kamolol.

KOMIN lamij ñõn Jeova, kome ene ko otemjej.

2 Komin korijer ñõn E ilo lõñliñ: komin itok iman kin al.

3 Komin jela bwe Jeova Anij: E ar kōmōnmōn kij, kij An: kij dri ailiñ ro An; im šip ko jen melaj eo An.

4 Komin dreloñ ñõn loan aur ko An kin kamolol, im illoan worwor ko An kin nebar; komin kamolol E im nebar etan.

5 Bwe Jeova emōn; An tiriāmo e ñõn in driō, im tiljek eo An ñõn ebeben ko otemjej.

SAM 101.

Sam an Devid.

INAJ al kin tiriāmo im ekajet: ñõn Kwe O Jeova I naj al ilo nebar ko.

2 I naj kōmōn meletlet ilo ial e wāppen: O Kwo naj itok ñõn iba ñiat? I naj etal illoan mweo imō kin buruō e wāppen.

3 I jamin likit iman meja jabrewōt men in drike: I kitōtōkake jerbal an ro rej jeorlok; e jamin edrep ñõn iō.

4 Buru ankeke e naj ilok jen ña: I jamin jela eo enana.

5 Jabrewōt eo ej riōp nae dri turin ilo etino, I naj kokkure. I jamin

kaberber ið ñðn æo eutiej mejen im e jua buruen.

6 Meja re naj lale ro re tiljek ilo enin, bwe ren jokwe iba. Eo ej etal ilo ial e wäppen e naj korijer ñðn ið.

7 Eo ej jeor etað e jamin jokwe ilo mweo imð; eo ej konono riðp jamin kabin e iman meja.

8 Ilo jiboñ ko I naj kokkure ro dri nana otemjej in ene, im bukwelok ro dri kõmðn jab wänik jen jikin kwelok an Jeoya.

SAM 102.

Jar an eo e jorran, ke e maloñ kake, im kwalok lotan iman Jeova.

KWON roñjake að jar O Jeova, im Kwon likit að kir bwe en iwij ñðn Kwe.

2 Kwon jab binej mejðm jen ña ilo ran in að jorran. Kwon eoroñ ið; ilo ran eo ke ij kir, Kwon uak ið mðkøj.

3 Bwe ran ko að re tõp ilo bat, im dri ko drið emwij tili einwõt ubaj.

4 Buruð emwij jeboke einwõt ujoij, im e aimerlok, bwe ij meloklok in mðña bred eo að.

5 Kin ainiken að ñirñir dri ko drið rej edrep ñðn kõniekið.

6 Ña ij einwõt bau pelikan ilo ene jemaren: I erom einwõt bau owl in jikin jeebeplok ko.

7 Ij ekil, im I ar erom einwõt bao sparro e mðke ian ion bðrwøj in juðn im.

8 Ro dri kijirät ið re kinak ið io-min aolepen ran; ro rej uriekak nae ið re kanøjuij kin ña.

9 Bwe I ar mðña brij in ubaj einwõt bred, im kareik limð kin dren in kemjalal.

10 Kin Am illu im libðpne: bwe Kw'ar kwotðke ið im jolok ið.

11 Ran ko að re einwõt lur ejoklok: im ij aimerlok einwõt ujoij.

12 A Kwe O Jeova kwo naj ber ñðn in drio, im Am men in keme-mej ñðn ebeben ko otemjej.

13 Kwo naj jerkak, im joij ñðn Zaiðn: bwe kið ien in tirianokake

e, aet ien emwij bebe kake e mottok.

14 Bwe ro dri korijerðm rej mðnðnð kin dreka ko an, im re tiriamokake an bðñðlñðl.

15 Ein drein ro dri ailiñ ko re naj mijðk etan Jeova, im kiñ ro otemjej in löl, Am aibujuij.

16 Bwe Jeova e ar kalek Zaiðn, E ar weaktok ilo aibujuij eo An.

17 E ar oktðk ñðn jar an ro ejelok ibeir, im E ar jab kejekron air jar.

18 Naj je men in ñðn ebeben eo ej itok; im ro dri ailiñ, naj kõmðn-mðne, re naj nebar Jeova.

19 Bwe E ar reilðltok jen utiejjen jikin kwojarjar eo An; jen lðñ Jeova e ar lale löl in.

20 Bwe En roñjake jabjenmenoan dri prisðn; bwe En kõtlok ro emwij likit ir ñðn mij.

21 Bwe armij ren kwalok etan Jeova i Zaiðn, im An nebar ilo Jerusalem.

22 Ke ro dri ailiñ ko rej kweloktok, im ailiñ ko ailiñ in kiñ, bwe ren korijer ñðn Jeova.

23 E ar kamðjinolok að kajur ilo ial, E ar kakarulok ran ko að.

24 I ar ba, O að Anij kwon jab bðklok ið ilukwðn ran ko að; yið ko Am ilujen ebeben ko otemjelok.

25 Muktata Kw'ar likit loñtak ko an löl: im lðñ ko jerbal in peiðm.

26 Re naj joko, a Kwo naj berwõt; aet ir otemjej re naj morlok einwõt nuknuk ko; einwõt kobe Kwo naj ukot ir, im naj mwij ukot ir wõt.

27 A Kwe kwoj einwõt juðn, im yið ko Am re jamin jemlok.

28 Ro nejn ro dri korijerðm re naj berwõt, im ineir re naj bin imam.

SAM 103.

Sam an Devid.

KWON kamðnðnðik Jeova, O að, im men otemjej iloð ren nebar etan ekwojarjar.

2 Kwon kamðnðnðik Jeova O að, im jab meloklok kin men in kejerammðn ko An otemjej.

3 Eo ej jeorlok jerawiwi ko am otemjej, Eo ej kãejmour yuk jen nañinmij ko am otemjej.

4 Eo ej wiaik am mour jen lûpeo; Eo ej kabelbil yuk kin joij im tiriamokake ko.

5 Eo ej kamat loññm kin men ko remñn; inem kðkal am inono einwõt igðl eo.

6 Jeova ej kðmðnmðn men ko rewãnik; im ekajet ko ññn ir otemjej re matörtör ir.

7 E ar bakajen ial ko An ññn Moses, im kðmðn ko An ññn ro nejñn Israel.

8 Jeova e kanuij tiriampo im joij wõt; erumij Au illu im E mwele kin tiriampo kake.

9 E jamin enoik ten otemjej, im E jamin drebiñ An illu ññn in drío.

10 E ar jab kðmðn ññn kim einwõt jerawiwi ko am, ak nawðnam ekar ññn bwir ko am.

11 Bwe einwõt lõñ ko reutlej jen lõl, ein drein e killip An tiriampokake ro remjðk E.

12 Einwõt rear etolok jen kabilũñ, ein drein E ar likit bwir ko am etolok jen kim.

13 Einwõt jemelr ej tiriampokake ro nejñn, ein drein Jeova ej tiriampokake ro remjðk E.

14 Bwe E jela wãwen kðmðnmðn kim; E kememej bwe kim bðññl-ññl.

15 Kin armij, ran ko an einwõt ujoij; einwõt inðk ebul ilo melaj, ein drein ej ebul.

16 Bwe kðto ej ukwi ion inem ejoko, im jikin e jamin bar jelakajen.

17 A tiriampo an Jeova e jen in drío ññn in drío ion ro remjðk E, im An wãnik ññn ro nejñn nejñir.

18 Ññn ro rej lale bujen eo An, im ññn ro re kememej kien ko An bwe ren bokaki.

19 Jeova e ar likit tron eo An flo lõñ ko; im ailiñ in kiñ eo An e iroiñ ion aolep.

20 Komin nebar Jeova, komeo enjel ro An; ro remonmon ilo kajur,

re kamol An in nan, rej roñjake ainiken nan ko An.

21 Komin nebar Jeova, kom otemjej ilo jar ko An, ro dri korijeran rej kðmðñmðn ankil An.

22 Komin nebar Jeova, men in kðmðnmðn ko An otemjej ilo jikin ko otemjej, Ej iroiñ ioir; kwon nebar Jeova, O að.

SAM 104.

KWON nebar Jeova O að. O Jeova að Anij, kwo kanuij lap; Kw'ar kakunuk Yuk kin nebar im utiejen.

2 Kwoj kalibubu Yuk kin maran einwõt kobe; Kwoj erlokwe mejatoto einwõt rðñel nukuuk.

3 Kwoj likit alal ko in mojabeo ko Am kin dren ko; Ej likit kðro ko jariðt eo An; Ej etallok ion pein kðto.

4 Ej kðmðn kðto ko enjel ro An: kijeek rej urur ro dri korijeran.

5 E ar likit loñtak ko an lõl, bwe en jab makðtkit ññn in drío.

6 Kw'ar kalibubu e kin imlõl ko einwõt kin nukuk ko; dren ko r'ar jutðk ilðññn tol ko.

7 Kin Am kowe r'ar ko; kin ainiken Am jorur r'ar jarðplok.

8 R'ar wðñliñlok ion tol ko, r'ar wðñlðllok ilo komlõl ko; ññn jikiir Kw'ar kajur ññn ir.

9 Kw'ar likit kðtan bwe ren ban elã jen e; bwe ren jab oktoðklok im kalibubu lõl.

10 E jilkinlok unin dren ko ññn komlõl ko; re torlok ikðtan tol ko.

11 Re lelok limeir ññn kiru otemjej i melaj ko; ass ko rawia re jolok air maro.

12 Iturir bau ko in mejatoto re jokwe; rej al ilo ran ko ran wijki.

13 Ej kaimlolo tol ko jen mojabeo An; lõl e mat kin leen jerbal ko Am.

14 Ej kadreklok ujoij ññn kiru ko, im mar ko in jibðñ armij, bwe en bðktok kijen jen lõl.

15 Im wain ej kamðnðnð buruen armij, im oil in kejatðlil turin me-

jen, im bred ej kakajur buruen armij.

16 Wijki ko an Jeova remat; sidar ko in Lebanön, E ar kallipi.

17 Ijo bau ko rej kõmõnmõn il ko ileir: kin bau stork, mweo imõn wijki ko, wijki för.

18 Tol ko reutiej re ñõn goat ko rawia: dreka ko jikin tilekek an kiru koni ko.

19 E ar likit aliñ ñõn ien ko; al e jela an tulok.

20 Kwoj kõmõn marok inem e boñ, ke kiru otemjej men in mar rej tõbõllok.

21 Laiõu ko emõn ridtair re rorrorkiu men ko re kõnan jibwe, im bukot kijeir jen Anij.

22 E tak al, rej kweloklok im re babu iloan roñ ko air.

23 Armij ej ilok ñõu jerbal eo an, im ñõn kõmõn ko an mae ien ejota.

24 O Jeova, e nañin lõñ jerbal ko Am: ilo meletlet Kw'ar kõmõnmõn aolepeir; lõl e obrök kin mweiuk ko mweiõm.

25 Ijueo lometo elap im erabõkbõk, im iloan elõñ men ko retõbõlbõl, je ban bwiniir, kiru ko redrik im relap.

26 Ijo rej ilok wa ko; ijo kiru livaiatan, eo Kw'ar kõmõne bwe en kuri iloan.

27 Ir otemjej rej kötõmene kin Yuk, bwe Kwon lelok ñõn ir kijeir ilo ien ekar.

28 Men ko Kwoj lelok ñõn ir rej aini; Kwoj erlokwe peiõm, re mat kin emõu.

29 Kwo binej turin mejõm, re jorran; Kwoj bõk menono jen ir, rej jeblak ñõu bõñõlñõl eo air.

30 Kwoj jilkinlok jitõb eo Am, inem emwij kõmõnmõn ir; im Kwoj kõkal mejen lõl.

31 An Jeova aibujuij en berwõt ñõn in drio: Jeova en lõñliñ kin kõmõn ko An.

32 Eo ej reilok ñõn lõl, inem e makõtkit; Ej uñir tol ko inem re batat.

33 I naj al ñõn Jeova lomin ien aõ

mour; I naj al im nebar aõ Anij ke ij berwot im mour.

34 Aõ kalomonlokjen en tõñel iben, I naj lõñliñ kin Jeova.

35 Ro dri jerawiwi emõn kokkure ir jen lõl, ro dri nana ren joko wõt: O aõ kwon nebar Jeova. Komin nebar Jeova.

SAM 105.

O KOMIN kamolol Jeova, kir ñõn etan, kwalok iben ro dri ailiñ ko jerbal ko An.

2 Komin al ñõn E, komin al kin nebar ko ñõn E; komin konono kin jerbal in bwilõñ ko An otemjej.

3 Komin jualõñlõñ ilo etan ekwojarjar: buruen ro rej bukot Jeova ren lõñliñ.

4 Komin bukot Jeova im An kajur; komin bukot mejen ien otemjej.

5 Komin kememiej jerbal in bwilõñ ko An, E ar kõmõni; men in bwilõñ ko An im ekajet ko an loñin;

6 O kom ro nejn Ebream korijeran; kom ro nejn Jekõb, ro dri kalet An.

7 O Jeova amuij Anij; ekajet ko Am rej ilo aolepen lõl.

8 E ar kememiej ñõn in drio bujen eo An, nan eo E ar kaifiñ ñõn juõn tausan ebeben ko.

9 Bujen eo E ar kõmõne iben Ebream, im An kanõjniñ ñõn Aisak.

10 Im E ar kabin e ñõn Jekõb bwe en kien; ñõn Israel bwe en bujen ñõn in drio.

11 Im ba, Ñõn kwe I naj lewoj ene Kenan, bukwõn ami jolit.

12 Ke reit wõt armij in bwiniir; aet kanuij eiet im re drua maijet iloan.

13 Im r'ar etetal jen ailiñ ñõn ailiñ, jen ailiñ in kiñ ñõn bar juõn ailiñ.

14 E ar likit ejelok armij in kokkure ir; aet E ar enoik kiñ ro kin ir.

15 Im ba, Komin jab uñire dri

kabit ro Að, im jab kōmōn nana
ñōn dri kaban ro Að.

16 E ar kirtok ñitta ion ene eo, E
ar ruji aolepen jokwōnōn bred.

17 E ar jilkinlok juñn eman imair;
r'ar wiakake Josep bwe en dri ka-
makoko.

18 R'ar kejjorran neen kin feter
ko, r'ar likit e ilo tomere ko.

19 Mae ien ar kamol an in nan;
nan in Jeova e ar mejejoñ e.

20 Kiñ eo e ar jilkinlok im kōtlok
e; aet iroiñ in ro dri ailñ ko, im
likit e anemkwojan.

21 E ar kairoj e ion mweo imōn,
im likit e lukuwōn mweeluk otem-
mej mweien.

22 Bwe en lukwōj iroiñ ro an ein-
wōt e kōnan, im katakin ridto rōn
iben ilo meletlet.

23 Bareinwōt Israel e ar itok ñōn
Ijpt; im Jekōb e ar itoitōk ilo ene'n
Ham.

24 Im E ar kanuij kalōñlok ro dri
ailñ An, im likit ir rekajūr jen air
dri kijirāt.

25 E ar ukot burueir bweren drike
ro dri ailñ An; im kōmōn mon
ñōn ro dri korijeran.

26 E ar jilkinlok Moses korijeran,
im Aarōn eo E ar kalet e.

27 Irro r'ar kōmōn ibeir kakōle ko
An, im men in bwilōñ ko ilo ene'n
Ham.

28 E ar jilkinlok marok, im kō-
mōn bwe en marok wōt, im r'ar jab
kabata nae nan ko An.

29 E ar kōmōn dren ko air in erom
bōtōktōk, im mōn iik ko air otemmej.

30 Ene eo air e ar keutak elōñ frog,
ilo mojabeo ko an kiñ ro air.

31 E ar konono im r'ar itok elōñ
lōñ, im kij ko iloan aolepen air
tōreran.

32 E ar lelok dren ebin kin wut,
im kijeek eurur ilo eneir.

33 E ar mōn vain ko air barein-
wōt, im wijki fig ko air; im ruji
wijki ko in toreran ko air.

34 E ar konono im lokōs r'ar itok,
im likakrok in kanker, im ejelok
orair.

35 Im r'ar kāñi mar otemmej ilo
eneir, im r'ar mōña leen briñ otemmej.

36 Bareinwōt E ar mōn manji
otemmej ilo eneir, bōran aolepen air
kajur.

37 Im E ar kadrioiñtok ir eor silver
im gold ibeir, im ejelok dri mōjino
ilo bwij ko air.

38 Ijpt e ar mōnōnō ke r'ar ilok;
bwe mijōk e ar buñ ion rojet.

39 E ar erlokwe kōro einwōt ken
kalur ir, im kijeek in kamramlok
ir ilo boñ.

40 R'ar kajitok iben im E ar bōk-
tok bao kwel ko, im kamat ir kin
bred in lōñ.

41 E ar kebellok dreka, inem dren
ko r'ar torlok; r'ar torlok ilo jikin
remōra einwōt juñn river.

42 Bwe E ar kememej An in nan
ekwojarjar, im Ebream korijeran.

43 Im E ar kadrioiñtok ro dri ailñ
eo An kin lōñliñ, im ro dri kalet ro
An kin al.

44 Im E ar lelok ñōn ir ene an ro
dri ailñ ko, im r'ar bōk jerbal an
armij rōn bwe eu air.

45 Bwe ren bokake nan in kaiñi
ko An, im lale kien ko An. Ko-
min nebar Jeova.

SAM 106.

KOMIN nebar Jeova! O komin
kamolol Jeova, bwe E joij wōt,
bwe An tiriamo ej berwōt ñōn in
drio.

2 Wōn e maroñ in konono kake
jerbal ko rekajur an Jeova, ak kwa-
lok aolepen An nebar?

3 Re mōnōnō ro rej kejbārok eka-
jet, im eo ej kōmōn wānik ien otem-
mej.

4 Kwon kememej iō O Jeova, kin
joij eo Kwoj kwalok ñōn ro drom;
O Kwon lotok iō kin Am lomor.

5 Bwe in lo jerammōn an ro dri
kalet Am, bwe in lōñliñ ilo mōnōnō
an ailñ eo Am; bwe in jualōñlōñ
iben jolit eo Am.

6 Kimuij im ro jimam r'ar jera-
wiwi, kim ar kōmōn naua, kim ar
jab wānik.

7 Ro jímam r'ar jab melele men in bwiłõñ ko Am i Ijpt; r'ar jab kememej men in tiriamo ko Am relõñ; a r'ar ankeke i lomalo, aet lomalo ekilmir.

8 Mekarta E ar lomorir kin etan wõt, bwe En kwalok kajur eo An potata.

9 E ar kowe lomalo Ekilmir bareinwõt, inem emõralok: ein drein E ar tel ir ilujen imlõl ko einwõt ilo eue maj.

10 Im E ar lomorir jen pein eo e kitõtökake ir, im wiaik ir jen pein ro dri kijirät.

11 Im dren ko r'ar kamaloñ ro dri kijirät ir; ejelok juõn iair e ar berwõt.

12 Inem r'ar tõmak An in nan; r'ar al im nebar E.

13 Emõköj air meloklok jerbal ko An, r'ar jab kõtar An bebe.

14 A r'ar kanuij kijoñ ilo ene jemaren, im melejoñ Anij ilo enen bok eo.

15 Im E ar lelok ñõn ir men eo r'ar kajitok iben kaki, a E ar jilkinlok ñõn ibeir mõ ilo afr.

16 R'ar junmare Moses bareinwõt ilo jikin air ber, im Aarõn dri'mõn an Jeova.

17 Lõl e ar bellok im wõrõñõlok Detan, im kalibubu jaran Ebairam.

18 Im kejo kijeek ilo jar eo air, im urur e ar tili ro dri nana.

19 R'ar kõmõnmõn kon in kau i Horeb, im kabuñ ñõn men in e, men in unlok.

20 Ein drein r'ar ukot air aibujuij ñõn wäwen kau eo ej mõña ujoj.

21 R'ar meloklok Anij air Dri lomor, eo E ar kõmõn men ko relap i Ijpt.

22 Men in bwiłõñ ko ilo ene'n Ham, men ko ralet iturin lomalo ekilmir.

23 Kin men in E ar ba E naj kokkure ir, elañe Moses e ar jab jutök iman ijo re uõta, im kejeõr An illu bwe En jab kokkure ir.

24 Aet r'ar kejekron ene eo ene'n yokwe, r'ar jab tõmak An in nan.

25 A r'ar lotan ilo mo ko imweir, im jab eoroñ ainiken Jeova.

26 Inem E ar kwotöke pein ñõn ir bwe En kokkure ir ilo ene jemaren eo.

27 Im kokkure ineir ilo aillñ ko im kejbliklok ir ilo ene ko.

28 R'ar kobaik ir ñõn Beel Peor, im mõña men in katok ko an ro remij.

29 Ein drein r'ar kakitõtök E ñõn illu kin kõmõn ko air, im nañiumij eo etan pleg e ar walok i bwiłjir.

30 Inem Pineas e ar jutök im kõmõnmõn ekajet, im ein drein nañiumij eo ejokolok.

31 Inem ar watok men in ñõn e kin wänik ñõn ebeben otemfej ñõn in drlo.

32 Bareinwõt r'ar kaillu E i dreir ko in Meriba, inem enana iben Moses kin ir.

33 Bwe r'ar kötõrel an, im e ar konono einwõt dri jualõñlõñ kin tien.

34 R'ar jab kokkure ro dri aillñ ko einwõt Jeova e ar jiroñ ir:

35 A r'ar koba iben ro dri aillñ, im katak jerbal ko air.

36 Im r'ar korijer ñõn ekjöp ko air; men ko r'ar einwõt jen ñõn ir.

37 Aet r'ar katok ñõn dimõn rön kin ro nejiir, man im kõra.

38 Im r'ar katorlok bõtöktök, ejelok ruõn, aet bõtöktökin ro nejiir man im kõra, ro r'ar katok kaki ñõn ekjöp ko in Kenan; inem emwij kananaik ene eo kin bõtöktök.

39 Ein drein r'ar kananaik ir mõke kin jerbal ko air, im r'ar dri mijkaye kin kõmõn ko air.

40 Kin men in kejo illu an Jeova nae dri aillñ eo An, im E ar jöjök jolit eo An.

41 Im E ar ketök ir ñõn pein ro dri aillñ ko, im ro r'ar kitõtökake ir r'ar iroj loir.

42 Ro dri kijirät ir r'ar bareinwõt kokkure ir, im r'ar kumliklik iomin peir.

43 Elõñ alen E ar kötök ir, a r'ar

ankeke ilo bebe eo air, im emwij
kōtaik ir ilo air nana.

44 Mekarta E ar lale air jorran ke
E ar roŋjake air jōñ.

45 Im E ar kememej kin ir bujen
eo An, im ukwelok ekar ñōñ men
in tiriamo ko An relōñ.

46 E ar kōmōñ bwe ren men in
tiriamokake iben ir otemjelok r'ar
kajebokweik ir.

47 O Jeova amuij Anij, kwon lo-
moren kim im kokweloktok kim
jen iben ro dri alliñ ko, bwe kimin
kamolol etōm ekwojarjar, im kwa-
lok anjo ilo nebar ko An.

48 Ren kamōñōñōñik Jeova Anij
in Israel, jen in drio ñōñ in drio.
Im ro dri alliñ otemjej ren ba,
Amen. Komin nebar Jeova.

SAM 107.

O KOMIN kamolol Jeova, bwe
Emōñ, bwe An tiriamo ej ber
ñōñ in drio.

2 Ro Jeova e ar wiaik ir, en ein
drein air ba; ro E ar wiaik ir jen
pein dri jumae eo.

3 Im E ar kokweloktok ir jen ene
otemjej; jen rear im jen kabilūñ,
jen eāñ im jen irōk.

4 R'ar jebwābwe ilo ene jemaren
ilo ial ijo ejelok men ko rej edrek:
r'ar lo ejelok jikin kwelok in jokwe.

5 R'ar kwuli im maro, air r'ar ki-
jelok iloñ.

6 Inem r'ar kir ñōñ Jeova ilo air
jorran, im E ar kōtlok ir jen iñtan
ko air.

7 E ar tel ir ilo ial ejimwe, bwe
ren ilok ñōñ jikin kwelok in jokwe.

8 O armij ren nebar Jeova kin An
joij, im kin jerbal in bwilōñ ko An
ñōñ ro nejin armij.

9 Bwe Ej kamat eo ej oñkake, im
eo e kwuli Ej kobrōk kin emōñ.

10 Ro rej ber ilo marok im ilo
anōñin mij, im lukwoj ir kin jorran
im mere:

11 Kin air kabata nae nan ko an
Anij, im kōtōrei bebe an Eo eutlej-
tata.

12 Kin men in E ar kōtaik burueir

kin jerbal; r'ar buñ im ejelok air
dri jibōñ.

13 Inem r'ar kir ñōñ Jeova ilo air
jorran, im E ar lomorir jen iñtan
ko air.

14 E ar bōktok ir jenu marok in
anōñin mij, im mijkōk kworōk ko
air.

15 O armij ren nebar Jeova kin An
joij, im kin jerbal in bwilōñ ko An
ñōñ ro nejin armij.

16 Bwe E ar ruje aur ko jinibor,
im bukwe alal in mere ko.

17 Ro dri bwebwe, kin air etal ilo
jerawliwi, im kin bwir ko air, re
jorran:

18 Air re drike mōña ko otemjej,
im re kebaklok ñōñ aur ko in mij.

19 Inem rej kir ñōñ Jeova ilo air
jorran, im E lomorir jen iñtan ko
air.

20 Ej jilkinlok An in nan, im
kāejmour ir, im kōtlok ir jen men
ko re kokkure ir.

21 O armij ren nebar Jeova kin
An joij, im kin An jerbal in bwilōñ
ko ñōñ ro nejin armij!

22 Im ren katok kin men in katok
ko in kamolol, im kwalok jerbal ko
An kin al ko.

23 Ro rej wōñlōllok im uwe ilo
wa ko i lometo, ro rej jerbal ilo dreu
ko relap.

24 Rein rej lo jerbal ko an Jeova,
im men in bwilōñ ko An ilo imlōl
ko.

25 Bwe Ej jiroñ, im kejerkak kōto
in lañ, eo ej koutiej no ko an.

26 Rej wōñliñlok ñōñ lōñ, rej wōñ-
lōllok ñōñ imlōl ko, air rej unlok
kin air jorran.

27 Rej eep im jebwal einwōt dri
karek, im ejoko aolepen air melet-
let.

28 Inem rej kir ñōñ Jeova ilo air
jorran, im Ej kōtlok ir jen iñtan ko
air.

29 Ej kōmōñ bwe lañ eo en lur,
im ein drein eriklok no ko air.

30 Inem re mōñōñōñ kin air aine-
mōñ: ein drein Ej kōtōbrōk ir ñōñ
ja eo re kōnan ber ie.

31 O armij ren nebar Jeova kin
An joi, im kin jermal in bwiłōñ ko
An ñōn ro nejin armij!

32 Ren bareinwōt koutiej E kin
jar ko an armij rōn, im ren nebar
E ilo jikin jijōt au ridto rōn.

33 Ej ukot river im erom ene
jemaren, im unin dren ko bwe ijo
en ene rārōk.

34 Ailiñ e wamorur, bwe en ene
jemaren ejatōk; kin nana an ro rej
jokwe iloan.

35 Ej ukot ene jemaren ñōn lwe
in dren, im ene emōra ñōn unin
dren ko.

36 Im ijo Ej kōmōn bwe ro re
kwāli ren jokwe ijo, bwe ren kapoj
jikin kwelok in berwōt.

37 Im jeor ilo jikin kallip ko, im
kalibwin bwil in grep, im bōk leen
r'ar edreklok.

38 Ej kejerammōn ir bareinwōt,
inem re kanuij lōñlok im E jab
likit bwe kiru ko air ren eitlok.

39 Bar juōn, rej eitlok im kōtaik ir
kin matōrtōr, jorran, im buromōj.

40 Ej katorlok drike ion iroi rōn,
im kōmōn bwe ren jebwābwe ilo
ene jemaren ijo ejelok ial.

41 Mekarta, Ej koutiej ro dri jera-
mel jen air jorran, im kōmōn ñōn
e ro nukin einwōt bwijin šip.

42 Ro dru wānik re naj loe, im
mōnōnō; im aolepen nana e naj
binej loñin.

43 Jabrewōt eo e meletlet e naj lale
men kein, im naj kalomōnlokjen
kin tiriamo ko an Jeova.

SAM 108.

Juōn al. Sam an Devīd.

BURUŌ ebin O Anij, I naj al,
aet I naj al im nebar kin men
in aibuuij eo aō.

2 Komin ruj, salteri im arp, ña I
naj ruj e kanuij mōkōj.

3 I naj kamolol Yuk, O Jeova, ibeu
ro dri ailiñ ko; I naj al im nebar
Yuk i bwiljin ro dri ailiñ ko.

4 Bwe Am tiriamo elap eutiej jen
lōñ ko, im Am mol ej tōbar wōt
mejatoto.

5 O Anij kwon utiej jen lōñ ko,
im Am aibuuij iloñin aolepen lōl.

6 Bwe eo e jitenburu ibōm en men
in kōtlok, Kwon lomor kin anbij-
maroñōm im uak kim.

7 Anij e ar ba ilo An kwojarjar; I
naj jualōñlōñ, I naj kijbil Sikem
im joñe komlōl Sukkot.

8 Gilead e Aō: Menassa e Aō;
Ipream e ken kōrape bōra; Jūda e
Aō septer.

9 Moab e Aō jābi in kwolkwol;
ion Idōm I naj jolok Aō juj; ion
Pilstia I naj lamij.

10 Wōn e naj bōktok iō ñōn iloan
jikin kwelok eor an worwor? Wōn
e ar tel iō ñōn iloan Idōm?

11 Kw'ar jab jolok kin O Anij?
Im Kwo jab ilok iman jar in tōrīnae
ko am.

12 Kwon letok ñōn kim jibōñ nae
dri kijirāt eo, bwe ejelok tokjen an
armij jibōñ kim.

13 Kin Anij kim naj beran im kō-
mōn, bwe E eo e naj juri ro dri
kijirāte kim.

SAM 109.

Ñōn dri lale al. Sam an Devīd.

KWON jab ikōñ, O Anij iu aō
nebar.

2 Bwe loñin dri nana, im loñin
mon, r'ar walōñi nae iō: r'ar kono-
no ñōn iō kin lo in riōp.

3 R'ar kabol iō kin nan ko nan in
kijirāt, im iri nae iō ke ejelok unin.

4 Kin aō yokwe rej dri kijirāt iō,
a ij lelok iō mōke ñōn jar.

5 Im r'ar nawōnaō nana kin emōn,
im kijirāt kin Aō yokwe.

6 Kwon likit juōn armij enana
iou; im juōn dri jumae en jutōk i
anbijmaroñōn.

7 Ñe ekajet e, en walok im ruōn;
im jar eo an en erom bwir.

8 Ran ko an ren eiet, im bar juōn
en bōk kwōnan.

9 Ro nejin en ejelok jemeir, im lio
belen en joko leo an.

10 Ro nejin man ren jebwābwe
wōt im oor; im ren bukot kijeir jen
jikin kokkure ko air.

11 Juōn dri muri iben en jibwe men otemjej an, im ro drua maijet ren rakimi tokjen jermal ko an.

12 Ejelok en tiriamokake e, im ejelok en tiriamokake ro nejn ñe ejelok jemeir.

13 Ren bukwelok ro nejn, im ilo ebeben eo ken ka ruo ren jeorlok etan.

14 Jeova en kememej bwir an ro jiman, im En jab jeorlok jerawiwi an jinen.

15 Ren ber iman Jeova ien otemjej, bwe En maroñ in böprae an armij kememej ir ilo löl.

16 Bwe e ar jab kememej in tiriamokake, a e ar matörtör armij dri aikwij, im dri jeramel, im eo erup buruen, bwe en mōn e.

17 Aet e ar yokwe kol im e ar itok ñōn e, im e ar jab mōuōnō in kejerammōn, inem men in etolok jen e.

18 E ar kanuknuk e kin kol einwōt kin kobe eo an, im e ar dreloñlok ñōn iloan einwōt dren, im einwōt oil ñōn iloan dri ko drin.

19 En iben einwōt juōn kobe ej kalibubu e kake, im einwōt kāñlor eo ej kōnōk e ien otemjej.

20 Men in en wōnan ro dri kijirāt iō, jen Jeova, im wōnan ro re konono nana nae iō.

21 A Kwe O Jeova Iroi, kwon kōmōn iba kin etōm; bwe Am tiriamokake emōn, inem Kwon kōtlok iō.

22 Bwe ña dri jeramel im dri aikwij, im buruō elil ilo aō.

23 Ña I joko einwōt anen ke eriklok, I jibliklok einwōt lokōs ko.

24 Bukiō re mōjino kin jitolok, im kōniekiō ejelok an mattok.

25 I bareinwōt men in kinak ibeir; ke rej lo iō rej jibolul bōrair.

26 Kwon jibōñ iō O Jeova aō Anij, O Kwon lomoriō kin Am tiriamokake.

27 Bwe ren jela bwe men in peiōm wōt; bwe Kwe Jeova kw'ar kōmōne.

28 Ren ekōl, a Kwon kamōnōnōik; ñe rej jerkak re naj jok, a korijerōm I naj lōñliñ.

29 Ro rej kijirāt iō ren kōnōk men in kananaik, im ren kalibubu ir mōke kin jok einwōt kin kobe.

30 Ña I naj kanuij kamolol Jeova kin loñiō; aet I naj nebar E i bwiljin jar eo elap.

31 Bwe I naj jutōk i anbijmaroñōn dri aikwij eo in lomoren jen ro rej ekajet an.

SAM 110.

Sam an Devid.

JEOVA e ar ba ñōn aō Iroi, Kwon jiyōt i anbijmaroñiō mae ien ij kōmōn bwe ro rej kijirāt Yuk ren eran neōm.

2 Jeova e naj jilkinlok alal in kajur eo Am jen Zaiōn; Kwon iroi ilo bwiljin ro dri kijirāt Yuk.

3 Ro drom rej mōuōnō im lewoj ir mōke ilo ran in Am kajur: ilo wōlio ko in kwojarjar, jen lojien ejiboñ: ibōm molawi an ieu emōn drer.

4 Jeova e ar kanōjniñ im E jamin ukwelok: Kwe juōn pris ñōn in drio ekar ñōn wāwen Melkise-dek.

5 Iroi eo i anbijmaroñōm E naj wakāri kiñ ro ilo ran in An illu.

6 E naj ekajet iben ro dri ailiñ ko: E naj kobrōk jikin ko kin ubeir, E naj wie bōrair ilo elōñ ailiñ.

7 E naj irak jen river erik eo; kin men in E naj koutiej bōran.

SAM 111.

KOMIN nebar Jeova. I naj kamolol Jeova kin aolepen buruō, ilo jar an dri bebe re wānik, im ilo jar eo elap.

2 Jerbal ko an Jeova relaplap; emwij kabukot ir kin ro otemjej rej mōnōnō kake.

3 Jerbal eo An men in wijtak im utiejn: im An wānik ej ber ñōn in drio.

4 E ar kōmōn bwe armij ren ke-

memej jerbal in bwilōñ ko An; Jeova e joij im eobrōk kin tiriamo.

5 E ar lelok kijeif ñōn ro remjōk E; E naj kememej bujen eo An ien otemjej.

6 E ar kwalok ñōn ro dron kajur an jerbal kō An, ke E ar lelok ñōn ir jolit an ro dri alliñ ko.

7 Jerbal an pein mol im ekajet; nan ko An nan in katak rebin.

8 Emwij kabin ir ñōu in drio, im kōmōnmōn ir ilo mol im jimwe.

9 E ar jilkintok lomor ñōn ro dron; E ar kalfi bujen ñōn in drio: ekwojarjar im men in leñōñ etan.

10 Mijōk Jeova jinoin meletlet; jelalokjen emōn iben ro otemjej rej kōmōn ein drein: An nebar ej ber ñōn in drio.

SAM 112.

KOMIN nebar Jeova. Emōnōnō armij eo ej mijōk Jeova, ej lōñlif kake kien ko An.

2 Inen e naj kajurpotata ion lōl; ebeben ro dru wānik re naj mōnōnō.

3 Mwejuk ko im elōñ mōnni ilo mweo imōn; im an wānik ej ber ñōn in drio.

4 Ñōn ro re jimwe maram ej walok ilo marok, e joij wōt, im eobrōk kin tiriamo im wānik.

5 Emōn iben armij eo ej kōmōn ilo joij im ej lelok: e naj kejbārok bebe eo an ilo ekajet.

6 Bwe jamin kamōkit e: ro dru wānik re naj kememej ir ñōn in drio.

7 E jamin mijōk kin nan in kenan ko renana; erim buruen; ej liki Jeova.

8 Ebin buruen, e jamin leñōñ, mae ien an lo an kōnan ion ro dri kijirāt e.

9 E ar kejbliklok, e ar lelok ñōn ro dri aikwij: an wānik e naj ber ñōn in drio: drun eo an e naj utiej kin nebar.

10 Ro dri nana re naj loe, im burmōj: e naj kalōllōl ñi ko ñiin, im

unlok; an dri nana kōnan e naj joko.

SAM 113.

KOMIN nebar Jeova. Komin nebar, O kom ro dri korijeran Jeova, komin nebar etan Jeova.

2 Emōnōnō etan Jeova jen ien in im ñōn in drio.

3 Jen tak al ñōn. tulok eo an, ren kamōnōnō etan Jeova.

4 Jeova e utiej ilōñin ro dri alliñ ko otemjej, im An aibujuij ilōñin lōñ ko.

5 Wōn eo einwōt Jeova amuij Anij, eo An ken jijōt eutie?

6 Eo ej mōke kōtaik E bwe en lo men ko i lōñ kab ilo lōl?

7 Ej kejerkak dri jeramel jen iloan bōñōlñōl, im kwotōke dri aikwij jen be in brij.

8 Bwe En likit e iben bwirōk. rōn, aet iben bwirōk ro in ro dri alliñ eo An.

9 Ej kōmōn bwe kōra eo ewar en lale mweo imōn, im bwe en mōnōnō im keutak niñiñ ro. Komin nebar Jeova.

SAM 114.

KE Israel e ar ilok jen Ijpt; ro nukin Jekōb jen alliñ ijo e jejinet air konono.

2 Juda e ar jikin kwojarjar eo An, Israel An men in iroi.

3 Lomelo e ar loe im e ko, Jordau e ar oktōklik.

4 Tol ko r'ar etōr kālok einwōt šip koman ko, tol ko redrik einwōt kon in šip ko.

5 Kwo bōj it, O lomalo, bwe kw'ar ko? Kwe Jordan bwe kw'ar oktōklik?

6 Kom tol ko bwe kom ar etōrkālok einwōt šip ko, im kom tol redrik einwōt kon in šip ko?

7 Kwon wurirrir, kwe lōl, iman mejen Jeova, iman mejen Anij in Jekōb.

8 Eo e ar ukot dreka bwe en erom lwe in dren, dreka ebin bwe en unin dren ko.

SAM 115.

JAB ñõn kim O Jeova, jab ñõn kim, a ñõn etõm ren lelok wij-tak kiu Am tiriamo im kin Am mol.

2 Etke ro dri ailliñ ko ren ba, Ewi air Anij kiõ?

3 A amuij Anij ej ilo lõñ ko; E ar kõmõn men ko jabrewõt E ar kõnan.

4 Ekjõp ko air silver im gold wõt, pein armij r'ar kõmõnmõni.

5 Eor loñir, a re jab konono: eor mejeir a re jab lo.

6 Eor lojiliñir, a rè jab roñ: eor baudir a re-jab atbwin.

7 Eor peir a re jab kõmõn kaki: eor neir a re jab etal; im re jab ba jen ilo burueir.

8 Ro re kõmõnmõni re eirwõt; aet, ro otemjej rej liki ir.

9 O Israel komin liki Jeova. E wõt air jibõñ im air likepijñõk.

10 O nukin Aarõu komin liki Jeova, e air jibõñ im air likepijñõk.

11 Komeo komij mijõk Jeova, komin liki Jeova; E air jibõñ im air likepijñõk.

12 Jeova e ar lemnok kin kim; E naj kejerammõn kim, E naj kejerammõn ro nukin Israel; E naj kejerammõn ro nukin Aarõn.

13 E naj kejerammõn ro rej mijõk Jeova, ro redrik im ro relap.

14 Jeova en kalõñlok wõt kom, kom im ro nejimi.

15 Emõnõnõ kom jen Jeova eo E ar kõmõnmõn lõñ im lõl.

16 Lõñ ko, lõñ ko re an Jeova, a lõl E ar letok ñõn ro nejim armij.

17 Ro remij re jab nebar Jeova: ejelok ian ro rej wõnlõllok ñõn jikin ikõñ.

18 A kim naj nebar Jeova jen ien in im ñõn in drio: komiu nebar Jeova.

SAM 116.

NA ij yokwe Jeova, bwe E ar roñjake ainikiõ im aõ akwelap ko.

2 Bwe E ar eoroñ iõ inem I naj kir ñõn E toñn aõ mour.

3 To ko toñn mij r'ar kabol iõ, im iñtan ko an Hedis r'ar drebij iõ; I ar lo jorran im buromõj.

4 Inem I ar kir ñõn etan Jeova; O Jeova, I akwelap ñõn Kwe, kwon kõtlok aõ.

5 E joij Jeova, im E wānik: amuij Anij ej tiriamokake.

6 Jeova ej kejbārok ro re jab kanuij meletlet; emwij kõtaik iõ, inem E ar lomoriõ.

7 Kwon jeblaklok ñõn am kakije, O aõ, bwe Jeova e ar wujlepwoj ñõn yuk.

8 Bwe Kw'ar lomoren aõ jen mij, meja jen dren in kemjalal, im neiõ jen buñ.

9 I nal etal iman Jeova ilo enen ro remour.

10 Ij tõmak, inem I naj konono; I ar kanuij iñtan.

11 Ilo aõ kijorur I ar ba, Armij otemjej re dri riõp.

12 Ta eo I naj lelok ñõn Jeova kin men ko otemjej E ar letok ñõn iõ?

13 I naj bõk kõp in lomor, im kir ñõn etan Jeova.

14 I naj kõlla men ko I ar kanõjniñ kaki ñõn Jeova; aet iman mejen ro dron otemjej.

15 Men in aurõk iman mejen Jeova, mij an ro remõn An.

16 O Jeova, ña korijerõm ilo mol, ña korijerõm, ña nejim korijerõm kõra eo; Kw'ar kõtlok iõ jen kworõk ko aõ.

17 I naj lewoj ñõn Kwe men in katok ko in kamolol, im I naj kir ñõn etan Jeova.

18 I naj kõlla ñõn Jeova men ko I ar kanõjniñ kaki, aet iman mejen ro dron otemjej.

19 Iloan worwor ko an imõn Jeova; ilo kwe, O Jerusaleim. Komin nebar Jeova.

SAM 117.

O KOMIN nebar Jeova, ro dri ailliñ ko otemjej: komin kai-bujulij E, kom dri ailliñ ko otemjej.

2 Bwe An tiriāmo elap ñōn kim; im mol an Jeova ej ber ñōn in drio. Komin nebar Jeova.

SAM 118.

O KOMIN kamolol Jeova bwe E emōn: bwe An tiriāmo ej ber ñōn in drio.

2 Israel en ba kiō, Bwe An tiriāmo ej ber ñōn in drio.

3 Ro nukin Aarōn ren ba kiō, Bwe An tiriāmo ej ber ñōn in drio.

4 Ro re mijōk Jeova ren ba kiō, Bwe An tiriāmo ej ber ñōn in drio.

5 Jen aō iñtan I ar kir ñōn Jeova; Jeova e ar uak iō im E ar likit iō ilo jikiō erabōkbōk.

6 Jeova e ñōn iō; I jamin mijōk, ta eo armij re marōñ in kōmōn ñōn iō?

7 Jeova e ñōn ña iben ro rej jibōñ iō: kin men in I uaj lō aō kōnan ion ro rej kijirāt iō.

8 Emōn in liki Jeova jen liki armij.

9 Emōn in liki Jeova jen liki bwi-rōk rōv.

10 Ro dri ailiñ otemjej r'ar kabol iō; ilo etan Jeova I naj bukwelok ir.

11 R'ar kabol iō, aet r'ar kabol iō; ilo etan Jeova I naj bukwelok ir.

12 R'ar kabol io einwōt loñ ko; emwij kwūni ir einwōt kijeek in kaliklik ko; ilo etan Jeova I naj bukwelok ir.

13 Kw'ar kanuij jibellok iō bwe in buñ; a Jeova e ar jibōñ iō.

14 Jeova aō kajur im aō al, im Ej aō lomor.

15 Ainiken lōñliñ im lomor ilo mo ko imōn ro remōn; ambijmaroñōn Jeova e beran an kōmōn.

16 Ambijmaroñōn Jeova eūtiej; ambijmaroñōn Jeova e beran an kōmōn.

17 I jamin mij, a mour wōt, im kwalok jermal ko an Jeova.

18 Jeova e ar kanuij kajeik iō; a E ar jab ketōk iō ñōn mij.

19 Kwon kebellok ñōn iō aur in wānik; I naj dreloñlok na iloir, im I naj kamolol Jeova.

20 Eñin aur an Jeova; ro dru wānik re naj dreloñ iloan.

21 I naj kamolol Yuk, bwe Kw'ar uak iō, im Kw'ar aō lomor.

22 Dreka eo ro dri kal r'ar jolok e, e in dremōn jabōn im.

23 Men in Jeova e ar kōmōn e, im e men in bwilōñ ilo mejem.

24 Eñin ran eo Jeova e ar kōmōn e; je naj mōnōnō im lōñliñ iomin.

25 O Jeova kimuij akwelap ñōn Yuk, kwon jilkintok jerammōn kiō.

26 Emōnōnō eo ej itok ilo etan Jeova; kim ar kamōnōnōik Yuk jen iloan imōn Jeova.

27 Jeova e Anij, im E ar letok maram; komin lukwoj kiru in katok kin to ko ilo drun ko in lokatok eo.

28 Kwe aō Anij, im I naj kamolol Yuk; Kwe aō Anij im I naj kou-tiej Yuk.

29 O komin kamolol Jeova, bwe E emōn, bwe An joi ej ber ñōn in drio.

SAM 119.

ALEPH.

EMŌNŌNŌ ro re wāppen ilo ial eo; ro rej etal ilo kien Jeova.

2 Emōnōnō ro rej kejbārok nan in kennan ko An, ro rej kabukot E kin aolepen burueir.

3 Aet, rej kōmōn ejelok jab wānik, rej etal ilo ial ko An.

4 Kw'ar kañil ñōn kim nan in katak ko Am, bwe kimin kanuij lali.

5 O enañin emōn elañe ial ko aō rebin wōt, bwe in lale kien ko Am.

6 Ien eo I jamin jok, ñe ij kejbārok kin ko Am otemjej.

7 I naj kamolol Yuk kin buruō ejimwe, ñe I naj katak ekajet ko Am rewānik.

8 I naj bokake nan in kañil ko Am; O Kwon jab illok wōt jen ña.

BETH.

9 Kin ta juōn likao e naj karreoik ial eo an? Kin an kanuij lale ial eo ekar ñōn Am in nan.

10 Kin aolepen buruō I ar kabukot Yuk: O Kwon jab likit bwe in jebwābwe jen kien ko Am.

11 Am in nan I ar likit na ilo buruō, bwe in jab bwir nae Yuk.

12 Emōnōnō. Kwe, O Jeova, kw'ar katakin iō kien ko Am.

13 Kin tiō I ar kwalok ekajet ko otemjej in loñōm.

14 I ar lōñliñ ilo ial in nan in kennan ko Am, einwōt ilo mweiuk ko otemjej.

15 I naj kalomōnlokjen kin nan in katak ko Am, im I naj lale ial ko Am.

16 I naj kalōñliñ iō ilo kien ko Am; I jamin melokolok Am in nan.

GIMEL.

17 Kwon wujleptok ñōn korijerōm bwe in mour, im I naj kejbārok Am in nan.

18 Kwon kebellōk meja, bwe in lo men in bwilōñ ko ilo kiōm.

19 Ña drua maijet ilo lōl in; Kwon jab noj kien ko Am jen iō.

20 E rup aō kin an oñkake ekajet ko Am iēu otemjej.

21 Kw'ar enoik ro dri jua, emwij koli ir, ro re jebwābwe jen kien ko Am.

22 Kwon bōk jen ña kinak im kejekron; bwe I ar kejbārok nan in kennan ko Am.

23 Bwirōk rōn r'ar jijōt im konono nae iō, a ña korijerōm I ar kalomōnlokjen kin kien ko Am.

24 Nan in kennan ko Am men in mōnōnō iba, im re dri bebe ro aō.

DALETH.

25 Aō ej edrep ñōn bōñōñlōl! Kwon kǎejmour iō ekar ñōn Am in nan.

26 I ar kwalok ial ko aō, inem Kw'ar uak iō; Kwon katakin iō kien ko Am.

27 Kwon kajelaik iō ial in nan ko Am; ein drein I naj kalomōnlokjen kin jeral in bwilōñ ko Am.

28 Aō ej unlok kin an erro; Kwon kakajur iō ekar ñōn Am in nan.

29 Kwon kadruaklok jen iō ial in riōp; im letok ñōn iō kiōm ilo joij.

30 I ar kalet ial in tiljek; ekajet ko Am I ar likit imaō.

31 Ña ij edrep ñōn nan in kennan ko Am, O Jeova kwon jab kajok iō.

32 I naj etōr ilo ial in kiōm ko ñe Kwo naj kalaplok buruō.

HE.

33 O Jeova kwon katakin iō ial in nan in kaifi ko Am, inem I naj kejbāroke ñōn jemlokōn.

34 Kwon letok ñōn iō jelalokjen, inem I naj bokake kiōm, aet I naj lale kin aolepen buruō.

35 Kwon kōmōn bwe in etal ilo ial in nan in kaifi ko Am, bwe I mōnōnō kake.

36 Kwon ukot buruō ñōn nan in kennan ko Am, im jab ñōn aukwonak.

37 Kwon kajeōr meja jen lale wan, im Kwon kǎejmour iō ilo ial ko Am.

38 Kwon kabin Am in nan ñōn korijerōm, eo ij iben men in mijōk Yuk.

39 Kwon kajeor aō kinaklok ij lel-ñōñ kake; bwe ekajet ko Am remōn.

40 Lo I ar oñkake nan in katak ko Am! Kwon kǎejmour iō ilo Am wānik.

VAU.

41 Tiriamokake ko Am ren bareinwōt itok ñōn iba, O Jeova, aet Am lomor ekar ñōn Am in nan.

42 Ein drein e naj iba nan in uak ñōn eo ej kinaklok iō; bwe ij liki Am in nan.

43 Im Kwon jab bōk wōt nan in mol jen loñiō, bwe I ar kejatrikrik iō ilo ekajet ko Am.

44 Ein drein I naj bokake kiōm ien otemjej ñōn in drio im in drio.

45 Im I naj etal ilo anemkwojaō; bwe I ar kabukot nan in katak ko Am.

46 I naj bareinwōt konono kin

nau iu kennan ko Am iman kifi ro, im I jamin jok.

47 Im I naj mōnōnōkake nan in kaiñi ko Am, I ar yokwi.

48 I naj bareinwōt kwotōke peiō ñōn kien ko Am, I ar yokwi, im I naj kalomōnlokjen kin nan in jiroñ ko Am.

ZAIN.

49 Kwon kememej nan eo ñōn korijerōm, bwe Kw'ar kōmōn bwe in kejatrikrik iō.

50 Eñin aō men in kainemōn ilo aō jorran, bwe nau eo Am e ar kãejmour iō.

51 Ro dri jua r'ar kanuij kajirerekake iō, a I ar jab jeōrlōk jen kiōm.

52 I ar kememej ekajet ko Am jen ien ko mokta O Jeova, im I ar mōke kainemōn iō.

53 Illu ebwil e ar drebij iō, kin an ro dri nana illok jen kiōm.

54 Nan in kaiñi ko Am re kar al ko aō, ilo imōn aō itoitōk.

55 I ar kememej etōm, O Jeova, ilo boñ, im I ar bokake kiōm.

56 Men in e kar iba kin aō kejbārok nan in katak ko Am.

CHETH.

57 Jeova aō kij : I ar ba, I naj kejbārok nan ko Am.

58 I ar akwelap ñōn Yuk kin joij kin aolepen buruō ; Kwon tiriamokake iō ekar ñōu Am in nan.

59 I ar kalomōnlokjen kin ial ko aō, inem I ar ukot neiō ñōn nan in kennan ko Am.

60 I ar kijorur, im jab rumijtok, in bokake nan in kaiñi ko Am.

61 To ko toōn ro dri nana r'ar lukwōj iō, a I ar jab meloklok kiōm.

62 Ilukwōu boñ I naj jerkak in kamolol Yuk kin ekajet ko Am rewānik.

63 Ña dri komao iben ro otemjej remjōk Yuk, im iben ro re bokake nan in katak ko Am.

64 Lōl, O Jeova, eobrok kin Am tiriamo ; Kwon katakin iō kien ko Am.

TETH.

65 Kw'ar kōmōn emōn ñōn korijerōm, O Jeova, ekar ñōn Am in nan.

66 Kwon katakin iō ekajet emōn kab jelalokjen ; bwe I ar tōmak nan in kaiñi ko Am.

67 Mokta jen kejjorran iō I kar jebwābwe, a kiō I bokake Am in nan.

68 Kwe emōn im Kwoj kōmōn emōn ; Kwon katakin iō kien ko Am.

69 Ro dri jua r'ar kine riōp nae iō ; kin aolepen buruō I naj kejbārok nan in katak ko Am.

70 Burueir remattok einwōt kioeo, a I mōnōnō kake kiōm.

71 Emōn iba ke kar kejjorran iō, bwe in katak nan in kaiñi ko Am.

72 Kien loñōm emōnlok ñōn iō jen tausan ko mōtōn gold im silver.

JOD.

73 Peiōm r'ar kōmōnmōu iō im kakajur iō ; Kwon letok jelalokjen bwe in katak kien ko Am.

74 Ro remjōk Yuk re naj lo iō im mōnōnō ; bwe I kejatrikrik iō ilo Am in nan.

75 I jela, O Jeova, ekajet ko Am rewānik, im ilo tiljek Kw'ar kejjorran iō.

76 I kajitōk ibōm, Am joij im tiriamo ren kainemōn iō einwōt Am in nan ñōn ña korijerōm.

77 Tiriamokake ko Am ren itok ñōn iba bwe in mour, bwe kiōm men in lōñliñ iba.

78 Ro dri jua ren jok, bwe r'ar kōmōn nana ñōn iō ilo jab wānik ; a I naj kalomōnlokjen kin men in katak ko Am.

79 Ren jeblaktok ñōn iba, ro remjōk Yuk, im ren jela nan in kennan ko Am.

80 Buruō en wāppen ilo kien ko Am, bwe in jamin jok.

KAPH.

81 Aō e bārōk ñōn Am lomoriō ; bwe I kōtar Am in nan.

82 Meja re ñatte ñõn Am in nan ke I ba, Ñat Kwo naj kainemõn iõ?

83 Bwe ña I erom einwõt boto ilo bat; kien ko Am I ar jab meloklok.

84 Jete ran, ran in korijerõm? Ñat Kwo naj kõmõn ekajet ñõn ro rej matõrtõr iõ?

85 Ro dri jua r'ar kõbij rofi ñõn iõ, ro re jab ekar ñõn kiõm.

86 Kien ko Am otemjej retiljek; re matõrtõr iõ ilo mon; Kwe kwon jihõn iõ.

87 R'ar nañin kokkure iõ ion löl; a I ar jab illok jen nan in katak ko Am.

88 Kwon kãejmour iõ ilo Am tiriamokake; ein drein I naj bokake nan in kennan ko Am.

LAMED.

89 Ñõn in driõ, O Jeova, Am in nan ebin ilo lõn ko.

90 Am tiljek e ñõu ebeben otemjej; Kw'ar kabin löl in inem e berwõt.

91 Rej ber ranin kin ekajet ko Am; bwe men otemjej ro dri korijerõm.

92 Elañe kiõm e ar jab men in lõñliñ iba, I naj kar joko ilo aõ jorran.

93 I jamin meloklok nan in katak ko Am; bwe kin ir Kw'ar kãejmour iõ.

94 Ña Am, Kwon lomoriõ; bwe I ar kabukot nan in katak ko Am.

95 Ro dri nana r'ar kõtãr iõ bwe ren kokkure iõ; a I naj kalomõnlokjen kin nan in kennan ko Am.

96 I ar lo jemlokõn wäppen otemjej; a kien ko Am re kanuij era-bõkbõk.

MEM.

97 O e nañin lap aõ yokwe kiõm! I kalomõnlokjen kake iomin aolepen ran.

98 Kien ko Am r'ar kãmeletletlok iõ jen ro dri kijirãt iõ, bwe re ber iba ien otemjej.

99 I meletlet jen aõ dri kaki otem-

jej, bwe nan in kennan ko Am aõ kalomõnlokjen.

100 I melele jen ridto rõn, bwe I ar kejbãrok nan in katak ko Am.

101 I ar drebij neiõ jen ial ko renana otemjej; bwe in bokake Am in nan.

102 I ar jab jeõrlök jen ekajet ko Am, bwe Kw'ar katakin iõ.

103 E nañin tõñõl nan ko Am ñe I erjoñi, aet retõñõl jen hõuni ilo lõñiõ.

104 Kin nan in katak ko Am ij bõk meletlet; inem I jõjõik ial in mon otemjej.

NUN.

105 Am in nan e lamp ñõn neiõ, im maram ñõn aõ ial.

106 I ar kanõjnij im kabin e, bwe I naj lãle ekajet ko Am rewãnik.

107 Ña I kanuij jorran; Kwon kãejmour iõ O Jeova, kin Am in nan.

108 Ij akwelap ñõn Yuk O Jeova, Kwon bõk men in jurtak ko in lõniõ, I kõnan lewoj; im katakin iõ ekajet ko Am.

109 Aõ e ilo peiõ ien otemjej, a I jab meloklok kiõm.

110 Ro dri nana r'ar kapojõk aluk ñõn iõ; a I ar jab jebwãbwe jen nan in katak ko Am.

111 I ar bõk nan in kennan ko Am men in jolit iba ñõn in driõ, bwe re mën in lõñliñ an buruõ.

112 I ar kamõllok buruõ in bokake kien ko Am ñõn in driõ, aet, ñõn jemlokõn.

SAMEK.

113 Ña ij drike armij burueir ruo, a ij yokwe kiõm.

114 Kwe aõ jikin tilekek im likepijñõk; I kejatrikrik iõ ilo Am in nan.

115 Komin ilok jen ña, kom dri kõmõu nana; bwe in bokake kien ko an aõ Anij.

116 Kwon jebok iõ ilo Am in nan bwe in mour, im Kwon jab kajok iõ kin aõ kejatrikrik.

117 Kwon kwotõke iõ im naj

lomoriō, im I naj lale kien ko Am ien otemjej.

118 Kw'ar kejekron ir otemjej re jebwābwe jen kien ko Am, bwe air mon e riōp wōt.

119 Kwo jolok ro dri nana otemjej in lōl einwōt oo; kin men in ij yokwe nan in kennan ko Am.

120 Koniekiō e wurirrir kin mijōk Yuk; im ij lelñōñ kin ekajet ko Am.

AIN.

121 I ar kōmōn ekajet im jimwe; Kwon jab likit iō ñōn ro dri matōrtōr iō.

122 Kwon dri kamol ñōn ña korijerōm kin emōn; ro dri jua ren jab matōrtōriō.

123 Meja re mōjinolok ñōn Am lomor, im ñōn Am in nan rewānik.

124 Kwon kōmōn ñōn ña korijerōm ilo Am tiriāmo, im katakin iō kien ko Am.

125 Ña dri korijerōm, Kwon letok jelaokjen bwe in jela nan in kennan ko Am.

126 Ien in ien jerbal ñōn Jeova, bwe r'ar kokkure kiōm.

127 Kin men in ij yokwe kien eo Am, elap jen gold, aet elap jen gold erreō.

128 Kin men in ij lemnok bwe nan in katak ko Am otemjej kin men ko otemjelok rejimwe, im I jōjōik ial ko otemjej, ial in riōp.

PE.

129 Nan in kennan ko Am re men in bwilōñ; kin men in aō ej bokaki.

130 Kebellok Am in nan ej kama-ramlok, ej lelok jelaokjen ñōn ro re jab kanuij meletlet.

131 I ar kanuij walōñi loñiō im lap aō menono, bwe I ar oñkake kien ko Am.

132 Kwon oktōktok ñōn iō, im tiriāmokake iō einwōt kwo kin kōmōn ñōn ro dri yokwe etōm.

133 Kwon kabin jenkwōn ko jenkwōn neīō ilo Am in nan; im Kwon jab likit bwe jabrewōt nana en iroi j iōō.

134 Kwon wiaik iō jen matōrtōr an armij; ein drein I naj bokake nan in katak ko Am.

135 Turin mejōm en romak ion ña dri korijerōm, im katakin iō nan in kaiñi ko Am.

136 River in dren retorlok jen meja, kin air jab bokake kiōm.

TZADE.

137 Kwo wānik, O Jeova, im rejimwe ekajet ko Am.

138 Kw'ar kaiñi nan in kennan ko Am ilo wānik im tiljek wōt.

139 Aō kijejeto e ar tili iō, bwe ro dri kijirāt iō r'ar meloklok nan ko Am.

140 Am in nan e kanuij erreō; kin men in ña korijerōm ij yokwe.

141 Ña erik im armij in kejekron; a I jab meloklok katak ko Am.

142 Am wānik eo wānik ej ber ñōn in drio, im kiōm emol.

143 Jorran im iñtan r'ar jibwe iō, a kien ko Am men in mōnōñō iba.

144 Nan in kennan ko Am rewānik ñōn in drio; Kwon letok jelaokjen im I naj mour.

KOPH.

145 I ar kir kin aolepen buruō; Kwon uak iō, O Jeova; I naj bokake nan in kaiñi ko Am.

146 I ar kir ñōn Kwe, kwon lomoriō; inem I naj lale nan in kennan ko Am.

147 I ar iwij imam mokta jen rantak im kir ñōn Kwe, I ar kejatrikrik iō ilo nan ko Am.

148 Meja r'ar bōprae mmij in boñ bwe in kalomōnlokjen kin Am in nan.

149 Kwon roñjake ainikiō ilo Am tiriāmo im joij. O Jeova, kwon kāejmour iō ilo ekajet ko Am.

150 Re kebaktok ro rej lore nana; retolok jen kiōm.

151 Kwoj ebak, O Jeova, im kien ko Am otemjej remol.

152 Jen ien moktata I ar jela nan in kennan ko Am, bwe Kw'ar kabini ñōn in drio.

RESH.

153 Kwon lale aō iñtan, im kötlok iō; bwe I jab meloklok kiōm.

154 Kwon akwaile aō akwail im wiaik iō; kǎejmour iō ilo Am in nan.

155 Lomor etolok jen ro dri nana, bwe re jab bukot nan in kaiñi ko Am.

156 Elap Am tiriamokake ko, O Jeova; Kwon kǎejmour iō ilo ekajet ko Am.

157 Elōñ ro dri matörtör iō im ro dri kijirāt iō; a I ar jab jeör jen nan in kennan ko Am.

158 I ar lo ro dri kōmōn etaō, im buromōj kake; bwe re jab lale Am in nan.

159 Kwon lale ekijkan aō yokwe nan in katak ko Am; Kw'ar kǎejmour iō ilo Am tiriamokake.

160 Bōran Am in nan, mol; im ekajet otemjej Am rewānik rej ber ñōn in drio.

SHIN.

161 Bwirök rōn r'ar matörtör iō ke ejelok unin; a buruō e leñioñ kake nan ko Am.

162 I lōñliñ kin Am in nan einwöt eo ej lo elōñ men in rakim.

163 I jōjōik im drike riōp; a ij yokwe kiōm.

164 Jiljilimjuōn alen ilo ran I nebar Yuk kin ekajet ko Am rewānik.

165 Ainemōn elap iben ro rej yokwe kiōm, im ejelok unin lōkatip ibeir.

166 I ar kejatrikrik iō kin Am lomor O Jeova, im I ar bokake nan in kaiñi ko Am.

167 Aō e ar lale nan in kennan ko Am, bwe I kanuij yokwi.

168 I ar lale nan in katak ko, im nan in kennan ko Am, bwe ial ko aō otemjej re imam.

TAU.

169 Aō kir en ebakwōj imam, O Jeova; kwon letok jelalokjen einwöt Am in nan.

170 Aō akwelap en iwij iman; Kwon kötlok iō einwöt Am in nan.

171 Tiō ren konono nebar, bwe Kwo katakin iō nan in kaiñi ko Am.

172 Loō en al kin Am in nan, bwe kien ko Am rewānik.

173 Peiōm en rerelok in jibōñ iō, bwe I ar kalet nan in katak ko Am.

174 I ar oñkake Am lomor O Jeova, im kiōm men in lōñliñ iba.

175 Aō en mōnōnō, inem I naj nebar Yuk; im ekajet ko Am ren jibōñ iō.

176 I ar jebwābwe einwöt šip ejoko: Kwon kabukot korijerōm, bwe I jab meloklok kien ko Am.

SAM 120.

Al in wōñliñlok ko.

ILO aō iñtan I ar lamij ñōn Jeova, inem E ar uak iō.

2 Kwon kötlok aō O Jeova jen tien ko re riōp, im jen lo in mon.

3 Ta eo ren lewoj ñōn yuk, im ta eo ren kōmōn elōñlok ñōn yuk, kwe lo in etaō?

4 Mōri ko rekōñ an ro dri kajur, im melle in wijki juniper.

5 Wo ñōn ña kin aō ber ilo Mesek, kin aō jokwe ilo moko im nuknuk an Kidar.

6 Aō eto an jokwe iben eo ej jōjōik ainemōn.

7 Ña I kōnake ainemōn; a ke ij konono, re kōnake tōrinae.

SAM 121.

Al in wōñliñlok ko.

INAJ reiliñlok ñōn tol ko; aō jibōñ en itok jen ia?

2 Aō jibōñ ej itok jen Jeova, eo E ar kōmōnmōn lōñ ko im lōl.

3 E jamin likit neiōm bwe en makōtkit; E eo ej kejbārok yuk E jamin kiki.

4 Lo E eo ej kejbārok Israel E jamin mijki ak kiki.

5 Jeova am dri lale, Jeova e anōñōm i anbijmaroñōm.

6 Al eo e jamin mōn yuk ilo ran, ak aliñ ilo boñ.

7 Jeova e naj kejbārok yuk jen nana otemjej, E naj keibārok am.

8 Jeova e naj kejbärok am drioij-lok im am dreloñtok ien ien in im ññ in drio.

SAM 122.

Al in wõnliñlok ko; an Devid.

I AR mōññōñd ke r'ar ba ññ in iō, Jen ilok ññ imōñ Jeova.

2 Neiem rej jutōk iloan aur ko am, O Jerusalem.

3 Jerusalem eo emwij kalek e einwōt jikin kwelok mōkon re kut.

4 Ññ ie bwij ko rej wõnliñlok, aet bwij ko an Jeova, kin kennan ññ Israel, bwe ren kamolol etan Jeova.

5 Bwe ijo emwij likit tron ko ññ ekajet, tron ko an imōñ Devid.

6 Komin jar kin an Jerusalem ainemōñ; re naj jerammōñ ro rej yokwe yuk.

7 Ainemōñ en iloan worwor ko am, im jerammōñ ilo moko am imōñ iroi.

8 Kin ro nuku im kin ro jera I naj ba kiō, Ainemōñ en iloan.

9 Kin imōñ Jeova amuij Anij, I naj bukot am ainemōñ.

SAM 123.

Al in wõnliñlok ko.

Ñ Ñ N Kwe ña ij leliñwoj meja, O Kwe kwōj jijōt ilo lōñ ko.

2 Lo einwōt mejen ro dri korijeran re reilok ññ peñ iroi eo air, im einwōt mejen korijerau ledrik re reilok ññ peñ liroi eo an, ein drein mejem rej reilok ññ Jeova amuij Anij mae ien Ej tiriamokake kim.

3 Kwon tiriamokake kim, O Jeova, kwon tiriamokake kim; bwe kim kanuij mat kin jōjōik.

4 Am e kanuij mat kin kitōtōkake an ro rej ilo ainemōñ, im kin jōjōik an ro dri jua.

SAM 124.

Al in wõnliñlok ko. An Devid.

E LAÑE e ar jab Jeova eo E ar ibem, Israel en ba kiō;

2 Elañe e ar jab Jeova eo E ar

ññ kim, ke armij rōñ r'ar jerkañ nae kim;

3 Inem ien eo re naj kar wōrōññ-lok kim ke kim mour; ke emwij kejo air illu nae kim.

4 Ien eo dren ko re naj kar kama-loñ kim; river eo e naj kar wõnliñlok jen am.

5 Ien eo dren ko re killip re naj kar woñliñlok ion am.

6 Emōññōñ Jeova eo E ar jab lelok kim, einwōt men in jibwe, ññ ñi ko ññir.

7 Am e ar ko einwōt bao jen aluk an ro dri jibwe bao; emijkōk aluk eo im kim ar ko.

8 Men in jibōñ kim ilo etan Jeova, eo E ar kōmōñmōñ lōñ im lōl.

SAM 125.

Al in wõnliñlok ko.

R O rej liki Jeova rej einwōt tol Zaiñ eo, re ban kamōkit e, a ej ber ññ in drio.

2 Einwōt tol ko rej iturin im kabol Jerusalem, ein drein Jeova ej iturin ro dron jen ien in im ññ in drio.

3 Bwe septer in jab wānik e jamin berwōt ion jolit an ro dru wānik, bwe ro dru wānik ren jab erlokwe peir ññ jerawiwi.

4 O Jeova, kwon kōmōñ emōñ ññ ro dri'mōñ, im ññ ro e jime burueir.

5 A kin ro rej jeōrlok ññ ial ko air r'ankeke, Jeova e naj tellok ir iben ro rej jerbale nana, a ainemōñ en ion Israel.

SAM 126.

Al in wõnliñlok ko.

K E Jeova e ar ukot men in jebo-kwe an Zaiñ, kim ar einwōt ro rej tōnak.

2 Ien eo loñem e ar obrōk kin tōñ im loem kin al ko; ien eo r'ar ba ilo ailiñ ko, Jeova e ar kōmōñ men ko relap ññ in.

3 Jeova e ar kōmōñ men ko relap ññ kim, kimuij mōññōñ kaki.

4 Kwon ukot amuij jebokwe O Jeova, einwõt river ko i rök.

5 Ro rej jeör ilo dren in kemjalal, re naj marmir ilo löñliñ.

6 Meñe ej ilok ilo ial im jöñ, im bökklok ine ko; e naj bar itok ilo löñliñ im böktok kworök ko iben.

SAM 127.

Al in wönliflok ko, an Solomön.

ELAÑE Jeova e jab kalek mweo, ro rej kaleke re jerbal bata; elañe Jeova e jab kejbärok imön kwelok eo, dri ekil ej ekil bata.

2 Men in jitokjen fiön kom ñe komij jerkak ñe e rantak, im babu ñe eboñ, im möña bred in jorran: bwe ein drein Ej lelok kiki fiön ro dri jitenburu iben.

3 Lo ajiri rön men in jolit jen Jeova, im leen lojien köra men in letok jen E.

4 Einwõt möri ko ilo pein armij ekajur, ein drein ajiri ro nejin eo emön drer.

5 Emönönö armij eo im nien möri eo an e obrök kaki: re jamin jok ñe rej konono iben ro rej kijirät ir ilo kejem in worwor.

SAM 128.

Al in wönliflok ko.

EMÖNÖNÖ jabrewõt eo ej mijök Jeova, eo ej etal ilo ial ko An.

2 Bwe kwo naj möña jen jerbal in peiöm: kwo naj mönönö, im e naj emön iböm.

3 Lio beleöm e naj einwõt valn ej kouwa iloan mweo imöm, ro nejöm einwõt wijki ko redrik wijki oliv itubel tebel eo am.

4 Lo ein drein armij e naj jerammön, eo ej mijök Anij.

5 Jeova e naj kejerammön yuk jen Zaiön, im kwo naj lo an Jerusalem emön iomin aolepen am mour.

6 Aet kwo naj lo ro nejin ro nejöm. Ainemön en ion Israel.

SAM 129.

Al in wönliflok ko.

ELÖÑ alen air kejjorran iö jen ien aö inono, Israel en ba kiö:

2 Elöñ alen air kejjorran iö jen ien aö inono, a re jañin bok anjo jen iö.

3 Ro dri töblöl r'ar töblöle elikiö, r'ar kaitoklok air töblöle.

4 Jeova e wañik: E ar bukwe to ko toön ro dri nana.

5 Ren jok im jenliklik, ro otemjej rej kijiräte Zaiön.

6 Ren einwõt ujoij ion mo ko ej almerlok mokta jen an edrekliñlok.

7 Kin e dri bukwe ujoij e jab kobrök pein, ak eo ej lukwöj kworök ko ubön.

8 Im ro rej ela re jab ba, Jeova en kejerammön yuk, kim kamönönöik yuk ilo etan Jeova.

SAM 130.

Al in wönliflok ko.

JEN imlöl ko I ar kir ñön Kwe, O Jeova.

2 Jeova kwon roñjake ainikiö: lojiliñöm ren eoroñ ainiken aö akwelap ko.

3 Elañe Kwe, O Jeova, kwo naj kaköle jerawiwi ko, O Iroi, wön e naj jutök?

4 A jolok jerawiwi ej iböm, bwe armij ren mijök Yuk.

5 I kötar Jeova, aö ej kötar, im ilo An in nan I kejatrikrik iö.

6 Aö ej kötar Iroi elap jen an ro dri ekil kötar rantak, aet elap jen ro dri ekil fiön rantak.

7 O Israel kwon kejatrikrik yuk ilo Jeova, bwe iben Jeova eor tiriamokake, im iben elöñ lomor.

8 Im E naj lomoren Israel jen bwir ko an otemjej.

SAM 131.

Al in wönliflok ko an David.

JEOVA, buruö e jab jua: im meja re jab utiejlok: im I jab etetal ilo men ko relap, ak ilo men ko men in bwilöñ jen aö maroñ kake.

2 Emol I ar töt im kökajeklokjen aö, einwöt niñini e likitit iben jinen: aö iböm einwöt niñini e likitit.

3 O Israel kwon kejatrikrik yuk ilo Jeova, jen ien in im ñön in drio.

SAM 132.

Al in wönlilok ko.

JEOVA, kwon kememej kin Devid aolepen an iñtan:

2 Ekijkan e ar kanöjñij ñön Jeova, im kalimur ñön Eo e kajurpotata an Jeköb.

3 Emol I jamin dreloñ iloan im nuknuk mweo imö, im I jamin wönlilok ñön iloan aö bed:

4 I jamin lelok kiki ñöu meja, ak mijki ñöu kilin meja,

5 Mokta jen aö lo jikin ñön Jeova: imön kabere ñön Eo dri kajurpotata an Jeköb.

6 Lo kim ar roñ kin e i Eprata, kim ar loe i melaj ko an jikin wijki.

7 Kim naj dreloñlok iloan imön kabere ko An: kim naj kabuñ i eran neen.

8 Kwon jerkak O Jeova, ñön iloan Am jikin kakije: Kwe im dipdip in kajur eo Am.

9 Pris ro Am ren kändök wänik: im ro remön Am, ren lamij kin löñliñ.

10 Kin Devid, dri korijeröm, Kwon jab kejeör mejen Am Dri kalet.

11 Jeova e ar kanöjñij ñön Devid ilo mol: E jamin illok jen e: jen leen enbwinöm I naj likit ilo tron eo Am.

12 Elañe ro nejöm rej drebij bujen eo Aö, im Aö nan in kennan eo. I naj katakin ir: ro nejir re naj jijöt ilo tron eo am ñön in drio.

13 Bwe Jeova e ar kalet Zaiön: E ar köñake bwe en kabujuknen.

14 Eñin Aö jikin kakije ñön in drio: I naj jokwe ijo bwe I ar köñake.

15 I naj kanuij kejerammön kijen: I naj kamat ro dri jeramel an kin bred.

16 Bareinwöt pris ro an I naj kanuknuk ir kin lomor: im ro remön an re naj lamij kin löñliñ.

17 Ijo I naj kömön bwe drunin

Devid en eoñ: I ar likit juön lamp ñön dri kabit eo Aö.

18 I naj kanuknuk ro dri kijiräte kin jok: a ion e möke kraun eo an e naj eoñ.

SAM 133.

Al in wönlilok ko, an Devid.

LO enañin emön im men in möñö-
nö, ñe ro jim jein im jim jätin
rej ber iben dron ilo buru juön.

2 Ej einwöt oil e aurök ion böran, e ar torlölok ion kworeak, aet kworeak an Aarön: e ar wönlölok ion toreren nuknuk ko an.

3 Einwöt molawi in Hermön, ej wönlölok ion tol ko in Zaiön: bwe ijo Jeova e ar kaiñi jerammön, aet mour in drio.

SAM 134.

Al in wönlilok ko.

LO komin kamöñöñök Jeova,
kom otemjej dri korijeran
Jeova, ro rej jutök ilo boñ ilo imön
Jeova.

2 Komin kwotöke pelmi ñön jikin kwojarjar eo, im komin kamöñöñök Jeova.

3 Jeova eu kejerammön yuk jen Zaiön: aet Eo e ar kömönmön löñ im löl.

SAM 135.

KOMIN nebar Jeova, komin nebar etan Jeova: komin nebar E, O komeo kom ro dri korijeran Jeova.

2 Komeo komij jutök iloan imön Jeova, iloan worwor ko an imön amuij Anij.

3 Komin nebar Jeova, bwe Jeova emön: komin al im nebar etan, bwe men in men in möñöñö.

4 Bwe Jeova e ar kalet Jeköb ñön E möke, im Israel ñön men in aurök eo An.

5 Bwe I jela bwe Jeova elap, im amuij Anij eutlej jen anij ro otemjej.

6 Men ko jabrewöt Jeova e möñöñö kake E ar kömönmön ilo

lōñ im ilo lōl, ilo lomalo ko im ilo imlōl ko otemjej.

7 Ej kōmōn bwe tap ko ren wōn-liñlok jen jabōn lōl ko: Ej kōmōn jarōm ko ñōn wut: Ej bōktok kōto ko jeu imōn mweiuk ko An.

8 E ar mōn manji rōn i Ijpt, ar mij im kiru.

9 E ar jilkinlok kakōle ko im men in bwilōñ ko ñōn ilujōm, O Ijpt, ion Pero im ion ro dri korijeran otemjej.

10 E ar kokkure elōñ ailiñ, im mōn kiñ rekajur:

11 Saiōn kiñ an ro dri Amor, im Og kin in Besan, im ailiñ in kiñ otemjej in Keneen.

12 Im lelok ene ko air bwe en men in jolit, men in jolit ñōn Israel dri ailiñ eo An.

13 Etōm O Jeova, e ñōn in drio: ememej eo am O Jeova iomin ebeben otemjej.

14 Bwe Jeova e naj ekajet dri ailiñ ro An, im naj ukwelok iben kin ro dri korijeran.

15 Ekjōp ko an ro dri ailiñ ko silver im gold, jerbal in pā ko pein armij.

16 Eor loñir, a re jab konono; eor mejeir, a re jab lo:

17 Eor lojiliñir, a re jab roñ, im ejelok menono ilo loñir.

18 Ro rej kōmōnmōn ir re naj eirwōt aet ro otemjej rej liki ir.

19 O imōn Israel, komin kamōnōnōik Jeova; O imōn Aaron, komin kamōnōnōik Jeova.

20 O imōn Livai, komin kamōnōnōik Jeova; komeo kom mijōk Jeova, komin kamōnōnōik Jeova.

21 Emōnōnō Jeova jen Zaiōn, Eo ej jokwe i Jerusalem. Komin kamōnōnōik Jeova.

SAM 136.

O KOMIN kamolol Jeova, bwe E emōn, bwe An tiriamo ñōn in drio.

2 O komin kamolol Anij in anij rōn, bwe An tiriamo ñōn in drio.

3 O komin kamolol Iroj in iroj rōn, bwe An tiriamo ñōn in drio.

4 Ñōn Eo ej kōmōn men in bwi-lōñ ko relap mōke ian, bwe An tiriamo ñōn in drio.

5 Ñōn Eo e ar kōmōnmōn lōñ ko kin meletlet, bwe An tiriamo ñōn in drio.

6 Ñōn Eo e ar erlokwe lōl ilōñin dren ko, bwe An tiriamo ñōn in drio.

7 Ñōn Eo e ar kōmōnmōn maram ko relap, bwe An tiriamo ñōn in drio.

8 Al eo bwe en iroj ilo ran, bwe An tiriamo ñōn in drio.

9 Aliñ eo im iju ko bwe ren iroj ilo boñ, bwe An tiriamo ñōn in drio.

10 Ñōn Eo e ar mōn Ijpt ilo manjiir, bwe An tiriamo ñōn in drio.

11 Im E ar bōktok Israel jen ibeir, bwe An tiriamo ñōn in drio.

12 Kin pein ekajur, im pein E ar erlokwe, bwe An tiriamo ñōn in drio.

13 Ñōn Eo e ar kijbil Lomalo ekilmir ilo mōtōn ko, bwe An tiriamo ñōn in drio.

14 Im E ar kōmōn bwe Israel en etal iolapin, bwe An tiriamo ñōn in drio.

15 Im E ar jolok Pero im jar in tōrinae eo an na iloan Lomalo ekilmir, bwe An tiriamo ñōn in drio.

16 Ñōn Eo e ar tel ro dron ilujen ene jemaren eo, bwe An tiriamo ñōn in drio.

17 Ñōn Eo e ar mōn kiñ relap, bwe An tiriamo ñōn in drio.

18 Im E ar mōn kiñ rebuñbuñ, bwe An tiriamo ñōn in drio.

19 Saiōn kiñ in ro dri Amor, bwe An tiriamo ñōn in drio.

20 Im Og kiñ in Besan, bwe An tiriamo ñōn in drio.

21 Im E ar lelok ene ko air men in jolit, bwe An tiriamo ñōn in drio.

22 Men in jolit wōt ñōn Israel dri korijeran, bwe An tiriamo ñōn in drio.

23 Eo e ar kememej kim ilo amuij eta, bwe An tiriamo ñön in drio.

24 Im E ar kötlok kim jen ro dri kijirät kim, bwe An tiriamo ñön in drio.

25 Ej lelok kijeir ñön kõniek otemjej, bwe An tiriamo ñön in drio.

26 O komin kamolol Anij in lõñ ko, bwe An tiriamo ñön in drio.

SAM 137.

ITURIN river ko an Babulön, kim ar jijöt, aet kim ar jöñ ke kim ar kememej Zaiön.

2 Kim ar totoik arp ko am ilo wijki ko willo ilo bwiljin ene eo.

3 Bwe ijo ro r'ar kajeboke kim re kajitok ibem al ko: im ro r'ar kokkure kim r'ar kajitok ibem tõñ, im ba. Komin al ñön kim juön ian al ko in Zaiön.

4 Ekijkan am naj al kin al in Jeova i ene an druwa majet?

5 Elañe ij meloklok yuk, O Jerusalem, anbijmaroñiö en meloklok an kabel.

6 Loiö en edrep ñön ñatiö, elañe I jab kememej yuk; elañe I jab koutiej Jerusalem jen aö lõñliñ elaptata.

7 O Jeova, kwon kememej nae ro nejn Idöm ran in Jerusalem, r'ar ba, Komin kokkure, komin kokkure, aet ñön loñtak ko an.

8 O nejn kõra in Babulön, im naj kokkure yuk, e naj mõnönö eo e naj nawönam einwöt am kõmön ñön kim.

9 E naj mõñiönö eo e naj bök im jolöllok na ion dreka niñniñ ro am.

SAM 138.

Sam an Devid.

INAJ kamolol Yuk kin aolepen buruö: iman anij rön I naj al kin nebar ko ñön Kwe.

2 I naj kabuñ ñön tempel eo Am ekwojarjar, im kamolol etöm kin Am tiriamo, im kin Am mol: bwe Kw'ar kalaplok Am in nan jen aolepen etöm.

3 Ilo ran eo ke I ar kir, Kw'ar uak iö: Kwoj kabaran iö kin kajur ilo aö.

4 Kiñ ro otemjej in lõl re naj kamolol Yuk, O Jeova, bwe r'ar roñjake nan ko an loñöm.

5 Aet, re naj al kin ial ko an Jeova, bwe elap aibujuij an Jeova.

6 Bwe meñe Jeova eutie, Ej lala ro retä: ro dri jua E jela kajeir jen etolok.

7 Meñe I etal ilujen jorran, Kwo naj kãejmour iö: Kwo naj erlokwe peiöm nae illu an ro dri kijirät iö: im anbijmaroñiö e naj lomoriö.

8 Jeova e naj kamwijlok men eo aö: Am tiriamo, O Jeova, ñön in drio: Kwon jab illok jen jermal ko in pä ko peiöm.

SAM 139.

Ñön dri lala al. Sam an Devid.

O JEOVA, kw'ar kalimjek iö im jela iö.

2 Kwo jela aö jijöt im aö jutök: Kwo jela aö lemuok jen etolok.

3 Kwo kalimjek aö ial, im aö babu, im Kwo jela ial ko aö otemjej.

4 Bwe ejelok nan ilo loö, im Kwe O Jeova, kwo jab jelakake wöt.

5 Kw'ar nitbwili iö ilikiö im imaö, im Kw'ar likit peiöm iö.

6 Jelalokjen einwöt in I kanuij bwilöñ kake: eutie, I jab maroñ in töbare.

7 I naj ilok ñön ia jen Am Jitöb? Ak I naj ko ñön ia jen mejöm?

8 Elañe I wönliñlok ñön iloaan lõñ ko, Kwe ijo: elañe I likit kiniö ilo Hedis, Kwe ijo.

9 Elañe ij bök pein bau einwöt rantak im jokwe ilo mõtön retolok-tata in lometo:

10 Ijo peiöm e naj tel iö, im anbijmaroñiö e naj drebij iö.

11 Elañe I ba, Emol marok e naj kalibubu iö, im maram eo ituriö e naj boñ:

12 Marok eo e jab noj jen Kwe, a boñ ej romak einwöt ran: marok im maram irro einwöt juön iböm.

13 Bwe ibið e ar ibõm: Kw'ar kalibubu ið ke I ar ber i lojien jinð.

14 I naj kamolol Yuk, bwe Am kõmõnmõn ið men in lelñõñ im bwilõñ: jerbal ko Am men in bwilõñ: im men in, að e kanuij jela-kake.

15 Mõtõn enbwinið rekajur r'ar jab tilekek jen Kwe ke emwij kõmõnmõn ið ilo etino: im eej ið ilo mõtõn ko etåtata in löl.

16 Mejõm r'ar lo enbwinið ke e jañin 'mwij kõmõne: ilo buk eo Am ar jejekake ra ko rað, ar kõmõnmõni ran im ran ien eo ke ejelok ialr.

17 Bareinwõt lemnok ko Am re nañin aurøk iba, O Anij! air koba e kanuij lap!

18 Elañe I naj bwinið, oran elõñ jen oran bok ko: ke ij ruj, ña ibõm wõt.

19 Emol Kwo naj mõi ro dri nana, O Anij, inem komin ilok jen ña, komeo armij dri katorlok bõtõktõk.

20 Bwe re konono nana nae Yuk, im ro dri kijiråt Yuk rej kananaik etõm.

21 O Jeova, I jab drike ro rej kijiråt Yuk ke? Im I jab buromõj kin ro rej jutõk jumae Yuk ke?

22 I kijiråt ir kin kijiråt elaptata: ij likit ir að dri kijiråt.

23 Kwon kalimjek ið, O Anij, im jela buruð: Kwon melejoñ ið im jela lemnok ko að.

24 Im Kwon lo elañe jabrewõt ial euana iba: im Kwon tel ið ilo ial ej ñõn in drio.

SAM 140.

Ñõn dri lal al. Sam an Devid.

KWON kõtlok ið, O Jeova, jen armij dri nana: Kwon lomorið jen armij eo dri kokkure.

2 Ro rej lemnok kin men ko renana ilo burueir: ien otemjej re kweloklok ñõn dron kin tõrinae.

3 R'ar jimjim loir einwõt kiru serpent: uno kõn mij an kiru adder iomin tieir. Sela.

4 O Jeova, kwon lomorið jen pein

ro dri nana: Kwon lomorið jen armij in kokkure eo, ro r'ar bebe in jibellok buñten neið.

5 Ro dri jua r'ar noj jen ñõn ið: r'ar erlokwe juðn ok iturin ial: r'ar likit aluk ko ñõn ið. Sela.

6 I ar ba ñõn Jeova, Kwe að Anij: kwon eorofi ainiken akwelap ko að, O Jeova.

7 O Anij Iroi eo, kajur an að lomor: Kw'ar kõrõpe bõra ilo ran in tõrinae.

8 O Jeova, kwon jab lelok ñõn ro dri nana men ko re kõnan: Kwon jab jibõñ e ilo an bebe enana, ñe rab mõke koutiej ir. Sela.

9 Kin bõran ro rej kabol ið, nana in tieir en kalibubu ir.

10 Melle rej urur ren buñ ioir: emõn jolok ir na ilo kijeek: ilo roð ko r'imlöl, bwe ren jab bar jerkak.

11 Eo ej konono nana jamin kabin e ilo löl: nana e naj kabukot armij in kokkure bwe en mõne.

12 I jela Jeova e naj kõmõn wānik ñõn eo e jorran, im ekajet ñõn eo e jeramel.

13 Emol ro dru wānik re naj kamolol etõm; ro remõn re naj jokwe iman mejõm.

SAM 141.

Sam an Devid.

JEOVA, I ar kir ñõn Kwe: kwon kijorur in itok ñõn iba, Kwon eorofi ainikið ke ij kir ñõn Kwe.

2 Að jar en ber einwõt melu imam; að kwotõke peið en einwõt men in katok ejota.

3 O Jeova, kwon likit ken kejbārok i loñið; Kwon kejbārok aur in tið.

4 Kwon jab ukot buruð ñõn jabrewõt men enana, im kõmõn kõmõn ko renana iben ro dri kõmõn nana, im in jab mõña ekõn enno ko air.

5 Ro dru wānik ren ubrare ið, e naj men in yokwe; im en kowe ið, e naj einwõt oil ilo bõra; bõra en jab abwin e, bwe ilo air bwir wõt að jar e naj walok.

6 Emwij jolöllok ro air dri ekajet

iturin dreka ko, im re naj roñjake aš in nan, bwe retōñel.

7 Einwōt eo ej kōbij im bukwe brij, ein drein dri ko drin re jibliklok iturin loñin lūp eo.

8 Bwe meja re ñōn Kwe, O Anij Iroi, ij liki Yuk; kwon jab likit aš ilo aikwij.

9 Kwon kejbārok aš jen aluk eo r'ar kapoje ñōn iō, im jen ko an ro dri kōmōn nana.

10 Ro dri nana ren buñ na iloan ok ko air, im ña ilo len eo in ko.

SAM 142.

Maskil an Devid, ke e ar ber iloan roñ eo. Juñ jar.

KIN ainikiō ij kir ñōn Jeova; kin ainikiō ñōn Jeova ij akwelap.

2 I lutōklok aš loñan iman; I kwalok aš jorran iman.

3 Ke aš e ar kijelok ilo ña, Kw'ar jela aš ial. Ilo ial eo ijo I ar etetal, r'ar noj jen ñōn iō.

4 Kwon lala i anbijmaroñiō im lo, bwe ejelok armij e jelakake ña; jikin tilekek e joko jen ña, ejelok armij ej tar aš.

5 I ar kir ñōn Kwe O Jeova, I ar ba, Kwe aš jikin tilekek, aš kij ilo ene an dri mour.

6 Kwon eoroñ aš lamij, bwe ar kanuij kōtaik iō; Kwon kōtlok iō jen ro rej matōrtōr iō, bwe re kajur jen ña.

7 Kwon kadrioi, lok aš jen prisōn, bwe in kamolol etōm. Ro remōn re naj kabol iō; bwe Kwo naj wujleptok joij ñōn iō.

SAM 143.

Sam an Devid.

KWON roñjake aš jar, O Jeova, kwon eoroñ akwelap ko aš; ilo Am til ek Kwon uak iō, im ilo Am wānik.

2 Im Kwon jab dreloñ ilo ekajet iben korijōm: bwe ilo mejōm jamin kowānik jabrewōt armij.

3 Bwe dri kijirāt eo e ar matōrtōr aš, e ar jolōllok aš mour ñōn brij; e ar kōmōn bwe in jokwe ilo jikin

ko re marok, einwōt ro eto ke r'ar mij.

4 Inem aš e kijelok ilo ña; buruō ilo ña e men in jeebeplok.

5 I kememej ran ko mokta: I kalomōnlokjen kin men ko Kw'ar kōmōnmōui; ij lemnok kin jerbal ko an peiōm.

6 Ij erlokwe peiō ñōn Kwe; aš e maro kin Kwe einwōt ene e mōk. Sela.

7 Kwon kijorur im uak iō, O Jeova, aš jītōb e kijelok: Kwon jab binej mejōm jen ña, ñe ab in einwōt ro rej wōnlōllok ñōn iloan roñ eo.

8 Kwon kōmōn bwe in roñjake Am joij ke ejiboñ; bwe ij liki Yuk. Kwon kōmōn bwe in jela ial eo emōn in etal iloan, bwe ij lelifwoj aš ñōn Kwe.

9 O Jeova, kwon kōtlok iō jen ro dri kijirāt iō: ña I ko ñōn Kwe bwe in tilekek.

10 Kwon katakin iō in kōmōn ankil Am, bwe Kwe aš Anij: Am Jitōb emōn, Kwon tel iō ilo ene in wānik.

11 O Jeova, kwon kāejmour iō kin etōm; ilo Am wānik Kwon bōktok aš jen jorran.

12 Im ilo Am joij Kwon bukwe lok ro dri kijirāt iō; im Kwon kokkure ir otemej rej ke jorran aš, bwe ña dri korijōm.

SAM 144.

Sam an Devid.

EN mōnōnō wōt Jeova, aš dreka, eo Ej katakin peiō tōrinae, im arriō ko kin iri.

2 Aš joij, im aš me, aš imōn bar eutie, im aš Dri lomor, aš likepijñōk, im Eo ij liki E, eo ej kōtaik ailiñ ko jen iō.

3 Jeova, ta armij bwe Kwom jelakake? ak nejin armij bwe Kwon lemuok kake?

4 Armij ej einwōt men in jekron; ran ko an einwōt anen e jokolok.

5 Kwon kōtaik loñ ko Am O Jeova im wōnlōllok: Kwon uñir tol ko im re naj batat.

6 Kwon jolöllok jaröm im kejb-liklok ir; Kwon jolok mōri ko Am im kejjorran ir.

7 Kwon erlokwe peiöm jen ilōñ: Kwon kōtlok iō, im lomoriō jen iloan dren ko relap, jen ene'r ro drua majjet.

8 Ro loñir e kōnan wan, im anbij-marofiir e anbijmarofiñon riōp.

9 I naj al juñ al ekal ññ Kwe, O Anij: ilo salteri in to ko joñoul, I naj al im nebar Yuk.

10 E eo Ej lelok lomor ññu kiñ ro: Eo ej lomoren Devid jen jāi in kokkure.

11 Kwon lomoriō im kōtlok iō jen pein ro drua majjet; jo loñir ej konono wan, im anbijmarofiir e anbijmarofiñon riōp.

12 Ñe ro nejim man re naj einwōt jul ko elap air edrekliñlok ke re jab kanuij ridto: Im ro nejim kōra einwōt dreka ko in dremōn im, emwij jekjeki ilo wāwen dreka in imōn iroi.

13 Ñe mo ko imōn kijem ren obrōk, im eor wāwen mweiuk otemjej; im sip ko am ren keutak tausān ko im joñoul tausān ko ilo melaj ko am.

14 Ñe kau koman ko am emōn air inene; ñe ejelok kokkure ak joko, im ejelok lotan ilo ial ko am.

15 Emōññōñ ro dri ailiñ eo, ñe einwōt in lbei; aet, emōññōñ ro dri ailiñ ñe air Anij Jeova.

SAM 145.

Sam in nebar. An Devid.

I NAJ koutiej Yuk, aō Anij, aō Kiñ: im I naj kamōññōñik etōm ññ in drio im in drio.

2 Ran otemjej I naj kamōññōñik Yuk; im I naj nebar etōm ññ in drio im in drio.

3 Elaplap Jeova, im ren kanuij nebar E; im An laplap re ban bukot im jelakajen.

4 Juñ ebeben e naj nebar jermal ko Am ññ bar juñ, im naj kwalok men ko rekajur Kw'ar kōmōmōñi.

5 I naj kalomonlokjen kin wōlio in kōñiajoik an utiej eo Am, im kin men in bwilōñ ko Kw'ar jermal.

6 Im armij re naj konono kin kajur potata in men in lelñōñ ko Kw'ar kōmōñi; im I naj kwalok Am laplata.

7 Re naj ba kin air kememej Am emōn elap, im naj al kin Am wānik.

8 Jeova e joij, im E obrōk kin tiriamo; erumij An illu, im elap An tiriamokake.

9 Jeova emōn ññ ro otemjej, im men in joij ko An ilōññ in men ko otemjej E ar kōmōmōñi.

10 Jermal ko Am otemjej re naj kamolol Yuk, O Jeova, im ro remōn Am re naj kamōññōñik Yuk.

11 Re naj ba kin aibujulj in ailiñ eo Am, im naj konono kin Am kajur.

12 In kwalok ññ ro nejñ armij men ko rekajur E ar kōmōmōñi, im aibujulj in utiej eo An.

13 Ailiñ eo Am juñ ailiñ e ññ in drio, im Am iroi e berwōt iomin ebeben ko otemjej.

14 Jeova ej kejerkak im drebij ro otemjej re buñ; im kajutōk ro otemjej re kumlilik.

15 Mejeir otemjej rej kōtar Yuk, im Kwoj lelok ññ ir kijeir ilo ien ekar.

16 Kwoj erlokwe peiöm im kamat air kōnan ññ men otemjej remour.

17 Jeova e wānik ilo ial ko An otemjej, im E joij ilo jermal otemjej An.

18 Jeova ej ebak ññ ir otemjej rej kir ññu E, ññ ro otemjej rej kir ññu E ilo mol.

19 E naj kamol kōnan an ro remjōk E; e naj bareinwōt roñjake air lamij im lomoir.

20 Jeova ej kejbārok ir otemjej rej yokwe E; a ro renana otemjej E naj kokkure ir.

21 Loñiō e naj konono im nebar Jeova; im kōniek otemjej en kamōññōñik etan ekwojarjar ññ in drio im in drio.

SAM 146.

KOMIN nebar Jeova; kwon nebar Jeova O aō.

2 Iomin ien aō mour I naj nebar Jeova; I naj al kin nebar ko ñōn aō Anij iomin jabrewōt ien aō ber.

3 Komin jab liki bwirōk rōn, ak nejin armij eo ejelok jibōñ iben.

4 Menono an ej ilok, ej jeblak ñōn lōl eo an; ilo ran eo lemnok ko an rejokolok.

5 Emōnōnō eo Anij in Jekōb ej jibōñ e, im an kōtomene ilo Jeova, Anij eo an.

6 Eo e ar kōmōnmōn lōñ im lōl; lometo im men ko otemjej ilo ir; Eo ej kejbārok mol ñōn in drio.

7 Eo ej kōmōn ekajet ñōn ro dri jorran; Eo ej lelok kijeir ñōn ro dri kwūli: Jeova ej kōtlok ro rej ilo prisōn.

8 Jeova ej kebellok mejen ro rebilu; Jeova ej kajutōk ro rej kumliklik; Jeova ej yokwe ro dru wānik.

9 Jeova ej kejbārok ro drua maijet; Ej jibōñ ro ejoko jemeir, im ro e joko leo beleir, a ial an ro renana Ej ukoje.

10 Jeova e naj Kiñ ñōn in drio; am Anij O Zaiōn, ñōn ebeben otemjelok. Komin nebar Jeova.

SAM 147.

KOMIN nebar Jeova; bwe emōn al im nebar amuij Anij: bwe e men in mōnōnō im nebar e wōlio.

2 Jeova ej kalek Jerusalem; Ej kokweloklok ro dri jolok in Israel.

3 Ej kǎejmour ro erup burueir; Ej kitimi kinej ko kinjeir.

4 Ej bwini oran iju ko; Ej naetan ir otemjej.

5 Elaplap amuij Iroi, im kajur eo An e kanuij lap. Ejelok tōreren jelalokjen eo An.

6 Jeova ej kejerkak ro etā burueir; E kōtaik ñōn brij ro renana.

7 Komin al im nebar Jeova kin kāmolo; komin al kin nebar ko ilo arp ñōn amuij Anij.

8 Eo ej kalibubu mejatoto kin

kōro ko; Eo ej kapojōk wut ñōn brij; Eo ej kadreklok ujoj ion tol ko.

9 Ej lelok ñōn kiru kijen, im ñōn bau reven ko re kir.

10 E jab lōñliñ kin kajur an ors; E jab mōnōnō kin neen armij.

11 Jeova e mōnōnō kake ro remjōk E; kin ro rej kejatirikrik ir ilo An tiriāmo.

12 Kwon nebar Jeova, O Jerusalem, kwon nebar am Anij, O Zaiōn.

13 Bwe E ar kabin alal ko in aur ko am; E ar kejerammōn ro nejmōn iloan.

14 Ej kōmōn ainemōn ilo tōreren ko am; Ej kamat yuk kin wit emōnpotata.

15 Ej jilkinlok kien ion lōl; An in nan ej etōr mōkōj.

16 Ej letok sno einwōt kolan šip; Ej kijibliklok frost eo emouj einwōt brij in ubaj.

17 Ej jolok dren ebin einwōt tibrikrik ko; wōn e maroñ in jutōk iman biq eo An?

18 Ej jilkinlok An in nan im kounlok ir; Ej kōmōn bwe en ukwi kōto eo An, inem dren etorlok.

19 Ej kwalok An in nan ñōn Jekōb, kien ko An im ekajet ko An ñōn Israel.

20 E ar jab kōmōn einwōt ñōn jabrewōt ailiñ; im ekajet ko An r'ar jab jelakajeir. Komin nebar Jeova.

SAM 148.

KOMIN nebar Jeova. Komin nebar Jeova jen lōñ ko; komin nebar E ilo jikin reutiej.

2 Komin nebar E, komeo enjel ro An; komin nebar E, jar in tōrinae ko An.

3 Komin nebar E, al im aliñ; komin nebar E, kom iju ko in maram.

4 Komin nebar E, kom lōñ ko in lōñ ko; im dren ko ilōñin lōñ ko.

5 Ren nebar etan Jeova, bwe E ar kaifi inem emwij kōmōnmōn ir.

6 E ar bareinwōt kabini ñōn in drio im in drio. E ar kōmōn kien eo e jamin joko.

7 Komin nebar Jeova jen löl, komeo drakön ko im imlöl ko otemjej:

8 Kijeek im wut ebin; sno im tap; köto in lañ ej kamol An in nan.

9 Tol ko relap im ro redrik; wijki ko re kouwa, im sidar otemjej.

10 Kiru rawiä im kau ko otemjej; men ko retöbölöl im bau ko re kãki.

11 Kiñ ro an löl, im ro dri ailiñ otemjej; iroiñ rön im dri ekajet otemjej an löl.

12 Man rön im köra rön emön drer, ridto rön im ajiri rön.

13 Ren nebar etan Jeova; bwe etan wöt elifilok, An aibujuij ilöñ in löl im löñ.

14 Im E ar leliñlok drun in dri ailiñ eo An, men in nebar in ro remön otemjej An; ro nejin Israel wöt, juön ailiñ ebak ñön E. Komin nebar Jeova.

SAM 149.

KOMIN nebar Jeova. Komin al ñön Jeova kin al ekal, im kin nebar eo An ilo jar an ro remön.

2 Israel, en löñliñ ilo Eo e ar kömönmöne; ro nejin Zaiön, ren mönönö kin air Kiñ.

3 Ren nebar etan ilo eep eo; ren al im nebar E kin timbrel im arp.

4 Bwe Jeova ej mönönö kin ro dri ailiñ eo An; E naj kalitlit eo etä buruen kin lomor.

5 Ro remön ren jualöñliñ ilo aibujuij; ren al kin löñliñ ion kineir.

6 Nebar ko reutlej an Anij ren ilo löñir, im juön jäji ruo mejen ilo peir;

7 In kömön irenwöne ñön ro dri ailiñ ko; im enoik ko ion armij rön;

8 In liabe kiñ ro air kin tomere ko, im bwirök ro air kin feter ko mal;

9 In kömön ñön ir ekajet eo emwij jejekake: köñlajoik in iben ro remön otemjej An. Komin nebar Jeova.

SAM 150.

KOMIN nebar Jeova. Komin nebar Anij ilo jikin kwojarjar eo An: komin nebar E ilo mejatoto in kajur eo An.

2 Komin nebar E kin jermal ko An rekajur potata. Komin nebar E ekar ñön An utlejen emöntata.

3 Komin nebar E kin ainiken jilil: komin nebar E kin salteri im arp.

4 Komin nebar E kin timbrel im eep: komin nebar E kin ken ka jöñjöñ eor toair im kin paip.

5 Komin nebar E kin simbal ko elap ainikeir. Komin nebar E kin simbal ko emönönö ainikeir.

6 Men otemjej eor air menono ren nebar Jeova. Komin nebar Jeova.

JABŌN KENNAN KO

1 Jabōn¹ kennan ko an Solomon nejin Devid, kiñ in Israel:

2 Nōn jela meletlet im nan in katak; nōn kili nan ko re meletlet;

3 Nōn bōk katak ilo kōmōn meletlet, ilo wānik im ekajet jime im emōn;

4 Nōn lelok meletlet nōn dri bwebwe eo, nōn likao eo jelalokjen im maroñ kili:

5 Bwe dri meletlet eo en roñjake im kalaplok an jela; im bwe dri jelalokjen en tōbar bebe ko remōn:

6 Nōn melele kake juōn jabōn kennan im rābiltan, nan ko an ro dri kānbil im konono ko air retino.

7 ² Mijōk Jeova jinoin jelalokjen, a ro dri bwebwe rej kejekron meletlet im nan in katak.

8 Nejiō, kwon eoroñ nan in katak an jemōm, im kwon jab illok jen kien jinōm:

9 Bwe re naj juōn rojen bōrōm emōn, im toninir i kenwam.

10 Nejiō, elañe ro dri nana rej karel yuk, kwe kwon jab uak.

11 Elañe re ba, Kwon itok ibemtōk, jen kebao bōtōktōk; jen kōtar ilo etino nōn ro ejelok rueir im ejelok unin;

12 Jen warōñlok ir remour einwōt Hedis, im reyu, einwōt re rej wōn-lōllok nōn roñ eo;

13 Je naj lo men in aurōk otemjej; je naj kobrōk mo imwer kin men in rakim:

14 Kwo naj kadrebijik am kij ibem; e naj juōn wōt bōjo iber:

15 Nejiō, kwon jab etetal ibeir ilo ial; kwon drebij neōm jen air ial:

16 Bwe neir rej wutluālair, im rej kijorur bwe ren katorlok bōtōktōk.

17 Emol ejelok tokjen likit jen eo iman mejen jabrewōt bao in mejatoto.

18 Im rein rej kebao drair wōt; rej

ber ilo etino bwe ren jolok mour eo air.

19 Ein drein ial ko an jabrewōt eo e kanuij arōk mweiuk; ej kokkure mour an ro kar air.

20 Meletlet ej lamij inabij ilo ial eo; ej konono wōt ilo jikin ko re rā-bōkbōk;

21 Ej lamij ilo jikin ijo elōñ armij ie; ilo mejāti in kejem ko, ilo jikin kwelok eo, ej kwalok nan ko an;

22 Ie toñ, kom eo dri jajelokjen, kom naj yokwe bwebwe? im ro dri kajirere ren mōnōnō in kajirere, im ro dri bwebwe ren drike jelalokjen?

23 Komin oktōk kin nan in kowe ko aō: lo, I naj lutōklok jitōb eo aō iomi; I naj kejelaik kom nan ko aō.

24 Bwe emwij aō kir, im kom ar abwin; I ar¹ erlokwe peiō, ak ejelok armij e ar lemnok kake;

25 A kom ar kejekron aolepen aō bebe, im kom ar jab kōnan aō nan in kaje:

26 Inem ña bareinwōt I naj tōñ ilo ran in ami jorran: I naj kajirere ñe ami lelñōñ ej itok;

27 Ñe ami lelñōñ ej itok einwōt juōn lañ, im ami jorran ej itok einwōt juōn aire; ñe jorran im iñtan rej itok iomi.

28 Ien eo re naj kir nōn iō, a I jamin uak; re naj kanuij kabukot iō, a re jamin lo iō.

29 Kin air kar drike jelalokjen, im kin air jab kālet mijōk Jeova,

30 Rar jab kōnan jabrewōt aō bebe, rar kitōtō kake aolepen aō kowe ir.

31 Kin men in re naj mōña leen ial eo air, im re naj māt kin men in kine ko air.

32 Bwe birlok an ro dri jajelokjen e naj mōn ir, im jokōne wan an ro drai bwebwe e naj kokkure ir.

¹ Jap. 13. 1; 1 Kif. 4. 32 ² Job 28. 28.

¹ Rom 10. 21.

33 A jabrewōt eo e naj eoroñ iō e naj ber im ejelok an jorran, im e naj jokwōr jen nana.

2 Nejiō, elañe kwo kōnan bōk nan ko aō, im drebij kien ko aō na ibōm;

2 Im ein drein kwon kajirlok loji-liñōm ñōn meletlet, im kabukot jelalokjen kin buruōm;

3 Aet, elañe kwo naj kīr ñōn maroñ in kili, im koutiej ainikiōm ñōn jelalokjen;

4 Elañe kwo naj bukot e einwōt silver, im kabukot e einwōt mweuiuk ko retino;

5 Inem kwo naj meletlet kake mijōk Jeova, im lo jelalokjen kin Anij.

6 Bwe Jeova ej letok meletlet; jen loñin ej itok jela im lolokjen;

7 Ej wuneknek meletlet emōn ñōn ro dru wānik; Ej juōn likipijñōk ñōn ro rej etetal ilo jime;

8 Bwe En lale ial ko an ekajet jime, im kejbārok ial an ro dron remōn.

9 Ien eo kwo naj melele wānik im ekajet jime, kab kien ekar, aet, jabrewōt ial emōn.

10 Bwe meletlet e naj dreloñ na ilo buruōm, im jelalokjen e naj men in mōnōñō ilo am;

11 Lolokjen emōn e naj lale yuk, jelalokjen e naj kejbārok yuk;

12 Bwe en lomorōm jen ial e nana, jen armij rej konono men ko re ankeke;

13 Ro rej illok jen ial ko ial in wānik, bwe ren etetal ilo ial ko ial in marok;

14 Ro rej mōnōñō in kōmōn nana, im lōñliñ ilo ankeke in nana;

15 Ro rej ankeke ilo ial ko air, im re bōt ilo etal ko air;

16 Bwe en lomoren yuk jen kōra eo ekijoñ, aet, jen lio drua maijet etao kin nan ko an;

17 Eo ej ilok jen eo kar jeran ilo ien an torbel, im meloklok kin bujen Anij eo an;

18 Bwe mweo imōn ej mōllok ñōn mij, im ial ko an ñōn iben ro re joko;

19 Ejelok juōn ej ilok ñōn iben ej

bar jeblaktok, im re jab tōbar ial ko ialen mour;

20 Bwe kwon etetal ilo ial ko an ro re wānik, im kejbārok etal ko an ro re jime.

21 Bwe ro re jime re naj jokwe ilo lōl. Im ro re wāppen re naj berwōt ie.

22 A ro re nana, naj kamōkit ir jen eneo, im ro re jela mon, naj to-tōk ir jen e.

3 Nejiō, kwon jab meloklok kien ec aō; a buruōm en bokake nan in kibel ko aō;

2 Bwe aitokōn ran ko, im yiō ko in mour, im ainemōn, re naj kobaik ñōn yuk.

3 Joij im mol ren jab illok jen kwe; kwon lukwoji im kabol kenwam; kwon jeji ilo buk in buruōm;

4 Ein drein kwo naj ¹lo joij im jelalokjen emōn iman mejen Anij im armij ro.

5 Kwon liki Jeova kin aolepen buruōm, im kwon jab atartar ion jelalokjen eo am;

6 Kwon kwalok E ilo ial ko am otemjelok, inem E naj bakajen ial ko am.

7 Kwon ²jab meletlet wōt ilo mejōm; kwon mijōk Jeova im illok jen nana;

8 E naj mour emōn ñōn bwijōm, im nonnonmej ñōn dri ko driōm.

9 Kwōn kaibujuij Jeova kin mwe-iōm, im kin jomōkōj in am men in orlok;

10 Ein drein mo ko imōn mweuiuk ko am re naj obrōk kin men in orlok, im jibukbuk ko am re naj lōñmejjirjir kin wain ekāl.

11 Nejiō, kwon ³jab kejekron kaje an Jeova, im kwon jab mōk kin An kowe yuk;

12 Bwe Jeova ej kowe eo ej yokwe, einwōt, juōn jemen ñōn nejin eo ej mōnōñō kake.

13 E mōnōñō armij eo ej lo meletlet, im armij eo ej amen jelalokjen.

14 Bwe an bwinitoik e emōn jen

¹ Luk 2. 52. ² Rom 12. 16. ³ Hib. 12. 6.

bwinitoik silver, im tokjen emōn jen gold erroo.

15 E aurōk jen dreka rubi ko; im ejelok ian men ko kwo maroñ in kōnan, ren keire iben.

16 Aitokōn ran ej ilo pein anbij-marōñōn, ilo pein anmīñin, mweiuk im nebar.

17 Ial ko an rej ial in ainemōn, im etetal ko an otemjej rej inemōn.

18 Ej juōn wijki in mour ñōn ro rej kajpere: im e mōnōnō jabrewōt eo ej drebij e.

19 Jeova kin meletlet E ar loñtōke lōl in; kin jelalokjen E ar kajur lōñ ko.

20 Kin An jela emwij rupe mulōl ko, im mejatoto ej kowutlok molawi.

21 Nejiō, ren jab illok jen mejōm; kwon drebij lemnok emōn im lemnok jime:

22 Ein drein re naj men in mour ñōn am, im men in kalitlit ñōn kenwam.

23 Inem kwo naj etal ilo ial eo am im jab uōta, im neōm e jamin jebep.

24 Ñe kwo naj babu, kwo jamin mijōk; aet, kwo naj babu, im am kiki e naj ainemōn.

25 Kwon jab mijōk lelñōñ eiriñ, ak kokkure an ro dri nana ñe ej itok;

26 Bwe Jeova E naj am men in liki, im E naj kejbārok neōm jen air jibwe.

27 Kwon jab¹ drebij emōn jen ro rej aikwij, ñe ej ilo maroñ in peōm bwe kwon kōmōne.

28 Kwon jab ba ñōn dri turōm, Kwon ilok im barjitok, im ilju I naj lewoj; ñe men eo ej ibōm.

29 Kwon jab kine nana nae eo dri turōm, bwe ej jokwe ebak ñōn yuk.

30 Kwon jab akwaile juōn armij ñe ejelok unin, elañe e ar jab kōmōn nana ñōn kwe.

31 Kwon jab junmare armij eo dri lej, im kwon jab kālet juōn ian ial ko an.

32 Bwe eo dri bōt ej men in jōjōik ñōn Jeova; a Ej jeraik eo dru wānik.

33 Nan in jerata jen Jeova ej ber

ilo mweo imōn dri nana; a Ej kejerammōn kabijuknen eo dru wānik.

34 Emol Ej kajirere kake ro dri kajirere; a Ejlelok joiñ ñōn ro rej etā.

35 Ro dri meletlet re naj jolit aibujuij; a jok e naj men in koutiej ro dri kiblia.

4 Ro nejio, komin roñjake nan in katak an eo jememi, im komin lalē mōk in jela meletlet.

2 Bwe ij lewoj katak emōn wōt; komin jab illok jen kien eo aō.

3 Bwe ña I ar dri kijiate an jema, jitenburu im men in yokwe wōt iman mejen jinō.

4 Im jema e ar katakin iō, im ba ñōn iō: Buruōm en drebij nan ko aō; kwon bokake kien ko aō, im mour wōt;

5 Kwon bōk meletlet, kwon bōk jelalokjen; kwon jab meloklok, ak drorlōllok jen nan ko jen loñiō;

6 Kwon jab illok jen e, im e naj kejbārok yuk; kwon yokwe e im e naj lalē yuk.

7 Meletlet ej men eo luku; inem kwon bōk meletlet; aet, ilo aolepen am bwinito, kwon jibarek jelalokjen.

8 Kwon koutiej e, im e naj koutiej yuk; e naj bōktok yuk ñōn nebar, ñe kwoj jiburlep e.

9 E naj lewoj ñōn yuk juōn rojen bōrōm in joiñ; e naj lewoj aibujuij bwe en juōn bokrōnat ñōn kwe.

10 Kwon roñjake, O nejiō, im bōk nan ko aō; inem yiō ko in am mour re naj lōñ.

11 Emwij aō katakin yuk ilo ial in meletlet; I ar tel yuk ilo ial ko re jime.

12 Ñe kwoj etetal, jetñakin neōm re jamin karu; im elañe kwoj etōr, kwo jamin jebep.

13 Kwon kanuij bōk katak; en jab illok jen kwe: kwon drebij e; bwe ej am mour.

14 Kwon jab dreloñ ilo ial an ro dri nana, im kwon jab etetal ilo ial an armij re jab wānik.

15 Kwon illok jen e, kwon jab etal iturin, kwon etal jeik e, im etal wōt.

16 Bwe re jab kiki, elañe re jab kōmōn nana; im e jab itok air kiki, elañe re jab latibñile juōn.

17 Bwerej mōña bred in jerawiwi, im rej irak wain in kokkure.

18 A ial an ro dru wānik ej einwōt maram ilo ien rantak, eo ej maramlok wōt ñōn ran e wāppen.

19 Ial an ro dri nana ej einwōt marok: re jaje ta eo ej lōkatipi ir.

20 Nejiō, kwon eoroñ nan ko aō, kwon kejaltok lojiliñōm ñōn aō kono.

21 Ren jab illok jen mejōm: kwon drebiji iloan buruōm.

22 Bwe ren men in mour ñōn jabrewōt ro rej loi, im mour emōn wōt ñōn aolepen kōniekir.

23 Kwon kanuij kejbārok buruōm elap jen men otemjej, bwe jen¹ e ej walok men ko men in mour.

24 Kwon jolok jen kwe loñōm e bōt, im tiōm re ankeke kwon jolok etolok jen yuk.

25 Mejōm ren lolok ijo iman, im kilin mejōm ren reilok jime imam.

26 Kwon kanuij lale im kapojōk ial in neōm, im etal otemjej am ren bin im jime.

27 Kwon jab jeor ñōn anbijmaroñ ak ñōn anmiñ: kwon kamōkit neōm jen men ko re nana.

5 Nejiō, kwon eoroñ aō meletlet; kwon kejaltok lojiliñōm ñōn aō jela lokjen:

2 Bwe kwon maroñ in drebij lemnok ko re jime, im bwe tiōm ren maroñ in kejbārok jela.

3 Bwe tien juōn kōra ekijoñ rej kowutlok hōni, im loñin e matōltil jen oil;

4 A ilo jemlokōn ej meo jen kabijlōñ, ekōñ einwōt juōn jāji ruo mejen.

5 Neen rej etallok ñōn mij; buñten neen rej tōbrōk Hedis;

6 Inem e jab lo ial emōn in mour: etal ko an re jab einwōt juōn, im e jaje kake.

7 Kin men in, nejiō, kwon eoroñ iō,

¹ Mat. 12. 34.

im kwon jab illok jen nan ko an loñiō.

8 Kwon etal jeik e, im jab kebaklok aor in mweo imōn;

9 Ñe ab kwon lelok am men in nebar ñōn bar jet, im yiō ko am ñōn ro dri lej:

10 Ñe ab ro drua maijet ren māt kin kajur eo am, im jerbak ko am ren ilo mweo imōn juōn drua maijet,

11 Im eliktata kwoj buromōj, ñe emwij kokkure kōniekōm im enbwiñōm.

12 Im kwoj ba, E nañin lap aō kar drike nan in katak, im buruō e kar kejekron nan in kowe;

13 Im I ar jab bokake ainiken dri kaki ro aō, ak kejallok lojiliñiō ñōn ro rar katakin iō!

14 I ar nañin ber ilo nana otemjej i bwiljin armij jarlipju.

15 Kwon irak dren jen aibij dreka eo am, im dren ko rej tortok jen aibij eo am.

16 Emōn ke unin dren ko am ren rukberber inabij, im river ko in dren ilo ial ko?

17 Ren ñōn kwe wōt, im jab ñōn ro drua maijet im kwe.

18 Unin dren eo am en jerammōn; im kwon mōnōnō kin lio beleōm jen ke kwar likao.

19 Einwōt juōn kiru hind e yokwe, im juōn dir kokōra emōn, tit ko titin ren kamāt yuk ien otemjej, im kwon mōnōnō wōt ien otemjelok kin an yokwe yuk.

20 Bwe kwe, nejiō, etke kwon mōnōnō kin juōn kōra ekijoñ, im atbokwoj ubōn juōn drua maijet?

21 Bwe etetal ko an juōn armij rej iman mejen Jeova; im Ej lale wōt ial ko an otemjej.

22 Kōmōn ko an re nana re naj jibwe eo dri jerawiwi, im naj drebij e kin to ko in jerawiwi eo an.

23 E naj mij kin an aikwij nan in katak; im ilo lapen men in bwebwe eo an, e naj jebwābwe wōt.

6 Nejiō, elañe emwij am naeamtōn iben juōn drua maijet, elañe

kwar kaitak peōm iben juōn druā maijet;

2 Inem emwij alukwe yuk kin nan ko jen loñōm, emwij jibwe yuk kin nan ko jen loñōm, emwij jibwe yuk kin nan ko jen loñōm.

3 Kwon kōmōn men in kiō, nejiō, im moke lomorōm, bwe emwij am itok iomin pein dri turōm: kwon ilok, kwon mōke kōtaik yuk, im akwelap ñōn dri turōm;

4 Kwon jab letok kiki ñōn mejōm, ak mijki ñōn kilin mejōm;

5 Kwon kōtlok yuk einwōt kiru dir kokōra jen pein dri kakiruru, im einwōt juōn bao in mejatoto jen pein dri kabao.

6 Kwon ilok ñōn iben kinōl eo, kwe eo, kwe dri jowōn; kwon lemnok kin ial ko an, inem kwon meletlet:

7 Eo ejelok an iroi, im ejelok dri lale jerbal, ak dri jorroj,

8 Ak ej kapojōk kabinoken ilo ien mǎnǎn, im ej aine kijen ilo jonikōn eo.

9 Ie toōn am naj kiki, O kwe dri jowōn? ñāt kwo naj jerkak jen am kiki?

10 Kwoj aorñijñij, im bōkpā bwe kwon bar kiki:

11 Ein drein am jeramel e naj itok einwōt juōn dri rakim, im am aikwij einwōt juōn armij eor ken tōrinae iben.

12 Juōn armij wan, juōn eman dri kōmōn nana, eo ej etetal im e bōt loñin;

13 Eo ej rummije, ej konono kin neen, eo ej kōmōn kakōle ko kin arin pein;

14 Ilo buruen eor añōte, eo ej kine nana ien otemjej, eo ej jeor men ko men in kaillu.

15 Kin men in jorran eo an e naj jarōpmōkōjtok; iumllok an naj rup, im ejelok men in bōprae.

16 Jiljino men Jeova ej drike; aet, jiljilimjuōn rej men in jōjōik iben:

17 Mejen dri añte, lo ej riōp, im pā ko rej katorlok bōtōktōk im ejelok ruōn;

18 Juōn buru ej kine bebe ko re

nana, ne ko e mōkōj air etōr ñōn kokkure,

19 Juōn dri kennan wan ej konono nan in riōp, im eo ej jeor men in kijbil jimjān jimjātin.

20 Nejiō, kwon kejbārok kien jemōm, im jab illok jen nan in kibel an jinōm:

21 Kwon lukwoji ien otemjej ion buruōm, kwon lukwoji i kenwam.

22 Ñe kwoj etetal e naj tel yuk; ñe kwoj kiki e naj mijrake yuk; im ñe kwoj ruj e naj konono ibōm.

23 Bwe nan in jiroñ juōn lamp; im kien ej maram; im nan in kowe ko im katak rej ial in mour:

24 Bweren kejbārok yuk jen kōra eo e nana, jen nan in etao in loen lio druā maijet.

25 Kwon jab mijkaiye an dreo ilo buruōm; im kwon jab kejik kin kilin mejen.

26 Bwe kin juōn kōra ekijoñ juōn man ej mōña mōtōn bred erik, im lio dri luñ ej kabukot mour eo e aurōk.

27 Juōn eman e maroñ in bōk kijeek na ilo ubōn, im nuknuk ko an re jamin urur ke?

28 Ak juōn e maroñ in etetal ion melle remour; im e jamin bwil neen ke?

29 Ein drein eo ej ilok ñōn iben lio belen dri turin; jabrewōt eo ej uñire, e naj or joñōn kwotōn ñōn e.

30 Armij re jab kejekron juōn dri kwot, elañe ej kwot bwe en joko an kwuli;

31 A elañe rej loe, e naj kōrraik jiljilimjuōn alen; e naj lelok aolepen mweiuk ko ilo mweo imōn.

32 Eo ej luñ iben juōn kōra, ej einwōt juōn dri bwebwe: eo ej kōmōn einwōt e kōnan kokkure an.

33 Kini, ko im men in kananaik, e naj bōki, im jamin jeorlok jen e jok eo an.

34 Bwe kin an juōn eman kamo e naj kanuij illu; e jamin tiriamo ilo ran in an kwi.

35 E jamin lemnok kin jabrewōt binmour; im e jamin jokōne, meñe

kwoj lelok ñōn e elōñ men in kaine-mōne.

7 Nejiō, kwon kejbārok nan ko aō, im likit kien ko aō na ibōm.

2 Kwon kejbārok nan in jiroñ ko aō im mour; im kien eo aō einwōt iju in mejōm.

3 Kwon lukwoji ilo arrin peōm; kwon jeji ilo buk in buruōm.

4 Kwon ba ñōn meletlet, Kwe kwoj jejiō im jātiō kōra; im naetan jelalokjen, lio nukōm:

5 Bwe ren kejbārok yuk jen kōra ekijoñ eo, jen lio drua maijet eo ej etaoik kin nan ko an.

6 Bwe ilo windo in mweo imō I ar reilok ikōtan taul ko;

7 Im I ar lo iben ro dri jajelokjen, I ar kili iben ro remōn drer, juōn likao im ejelok an meletlet,

8 Ke ej etetal ilo ial eo ebak ñōn kābon eo an lio; im e ar ilok ilo ial ñōn mweo imōn,

9 Ilo ran en lokōn al, ilo jotan eo, ilo lukwōn boñ, im ilo marok.

10 Im, lo, juōn e ar ion e, juōn kōra, nuknuk ko an einwōt kōra ekijoñ, im buruen e jela mon.

11 (E kōnan keroro im e bōt wōt; neen re jab berwōt iloan mweo imōn;

12 Kiō ej ilo ial ko, kiō ilo jikin eo e rābōkbōk, im ej kejar i kābon in ial otemjej.)

13 Ein drein e ar jibwe leo, im mejenmaik e, im ke e jab mejen jok e ar ba ñōn e:

14 Men in katok in ainemōn iba; ranin emwij aō kōllā nan in kanōjniñ ko aō.

15 Kin men in I ar drioiytok in wōnmae yuk, bwe in kanuij kabukot turin mejōm, inem I ar lo yuk.

16 I ar erlokwe ion kiniō koj ko re tiltil, im nuknuk eoute kin tred jen Ijpt.

17 I ar lijindrikrike kiniō kin mōr, im alos, im sinnemōn.

18 Kwon itok, jen kamāt kij kin yokwe mae jiboñ; jen mōke kaine-mōn kij kin yokwe ko.

19 Bwe leo e joko jen mweo imō, e ar ilok ilo juōn ial e aitok:

20 E ar bōklok na iben juōn bōjo in mōnni; e naj jeblaktok ñe eyu alin.

21 Kin an lōñ nan in etao an lio, ej karel e; kin etao an tien ej kaki-jirjir e.

22 E mōkōj an lore, einwōt juōn ox ej ilok ñōn jikin air mōn e, einwōt juōn ilo tomere ko ñōn kaje kin alal ko;

23 Mae ien an juōn mōri wie ajin; einwōt juōn bao in mejatoto ej jarōplok ñōn jen eo, im e jaje bwe men eo ej ñōn mour eo an.

24 Kin men in, ro nejiō, komin eoroñ iō, im kanuij lemnok kin nan ko jen loñiō.

25 Buruōm en jab jeorlok ñōn ial ko an lio; kwon jab jebwābwe ilo ial ko an.

26 Bwe e ar jolōllok elōñ im re kinijnij; aet, ro otemjej emwij an mōn ir, re jarlipju.

27 Mweo imōn ej ial ñōn Hedis, im ej wōnlōllok ñōn mo ko imōn mij.

8 Meletlet e jab lamij, im jelalokjen kwalok ainiken ke?

2 Ilo jabōn jikin ko re utiej iturin ial eo, ijo ial ko rej wōnmae dron, ej jutōk;

3 Iturin kejem ko, i mejāti in jikin kwelok, ijo rej dreloñlok ilo kejem ko, elap an lamij:

4 Ñōn kom, O lōma, ij kir; im aini-kiō ej ñōn ro nejin armij.

5 O komeo dri jajelokjen, komin jela wōt lolātāt; im kom dri bwebwe, komin meletlet ilo buruōmi.

6 Komin eoroñ, bwe I naj konono men ko remōn; ij walōñi tiō inem re naj walok men ko re jime.

7 Bwe loñiō e naj kwalok mol; in nana ej men in jōjōik ñōn tiō.

8 Nan ko otemjej jen loñiō rej wānik; ejelok men eo ej ankeke ak bōt ilo ir.

9 Ir otemjej rej alikar ñōn eo e jela kake, im re jime ñōn ro rej la jela-lokjen.

10 Komin bōk aō nan in katak, im jab silver; im jelalokjen e aurōk jen gold emōn.

11 Bwe meletlet emōn jen dreka rubi ko; im men otemjej kwoj maroñ in kōnan, re ban keire iben.

12 Ña, meletlet, I ar kōmōn lolātāt aō imōn jokwe, im ij lo jelalokjen im lemnok emōn.

13 Mijōk Jeova ej drike men kore nana: jua, im ablip, im ial eo e nana im loñin e ankeke, ña ij drike.

14 Aō, jela bebe, im meletlet emōn: ña, jelalokjen; kajur iba.

15 Kin ña kiñ ro rej kiñ wōt, im iroi ro rej kōmōn ekajet jime.

16 Kin ña iroi ro rej iroi, im bwirōk ro, aet, dri ekajet otemjej in lōl.

17 Ij¹ yokwe ro rej yokwe iō: im ro re kanuij kabukot iō re naj lo iō.

18 Mweiuk ko im nebar rej iba; aet, mweiuk ko kōnkel, im wānik.

19 Men ko leiō remōn jen gold, aet, emōn jen gold erre; im men in orlok iba remōn jen silver e aurōk.

20 Ij etetal ilo ial in wānik, i bwiljin ial ko in ekajet jime;

21 Bwe in kamaroñ ro rej yokwe iō bwe ren jolit mweiuk ko, im bwe in kobrōk jikin mweiuk ko air.

22 Ña I ar ber iben Jeova ilo jinoin ial eo An, mokta jen jerbal ko An jen eto.

23 Ar kajutōk iō jen in drio, jen jinoin, mokta jen an lōl in ber.

24 Ke e jañin or mulōl ko, ar keutak iō; ke e jañin or unin dren.

25 Mokta jen kabin tol ko, mokta jen tol ko redrik, emwij keutak iō;

26 Ke E jañin kōmōnmōn lōl in, ak melaj ko, ak jinoin bok in lōl.

27 Ke E ar kabin lōñ ko, ña eo ijo: ke E ar likit beliñ ion lojit,

28 Ke E ar kabin mejatoto ilōñ, ke unin dren ko in lojit re kajurlok,

29 Ke E ar lelok ñōn lometo belakin, bwe dren ko ren jab kokkure kien eo An, ke E ar likit loñtōk ko loñtōn lōl;

30 Ien eo I ar ber iturin, einwōt juōn dri mejerik; im I ar jitenburu iben ran otemjej, im I ar mōnōn ien otemjej iman,

31 Im mōnōnō kin lōl, jikin jokwe; im aō lōñliñ e ar iben ro nejn armij.

32 Kin men in, ro nejiō, komin eoroñ iō; bwe re mōnōnō wōt ro rej kejbārok ial ko aō.

33 Komin eoroñ nan in katak, im komin meletlet, im komin jab mako ko kake.

34 E mōnōnō armij eo ej eoroñ iō, im ej ekil ran otemjej ilo kejem ka aō, im ej kōtar i jur ko jurōn kejem ko aō.

35 Bwe jabrewōt eo ej lo iō, ej lo mour, im e naj lo joij in Jeova.

36 A eo ej bwir nae iō, ej kōmōn nana ñōn an: ro rej kijirāte iō, rej yokwe mij.

9 Meletlet eo e ar kalek mweo imōn; emwij an jekjek jiljilimjuōn jurōn:

2 E ar mōn kiru ko an; e ar kareik wain eo an; e ar bareinwōt kapōjōk an tebel:

3 E ar jilkinlok limaro dri korijeran; ej lamij ion jikin ko re utiej tata in jikin kwelok eo:

4 Jabrewōt eo erik an meletlet en dreloñtok: im kin eo ejelok an jelalokjen, ej ba ñōn e,

5 Komin itok, komin mōña jen aō bred, im komin irak jen wain eo emwij aō kareike.

6 Komin kajokwor, komeo dri bwe-bwe, inem mour: im etetal ilo ial in jelalokjen.

7 Eo ej kowe juōn dri kajirere, ej roñ nan in kejekron, im eo ej enoik juōn armij e nana, ej lo men in jok.

8 Komin jab kowe juōn dri kajirere, ñe e ab drike yuk: kwon kowe juōn dri meletlet, inem e naj yokwe yuk.

9 Kwon katakin juōn dri meletlet, im e naj jelalok: kwon katakin juōn dru wānik, im e naj orlok ilo men in katak.

10 Mijōk Jeova, jinoin meletlet; im jela kin Eo e kwojarjar, jelalokjen.

11 Bwe kin ña, naj korlok ran ko am, im yiō ko in am mour, re naj lōñlok.

12 Elaſie kwe kwoj meletlet, ñōn yuk wōt; im elaſie kwoj kajirere, kwe wōt kwo naj mōke inek kwonam.

13 Lio dri bwebwe ej keroro wōt, e dri jajelokjen, im ejelok an jela.

14 Im ej jijōt ilo kejem in mwēo imōn, ilo juōn ken jijōt i jikin reutie j in jikin kwelok eo,

15 Im kir ñōn ro rej elālok, ro rej etal jimekok ilo ial ko air:

16 Jabrewōt eo ejelok an meletlet, en dreloñtok ijin; im kin eo ejelok an jelalokjen, ej ba ñōn e,

17 Dren ko dren in kwot re tōñōl, im ekōn ko rej mōña ilo etino, ej men in mōnōnō.

18 A leo e jaje bwe jikin mij ijo: im bwe ro rej lolok e rej ilo mulōl ko an Hedis.

10 Jabōn kennan ko an Solomon.

Juōn nejin e meletlet, ej kamōñō-nōik jemen; a juōn nejin e dri bwebwe, ej men in erro ñōn jinen.

2 Mweiuk ko jen kōmōn nana, rej mweiuk wan; a kōmōn emōn ej lomoren jen mij.

3 Jeova e jamin likit bwe an eo e wānik en barōk; a Ej jibellok kōnan an eo e nana.

4 E jeramellok eo ej jerbal kin pā jatoktok; a pein eo ej owōjwōj ej korlok mweiuk ko.

5 Eo ej aine ilo ien mānān, ej nejin e meletlet; a eo ej kiki ilo ien joni-kōn, e men in kajokok.

6 Men ko men in mōnōnō rej ion bōran dru wānik; a loñin eo e nana ej libubu kin lej.

7 Ememej in ro dru wānik ej men in mōnōnō; a etan eo e nana e naj morkwunkwun.

8 Ro e meletlet burueir, re naj bōk kien ko; a dri bwebwe eo ej konono wan, e naj buñ.

9 Eo ej etetal jime, ej etetal ilo kajur; a eo ej kankeke ial ko an, e naj alikar.

10 Eo ej rummije, ej kōmōn nen in buromōj; a dri bwebwe eo ej konono wan, e naj buñ.

11 Loñin eo dru wānik ej unin mour; a loñin eo e nana e libubu kin lej.

12 Men in kakitōtō ej biuktōki akwail ko; a¹ yokwe ej kalibubu bwir ko otemjej.

13 Ilo tien eo jelalokjen ejiben, rej lo meletlet; a juōn ken dreñlokwe, ñōn eo ejelok jelalokjen iben.

14 Armij dri meletlet rej wunek-nek men in jela; a loñin dri bwebwe eo, ej men in kokkure iben.

15 Mweiuk ko an dri mweie, e jikin kwelok e kajur an; aikwij an ro dri jeramel, ej ken kokkure ir.

16 Jerbal an ro dru wānik, ej men in mour; orlok an ro dri nana, ej men in bwir.

17 Eo ej eoroñ nan in kowe, ej ilo ial in mour; a eo ej illok jen kowe, ej jebwābwe wōt.

18 Eo ej noje an kakitōtō, tien riōp na iben; im e bwebwe eo ej kwalok nan in riōp nae juōn.

19 Ilo nan ko relōñ, e jamin joko kōtōrei kien; a eo ej kōkabwirbwir tien, e dri meletlet.

20 Loen dru wānik, einwōt silver e aurōk; buruen ro dri nana, erik tok-jen.

21 Tien ro dru wānik rej najirik elōñ; a ro dri bwebwe re mij kin air aikwij jelalokjen.

22 Kejerammōn jen Jeova, ej namweien armij; im E jab kobaik buromōj na iben.

23 E men in kure ñōn juōn dri bwebwe, bwe en kōmōn nana; im ein drein meletlet, ñōn juōn armij in jelalokjen.

24 An dri nana lelōñ, e naj itok ion; im an dru wānik kōnan, naj lelok ñōn e.

25 Ñe e motelok aire eo, e joko ro dri nana; a eo dru wānik, e juōn loñtōk ñōn in drio.

26 Einwōt dren emūñ ñōn ñiin, im einwōt bat ñōn mejen, ein drein eo dri jowōn ñōn ro rej jilkinlok e.

27 Mijōk Jeova, ej kaitoklok ran ko; a naj kakaru yiō ko an ro dri nana.

28 Kejatrikrik an ro dru wānik, e naj men in mōnōnō; a kōtōmene an ro dri nana, e naj joko.

29 Ial an Jeova e juōn me e kajur fōn ro dru wānik; a ej ken kokkure fōn ro rej kōmōn nana.

30 Jamin kamōkit ro dru wānik; a ro re nana re jamin jokwe ilo eneo.

31 Loñin ro dru wānik ej kwalok meletlet; a lo eo e anekeke, naj bukwelok e.

32 Tien ro dru wānik, re jela men in kamōnōnōik; a loñin ro dri nana, rej konono anekeke.

11 Juōn ken paun wan ej men in jōjōik fōn Jeova; a ken paun e jime ej men in mōnōnō iben.

2 Ñe jua ej itok, ien eo ej waloktok jok; a meletlet ej ber iben ro retā.

3 Wānik an ro remōn, e naj tel ir; a añōtñōte an dri ketōk, e naj kokkure ir.

4 Mweiuk ko ejelok tokjeir, ilo ran eo ran in illu; a wānik ej lomoren jen mij.

5 Wānik an eo e wāppen, e naj kajime an etetal; a eo e nana, e naj buñ kin nana eo an.

6 Wānik an ro re jime, e naj lomor ir; a naj jibwe ro dri ketōk ilo bwir eo air.

7 Ñe e mij armij e nana, e jokolok kōtōmene eo an; im kejatrikrik in jab wānik e joko.

8 Emwij lomoren ro remōn jen jorran, im ro re nana rej binej jenkwair.

9 Kin loñin, armij eo e nana ej kokkure dri turin; a kin an jela, naj lomoren eo dru wānik.

10 Ke ro dru wānik re jerammōn, jikin kwelok eo ej mōnōnō; im ke ro re nana re joko, inem eor lamij.

11 Kin kejerammōn an ro remōn, emwij koutiej jikin kwelok eo; a kejebeplik e, kin loñin ro dri nana.

12 Eo ej kejekron dri turin, ejelok an meletlet; a juōn armij dri jelalokjen, ej ikōn wōt.

13 Eo ej etetal bōjik im ñiremij, ej kwalok men ko retino; a eo e tiljek an, ej noje men eo.

14 Ijo ¹ ejelok dri tel e meletlet,

armij rej buñ; a ilo elōñ dri bebe, ejelok uota.

15 Eo ej dri kamol iben juōn dru maijet, e naj jorran kake; a eo ej drike men in kamol, eo e jerammōn.

16 Juōn kōra e joi, ej jibarek nebar; im armij re lej, rej jibarek mweiuk ko.

17 Armij eo ej tiriamo, ej kōmōn emōn fōn an; a eo e lej, ej kejjorran kōniekin.

18 Ro re nana, rej jerbal kin wōnan mon; a eo ej jeor wānik, emol naj nawōnan.

19 Eo e bin ilo an wānik, e naj tōbar mour; im eo ej lore nana, ej kōmōn e fōn an mij.

20 Ro rej anekeke ilo burueir, re men in jōjōik fōn Jeova; a ro re wāppen ilo air etal, re men in mōnōnō iben.

21 Meñe ro re nana rej kapjere pein dron, joñōn kwotōn ej fōn eo a nana; a naj lomoren ro nejn eo e wānik.

22 Einwōt inōk gold ilo bodin juōn pig, ein drein juōn kōra e dreo, im ejelok jelalokjen iben.

23 Kōnan an eo e wānik, emōn wōt; a kōtōmene an eo e nana, libōpne in illu.

24 Eor men ej kijibliklok, im ej orlok wōt; im eor ej drebij jen joñōn ekar, a ej tellok wōt fōn aikwij.

25 Eo e joi in lelok, naj kamātōk e; im eo ej kaimlolo, naj kaimlolo e mōke.

26 Eo ej drebij korn, armij re naj kole; a men in jerammōn e naj ion bōran eo ej wiakake.

27 Eo ej kanuij kabukot men emōn, ej bukot joi; a eo ej kabukot men e nana, e naj itok fōn iben.

28 Eo ej liki mweiuk ko an, e naj buñ; a ro dru wānik re naj jerammōn einwōt bwilik e dril.

29 Eo ej kejjorran mweo imōn, e naj jolit kōto; im dri bwewwe eo, e naj korijeran eo e meletlet buruen.

30 Leen ro dru wānik, e juōn wikji in mour; im eo dri meletlet ej karek buruen armij rōn.

31 Lo, naj nawōnan ro dru wānik

12: 1

ilo lōl in; e nañin laplok iben eo e nana im dri jerawiwi.

12 Jabrewōt eo ej yokwe kowe, ej yokwe jelalokjen; a eo ej drike air enoik e, ej einwōt kiru ko.

2 Juōn armij emōn, e naj jibarek joij an Jeova; a juōn armij ej kine men ko re nana, E naj liakelok e.

3 Jamin kabin juōn armij kin kōmōn nana; a okran juōn dru wānik, jamin kamōkit e.

4 Juōn kōra emōn ej rojen bōran leo bele; a eo ej kōmōn men in jok, ej einwōt kut ilo dri ko drin leo.

5 Lemnok ko an dru wānik, re jime wōt; a bebe ko an ro dri nana, rej men in mon.

6 Nan ko an ro dri nana, rej nan in kejar bōtōktōk; a nan ko an dru wānik re naj lomor ir.

7 Ukōji ro dri nana, inem re joko; a mweo imōn ro dru wānik, e naj jutōk.

8 Rej nebar juōn armij, a eo e bōt buruen, naj kitōtōkake e.

9 Emōnlok eo rej kejekron e, im juōn korijeran iben, jen eo ej mōke nebar e, im ej aikwij bred.

10 Juōn armij dru wānik, ej lale mour an kiru eo an; a tiriamokake an ro dri nana, re lej.

11 Eo ej tōblōl brij eo an, elōñ ekōn iben; a eo ej lore armij wan, ejelok jelalokjen iben.

12 Eo dri nana ej kōnan aluk an armij re nana; a okran ro remōn ej jebar leen.

13 Ilo bwir an tien, juōn jen nōn armije nana; a eo dru wānik e naj itok jen jorran.

14 Juōn armij e naj māt kin emōn, jen leen loñin; im jerbal ko an pein juōn armij, naj kejeblak nōn iben.

15 ¹ Ial an juōn dri bwebwe, e jime ilo mejen; a eo e meletlet, ej eoroñ bebe.

16 Illu an juōn dri bwebwe, e mōkōj an walok; a juōn armij e meletlet, ej nej men in jok.

17 Eo ej konono mol, ej kwalok men in wānik; a juōn dri kennan riōp, ej kwalok mon.

18 Eor e jamōr an konono, einwōt wā ko an juōn jāji; a loen dri meletlet, ej mour emōn.

19 Tien mol e naj bin nōn in drio; a juōn loen riōp, e jarkaju.

20 Mon ej ilo buruen ro rej kine nana; a nōn ro dri bebe kin ainemōn, lōñliñ.

21 Ejelok jorran e naj walok nōn ro re wānik; a ro re nana, naj kobrōk ir kin nana.

22 Tien riōp, rej men in jōjōik nōn Jeova; a ro rej kōmōn mol, rej kabuñburuen.

23 Juōn armij e meletlet, ej noje an jela; a buruen ro dri bwebwe, ej kwalok bwe re jajelokjen.

24 Pein eo dri owōn, e naj iroi; a ro re jowōn, naj likit ir iomin jerbal in kien.

25 Men in erro ilo buruen armij, ej kokmwil e; a nan emōn ej kabuñburuen.

26 Dru wānik eo, ej dri jineit nōn dri turin; a ial an ro re nana, ej kabwir ir.

27 Dri jowōn e jab kōmāte men eo e kar jibwe ilo ien kakiruru; a men in aurōk an armij rōn, ej nōn ro re owōn.

28 Ilo ial in wānik, mour; im ilo etetal ie, ejelok mij.

13 Juōn nejin e meletlet, e jeoroñ katak an jemen; a juōn dri kajirere, e jab eoroñ nan in kowe.

2 Juōn armij e naj mōña emōn, jen leen loñin; a kōnan an dri ketōk, lej.

3 Eo ej kanuij lale loñin, ej kejbārok an mour; a eo e kanuij kablok tien, e naj jorran.

4 An eo dri jowōn e kōnan, im ejelok iben, a naj kamātōk an eo e owōn.

5 Juōn armije wānik, ej drike riōp; a juōn armij e nana, e men in jōjōik im ej lo jok.

6 ¹ Wānik ej lale eo e jime ilo ial eo; a nana ej ukōj dri jerawiwi.

7 Eor ej mōke namweien, a ejelok iben; eor ej mōke kejeramel e, ijoke elōñ an mweiuk.

8 Binmour an armij, mweiuk ko

an; a dri jeramel e jab roñjake nan in kaleññoñ.

9 Maram eo an dru wānik, ej mōnōnō wōt; a naj kwuni lamp eo an eo dri nana.

10 Kin jua, ej itok akwail wōt; a iben ro emōn mwilir, eor meletlet.

11 Mweiuk ko, ñe rej jibareki kin wan, e naj driklok; a eo ej aine kin jerbal, e naj orlok iben.

12 Kōtōmene, ñe e rumijtok, ej kōmōn bwe buruen e nañinmij; a ñe men in kōnan ej waloktok, ej wijki in mour.

13 Eo ej kejekron nan, ej mōke kekake kokkure na ion; a eo ej mijōk kien, naj nawōnan.

14 Kien ro dri meletlet, e juōn unin mour, bwe juōn en ko jen aluk ko in mij.

15 Jelalokjen emōn, ej letok joij; a ¹ial an dri bwir, e bin wōt.

16 Jabrewōt armij e jela bebe, ej jerbal kin jelalokjen; a juōn dri bwebwe, ej kalikarlok an jajelokjen.

17 Juōn dri jilik e nana, ej buñlok ilo bwir; a juōn dri keañ e tiljek, ej men in mour.

18 Jeramel im jok, re naj iben eo ej abwin nan in kowe; a eo ej eoroñ nan in enoik, naj nebar e.

19 Ñe emwij kōmōn men in kōnan, ej men in tōñōl ñōn an; a men in jōjōik ñōn ro dri bwebwe, bwe ren illok jen nana.

20 Kwon etetal iben ro dri meletlet, inem kwo naj meletlet; a eo ej komao iben ro dri bwebwe, e naj jorran kake.

21 Nana ej lukworkwor ro dri bwebwe; a ro dru wānik, naj wōnair kin men emōn.

22 Juōn armij emōn ej likit men in jolit ñōn ro jibwin; im emwij na kabinkōn dru wānik kin mweiuk ko an dri nana.

23 Elōñ mōña ilo jikin kallip an ro dri jeramel; a eor e jorran kin jab wānik.

24 Eo ej ²drebij wōt alal in kaje, ej dike nejn; a eo ej yokwe e, ej ³kajeik e ilo ien ekar.

25 Dru wānik eo ej mōña ñōn kamāt an; a lojien eo e nana e naj aikwij.

14 Jabrewōt kōra e meletlet, ej kalek mweo imōn; a lio e bwebwe, ej jolōllok e kin pein.

2 Eo ej etetal ilo an wānik, ej mijōk Jeova; a eo ej bōt ilo ial ko an, ej kejekron E.

3 Ilo loñin dri bwebwe, juōn alal ñōn jua eo an; a tien ro dri meletlet, re naj kejbārok ir.

4 Ijo ejelok ox ej ber ie, jikin mōña erre; a eorlok elap, jen kajur in ox ko.

5 Juōn dri kennan e tiljek, e jamin riōp; a juōn dri kennan wan, e naj kwalop riōp ko.

6 Juōn dri kajirere, ej bukot meletlet im e jab loe; a e biruru jela ñōn eo jelalokjen iben.

7 Kwon dreloñlok na iben juōn armij e bwebwe, im kwo jamin kili tien jela iben.

8 Meletlet an dri jelalokjen, bwe en jela wōt ial eo an; a bwebwe an dri jajelokjen, men in mon.

9 Juōn men in katok bwir, ej kajirere kake ro dri bwebwe; a iben ro dru wānik, eor joij emōn.

10 Buru, e jela wōt an meo; im juōn drua maijet e jamin droebep ilo lōñliñ eo an.

11 Mweo imōn eo e nana, naj jolōllok e; a im nuknuk an eo e wānik, e naj jerammōn.

12 Eor ¹ial einwōt ial e jime ñōn juōn armij; a ²jemlokōn, ial ko in mij.

13 Ilo ien tōñ, buruen armij ej buromōj; im jemlokōn lea, ej men in erro.

14 Eo ej birilok ilo buruen, naj kobrōk e kin ial ko an; im juōn armij emōn, e naj jokōne ilo e mōke.

15 Dri bwebwe eo, ej tōmak nan otemjej; a armij dri jelalokjen, ej kanuij lale an etetal.

16 Juōn armij e meletlet ej mijōk, im illok jen nana; a dri bwebwe eo, ej kōmōn men in kejekron im e utiej buruen.

17 Dri burukaru e naj kōmōn men

in bwebwe; im juōn armij ej kine men ko re nana, rej kijirāte.

18 Ro dri jajelokjen, rej jolit men in bwebwe; a ro dri jelalokjen, rej kabelbil ir kin jela.

19 Ro dri nana rej barikrik jen iman ro remōn; im ro dri bwir, ilo kejem ko an ro dru wānik.

20 Eo e jeramel, dri turin ej bareinwōt kijirāte; a elōñ ro jeran eo dri mweie.

21 Eo ej kejekron dri turin, e bwir; a eo ej tiriamokake ro re jeramel e mōnōnō wōt.

22 Re jab bwir, ro rej kine men ko re nana ke? a tiriamokake im mol, re naj ñōn ro rej kine men emōn.

23 Eor tokjen ¹jabrewōt jerbal; a konono in tien ej bōktok wōt jeramel.

24 Rojen bōran ro dri meletlet, mweiuk ko air; a utiejen ro dri bwebwe ej bwebwe wōt.

25 Juōn dri kennan emol, ej lo-moren air; a eo ej konono riōp, ej kōmōn men in mon.

26 Ilo mijōk Jeova, eor liki e kajur; im ro nejn, re naj lo jikin kone.

27 Mijōk Jeova, juōn unin mour; bwe juōn en illok jen aluk ko in mij.

28 Elōñ armij, men in jualōñlōñ ñōn kiñ eo; a ilo an aikwij ro dri kajur, men in kokkure ñōn iroi eo.

29 Eo e ²rumij an illu, jelalokjen elap iben; a eo e mōkōj an illu, ej koutiej men in bwebwe.

30 Buru e ainemōn, ej mour ñōn kōniekin; a junmar ej einwōt kut ilo dri ko drin.

31 Eo ej kejjorran ro dri jeramel, ej kinaklok Eo Dri Kōmōnmōn e; a eo ej tiriamokake eo e jeramel, ej nebar E.

32 Emwij jolōllok eo dri nana ilo bwir eo an; a eo dru wānik, juōn an jikin ko ñe e mij.

33 Meletlet ej berwōt ilo buruen eo jelalokjen iben; a men eo ilo buruen ro dri bwebwe, naj kwaiok e.

34 Men in wānik ej ³koutiej juōn ailiñ; a jerawiwi, men in kinaklok ñōn jabrewōt ailiñ.

35 Joij an kiñ eo, ñōn dri korijeran

ej kōmōn meletlet; a illu eo an, naj ñōn eo ej kōmōn men in jok.

15 Nan in uak e joi, ej kajeorlok illu; a nan e bin, ej biuktōki illu aitok.

2 Loendri meletlet, e jime an kwailōk jelalokjen; a loen ro dri jajelokjen, ej katorlok men in bwebwe.

3 Mejen Jeova rej ber ijoko otemjej; im rej lali ro remōn im ro re nana.

4 Lo eo e joi, juōn wijki in mour; a añōtñōte iloan, men in rupe buruen.

5 Juōn dri bwebwe ej kejekron kaje an jemen; a eo ej bokake nan in kowe, ej jibarek jelalokjen.

6 Ilo mweo imōn dru wānik, elōñ mweiuk; a ilo men in jibarek ko an ro dri nana, eor jorran.

7 Tien ro dri meletlet rej kijibliklik jelalokjen; a buruen dri bwebwe, e jab kōmōn einwōt.

8 Katok ko an ro dri nana, men in jōjōik ñōn Jeova; a jar an eo dru wānik, men in mōnōnō iben.

9 Ial eo an dri nana, men in jōjōik ñōn Jeova; a Ej yokwe eo ej lore men in wānik.

10 Juōn kaje erro, ñōn eo ej illok jen ial eo; im eo ej drike nan in kowe, e naj mij.

11 Hedis im Abadon rej iman mejen Jeova; inem e nañin laplok buru ko buruen ro nejn armij.

12 Juōn dri kajirere, e jab yokwe air kowe e; e jamin ilok ñōn iben ro dri meletlet.

13 Juōn buru e mōnōnō, ej kamōnōnik turin mejen; a kin buromōj in buruen, emwij rupe an.

14 Buruen eo e jelalokjen, ej kabukot men in jela; a loñin ro dri bwebwe, ej mōña men in bwebwe.

15 Ran otemjej an ro emwij kejjorran ir, re nana; a eo e mōnōnō buruen ien otemjej, juōn kwojkwoj iben.

16 Emōnllok jirik mweiuk, kab mijōk Jeova, jen ñe mweiuk ko relōñ, im jorran ibeir.

17 Emōnllok mōña koninene, ijo yokwe ej ber, jen ñe juōn ox e uwe, im eor kijirāt.

18 Juōn armij elulu, ej biuktōk akwail; a eo e rumij an illu, ej kainemōn akwail.

19 Ial an dri jowōn, einwōt juōn worwor kāliklik; a ial an dru wānik, emwij kōmōne im alikar.

20 ¹Nejin man e meletlet, ej kamōnōnō jemen; a juōn nejin man e bwebwe, ej kejekron jinen.

21 Men in bwebwe, einwōt mōnōnō ñōn eo ejelok meletlet iben; a juōn armij in jelalokjen, ej kajime an etetal.

22 Ijo ejelok bebe, emwij kajitokjen lemnok ko mokta; a ijo elōñ dri bebe, emwij kabin lemnok ko.

23 Juōn armij ej lōñliñ kin nan in uak jen loñin; im juōn nan ilo ien ekar, e nañin emōn wōt.

24 Ñōn dri meletlet, ial in mour ej wōñliñlok, bwe en katoane Hedis.

25 Jeova e naj kōtepi mweo imōn dri jua; a E naj kabin tōreren wāto an kōra eo e joko belen.

26 Men in kine re nana, men in jōjōik ñōn Jeova; a nan ko nan in mōnōnō, reeo.

27 Eo ej arōk mweiuk ko, ej ke-jorran mweo imōn; a eo ej drike men in kabwiloklok mej, e naj mour wōt.

28 Buruen dru wānik, ej kalomōnlokjen kin an uak; a loñin eo e nana, ej katorlok men ko re nana.

29 Jeova ej etelok jen dri nana; a Ej eoroñ jar an dru wānik.

30 Maram in mej, ej kamōnōnōik buru; im nan ko remōn, rej kamātōk dri ko.

31 Lojiliñin eo ej eoroñ nan in kowe in mour, e naj berwōt iben ro dri meletlet.

32 Eo ej ²abwin nan in kowe, ej kejekron an; a eo ej eoroñ nan in kowe, ej jibarek jelalokjen.

33 Mijōk Jeova, ej nan in katan meletlet; im mokta jen nebar, ej walok etā buru.

16 Bebe ko an buru, jen armij; a uak in lo, jen Jeova.

2 Ial ko otemjej an juōn armij re-

reo ilo mejen; a Jeova ej joñwe jitōb ro.

3 ¹Kwon likit jerbal ko am na iben Jeova, im naj kabin bebe ko am.

4 Jeova e ar kōmōn men eo jabrewōt ñōn tokjen; aet, ro dri nana ñōn ran in jorran.

5 Jabrewōt eo e utiej buruen, ej men in jōjōik ñōn Jeova; meñe pā ej rajitōk pā, e jamin ko jen joñōn kwōtōn.

6 Kin tiriamo im mol, emwij mirik kin kōmōn bwir; im kin mijōk Jeova, armij rej ilok jen nana.

7 Ke ial ko an juōn armij rej kabuñburuen Jeova, Ej kōmōn bwe re dri kijirāte ren ainemōn iben.

8 ²Jirik wōt iben wānik, emōnlok jen orlok ko relap kin jab wānik.

9 Buruen juōn armij ej kine ial eo an; a Jeova ej kajime jetñakin neen.

10 Juōn nan jen Anij ilo tien kiñ eo; loñin e jamin bwir ilo ekajet.

11 Ken paun ko re jime, an Jeova; men in paun otemjej ilo bōjo, jerbal eo An.

12 E men in jōjōik ñōn kiñ ro ña rej kōmōn bwir, bwe kabin tron eo kin wānik.

13 Tien wānik, re men in ainemōn iben kiñ ro; im rej yokwe eo ej konoño jime.

14 Illu an juōn kiñ, einwōt ro dri jilik in mij; a juōn armij e meletlet, e naj kainemōne.

15 Ilo maram jen mejen kiñ eo, mour; im an joiy ej einwōt kōro in wut eliktata.

16 E nañin emōnlok jibarek meletlet jen gold! aet, jibarek jelalokjen, emōnlok kālet e jen silver.

17 Ial e alikar an ro dru wānik bwe ren illok jen nana: eo ej kejbārok an ial ej lomoren an.

18 Ablip ej ilok iman kokkure, im utiej buru iman buñ.

19 Buru etā iben ro dri jeramel, emōnlok jen ajej men in rakim iben ro dri jua.

20 Eo ej lale nan eo, e naj lo men emōn: im eo ej liki Jeova, e jeram-mōn.

21 Eo e meletlet ilo buruen, naj naetan dri jelalokjen; im tōñōl in tien, ej korlok men in katak.

22 Jelalokjen ej aibij in mour ñōn eo ej iben; a men in kajeik ro dri bwebwe, bwebwe eo air.

23 Buruen dri meletlet ej katakin loñin; im ej korlok men in katak ñōn tien.

24 Nan ko nan in joi j rej einwōt men eo nien hōnni, re tōñōl ñōn an, im men in mour ñōn dri ko.

25 Eor ial einwōt e jime ñōn juōn armij, a jemlokōn, ial in mij.

26 Kwuli an juōn dri jerbal, ej jerbal ñōn e; bwe loñin ej bikbikire e ñōn men in.

27 Juōn armij wan ej kine jorran; im ilo tien, einwōt kijeek e urur.

28 Juōn armij dri ankeke ej kijibiliklik akwail; im juōn dri unojrikrik ej kijbil ro rej jimjeran.

29 Juōn armij e kōtōrei, ej karel dri turin; im tellok e ilo juōn ial e jab emōn.

30 Eo ej kil mejen bwe en kine men ko re ankeke, eo ej karim loñin, ej kōmōn men ko re nana.

31 Uōn in juōn armij ej belin aibujuij, elañe rej loe ilo ial in wānik.

32 Eo e rumij an illu, emōnlok jen eo e kajur; im eo ej iroi ion buruen, emōn jen eo ej jibwe juōn jikin kwelok.

33 Emwij likit kakōle ko na ilo bōjo; a Jeova eo ej kālet.

17 Juōn mōtōn mōña e mōra, im ainemōn iben, emōnlok jen juōn im e obrōk kin kwojkwoj ko, im eor akwail.

2 Juōn dri korijeran ej kōmōn meletlet, e naj iroi ion nejn eo e kajokok, im e naj bōk mōtōn jolit iben ro nejn.

3 Ken kōmāt ñōn silver, im ubaj ñōn gold; a Jeova ej melejoñ buru ko.

4 Juōn dri kōmōn nana, ej eoroñ tien ko re bwir; im dri riōp ej eoroñ juōn lo ej konono nana.

5 Jabrewōt eo ej kajirere kake ro dri jeramel, ej kinaklok Eo Dri Kōmōnmōn e; im eo ej mōnōnō kin jorran, e jamin ko jen joñōn kwotōn.

6 Ro jibwin rej rojenbōr ñōn lōlap ro; im aibujuij an ro nejir, ro jemair.

7 Wājeberik e jakkar ñōn juōn dri bwebwe; e nañin laplok an jakkar tien riōp ñōn juōn iroi.

8 Wōnan einwōt dreka e aurok iman mejen eo ej ber iben; ijoko jabrewōt ej ukottōk ie, ej amene.

9 Eo ej jurlok juōn bwir, ej bukot yokwe; a eo ej mōramrōm kin juōn men, ej kijbil ro rej jimjeran.

10 Juōn nan in kowe e laplok an dreloñlok iben juōn dri meletlet, jen jibuki dribitbit ilo juōn dri bwebwe.

11 Juōn armij e kirikrik ej kabukot wōt kabata; inem re naj jilkinlok dri kabwijrōk elej nae e.

12 Emōnlok bwe juōn eman en wōnmae kiru baer emwij bōk jen nejn, jen an ion juōn dri bwebwe ilo bwebwe eo an.

13 Jabrewōt eo ej nawōnan emōn kin nana, jorran e jamin illok jen mwēo imōn.

14 Jinoñ akwail, einwōt ke juōn ej katorlok dren; inem emōn likit likarek, bwe en ejelok akwail.

15 Eo ej kowānik dri nana, im eo ej liakelok dru wānik, irro re jimor men in jōjōik ñōn Jeova.

16 Etke men in wiaik meletlet ilo peñ dri bwebwe, bwe ejelok jelalokjen iben?

17 Juōn jeran ej yokwe ien otemjej; im juōn jein im jātin, e ar lotak bwe en dri jibōñ ilo ien jorran.

18 Juōn armij ejelok jelalokjen iben, ej kaitak pā, im ej men in kabn bebe ko iman mejen dri turin.

19 Eo ej yokwe akwail, ej yokwe bwir; eo ejkoutiej aor in worwor eo an, ej bukot kokkure.

20 Eo buru in jebwābwe iben, ej lo ejelok emōn; im eo e bōt loen, ej buñ na ilo jorran.

21 Eo ej keutak juōn dri bwebwe, ej kōmōne ñōn an buromōj; im ejelok mōnōnō iben jemen dri bwebwe.

22 Juōn buru emōnōnō ej einwōt uno emōn; a buru e rup ej kajeik dri ko drin.

23 Juōn armij e nana ej bōk wōnan

bwir jen ubōn, bwe en kankeke ial ko in wānik.

24 Meletlet ej iman mejen eo jela-lokjen iben; a mejen juōn dri bwe-bwe ej mejeklok jabōn lōl.

25 Juōn nejin e bwebwe, e men in buromōj nōn jemen; im men e meo nōn lio e ar keutak e.

26 Bareinwōt kōmōn joñōn kwotōn nōn eo dru wānik e jab emōn, ak mōn leatōktōk ro kin air wānik.

27 Eo ej kaletlok nan ko an, eor jela iben; im eo ej kemer buruen, e juōn armij in jelalokjen.

28 Juōn dri bwebwe nē ej kejek-lokjen, rej lemnok e meletlet; ke ej kili tien, rej lemnok e dri jelalokjen.

18 Eo ej mōkelok ian, ej kabukot kōnan eo an, im ej lej nae meletlet otemjej e keie.

2 Juōn dri bwebwe e jab mōnōnō ilo jelalokjen, a men in wōt bwe buruen en kwalok e mōke.

3 Nē dri jerawiwi rej itok, ien ej itok bareinwōt kejekron, im iben men in kajok, ej itok kinaklok.

4 Nan ko jen loñin armij, einwōt dren ko re mulōl; aibij in meletlet ej einwōt juōn river ej torlok.

5 E jab emōn bōk nōn buruen dri jerawiwi, ak jibel ion dru wānik ilo men in ekajet.

6 Tien juōn dri bwebwe rej owa-juij ilo akwail, im loñin ej kaltok dri-bitbit ko.

7 Loñin dri bwebwe ej men in kokkure nōn e, im tien, aluk nōn buruen.

8 Nan ko an juōn dri unojrikrik, einwōt jimatol ekōn renno, im rej wōnlōllok na ilo mōtōn ko ilujentata.

9 Bareinwōt eo e jowōn ilo jerbal eo an, ej jein im jātin eo ej dri kokkure.

10 Etan Jeova juōn imōn bar e kajur; dru wānik ej kone inem ejelok an uota.

11 Mweiuk ko an juōn dri mweiē, an jikin kwelok e kajur, im einwōt worwor e utiej ilo lemnok eo an.

12 Mokta jen kokkure, buruen armij e añte; im mokta jen koutiej, ej walok etā buru.

13 Eo ej uak mokta jen an roñjake, eñin men in bwebwe im kajok nōn e.

14 Buruen armij e naj kaberber e ilo an mōjino; a wōn e maroñ kaberber e nē e rup buruen.

15 Buruen dri jelalokjen, ej jibarek jela; im lojiliñin dri meletlet, ej kabukot jela.

16 Men in lelok an juōn armij, ej najikin, im añinlok e na iben armij re utiej.

17 Eo ej kwalok kin kōmōn ko an mokta, einwōt e wānik; a dri turin ej itok im kwalok e alikar.

18 Kakōle eo ej kajemlok akwail ko, im ej kijbil ro re kajur wōt.

19 Ebin kainemōn jimjān jimjātin nē e illu, jen bōk jikin kwelok e kajur; im akwail rōt in, rej einwōt alal ko in juōn me e kajur.

20 Lojen juōn armij e naj obrōk kin leen loñin; e naj māt kin leen tien.

21 Mij im mour, rejro ilo maroñ in lo; im ro rej yokwe men in, re naj mōña leen.

22 Jabrewōt eo ej lo juōn kōra belen, ej lo juōn men emōn, im ej jibarek joij jen Jeova.

23 Dri jeramel ej kōmōn akwelap ko; a ro dri mweiē rej uak kin lej.

24 Eo ej jeraik elōñ, ej kōmōn men in nōn an jorran; a eor juōn jera ej edrep wōt jen juōn jein im jātin.

19 Dri jeramel eo ej etetal ilo an wānik, emōn jen eo ej ankeke ilo tien, im ej dri bwebwe.

2 Bareinwōt elañe lolātāt ej aikwij jela, e jab emōn; im eo eur neen, e jebwābwe.

3 Men in bwebwe an juōn armij, ej ukot ial eo an; im buruen ej nōrñōre Jeova.

4 Mweiuk ko rej korlok jeran; a emwij kijbil dri jeramel jen jeran.

5 Naj lelok joñōn kwotōn nōn dri kennan riōp; im eo ej konono riōp ko e jamin ko.

6 Elōñ re naj kajitōk men ko iben armij eo e joij; im armij otemjej rej jeraik eo ej lelok mweiuk ko.

7 Ro jimjān jimjātin dri jeramel rej kijirāte; e nañin laplok an ro jeran ilok etolok jen e! ej lukworkwor ir kin nan ko, a re joko wōt.

8 Eo ej bōk meletlet, ej yokwe mour eo an; eo ej kejbārok jelalokjen, e naj lo emōn.

9 Juōn dri kennan riōp e ban ber im jab lo joñōn kwotōñ; im eo ej kwalok nan wan, e naj joko.

10 Mour kin wialōñlōñ e jakkar ñōn juōn dri bwebwe; e nañin riklok an ekar ñe juōn korijer e utiej jen irioij ro.

11 Jelalokjen an juōn armij ej kōmōn bwe en rumij an illu; im ej men in kaibujuij ñōn e, bwe en kejekron juōn bwir.

12 Illu an kiñ eo, einwōt ñōr an juōn laion; a joiij eo an einwōt molawi ion ujoij.

13 Juōn nejin e bwebwe, ej men in jorran ñōn jemen; im akwail ko an lio ñōn leo belen, rej einwōt biliñliñ eo ejelok jemlokōn.

14 Mwēo im mweuiuk ko, men in jolit jen ro jemeir; a juōn kōra belen im e jelalokjen, jen Jeova.

15 Jowōn ej kakiki mitōñ; im dri jowōn e naj jorran kin kwuli.

16 Eo ej kejbārok kien eo, ej kejbārok an mōur; a eo e jab lale ial ko an, e naj mij.

17 Eo ej tiriamokake ro dri jeramel, ej lelok ñōn Jeova, im E naj nawōnan kin an kōmōn emōn.

18 Kwon kajeik nejōm, ke eor kōtōmene; im kwon jab likit buruōm ñōn iñtan.

19 Juōn armij elap an illu, e naj bōk joñōn kwotōn; bwe elañe kwoj lomoren, kwon bar lomoren wōt.

20 Kwon eoroñ nan in bebe, im bōk nan in katak bwe kwon melelet ilo jemlokōn tata.

21 Elōñ lemnok ilo buruen armij; mekarta, bebe an Jeova e naj bin wōt.

22 Men in kañōlñōl an juōn armij, joiij eo an; im juōn dri jeramel, emōn jen dri riōp.

23 Mijok Jeova ej jibōñ mour. im eo men in iben, e naj ber im jokōne, im jorran ko re jamin itok ion.

24 Dri jowōn eo ej katulok peir na ño jābi, im e jab kōnan bar bōktok e ñōn loñin.

25 Ñe kwoj abrare juōn dri kajirere, inem dri bwebwe re naj katak jelalokjen; in: ñe kwoj kowe juōn eor meletlet iben, e naj jela nan in katak.

26 Eo ej mōn jemen im kokōke jinen, e juōn nejin kajokok, im kōmōn men in kinaklok.

27 Nejiō, ñe kwoj kajemlok am eoroñ nan in katak, kwo naj jebwābwe wōt jen nan ko nan in jela.

28 Juōn dri kennan wan ej kajirere kake wānik; im loñin eo dri nana ej warōñlok bwir ko.

29 Emwij kapojōk nan in ekajet ñōn ro dri kajirere, im dribitbit ko ñōn elikin ro dri bwebwe.

20¹ Wain ej dri kajirere, dren in karek ej dri akwail; im jabrewōt eo ej bwir kake, e jab meletlet.

2 Men in kaleñōñ jen juōn kiñ, einwōt ñōrñōr in laion; eo ej kaillu e, ej kouotata kin mour 30 an.

3 Men in nebar ñōn juōn armij, bwe en mōke kejbārok e jen akwail; a ro dri bwebwe otemjej re naj akwail wōt.

4 Dri jowōn e jab kōnan tōblōl bwe ien bio; kin men in, e naj oor ilo ien marmir, im ejelok iben.

5 Bebe ilo buruen armij, einwōt dren ko re mulōl; a juōn dri jelalokjen e naj ture.

6 E nañin aolepen armij re naj mōke kabuñbuñlok air joiij; a juōn dri tiljek, wōn e maroñ in loe?

7 Juōn dru wānik eo ej etetal ilo an jime, e mōnōnō ro nejin tokelikin.

8 Juōn kiñ ej jijōt ion tron in ekajet, ej kijibliklok nana otemjej kin mejen.

9 Wōn eo e maroñ in ba, Emwij aō karreoik buruō, I kwojarjar jen bwir eo aō.

10 Ken paun ko kab joñōk ko kaju wāweir, irro otemjej men in jōjōik iben Jeova.

11 Aet, juōn ajiri ej mōke² kwalok e kin kōmōn ko an, elañe jerbal eo an erreō, im elañe e jime.

12 Lojiliñ eo ej roñjake, im mej eo ej lo, Jeova e ar kōmōn ir.

13 Kwon jab yokwe kiki, ñe kwō,

ab jeramel wõt: kwon ruj, inem kwo naj māt kin ekōn.

14 E nana, e nana, dri wiaik eo ej ba; a ke e motelok, inem ej kimjāji kake.

15 Eor gold, im elōñ dreka rubi ko; a tien jelalokjen rej juōn inōk-e aurōk.

16 Kwon bōk kobe eo an juōn ej dri kamol muri ñōn juōn druā maijet: in kwon drebij kin nan in kalimur, eo ej dri kamol ñōn ro druā.

17 Bred in riōp enno ñōn juōn armij; a tokelik, loñin e naj obrōk kin bok.

18 Emwij kabin jabrewōt lemnok mokta, kin bebe kake; im kwon kōmōn tōrinae kin teljar ilo meletlet.

19 Eo ej etal bōjik im kwalok nan ko, ej kalikar men ko retino; inem kwon jab komao iben eo e loñin mej-wōnwōn.

20 Jabrewōt eo ej kole jemen ak jinen, naj kwuni lamp eo an ilo kabin marok.

21 Juōn e maroñ in mōkōj im bōk jolit ilo jinoin; a jemlokōn e jamin men in kejerammōn.

22 Kwon jab ba, Ña I naj nawōnan nana eo; kwon kōtare Jeova, im E naj lomorōm.

23 Men in paun ko kaju wāweir, re men in jōjōik ñōn Jeova; im ken paun e riōp, e jab emōn.

24 Etetal an juōn armij, re jen Jeova; inem ekijkan an juōn armij maroñ in melele ial eo an?

25 Ej juōn aluk ñōn juōn armij ñe e mōkōj in ba, E kwojarjar, im elikin an kalimur, ej kajitōk kake.

26 Juōn kiñ e meletlet ej likliki ro dri nana, im ej bōk ioir ken nowe wit e rolul.

27 An juōn armij ej lamp an Jeova, im Ej kabukot men ko otemjej ilōan.

28 Joij im mol rej kejbārok kiñ eo; im emwij jebōk tron eo an kin joij.

29 Aibujuij an likao ro, kajur eo air; im men in kalitlit lōlap ro, bōrair re uōn.

30 Ubrare ko rej kakiniijnij, rej karreolok nana; im dribitbit ko rej tōbrōk mōtōn enbwinin ko ilōan tata.

21 Buruen kiñ ej ilo pein Jeova, einwōt ialin river; ej kajeorlok e ijoko jabrewōt E kōnan.

2 Ial otemjej an juōn armij re jime ilo mejen; a Jeova ej¹ joñwe buru ko.

3 Kōmōn wānik im ekajet jime, elaplok an kabuñburuen Jeova jen men in katok.

4 Mōjer im buru e utiej, im kallip an ro dri nana, re bwir.

5 Lemnok ko an dri owōn, re mer in jerammōn; a jabrewōt eo e eur ilo bebe, ej jarōplok ñōn aikwiji.

6 Jibarek mweiuk ko kin lo e riōp, e juōn tap biok bōjik, men in mij ñōn ro rej bukot e.

7 Koaroñ ro dri nana, e naj bioklok ir, kin air jab kōnan kōmōn men ko re wānik.

8 Ial an eo ej bōbanbani men ko ruōn, e kanuij ankeke; a kin eo erreo, e jime jerbal eo an.

9 Emōnlok jokwe ilo juōn jabōn kejenwan, jen iben juōn kōra e jeme-me ilo juōn im elap.

10 An dri jerawiwi e kōnan nana; dri turin e jamin lo joij iman mejen.

11 Ñe kajeik dri kajirere eo, inem kameletlet dri bwebwe; im ñe katakin dri meletlet, ej bōk jelalokjen.

12 Dru wānik ej kalomōnlokjen kin mweo imōn dri nana, ekijkan jolōllok ro dri bwir ñōn kokkure ir.

13 Jabrewōt eo ej binej lojiliñin jen lamij an ro dri jeramel, e naj bareinwōt lamij, a jamin roñjake.

14 Juōn men in lelok ilo etino, ej kainemōn illu; im men in lelok ilo ubōn, ej kainemōn illu aitok.

15 Men in lōñliñ ñōn eo dru wānik, bwe en kōmōn ekajet jime; a ej men in kokkure ñōn ro dri kōmōn nana.

16 Armij eo ej jebwābwe jen ialin jelalokjen, e naj kakiije ilo jar an ro re mij.

17 Eo ej yokwe men in kamōnōnōik e, e naj dri jeramel wõt; eo mijlokin wain im oil, e jamin dri mweie.

18 Dri nana eo ej men in binmour ñōn dru wānik; im dri kōmōn mon, ej tur lūpōn dru wānik.

¹ Luk 16. 15.

19 Emōnlok jokwe ilo ene jemaren, jen iben juōn kōra e jememe im limtu.

20 Eor mweiuk e aurōk, im oil ilo kabijuknen dri meletlet; a juōn armij dri bwebwe ej warōnlok e.

21 Eo ej lore wānik im joi, ej lo mour, wānik im nebar.

22 Juōn dri meletlet ej elālok jen worwor in jikin kwelok an ro re kajur, im kōtaiklok kajur in liki eo an.

23 Eo ej kejbārok loñin im loen, ej kejbārok buruen jen jorran ko.

24 Armij dri jua im eutiej buruen, naetan dri kajirere; ej jermal ilo juālōñlōñ im ablip.

25 Kōnan an dri jowōn ej mōn e, bwe pā ko pein rej abwin jermal.

26 Eor rej kanuij ankwōnak iomin aolepen ran; a dru wānik ej lelok im jab drebij.

27 Men in katok an dri jerawiwi, ej men in jōjōik; e nañin laplok ke ej bōktok im e nana buruen.

28 Dri kennan wan e naj joko; a armij eo ej roñjake, e naj konono inem berwōt.

29 Juōn armij dri nana, ej kaberber e; a kin dru wānik eo, ej kabin ial ko an.

30 Ejelok meletlet ak jelalokjen ak bebe nae Jeova.

31 E pojōk ors eo ñōn ran in tōrinae; a anjo ej jen Jeova.

22 Ren kālet¹ buñbuñ e mejaja an emōn, mokta jen mweiuk ko relap, im joi, jen silver im gold.

2 Ro dri mweie im ro dri jeramel rej kweloklok iben dron; Jeova dri kōmōnmōn ir otemjej.

3 Juōn dri meletlet ej lo nana eo, im tilekek; a ro dri bwebwe, rej etal wōt im jorran kake.

4 Wōnan etā buru im mijōk Jeova, mweiuk, im nebar, im mour.

5 Kāliklik ko im jen ko, rej ilo ial an ro dri ankeke: eo ej kejbārok an, e naj etolok jeni.

6 Kwon² kibel juōn ajiri ilo ial eo en etal ie, im ñe e ridto e jamin illok jen e.

7 Dri mweie ej iroi ion ro dri jera-

mel; im dri muri ej korijeran dri kamuri.

8 Eo ej jeor jab wānik, e naj marmir jorran; im alal in illu eo an, e naj jokolok.

9 Eo mej emōn iben, e naj jeramōn; bwe ej lelok kijen ñōn ro dri jeramel.

10 Kwon kadrioi jlok dri kajirere eo, inem akwai e naj joko; aet, e naj mwij kōmōn jumae im kananaik.

11 Eo ej yokwe buru erre, kin joi in tien, kiñ eo e naj jeraik e.

12 Mejen Jeova rej kejbārok eo eor jela iben; a Ej ukōje nan ko an dri kōmōn mon.

13 Dri jowōn ej ba, Eor laion inabij: naj mōn iō ilo ial ko.

14 Loñin kōra re kijoñ, juōn roñ e mulōl; eo Jeova ej drike, e naj buñ na illoan.

15 E lukjōk men in bwebwe ilo buruen juōn ajiri; a alal in kaje e naj ubakelok etolok jen e.

16 Eo ej kamakokoik dri jeramel bwe en korlok men ko an, im eo ej lelok ñōn ro dri mweie, re naj aikwij wōt.

17 Kwon kejaltok lojiliñōm, im roñjake nan ko an dri meletlet, im kwon letok buruōm ñōn aō jelalokjen.

18 Bwe e men in mōnōnō elañe kwoj drebiji iloam, elañe rej bin iben dron ion tiōm.

19 Bwe am liki en ber ilo Jeova, emwij aō kwalok ir ñōn kwe ranin, aet, ñōn kwe.

20 I ar jab jejewoj men ko remōn wōt, kin bebe ko im jelalokjen ke?

21 Bwe en kōmōn bwe kwon kanuij jela nan ko remol, bwe kwon bōklok nan in mol ñōn ro rar jilkintok yuk.

22 Kwon jab koaroñwe dri jeramel, bwe ej aikwij; im kwon jab kamakokoik dri jorran ilo kejem eo:

23 Bwe Jeova e naj kajitōk kin men ko air, im rakimi mour an ro rej rakimi ir.

24 Kwon jab jeraik juōn armij e lulu; im jab karwonlok juōn armij e libōpne an illu:

25 Ñe kwo ab katak :al ko an, im kwo bök juön jen ñön am.

26 Kwon jab juön ian ro rej kabin-bín kin peir, ak ian ro dri kabin muri ko.

27 Elañe ejelok iböm in kōlaik muri eo, etke en jeorlok yuk jen kiniöm?

28 Kwon jab ikir kōtan wāto, eo ro jimam rar likite.

29 Kwoj lo juön armij e owōn ilo jerbal eo an ke? e naj jutōk iman kiñ ro; e jamin jutōk iman mejen armij re wan.

23 Ñe kwoj jiyōt in mōña iben juön iroi, kwon kanuij lemnok kin eo ej ber imam;

2 Im kwoj kal bōkbōk ñön buruōm, elañe kwe juön armij e mel am dōr.

3 Kwon jab kanuij mōmkake men ko an renno; bwe re men in mōña im etaik wōt.

4 Kwon jab mōke kamōk yuk bwe kwon mweielok; kwon ikōñ jen am meletlet wan.

5 Kwo kōnan kalimjek men eo e jab ber ke? bwe e mol mweeluk ko rej kōmōn ñön ir pein bao, einwōt juön igōl ej kālōk ñön lōñ.

6 Kwon jab mōña ekōn an eo e nana mejen, im kwon jab kōnan men in draepe ko an:

7 Bwe einwōt ej lemnok ilo buruen, ej ein drein: Kwon mōña im irak, ej ba ñön kwe; a buruen e jab ibōm.

8 Mōtōn ko emwij am kōñi, kwo naj mwōjakelok, im nan ko am re tōñōl, re naj joko jen kwe.

9 Kwon jab konono ñe juön dri webwe ej karoñjake; bwe e naj ke-ukron meletlet in nan ko am.

10 Kwon jab ikir kōtan wāto ko jen eto; im kwon jab dreloñ ilo jikin kallip ko an ro ejelok jemeir:

11 Bwe e kajur air Dri Lomor; E naj kwalok men ko air nae yuk.

12 Kwon lelok buruōm ñön men in katak, im lojiliñōm ñön nan ko nan in meletlet.

13 Kwon jab drebij kaje jen ajiri eo; bwe elañe kwoj dreñlok e kin alal, e jamin mij.

14 Kwo naj dreñlok e kin alal, im naj lomoren an jen Hedis.

15 Nejiō, elañe buruōm e meletlet, buruō e naj mōnōnō, aet, buruō:

16 Aet, buruō e naj mōnōnō, ñe tiōm re naj konono men ko re jime.

17 Buruōm en jab junmare ro dri kōmōn nana; a kwon ber ilo mijōk Jeova ilo aolepen ran:

18 Bwe emol eor wōnan; im am kōtōmene e jamin tumkok.

19 Kwon eoroñ, nejiō, im kwon meletlet, im kwon tellok buruōm ilo ial eo.

20 Kwon jab ber iben ro rej irak wain; iben ro re kejo dreka:

21 Bwe dri karek im dri mātia re naj jeramel wōt; im mijki e naj naballin juön armij kin kanmutōrtōr.

22 Kwon eoroñ jemōm, eo e ar keutak yuk, im kwon jab kejekion jinōm ñe e lilap.

23 Kwon wiaik men in mol, im jab wiakake; aet, meletlet, im katak, im jelalokjen.

24 Jemen eo dru wānik, e naj kanuij mōnōnō; im eo ej keutak juön ajiri e meletlet, e naj lōñliñ kake.

25 Jemōm im jinōm ren mōnōnō wōt, im lio e ar keutak yuk, en lōñliñ.

26 Nejiō, kwon letok buruōm; im mejōm ren mōnōnō kake ial ko aō.

27 Bwe juön kōra ekijoñ e jukur e mulōl; im juön kōra e drua maijet, roñ e rāniñ.

28 Aet, ej kejar eiñwōt juön dri koaroñ, im ej korlok dri kōmōn mon ian armij rōn.

29 Wōn eo e jorran? wōn eo e buromōj? wōn eo eor akwail iben? wōn eo lotan ko iben? wōn eo eor kinjen im ejelok unin? wōn eo e bōrōrō mejen?

30 Ro 'eto air ber iben wain eo; ro rej ilen kabukot wain käre.

31 Kwon jab-reilok ñön wain ñe e kilmir, ke ej makōtkit ilo kōp in irak, ke emōn wōt warōñlok e:

32 Ilo jemlokōn ej kiji einwōt juön serpent, im ej wie einwōt juön adder.

33 Mejōm re naj lo men in bwilōñ, im buruōm e naj konono nan ko re ankeke.

34 Aet, kwo naj einwõt eo ej babu ilo lojit, ak einwõt eo ej babu iman juõn kiju.

35 Emwij air ubrare iõ, kwo naj ba, im I ar jab metõk; rar dreñlok-we iõ im I ar jab injake: I naj ruj nāt? I naj bar bukot e.

24 Kwon jab junmare armij ro re nana; im kwon jab kõnan berwõt ibeir:

2 Bwe burueir ej katak men in kamakoko, im tier rej konono kin kõmõn nana.

3 Kin meletlet rej kalek juõn im; im kin jelalokjen rej kabin e;

4 Im kin jela rej kobrõk rum ko, kin mweiuk otemjej re aurõk im remõn.

5 Juõn armij e meletlet, e kajur wõt; aet, juõn armij dri jela, ej korlok an kajur.

6 Bwe kin teljar e meletlet, kwo naj kajur am bata; im ñe elõn dri bebe, kwo naj anjo wõt.

7 Meletlet e utije jen juõn dri bwebwe; e jab kabellek loñin ilo kejem eo.

8 Eo ej kine kõmõn nana, armij re naj naetan juõn dri kõmõn nana.

9 Lemnok bwebwe, e jerawiwi; im dri kajirere eo, e men in jøjõik ñõn armij ro.

10 Elañe kwoj kijelok ilo ran in jorran, inem erik wõt am kajur.

11 Kwon lomor ro emwij bõklok ir ñõn mij, im ro re nañin joko, kwon lale bwe kwon drebij ir.

12 Elañe kwoj ba, Lo, kim ar jab jela kake men in; Eo e jela joñõn buru ko, E jab lemnok kake ke? im Eo ej kejbáro am, E jab jela ke? im E jamin lelok ñõn jabrewõt armij ekar ñõn kõmõn ko an ke?

13 Nejiõ, kwon mōña hōnni, bwe emõn wõt; im men in wutlok ko jen men eo nien hōnni, rej tōñõl ñõn am nemak e:

14 Ein drein kwo naj jela meletlet bwe ej ñõn am; elañe emwij am loe, inem e naj or wõnan, im jamin bukwelok am kötõmene.

15 O armij dri nana, kwon jab ke-jare mweo imõn dru wānik; kwon jab kikkure jikin kakije eo an.

16 Bwe dru wānik ej buñ jiljilim-juõn alen, im ej bar jerkak; a ukõro dri nana kin jorran.

17 Kwon jab mōnōnō ñe eo dri kijirāte yuk ej buñ, im buruõm en jab lõñliñ ñe emwij ukõj e:

18 Ñe ab Jeova en loe, im E illu, inem En kajeorlok An illu jen e.

19 Kwon ¹ jab aliñõrñõr kin ro dri kõmõn nana; im kwon jab junmare eo dri nana:

20 Bwe e naj ejelok wõnan ñõn armij eo dri nana; naj kwuni lamp eo an armij dri nana.

21 Nejiõ, kwon mijõk Jeova im kiñ eo; im jab kõmao iben ro re loañinutor:

22 Bwe air jorran e naj waloktok mōkõj; im kikkure eo jeni, wõn e jela kake?

23 Ir kein nan ko an ro dri meletlet bareinwõt. Kabwiloklok mejen armij ilo ekajet e jab emõn.

24 Eo ej ba ñõn eo dri nana, Kwe kwo dru wānik; armij re naj kole, ro dri ailiñ re naj jøjõik e;

25 A ñõn ro rej kowe e, e naj or lõñliñ kake, im men in kejerammõn emõn, e naj itok ioir.

26 Ej mejenmaik tien ko, eo ej lelok uak emõn.

27 Kwon kapojõk am jermal inabij, im kapoje ñõn yuk ilo jikin kallip; inem tokelik kwon kalek mweo imõm.

28 Kwon jab dri kennan nae dri turõm ñe ejelok unin; im kwon jab elikinjipjip kin tiõm.

29 Kwon jab ba, I naj kõmõn ñõn e einwõt e ar kõmõn ñõn iõ; I naj lelok ñõn armij eo ekar ñõn kõmõn ko an.

30 I ar kijone jikin kallip eo an dri jowõn, im bwil in grep an eo ejelok an jelalokjen;

31 Im, lo, kālīklok ko rar edreklok ijoko otemjej, im emwij kalibubu mejen kin mār bōjik, im jolõllok worwor dreka eo an.

32 Inem I ar reilok im kalomõnlokjen kake; I ar loe, im I ar bõk men in katak:

¹ Sam 37. 1.

33 Kwoj aorñijñij, im bōkpā bwe kwon bar kiki;

34 Ein drein am jeramel e naj itok einwōt juōn dri rakim, im am aikwij einwōt juōn armij eor ken tōrinae iben.

25 Ir kein bareinwōt jabōn kennan ko an Solomon, ko armij dron Hezeakaia, kiñ in Juda, rar ānōk im jeji.

2 Aibujuij an Anij bwe en noje juōn men; a aibujuij an kiñ ro bwe ren kabukot men eo.

3 Einwōt lōñ ko re utiej, im lōl in e mulōl, ein drein buruen kiñ ro, re ban ture.

4 Kwon bōk o eo jen silver, inem e waloktok juōn jābi ñōn dri karreo:

5 Kwon bōk ro dri nana jen iman kiñ eo, inem naj kabin tron eo an ilo wānik.

6 Kwon jab mōke koutiej yuk iman kiñ eo, im kwon jab jutōk in binej jenkwōn armij re utiej:

7 Bwe ¹emōnlok bwe ren ba ñōn yuk, Kwon wōnliñtok ñōn ijin, jen air kōtaik yuk na iman mejen iroiyo, eo mejōm rar reilok ñōn e.

8 Kwon jab jarōpmōkōjlok in akwail, ñe kwo ab jaje ta eo kwo naj kōmōn ilo jemlokōn, ñe emwij an dri turōm kajok yuk.

9 Kwon ²kajime men in jibil eo amiro dri turōm, im kwon jab kwalok men eo etino an bar juōn;

10 Ñe ab eo ej roñjake en kajirere kake yuk, im am jok e ban joko.

11 Juōn nan, ñe ekar air kwalok e, ej einwōt apel gold ko re bol kin ok silver.

12 Einwōt juōn drere gold, im men in kalitlit gold erreo, ein drein juōn dri kowe e meletlet, ñōn juōn lojiliñ e kible.

13 Einwōt bio jen sno ilo ien marmir, ein drein juōn dri jilik e tiljek ñōn ro rej jilkinlok e; bwe ej kaimlo-lo buruen iroiyo eo an.

14 Einwōt kōro ko im kōto ñe ejelok wut, ein drein eo ej jualōñlōñ im riōp, kin men in lelok ko an.

¹ Luk 14. 7-11. ² Matu 18. 15.

15 Kin eto air eljinmin, rej karel juōn iroiyo, im juōn lo e meceo, ej ruje dri.

16 Emwij ke am lo hōnni? kwon mōña mōtōn e bwe ñōn yuk, ñe kwo ab māt kake inem mwōjakelok.

17 En jeja an neōm ber ilo mweo imōn dri turōm, ñe e ab mōk kin kwe, inem drike yuk.

18 Juōn armij ej kennan nae dri turin ej juōn ken dreñdreñ, im juōn jāji, im juōn mōri ekōñ.

19 Liki juōn armij e jab tiljek, ilo ien jorran, ej einwōt juōn ñi e rup, im juōn ne eir.

20 Einwōt juōn ej wutik nuknuk ko ilo ien bio, im dren e miñ ion soda, ein drein eo ej al alel ko ñōn buru e erro.

21 ¹ Elañe dri kijirāte yuk e kwuli, kwon lelok ñōn e ekōn: im elañe e maro, kwon lelok ñōn e dren in irak;

22 Inem kwo naj ejoiyo melle in kijeek ion bōran, im Jeova e naj nawōnam.

23 Kōto jen eañ ej bōktok wut, ein drein lo eo ej rurue juōn, ej bōktok mejen illu.

24 Emōnlok jokwe ilo juōn jabōn kejenwan, jen iben juōn kōra e jememe ilo juōn im elap.

25 Einwōt dren ko re molo, ñōn juōn armij e maro, ein drein nan ko remōn jen juōn ailiñ etolok.

26 Einwōt unin dren e lum, im unin dren e brijiyo, ein drein dru wānik, eo ej drorjoan iman eo dri nana.

27 E jab emōn mōña elōñ hōnni; ein drein e nana ñe armij rej kabukot men in mōke kaibujuij ir.

28 Eo e jab kaberber buruen ej einwōt juōn jikin kwelok e jebeplok im ejelok an worwor.

26 Einwōt sno ilo ien mǎnǎn, im einwōt wut ilo ien jonikōn, ein drein nebar e jab ekar ñōn juōn dri bwebwe.

2 Einwōt bao sparro ilo an jebwābwe, einwōt bao swallo ilo an kākī, ein drein nan in kol ñe ejelok unin, e jab jok.

3 Juōn ken dreñlok ñōn ors, juōn

¹ Matu 5. 44.

ken drebij ñōn ass, im juōn alal ñōn elikin ro dri bwebwe.

4 Kwon jab uak dri bwebwe ekar ñōn men in bwebwe eo an, ñe kwo ab einwōt e.

5 Kwon uak juōn dri bwebwe ekar ñōn men in bwebwe eo an, ñe e kab meletlet ilo lemnok ko an.

6 Eo ej jilkinlok juōn nan kin pein dri bwebwe, ej bukwelok ne ko neen, im ej ilen jorran.

7 Ne ko neen dri kirro rej toto im alijiljil; ein drein juōn parebōl i loñin ro dri bwebwe.

8 Einwōt juōn eo ej lukwoj juōn dreka ilo juōn buat, ein drein eo ej lelok nebar ñōn juōn dri bwebwe.

9 Einwōt juōn kālīklik ej wie pein juōn dri karek, ein drein juōn parebōl i loñin ro dri bwebwe.

10 Einwōt juōn dri libon ej kakini-nij armij otemjej, ein drein eo ej kejerbal dri bwebwe eo, im eo ej kejerbal ro rej elālok.

11 Einwōt juōn ¹ kiru roror ej jeb-lak ñōn mwōj eo mwōjen, ein drein juōn dri bwebwe eo ej elij men in bwebwe eo an.

12 Kwoj lo juōn armij e meletlet ilo an lemnok ke? kōtōmene kin juōn dri bwebwe elap jen e.

13 Dri jowōn ej ba, Eor laion ilo ial eo; eor laion ilo ial ko.

14 Einwōt aor eo ej makōtkit ion hinj ko an, ein drein juōn dri jowōn ion kinien.

15 Dri ² jowōn ej katulok pein iloan jābi; ej kamōk e in bar kwotōke ñōn loñin.

16 Dri jowōn eo e laplok an meletlet ilo lemnok ko an jen jiljilimjuōn armij re maroñ in uak jime.

17 Eo ej elālok im mōke kōmare kin akwail eo e jab an, ej einwōt juōn eo ej jibwe lojilīñin kiru roror.

18 Einwōt juōn dri uriekak eo ej jolok melle ko, mōri ko im mij,

19 Ein drein armij eo ej mone dri turin, im e ba, I jab kejōk ke?

20 Ñe ejelok kane, e kwun kijeek eo; im ijo ejelok dri unojrikrik, em-wij akwail.

21 Einwōt melle ñōn kane e bwil, im alal ko ñōn kijeek, ein drein armij dri kirikrik ej kourur akwail.

22 Nan ko an dri unojrikrik rej einwōt mōtōn mōña ko renno, im rej wōnlōllok ñōn iloan enbwin.

23 Tien ko re bwil im buru e nana, rej einwōt jābi brij e libubu kin oñ silver.

24 Eo ej kijirāte, ej mon kin tien; a ej kabinoke etao iloan:

25 Ñe ej konono emōn, kwon jab tōmak e; bwe jiljilimjuōn men in jō-jōik ilo buruen:

26 Meñe an kijirāt ej mōke kalibu-bu e kin mon, naj kwalok an nana im alikar iman jar eo.

27 Jabrewōt eo ej kōbij juōn roñ, e naj ¹ buñ na iloan; im eo ej ukōj juōn dreka, eñin e naj jeblaktok ion.

28 Juōn lo e riōp, ej kijirāte ro em-wij an kōkinijnij ir; im loñin eo ej etao, ej jerbale kokkure.

27 Kwon jab jualōñlōñ kin ilju; bwe kwo jaje ta eo juōn ran e maroñ in kwalok.

2 Bar ² juōn en nebar yuk, im jab loñōm; juōn druā maijet, im jab tiōm.

3 E erro juōn dreka, bareinwōt bok; a illu an dri bwebwe errolok jeni.

4 Illu e lej, im libōpne in illu einwōt ibij liplip; a wōn e maroñ in jutōk jumae kemmo?

5 Nan in kowe e alikar emōnlok jen yokwe ilo etino.

6 Kinja an juōn jera re tiljek; a mejenma ko an juōn dri kijirāt, relōñ.

7 Armij ñe e māt, ej drike hōnni; a iben juōn e kwuli, men ko re meo otemjej re tōñōl.

8 Einwōt juōn bao in mejajoto, ej jebwābwe jen el eo elin, ein drein juōn armij ej jebwābwe jen jikin.

9 Oil im ñōj rej kamōñōñōik buru; bareinwōt bebe emōn im tōñōl an juōn jeran.

10 Kwon jab illok jen jerōm, ak jen jeran jemōm; im kwon jab ilok ñōn mweo imōn jeiōm im jātōm ilo ran in jorran: emōnlok dri turōm ebak, jen jeōm im jātōm etolok.

11 Nejiō, kwon meletlet, im kamō-nōnōik buruō, bwe in uak nōn eo ej kinak iō.

12 Juōn armij e meletlet, ej lo nana eo im ej tilekek; a dri bwebwe eo ej wōnmanlok im jorran kake.

13 Kwon bōk kobe eo an juōn ej dri kabin muri nōn juōn druā maijet, im kwon kamuri eo ej dri kabin nōn lo druā maijet.

14 Eo ej kejerammōn jeran kin ainiken elap, im e mōkōj an ruj kake nē e jiboñ, re naj likit e men in jerata nōn e.

15 Lutōkin wōt juōn ilo ran in wut liplip, im juōn kōra ej dri akwail rej einwōt juōn:

16 Eo e kōnan noj lio, ej noje kōto; im oil in anbijmaroñōn ej mōke kwalok e.

17 Māl ej jeme māl, ein drein juōn armij ej jeme turin mejen jeran.

18 Eo ej lale wijki fig eo, e naj mōña jen leen; im eo ej lale iroijs eo an, naj nebar e.

19 Einwōt ilo aibij, anōñin mej ej wāwen wōt mej, ein drein buru nōn armij.

20 Hedis im Abadon re jamin māt; im mejen armij re jamin māt.

21 Ken kōmāt nōn silver, im ubaj nōn gold; im ken melejoñ juōn armij, nebar eo an.

22 Meñe kwo naj inin juōn dri bwebwe ilo jābi kin dreka iben witeobōp, ijoke, men in bwebwe eo an, e jamin illok jen e.

23 Kwon kate yuk in jela bwij ko bwijōm ekijkan air ber, im kwon kanuij lale kau ko am:

24 Bwe mweik ko re jab ber in drio; im bokrōnat eo ej berwōt nōn ebeben otemjej ke?

25 Emwij bōklok ujoij eo e mōra, im ujoij e biruru ej walok, im rej ainitok mār ko in tol ko.

26 Kon in sip ko rej nōn nuknuk ko am, im got ko, wōnan jikin kallip eo;

27 Im e naj or milk in got e bwe nōn kijōm, im kijen ro nukum, im men in najirik limaro korijerōm.

28 Dri jab wānik rej ¹ko ñe ejelok dri lukworkwori; a dru wānik rej beran einwōt juōn laion.

2 Kin jerawiwi an juōn ene, iroijs ro an relōñ; a kin armij dri meletlet im jela, naj kaitoklok ien an ber.

3 Juōn armij dri aikwij, eo ej ke-jorran ro re jeramel, ej einwōt juōn wut liplip ej likit ejelok ekōn.

4 Ro rej illok jen kien eo, rej nebar ro re nana; a ro rej bokake kien eo, rej jumae ir.

5 Armij re nana re jab melele eka-jet jimē; a ro rej bukot Jeova rej melele men otemjej.

6 Dri jeramel eo ej etetal ilo an wānik, emōnlok jen eo ej ankeke ilo ial ko an, meñe e dri mweie.

7 Eo ej bokake kien eo, e nejn e meletlet; a eo ej jeraik ro e mel air dōr, ej kajok jemen.

8 Eo ej korlok mweik ko mweien kin jimair im lōñlok, ej aine nōn eo ej tiriamokake ro dri jeramel.

9 Eo ej jebollok lojiliñen jen eoroñ kien eo, jar eo an ej men in jōjōik wōt.

10 Eo ej kōmōn bwe dru wānik en jebwābwe ilo juōn ial e nana, e naj mōke buñ ilo roñ eo an; a dri wāppen eo e naj jolit men eo emōn.

11 Dri mweie ej meletlet ilo an lemnok; a dri jeramel e jelalokjen, ej kabukot e.

12 Ñe ro dru wānik rej bōk anjo, eor aibuuij elap; a ñe ro dri nana rej jutōk, armij rej tilekek.

13 Eo ej ²kalibubu bwir ko an, e jamin jerammōn; a eo ej ³kwalok im illok jen e, e naj bōk tiriamo.

14 E mōnōnō armij eo ej mijōk ien otemjej; a eo ej kabin buruen, e naj buñ na ilo jorran.

15 Einwōt juōn laion ej nōr, im juōn baer ej etal wōt, ein drein juōn iroijs e nana, ion ro dri ailiñ re jeramel.

16 Iroijs eo ej aikwij meletlet, ej bareinwōt dri kamakoko elap; a eo ej drike ankwōnak, e naj kaitoklok ran ko an.

17 Armij eo ej inek dran jabrewōt

e naj ko ñõn roñ eo; ejelok en bõp-rae e.

18 Jabrewõt eo ej etetal jime, naj lomoren; a eo ej bõt ilo ial ko an, e naj buñ mőkõj.

19 Eo ej tõblõle jikin kallip eo an, elõñ ekõn e naj iben; a eo ej lor armij re wan, naj bwe an jeramel.

20 Eloñ men in jerammõn naj iben armij dri tiljek; a eo ej kate e bwe en mweie, e naj bõk joñõn kwotõn.

21 Kabwiloklok mej, e jab emõn; ak bwe juõn armij en kõmõn bwir kin juõn mõtõn mõña.

22 Eo e nana mejen ej kijorur in bõk mweiuk ko, im e jaje bwe aikwij e naj itok ion.

23 Eo ej kowe juõn armij, tokelik e naj laplok an lo joi jjen eo ej etaoik kin loen.

24 Eo ej koarõñwe jemen ak jinen, im e ba, Ejelok bwir, eñin dri komao iben juõn dri kokkure.

25 Eo ej dõr ilo buruen, ej biuktõk akwail; a eo ej liki Jeova, naj kamãtõk e.

26 Eo ej liki buruen wõt, e dri bwebwe; a eo ej etetal im e meletlet, naj lomorene.

27 Eo ej lelok ñõn ro dri jeramel, e jamin aikwij; a eo ej binej mejen, elõñ men in jerata re naj iben.

28 Ñe ro dri nana rej jutõk, armij rej tilekek; a ke re joko im mij, ro dru wānik relõñlok.

29 Eo ej kakijñiñi kenwan, ñe emwij kowe e ¹elõñ alen, e naj mőkõj an joko, im ejelok men in bõprae.

2 Ñe elõñlok ro dru wānik, armij rej mōnōnō; a ñe juõn dri nana ej iroi j, armij rej kubarbar.

3 Eo ej yokwe meletlet, ej kamōnōnō jemen; a eo ej kōmao iben kōra re kijõñ, ej draepe mweiuk ko mweien.

4 Kiñ eo, kin ekajet jime, ej kabin ailiñ eo an; a eo ej uñuñar men in lelok ko, ej jolõllok e.

5 Armij eo ej etaoik dri turin, ej kapojõk juõn jjen ñõn buñten neen.

6 Ilo bwir an armij eo e nana, juõn

aluk; a dru wānik eo, ej al im mōnōnō.

7 Dru wānik eo e jela kake men ko an ro dri jeramel; iben ro dri jab wānik ejelok jelalokjen bwe ren loi.

8 Ro dri kajirere rej tile jikin kwe-lok eo; a ro dri meletlet rej kajeõr-lok illu.

9 Elañe juõn dri meletlet ej akwaile juõn dri bwebwe, elañe ej illu ak tõñkake, e jamin jemlok.

10 Dri ijol bõtõktõk, ej drike eo e wāppen; im kin eo e jime, rej kabukot men in mōn e.

11 Juõn dri bwebwe ej kwalok aolepen an illu; a juõn dri meletlet ej drebije im kaikõñe.

12 Elañe juõn iroi j ej eoroñ nan in riõp, ro dri korijeran otemjej re jab wānik.

13 Dri jeramel eo im dri kamakoko rej wōnmae dron; Jeova ej kamramlok mejeirro.

14 Kiñ eo e jime an ekajet ro dri jeramel, naj kabin tron eo an ñõn ir drio.

15 Ken dreñdreñ im nan in kowe, rej lelok meletlet; a ñe likit ajiri mōke ian, ej kajok jinen.

16 Ñe elõñlok ro dri nana, elõñlok bwir ko; a ro dru wānik re naj lo air buñ.

17 Kwon kowe nejõm, im e naj lewoj kaki je; aet, e naj kamōnōnõik am.

18 Ijo ejelok visõn ie, armij rej jolok men in drebij ir; a eo ej bokake kien, e mōnōnō wõt.

19 Juõn dri korijer e jab kōnan bwe ren kowe; bwe meñe e jela kake, e jamin lale.

20 Kwoj lo juõn armij e jāmōr ke? eor kōtōmene kin juõn dri bwebwe, jen e.

21 Eo ej kanuij lale im najirik dri korijeran jen ien niñiñi, ilo jemlokōn e naj einwõt nej in.

22 Juõn armij e illu, ej biuktōke akwail, im juõn e libõpne an illu, elõñlok an jerawiwi.

23 Jua an juõn armij e naj kōtaik e; a eo etā buruen, e naj jibarek nebar.

24 Jabrewōt eo ej jeraik juōn dri kwot, ej drike an; ej roñjake nan in kanōjnij, im ejelok ijo ej ba.

25 Mijōk armij ej bōktok juōn jen; a eo ej liki Jeova, ejelok an uota.

26 Elōñ rej kabukot joiy an kiñ eo; a an juōn armij ekajet ej itok jen Jeova.

27 Juōn armij e jab wānik, ej men in jōjōik ñōn ro dru wānik; im eo e jime ilo ial eo, ej men in jōjōik ñōn ro dri nana.

30 Nan ko an Agur nejin Jeke; ine eo.

Armij eo e ar ba ñōn Itiel, ñōn Itiel im Ukal:

2 Emol ña I jajelokjen jen jabrewōt armij, im ejelok jelalokjen an armij iba;

3 Im I jañin katak meletlet, im ña I jab jela Eo e Kwojarjar.

4 Wōn e ar wōnliñlok ñōn lōñ ko, im wōnlōltok? Wōn e ar aine kōto ilo pā ko pein? Wōn e ar lukwoj dren ko ilo kobe eo An? Wōn e ar kabin jabōn ko jabōn lol? ta etan, im ta etan nejin, elañe kwo jela kake?

5 Nan otemjej an Anij, emwij melejoñ e; E juōn likipijñōk ñōn ro rej ko ñōn iben.

6 ¹Kwon jab kobaik ñōn nan ko An, ñe E ab enoik yuk, inem naj lo yuk juōn dri riōp.

7 Men ko ruo emwij aō kajitōk ibōm kake; Kwon jab abwin litok mōkta jen aō mij:

8 Kwon katolok jen ña, men in mon im riōp ko; Kwon jab letok jeramel ak elōñ mweiuk; Kwon najirik iō e bwe ñōn ña:

9 Ñe I ab māt, inem karmijete Yuk. im ba, Wōn Jeova? ak in jab jeramel im kwot, im kajirere kake etan aō Anij.

10 Kwon jab riōp im kinaklok juōn dri korijer ñōn iroi eo an; ñe e ab kole yuk, im rej lemnok eor ruōm.

11 Eor ebeben rej kole jemeir, im re jab kejerammōn jineir.

12 Eorebeben re kwojarjar ilo mejeir, meñe jañin kwol ir jen air etton.

13 Eor ebeben, O e nañin utiej mejeir, im kilin mejeir emwij kou-tieji.

14 Eor ebeben, ñi ko ñiir einwōt jāji ko, im ñiir relap einwōt bōkbōk ko, bwe ren kōñi ro dri jeramel jen mejen lōl, im ro dri aikwij jen bwiljin armij.

15 Ruo kōra nejin jioemjaoem, rej lamij, Kwon letok, kwon letok. Jilu men re jamin māt, aet, emen ko re jab ba, E bwe.

16 Hedis; im loje e war; lōl e jab māt kin'dren; im kijeek eo e jab ba, E bwe.

17 Mej eo ej kajirere kake jemen, im kejekron bwe en bokake jinen, bao reven ko in komlōl re naj itike, im igol ko redrik re naj kōñe.

18 Jilu men ko re nañin men in bwilōñ iba, aet, emen ko I jaje kake:

19 Ialin juōn bao igol i mejatoto; ialin juōn serpent ion dreka; ialin juōn wa i lojit; im ial an juōn eman iben juōn jiroñ.

20 Ein drein ial an juōn kōra eki-joñ; ej mōña, im komraik loñin, im e ba, I ar jab kōmōn nana.

21 Kin jilu men lōl ej wuririr, im kin emen e ban kaberber kake:

22 Kin juōn korijer, ñe ej kiñ; im juōn dri bwebwe ñe e māt kin ekōn;

23 Kin juōn kōra e bōt ñe emwij an belele; im juōn korijer kōra ñe ej jolit men ko an liroi eo an.

24 Emen men ko redrik ion lōl in, a re kanuij meletlet:

25 Kinōl ko re juōn jar e jab ka-jur, ijoke, rej kapojōk kijeir ilo ien mñān;

26 Kiru koni ko juōn bwij e mōji-no wōt, ijoke, rej kōmōn mo ko im-weir ilo dreka ko.

27 Lokōs ko, ejelok air kiñ, ijoke, ir otemjej rej kitiltil kin jar bata.

28 Kilidrep ej edrep kin pā ko peir.
ižo, ej ber iloan mo ko imōn kiñ ro.

29 Jilu men ko rej etetal ilo wāwen
dri jua, aet, emen eor aāteir ilo wā-
wen air ilok:

30 Laion eo ej kajur potata ian ki-
ru ko, im e jab jeōrluk jen jabrewōt;

31 Ors in tōrinae; got koman eo
bareinwōt; im kiñ eo re ban jutōk
jumae e.

32 Elañe emwij am kōmōn men in
bwebwe im mōke koutiej yuk, ak
elañe e nana am kalomōnlukjen, inem
kwon likit peōm ion loñōm.

33 Bwe ñe emwij kokworejrej
milk, e walok butter, im iñōt bodin,
ej katorluk bōtōktōk; ein drein ñe
biuktōk illu, ej kōmōn akwail.

31 Nan ko an kiñ Lemuel; ine eo
jinen e ar katakin e.

2 Ta eo nejiō? im ta eo O nejin lo-
jiō? im ta eo O nejin kalimur ko aā?

3 Kwon jab lelok kajur eo am ñōn
kōra rōn, ak ial ko am ñōn men eo ej
kokkure kiñ ro.

4 E jab ekar ñōn kiñ ro, O Lemuel,
e jab ekar ñōn kiñ ro bwe ren irak
wain; ak ñōn iroi j ro bwe ren ba, Ewi
dren in karek?

5 Ñe rab irak, im melokluk kien eo,
inem kankeke ekajet jime an ro jab-
rewōt dri jorran.

6 Kwon lelok dren ko re kajur ñōn
eo e nañin joko wōt jirik, im wain
ñōn eo e meo buruen:

7 En irak im melokluk kin an jera-
mel, im jamin bar kememej jorran eo
an.

8 Kwon kablok loñōm kin eo e
ban konono, ilo men eo an ro otemjej
emwij likit ir drien joko.

9 Kwon kablok loñōm, kwon eka-
jet jime, im kwon kōmōn men ko re
wānik ñōn ro re jeramel im aikwij.

10 Wōn e maroñ in lo juōn kōra
emōn wōt? bwe wōnan elap jen rubi
ko.

11 Buruen leo belen ej liki e, im e
jamin aikwij orlok.

12 Lio ej kōmōn emōn ñōn e, im jab
nana, ran ko otemjej in an mour.

13 Ej kabukot kolan sip im flax, im
e mōnōnō in jermal kin pā ko pein.

14 Ej einwōt wan belle; ej ektōk-
tok ekōn eo an jen ijo etolok.

15 Ej bareinwōt jerkak mokta jen
rantak, im ej lelok kijeir ñōn ro dri
mweo imōn, im jermal eo air ñōn li-
maro korijeran.

16 Ej kalomōnlukjen kin juōn jikin
kallip, im wiaik e; kin leen pein ej
kallip juōn kwil in grep.

17 Ej kañōrñōr kin kajur, im ej
kakajur pā ko pein.

18 Ej lo bwe emōn wōnan men eo
ej wiakake, jamin kwuni lamp eo an
ilo boñ.

19 Ej likit pein ñōn ken ej eo, im
pā ko pein rej drebij ken irap.

20 Ej erlokwe pein ñōn ro re jera-
mel; aet, ej erlokwe pā ko pein ñōn
ro rej aikwij.

21 E jab mijōk sno kin ro dri mweo
imōn; bwe ro otemjej dri mweo imōn
rej kōnōk nuknuk ejurjur.

22 Ej kōmōn ñōn e mōke, koj ko re
tiltil; nuknuk ko an, linen e airik iren
im eōij.

23 Leo belen, re jela kajen ilo ke-
jem ko, ke ej jijōt iben ridto ro in
eneo.

24 Ej kōmōnmōn linen im wiakake,
im ej lelok kōñōr ko ñōn dru wia.

25 Kajur im utiej einwōt ballin;
im ej tōñkake ien eo ej itok.

26 Ej walōñi loñin ilo meletlet; im
kien joij ej ion loen.

27 Ej kanuij lale ial ko an ro dri
mweo imōn, im e jab mōña ekōn in
jowōn.

28 Ro nejin rej loetōk im kamōnō-
nōik e; leo belen bareinwōt ej nebar
e im ba,

29 Elōñ ro nejin kōra rar kōmōn
emōn, a kwe kwoj emōn jen ir otem-
jej.

30 Joij e men in mon, im dreo men
wan, a juōn kōra ej mijōk Jeova, naj
nebar e.

31 Ren lelok ñōn e leen pā ko pein;
im jermal ko an ren nebar e ilo kejem
ko.

EKKLISIASTIS

AK, DRI KAKI EO

1 Nan ko an¹ Dri Kaki eo, nejin Devid, kiñ in Jerusalem.

2 Men bata otem bata, Dri Kaki eo ej ba; men bata otem bata, men otemjej rej men bata. **3** Iben armij ro, ewi tokjen jermal otemjej rej jermal kake iomin al? **4** Juōn ebeben ej ilok, im bar juōn ebeben ej itok; a lōl ej berwōt nōn in drio. **5** Al eo bareinwōt ej tak, im al ej tulok, im jarōplok nōn ijo e ar tak ie. **6** Kōto ej ilok nōn rōk, im ej oktōk nōn eañ; ej oktōk ien otemjej ilo jiborōn ko an, im kōto ej bar jekarkar. **7** River otemjej rej torlok nōn lojit, ijoke, lometo e jab lōñ; nōn jikin eo river ko rej ilok nōn e, e ja ijo wōt rej bar ilok nōn e. **8** Men otemjej re obrōk kin mōk, armij re bankwalok e: mej e jab māt kin lo, ak lojiliñ e jab obrōk kin roñ. **9** Men eo e kar ber, men in eo e naj ber; im men eo emwij kōmōne, ej men eo re naj kōmōne; im ejelok men eo ekāl iomin al. **10** Eor ke men re maroñ in ba kake, Lo, men in ekāl? e kar ber jen eto, ilo yiō ko mokta jen kij. **11** Ejelok ememej ebeben ko mokta; im e naj ejelok ememej ebeben ko re naj itok, iben ro re naj itok elikir.

12 Ña, Dri Kaki, I ar kiñ ion Israel i Jerusalem. **13** Im I ar likit buruō bwe en kabukot im lo kin meletlet men otemjej emwij kōmōnmōni iomin lōñ ko: elap jermal in iñtan eo Anij e ar lelok nōn ro nejin armij bwe ren jermal kake. **14** I ar lo jermal otemjej emwij kōmōni iomin al; im lo, aolepeir rej men bata, einwōt kōñ kōto. **15** Men eo e anekeke, re ban kajime; im re ban bwini men ko men in aikwij. **16** I ar bebe ilo buruō, im ba, Lo, emwij aō bōk meletlet elap jen ro otemjej rar ber mokta jen ña i Jerusalem; aet, buruō e kar minene wōt

nōn meletlet im jelalokjen. **17** Im I ar likit buruō nōn jela meletlet, im bwe en jela kin uriekak im men in bwebwe: I ar lo men in bareinwōt bwe ej einwōt kōñ kōto. **18** Bwe ilo elap meletlet elap buromōj; im eo ej korlok jelalokjen ej korlok buromōj.

2 I ar ba ilo buruō, Kwon lale kiō, I naj melejoñ yuk kin men in tōñkake; inem kwon mōnōnō wōt: im, lo, men in bareinwōt men bata. **2** I ar ba kin tōñ, Ej uriekak; im kin lea, Ej it? **3** I ar kabukot ilo buruō ekijkan in kamōnōnōik kōniekiō kin wain, ke buruō ej tellok iō kin meletlet, im ekijkan jibwe men in bwebwe, mae ien aō maroñ in lo ta eo emōn nōn ro nejin armij, bwe ren kōmōne iomin lōñ ko, ran ko otemjej rej mour. **4** I ar kōmōnmōn jermal ko relap; I ar kallip bwil ko bwil in grep; I¹ ar kalek nōn iō mo ko; **5** I ar kōmōnmōn nōn iō jikin kallip, im jikin wijki ko, im I ar kallip ilo ir wijki ko leir kaju wāweir; **6** I ar kōmōnmōn nōn iō lwe ko, nōn kaimlolo wijki ko ijo jikin kadreklok wijki ie; **7** I ar wiaik ro dri korijera man im kōra, im iba ro dri korijera rej lotak iloan mweo imō; bareinwōt iba elōñ mweiuk ko, bwijin kau im sip, elōñ jen ro otemjej rar ber mokta jen ña i Jerusalem; **8** I ar bareinwōt ainitok nōn iba gold im silver, im mweiuk ko mweien kiñ ro im ailiñ ko; I ar bōk nōn iba ro dri al man im kōra, im men ko ro nejin armij rej mōnōnō kake, ken kajōñjōñ ko, im rej kaju wāweir. **9** Ein drein I ar² utiej wōt, im orlok jen aolepeir mokta jen ña i Jerusalem; bareinwōt aō meletlet e ar ber iba. **10** Im jabrewōt kōnan an meja, I ar jab drebij jeni; I ar jab drebij buruō jen jabrewōt men in lōñliñ; bwe buruō e ar mōnōnō kin aolepen aō jermal; im men in aō kij jen

aolepen aō jerbal. 11 Inem I ar reilok nōn jerbal otemjej peiō rar kōmōni, im nōn jerbal eo I ar jerbal in kōmōne; im lo, aolepeir men bata im einwōt kōn kōto, im ejelok tokjen iomin al.

12 Im I ar oktōk bwe in lo meletlet, im uriekak, im men in bwebwe: bwe ta eo armij eo e maroñ in kōmōne ñe ej itok elikin kiñ eo? a men eo wōt emwij kōmōne eto. 13 Inem I ar lo bwe meletlet emōn jen bwebwe, einwōt marat emōn jen marok. 14 Mejen dri meletlet eo rej ilo bōran, im dri bwebwe ej etal ilo marok: ijoke, I ar kile bwe juōn wōt men eo ej itok nōn ir otemjej. 15 Inem I ar ba ilo buruō, Einwōt ej waloktok nōn dri bwebwe, ein drein e naj waloktok nōn ña; inem etke elaplok aō meletlet jen e? Inem I ar ba ilo buruō, bwe men in bareinwōt men bata. 16 Bwe kin dri meletlet, einwōt kin dri bwebwe, ejelok ememej ir nōn in drio; bwe ilo ran kore naj itok, naj meloklok ir otemjej. Im ekijkjan, bwe dri meletlet im dri bwebwe re naj jimor mij! 17 Ein drein I ar drike mour, bwe jerbal eo emwij jerbale iomin al ej kaburomōj iō; bwe aolepen ej men bata einwōt kōn kōto.

18 Im I ar drike aolepen aō jerbal I kar jerbal kake iomin al, bwe kwo-naō likit e nōn armij eo e naj elikiō. 19 Im wōn e jela kin an naj meletlet ak bwebwe? ijoke, e naj iroi ion aolepen aō jerbal I ar jerbal kake, im ilo ir I ar kwalok aō meletlet iomin al. Men in bareinwōt men bata. 20 Kin men in I ar oktōk in kōmōn bwe buruō en oḃwer kin aolepen jerbal eo I ar jerbal kake iomin al. 21 Bwe eor armij, im jerbal eo an kin meletlet, im kin jelalokjen, im kin kabel; ijoke, e naj likite men in jolit nōn juōn armij e jañin jerbal kake. Men in bareinwōt men bata, im nana elap. 22 Bwe ta eo iben juōn armij tokjen jerbal eo an otemjej, im niknik in buruen, ej jerbal kake iomin al? 23 Bwe ran otemjej an rej men in burumōj wōt, im iñtan eo an ej men in buromōj; aet ilo boñ buruen e jab

lo kakije. Men in bareinwōt men bata.

24 Ejelok men emōn nōn juōn armij jen an mōña im irak, im kōmōn bwe an en mōnōnō kin emōn ilo jerbal eo an. Men in bareinwōt I ar lo, bwe ej jen pein Anij. 25 Bwe wōn e maroñ in mōña, ak wōn e maroñ in mōnōnō, elap jen ña? 26 Bwe nōn armij eo ej kabuñburuen Anij, Ej lelok meletlet im jela, im lōñliñ; a nōn dri bwir eo, Ej lelok iñtan, bwe en aini im ejak men ko, bwe En maroñ in lelok nōn eo ej kabuñburuen Anij. Men in bareinwōt men bata im kōn kōto.

3 Eor ien nōn jabrewōt men, im eor ien nōn lemnok otemjej iomin lōñ ko: 2 juōn ien lotak, im juōn ien mij; juōn ien kallip, im juōn ien totōk men eo emwij kallip e; 3 juōn ien mōn, im juōn ien kaejmour; juōn ien jolōllok, im juōn ien kalek; 4 juōn ien jōñ, im juōn ien tōñ; juōn ien buromōj, im juōn ien eep; 5 juōn ien jolok dreka ko, im juōn ien eji dreka ko; juōn ien jiburlip, im juōn ien jab jiburlip; 6 juōn ien kabukot, im juōn ien kowutlok; juōn ien drebij, im juōn ien jolok; 7 juōn ien kekel, im juōn ien keke; juōn ien ikōñ, im juōn ien konono; 8 juōn ien yokwe, im juōn ien kijirāte; juōn ien tōrinaek, im juōn ien ainemōn. 9 Ewi tokjen iben jabrewōt eo ej jerbal ilo men eo ej jerbale? 10 Emwij aō lo mejōljōllok eo Anij e ar lelok nōn ro nej in armij bwe ren jerbal kake. 11 E ar kōmōn jabrewōt men eo e wolio ilo ier: eo an; bareinwōt E ar likit ien in drio ilo burueir, a einwōt armij re kabukot men in kōmōn eo Anij e ar kōmōne jen jinoin im nōn jemlokōn. 12 Ña I jela bwe ejelok men emōnlok nōn ir, jen bwe ren mōnōnō, im bwe ren kōmōn emōn toñ air mour. 13 Im bareinwōt, bwe jabrewōt armij en mōña im irak, im lōñliñ ilo tokjen aolepen jerbal eo an, eñin men in lelok jen Anij. 14 Ña I jela, bwe jabrewōt eo Anij ej kōmōne, e naj nōn in drio; re maroñ kobaik ejelok nōn e, im re ban bōk jabrewōt jen e; im Anij e ar kōmōne bwe armij ren

mijōk iman. 15 Men eo ej ber, e ar ber mokta; im men eo e naj ber, e kar ber ilo ien moktata: im Anij ej bar bukot men eo e joko.

16 Im I ar bareinwōt lo iomin al, bwe ilo jikin ekajet eor nana; im ijo e naj kar jikin wānik, nana ej ber. 17 Ŋa I ar ba ilo buruō, ¹ Anij e naj ekajete ro dru wānik im ro re nana; bwe juōn ien ijo ŋōn lemnok otemjej im ŋōn jerbal otemjej. 18 Ŋa I ar ba ilo buruō, Kin ro nejn armij bwe Anij en melejoŋ ir, im ren mōke lo ir bwe rej einwōt kiru ko. 19 Bwe men eo ej walok ŋōn ro nejn armij, ej walok ŋōn kiru ko; juōn wōt men eo ej walok ŋōn ir; einwōt juōn iair e mij, ein drein e mij eo juōn; aet, ibeir otemjej juōn wōt menono; im iben armij ro, ejelok utiej jen kiru ko: bwe men otemjej men bata. 20 Ir otemjej rej ilok ŋōn juōn jikin; ir otemjej jen bōŋōlŋōl, im ir otemjej rej bar oktōk ŋōn bōŋōlŋōl. 21 Wōn e jela an armij, elañe ej wōnliŋlok, im an kiru eo, elañe ej wōnliŋlok ŋōn lōl? 22 Kin men in I ar lo bwe ejelok emōn jen an juōn armij lōŋliŋ kin men in kōmōn ko an; bwe eñeo kij eo an: bwe wōn eo e naj kejeblaktok e bwe en lo ta eo e naj walok elikin?

4 Inem I ar jeblak im lo men in kejjorran otemjej emwij kōmōni iomin al: im, lo, dren in kemjalal an ro emwij kejjorran ir, im ejelok dri kainemōn; im iben ro dri kejjorran ir eor kajur; a ejelok dri kainemōn ir. 2 Kin men in elaplok aō nebar ro eto ke rar mij, jen ro rej mour; 3 aet, elap jen men kein ruo, I ar koutiej eo e jaŋin ber, eo e ar jab lo jerbal ko re nana ko rej kōmōni iomin al.

4 Inem I ar lo jerbal otemjej, im jabrewōt men in kōmōn an dri mejerik, bwe kin men eo dri turin ej junmare juōn armij. Men in bareinwōt men bata im einwōt kōŋ kōto. 5 Dri bwebwe eo ej bōkpā, im kōŋi kōniekin. 6 Emōnlok juōn lōŋinpā, im ainemōn iben, jen ruo lōŋinpā im ibeir jerbal im einwōt kōŋ kōto.

7 Inem I ar jeblaktok im lo men

bata iomin al. 8 Juōn ej ajkā, im ejelok rajitan; aet, ejelok nejn ak jein im jātin; ijoke, ejelok jemlokōn aolepen jerbal eo an, im mejen re jab māt kin mweiuk ko. Ej ba, Ij jerbal wōt kin wōn, im drebij emōn jen aō? Men in bareinwōt men bata, aet, juōn iŋtan e nana. 9 Ruo remōnlok jen juōn; bwe ibeir emōn wōnan jerbal eo air. 10 Bwe elane re buŋ, juōn e naj kejjerkak eo juōn; a wo ŋōn eo e mōke ian ke ej buŋ, im ejelok iben bwe en kejjerkak e. 11 Bar juōn, elañe ruo rej babu iben dron, eor air mānān; a ekijkan an juōn maroŋ in mānān ñe e mōke ian? 12 Im elañe juōn armij e kōnan bōk anjo ion eo e mōke ian, irro re naj jumae e; im juōn ekwoljil e jamin mōkōj air mijkōk e.

13 Juōn eman emōn drer e jeramel im meletlet, emōn jen juōn kiŋ e lōlap im dri bwebwe im e jaje ekijkan en bar bōk nan in kowe. 14 Bwe jen prison e ar driojtok bwe en kiŋ; aet, iloan ailiŋ eo an e ar lotak im jeramel. 15 I ar lo ro remour otemjej ro rej etetal iomin al, bwe rej iben eo emōn drer, eo ken ka ruo, im e ar jutōk in binej jenkwōn. 16 Ejelok jemlokōn armij otemjej, ro e ar iroiŋ ioir: ijoke, ro re naj itok elikin re jamin mōnōnō kin e. Emoŋ men in men bata, im einwōt kōŋ kōto.

5 Kwon lale neōm ñe kwoj ilok ŋōn imōn Anij; bwe kebaktok ŋōn roŋjake emōn jen lelok men in katok an ro dri bwebwe: bwe re jaje kake air kōmōn nana. 2 Kwon jab kanuij mōkōj kin loŋōm, im buruōm en jab jarōpmōkōj in konono jabrewōt iman mejen Anij; bwe Anij ej ber ilo lōŋ, im kwe ion lōl: kin men in nan ko am ren eiet. 3 Bwe juōn tōnak ej itok kin inebata, im ainiker juōn dri bwebwe iben elōŋ nan ko. 4 Ñe kwoj kanōjniŋ kin juōn kanōjni; ŋōn Anij, kwon jab rumij ilo am kōllā; bwe E jab yokwe ro dri bwebwe: kwon kōllā men eo kwoj kanōjniŋ kake. 5 Emōnlok am jab kanōjniŋ jen elañe kwoj kanōjniŋ im jab kōllā. 6 Kwon jab kōtlok loŋōm bwe en kab-

wir kōniekōm; im kwon jab ba iman dri jilik an Anij, bwe juōn bwir: etke Anij en illu kin ainikiōm, im kokkure men in kōmōn an peōm? 7 Bwe ilo elōñ tōnak, eor men bata, im ilo elōñ nan ko: a kwe kwon mijōk Anij.

8 Elañe kwoj lo air kamakokoik ro dri jeramel, im air bōk jen juōn ailiñ kin kajur, men in wānik im jime, kwon jab bwilōñ kake: bwe Juōn e utiej jen dri utiej ro, Ej lale; im eor re utiej jen ir. 9 Bar juōn, leen lōl in, ej ñōn otemjej; im jikin kallip ej jibōñ kiñ eo.

10 Eo ej yokwe silver, e jamin māt kin silver; ak eo ej yokwe elōñ mwe-iuk kin orlok: men in bareinwōt men bata. 11 Ñe mweiuik ej orlok, ro rej mōña re orlok; im ewi tokjen ñōn eo rej an, a men in wōt, reilok ñōni? 12 Kiki an juōn dri jerbal, ¹emōn wōt, elañe ej kōñi elōñ ak erik; a kin an obrōk dri mweie e jab itok an kiki.

13 Juōn men e kanuij nana im em-wij aō loe iomin al, eñin, mweiuik ko an juōn armij ej drebij im rej kejor-ran e: 14 im mweiuik ko rej jokolok kin juōn walok e nana; inem elañe emwij an keutak juōn nejin, e naj ejelok ilo pein. 15 Einwōt an itok jen lojen jinen, e kelwan, e naj bar ilok einwōt e ar itok, im e naj bōklok ejelok kin jerbal ko an, ko e maroñ in bōklok ilo pein. 16 Im men in bar-einwōt e kanuij nana, bwe ilo men otemjej einwōt e ar itok, ein drein e naj ilok: im ewi tokjen an jerbal kin kōto wōt? 17 Bareinwōt ilo ran ko an otemjej ej mōña ilo marok, im e kanuij jorran, im iben nañinmij im illu.

18 Lo, men eo I ar lale bwe emōn im wolio, bwe juōn en mōña im irak im mōnōnō kake emōn ilo jerbal otem-jej an, ej jerbal kake iomin al, ran ko otemjej in mour eo Anij e ar lelok ñōn e; bwe men in kij eo an. 19 Jabrewōt armij eo Anij e ar lelok ñōn e mweiuik ko im mōnni, im E ar lelok ñōn e maroñ in mōña jen e, im bōk kij eo an, im mōnōnō kake jerbal eo an; eñin men in letok jen Anij.

20 Bwe e jamin kanuij kememej ran ko in mour eo an; kin an Anij uak e ilo lōñliñ an buruen.

6 Eor men e nana I ar loe iomin al, im e kanuij erro ion armij ro: 2 juōn eman im Anij ej lelok ñōn e mweiuik ko, elōñ mōnni, im utiej, inem ej aikwij ejelok ñōn an, ian men otemjej e kōnan, ijoke, Anij e jab lelok ñōn e maroñ in mōña jen e, a juōn drua maijet ej kōñ e; eñin men bata, im e juōn nañinmij e nana. 3 Elañe juōn eman ej keutak jibuki nejin, im ej mour elōñ yiō, inem elōñ ran ko in yiō ko an, a an e jab māt kin emōn, im bareinwōt re jab kalibwin e: ij ba, juōn eko emōnlok jen e: 4 bwe ej itok bata, im ej ilok ilo marok, im emwij kalibubu etan kin marok; 5 bar juōn, e ar jab lo al, ak jela kake; eñin elaplok an kakiije jen eo juōn: 6 aet, meñe ej mour juōn tausan yiō alen ruo, im e ar jab mōnōnō kin emōn, ro otemjej re jab ilok ñōn juōn wōt jikir ke?

7 Aoleepen ¹jerbal an armij ej ñōn loñin, ijoke, jamin ju buruen. 8 Bwe ta eo iben dri meletlet eorlok jen eo iben dri bwebwe? ak ta eo iben dri jeramel, eo e jela ekijkan an etetal iman ro rej mour? 9 Men in lo an mejen emōn jen an jebwābwe kōnan eo an: eñin bareinwōt men bata im einwōt kōñ kōto.

10 Jabrewōt eo e ar ber, rar na-etan mokta; im re jela ta armij; im e ban akwaile eo e kajur jen e. 11 Ke elōñ men ko rej korlok men bata ilo ta armij ej emōnlok kake? 12 Bwe wōn e jela ta eo emōn ñōn armij ilo mour eo an, ilo ran otemjej an mour wan eo an, im ej draepe einwōt juōn lur? Bwe wōn e maroñ in kennanek juōn armij, ta eo e naj elikin iomin al?

7 ²Buñbuñ e mejaja an emōn, emōn jen oil e aurōk; im ran in mij jen ran in lotak. 2 Ilok ñōn imōn ro rej jōñ, emōn jen ilok ñōn imōn kwoj-kwoj: bwe eñeo jemlokōn armij otem-jej; im ro re mour re naj kalomōnlok-jen kake. 3 Buromōj emōn jen tōñ:

¹ Ken. 3. 24.

² Ken. 16. 26. ³ Ken. 22. 1.

bwe kin mejen buromōj buruen emōn-
lok. 4 Buruen ro dri meletlet ej
iloan imōn ro rej jōñ; a buruen ro dri
bwebwe ej iloan imōn ro rej tōñ.

5 Emōnlok roñjake nan in kowe jen
ro dri meletlet, jen bwe juōn armij en
roñjake al an ro dri bwebwe. 6 Bwe
einwōt būkbūk in kane ko iomin juōn
pot, ein drein tōñ an dri bwebwe eo:
eñin bareinwōt men bata. 7 Emol
koaroñ ej kōmōn bwe juōn dri melet-
let en einwōt dri bwebwe; im wōnan
kankeke ekajet ej kokkure maroñ in
melele.

8 Jemlokōn juōn men emōn jen ji-
noin; im eo ej kijinmij ilo buruen,
emōn jen eo e utiej buruen. 9 Kwon
jab mōkōj in illu ilo buruōm; bwe illu
ej berwōt ilo buruen ro dri bwebwe.
10 Kwon jab ba, Etke ran ko mokta-
ta remōn jen ran kein? bwe kwo jab
meletlet in kajitōk kin men in.

11 Meletlet, emōn einwōt men in
jolit; aet, emōnlok ñōn ro rej lo al.
12 Bwe meletlet e juōn men in kouk,
einwōt mōnni ej men in kouk; a tok-
jen jelalokjen, eñin, meletlet ej lo-
moren eo ej ber iben. 13 Kwon ka-
lomōnlokjen kin men in kōmōn an
Anij: bwe wōn e maroñ in kajime
men eo E ar kankeke? 14 Ilo ran in
jerammōn, kwon lōñliñ; im ilo ran in
jorran, kwon kalomōnlokjen; aet,
Anij e ar kōmōn irro iben dron ñōn
nen in, bwe armij en jab bukot jab-
rewōt men eo e naj walok elikin.

15 Aolepen men in emwij aō loe
ilo ran ko aō rewan: eor dru wānik
im e joko ilo an wānik, im eor dri na-
na im ej kaitoklok an nana ilo aolep-
en an mour. 16 Kwon jab wānik
jen joñōn emōn; im kwon jab mōke
kōmōn yuk meletlet jen joñōn emōn;
etke kwon mōke kokkure yuk? 17
Kwon jab kanuij nana, im kwon jab
bwebwe: etke kwon mij mokta jen
am ien? 18 Emōn kwon drebij men
in; aet bareinwōt kwon jab bōk peōm
jen e: bwe eo ej mijōk Anij e naj
drioiptok jen ir otemjej.

19 Kajur an meletlet iben juōn ar-
mij elaplok tokjen jen joñoul iroiñ ilo
juōn jikin kwelok. 20 Emol ejelok

juōn armij dru wānik ion lōl, eo ej
kōmōn emōn, im e jab bwir. 21 Bar-
einwōt kwon jab eoroñ nan otemjej
emwij konono kake, ñe kwo ab roñ-
jake an dri korijerōm kole yuk: 22
bwe elōñ alen buruōm e jela bwe ein
drein kwe kwar mōke kole ro jet.

23 Aolepen men in I ar kamol ilo
meletlet: I ar ba, Ña I naj meletlet;
a e ar etolok jen iō. 24 Eo ej ber, ej
etolok im e kanuij mulōl; wōn e ma-
roñ in ture? 25 I ar oktōk, im buruō
e ar kajeoñ in jela im kabuk, im bu-
kot meletlet im unin men ko, im bwe
in jela bwe nana ej men in bwebwe,
im bwe men in bwebwe ej uriekak.
26 Im ij lo bwe emeo jen mij, kōra
eo buruen ej jen ko im ok ko, im pā
ko pein kworōk ko: jabrewōt eo ej
kabuñburuen Anij, e naj ko jen e; a
eo dri nana, lio e naj jibwe e. 27 Lo,
men in I ar loe, Dri Kaki eo ej ba, ke
ij keire juōn men iben bar juōn, in lo
tokjeir; 28 men eo aō ej bukot wōt,
a I ar jab loe; juōn eman ian juōn
tausan I ar loe; a juōn kōra ian rein
otemjej, I jañin lo. 29 Lo, men in
wōt I ar loe; bwe Anij e ar kōmōn-
mōn armij jime; a rar kabukot elōñ
men in kine.

8 Wōn eo einwōt dri meletlet? im
wōn e jela uktōn juōn men? Me-
letlet an juōn armij ej kejatōltil turin
mejen, im emwij ukot bin an turin
mejen. 2 Ña ij ba ñōn yuk, Kwon
bokake kien kiñ eo, im men in kin
kanōjnij an Anij. 3 Kwon jab kijo-
rur in ilok jen iman mejen; kwon ki-
jinmij ilo juōn men e nana; bwe ej
kōmōn jabrewōt men eo e kōnan. 4
Bwe iben nan jen kiñ eor kajur; im
wōn e maroñ in ba ñōn e, Kwoj it?
5 Jabrewōt eo ej bokake kien, e ja-
min jela men e nana; im buruen armij
dri meletlet, ej kile ien, im men in
ekajet; 6 bwe ñōn lemnok otemjej
eor ien im ekajet; bwe elap jorran
ion armij rōn: 7 bwe e jaje ta eo
e naj ber; bwe wōn e marōn in ba
ekijkan e naj ber? 8 Ejelok armij im
eor an maroñ ion an bwe en drebij e;
im ejelok an maroñ ion ran in mij;
im ejelok kōtlok jen tōrinae eo; im

nana e jamin lomoren eo ej minene kake.

9 Aolepen men in I ar loe, im I ar lelok buruō ñōn jerbal otemjej emwij kōmōne iomin al: eor ien ñe juōn armij eor an maroñ ion bar juōn bwe en kejjorran e. 10 Ein drein I ar lo air kalibwin ro dri nana, im rar itok ñōn lūp eo; im ro rar kōmōn emōn rar ilok jen jikin e kwojarjar im rar meloklok ir ilo jikin kwelok eo; eñin bareinwōt men bata. 11 Kin an rumij kamol nan in ekajet nae juōn men e nana, inem buruen ro nejin armij re kanuij beran bwe ren kōmōn nana. 12 Meñe juōn dri nana ej kōmōn nana jibuki alen, im e aitoklok ran ko an, ijoke, I kanuij jela bwe e naj emōn iben ro rej mijōk Anij, ro re mijōk iman mejen. 13 A e jamin emōn iben eo dri nana, im e jamin kaitoklok ran ko an, ko rej einwōt juōn lur; kin an jab mijōk iman mejen Anij.

14 Juōn men bata rej kōmōne ion lōl, bwe eor dru wānik, im ej walok ñōn ir ekar ñōn jerbal an rodri nana; bar juōn, eor armij dri nana im ej walok ñōn ir ekar ñōn jerbal an ro dru wānik: I ar ba men in bareinwōt men bata. 15 Inem I ar nebar men in tōñ, bwe iben juōn armij ejelok iomin al emōnlok jen bwe en mōña, im irak, im mōnōnō: bwe men eo e naj ber iben ilo an jerbal ran otemjej in mour eo an, im Anij e ar lelok ñōn iomin al.

16 Ke I ar lelok buruō ñōn jela meletlet, im bwe in lo jerbal eo emwij kōmōne ion lōl, (bwe eor e jab kil mejen ran ak boñ), 17 inem I ar reilok ñōn aolepen men in kōmōn an Anij, bwe armij e ban kabukot jerbal eo emwij kōmōne iomin al: bwe jekron joñōn an juōn armij jerbal bwe en loe, a e jamin loe; aet, bar juōn, meñe juōn dri meletlet ej lemnok en jela

9 kake, e jamin maroñ in loe. 1 Bwe aolepen men in I ar likit na ilo buruō, in kabukot aolepen; bwe ro dru wānik, im ro dri meletlet, im jerbal ko air, rej ilo pein Anij; elañe yokwe ak kijirāt, armij e jaje kake; aolep ej imair.

2 Men otemjej re walok im einwōt juōn ñōn otemjej: juōn wōt men ej walok ñōn ro dru wānik im ro dri nana; ñōn ro remōn, ñōn ro rereo im ñōn ro re jab erre; ñōn eo ej katok, im ñōn eo e jab katok; einwōt eo emōn, ein drein eo e nana; im eo ej kanōjni, einwōt eo e mijōk juōn kanōjni. 3 Eñin juōn men e nana ilo men otemjej emwij kōmōne iomin al, bwe juōn men ñōn aolep; aet, bareinwōt buruen ro nejin armij e obrōk kin nana, im uriekak ej ilo burueir ke rej mour wōt, im tokelik rej ilok ñōn iben ro re mij. 4 Bwe ñōn eo ej ber iben ro re mour eor kejjatrikrik; bwe juōn kiru roror e mour, emōn jen juōn laion e mij. 5 Bwe ro re mour re jela bwe re naj mij: a ro re mij ejelok air jela, im e bar ejelok men in lelok ñōn ir; re jab ememej ir. 6 Air yokwe, im bareinwōt air kijirāt im junmar, re joko eto; im ejelok air kij ñōn in drio ilo jabrewōt men emwij kōmōne iomin al.

7 Kwon etal wōt, kwon mōña kijōm kin lōñliñ, im irak wain eo am kin mōnōnō buruōm; bwe Anij e ar bōk jerbal ko am. 8 Nuknuk ko am ren mouj ien otemjej; im bōrōm en merol. 9 Kwon mōnōnō im mour iben lio belōm eo kwoj yokwe ran otemjej in mour wan eo am, eo E ar lewoj ñōn yuk iomin al; bwe men in am kij ilo mour, im ilo jerbal eo am kwoj jerbal kake iomin al. 10 Jabrewōt eo peōm ej loe bwe en kōmōne, kwon kōmōne kin am maroñ; bwe ejelok jerbal, ak men in kine, ak jela, ak meletlet, ilo Hedis, ijo kwoj ilok ñōn e.

11 I ar jeblaktok, im reilok iomin al, bwe iaikwij e jab ñōn eo e mōkōj wot, ak keitak ñōn eo e kajur wōt, ak bareinwōt ekōn ñōn ro dri meletlet wot, ak mweiuk ko ñōn armij in jela-lokjen wōt, ak joij ñōn armij re kabel wōt: a ien im men in walok rej itok ñōn ir otemjej. 12 Bwe armij bareinwōt e jab jela ien eo an: einwōt iik ko rej lorōk ilo ok e nana, im einwōt bao ko rej lorōk ilo aluk eo, ein drein ro nejin armij re bo ilo ien nana, ke ej buñ mōkōj ioir.

13 Emwij ao lo meletlet iomin al einwöt in, im I ar lemnok elap wöt: 14 juön jikin kwelok erik, im eit armij iloa; im juön kiñ elap ej itok mae e, im e ar nitbwile, im kalek me ko relap nae e: 15 ak emwij lo juön armij e jeramel im meletlet iloa, im eo, kin an meletlet, e ar lomoren jikin kwelok eo; a ejelok armij e ar keme-mej armij eo dri jeramel. 16 Inem I ar ba, Emön meletlet jen kajur; ijoke, rej kejekron meletlet an dri jeramel eo, im re jab eoroñ nan ko an. 17 Nan ko an ro dri meletlet emwij roñjaki ñe ejelok kimñilñil, remön jen lamij an eo ej iroi, iben ro dri bwebwe. 18 Meletlet emön jen ken törinae ko: a juön dri nana ej kokkure emön elap.

10 Loñ ko re mij rej kōmōn bwe oil an dri kōmōn ñōj en kōrōr; ein drein men in bwebwe erik, erro jen meletlet im men in nebar. 2 Buruen armij e meletlet ej i pein anbij-marōñōn; a buruen dri bwebwe ej i anmiñin. 3 Aet bareinwöt, ñe dri bwebwe ej etetal ilo ial, jelalokjen eo an e likjōp jen e, im ej ba ñōn jabrewöt armij bwe ej dri bwebwe. 4 Elañe an iroi eo ej jerkak nae yuk, kwon jab ilok jen jikōm; bwe joi eo ej mirik illu elap.

5 Juön men e nana I ar loe iomin al, einwöt juön bwir ej waloktok jen iroi eo: 6 emwij likit men in bwebwe ilo utiej elap, im ro dri mweie rej jijōt ilo jikir retā. 7 I ar lo ro dri korijer rej uwe ion ors ko, im iroi ro rej etetal, einwöt ro dri korijer, ion brij.

8 ¹Eo ej kōbij juön roñ, e naj buñ iloa; im jabrewöt eo ej rupe juön worwor, juön serpent e naj kije. 9 Jabrewöt eo ej jekjek dreka ko, naj kejjorran e kake; im eo ej belaj kane ej uota kake. 10 Elañe e kub māl eo, im juön e jab jeme, inem en iñlok kake: a eor tokjen meletlet ñōn katakin e. 11 Elañe serpent eo ej kije mokta jen kainemōne, inem ejelok tokjen dri kainemōn eo.

12 Nan ko jen loñin armij e meletlet, re joi wöt; a tien dri bwebwe, re

naj mōke warōñlok e. 13 Jinoin nan ko jen loñin, e men in bwebwe: im jemlokōn an konono uriekak, men in kejjorran. 14 Bareinwöt juön dri bwebwe ej korlok nan ko: a armij e jaje ta e naj walok; im ta eo e naj elikin, wōn e marōñ in kennanek e? 15 Jerbal an ro dri bwebwe, ej kamōk jabrewöt iair; bwe e jaje ekijkan en ilok ñōn jikin kwelok eo.

16 Wo ñōn yuk, O ailiñ, ñe kiñ eo am ej ajiri, im iroi ro am rej mōña ke e jiboñ! 17 E mōñōñō kwe, O ailiñ, ñe kiñ eo am e nejin ro re utiej im iroi ro am rej mōña ilo ien ekar, ñōn kajur im jab ñōn karek! 18 Kin jowōn, kejenwan ej jibdreka; im kin pā ko re jatoktok mweo ettal. 19 Rej kōmōn juön kwojkwoj ñōn lea, im wain ej kalōñliñ mour eo; im mōñni e bwe ñōn men otemjej. 20 Kwon jab kajirere kiñ eo, jab ilo am lemnok; im kwon jab kajirere ro dri mweie, ilo rum in kiki eo am: bwe juön bao in mejatoto e naj bōklok ainikiōm, im eo eor pein bao, e naj kennan men eo.

11 Kwon jolok kijōm na ion dren ko; bwe kwo naj loe elikin elōñ ran. 2 Kwon lelok juön mōtōn ñōn jiljilimjuön, aet ñōn drualitōk; bwe kwo jaje nana ōt e naj ion lōl. 3 Elañe kōro ko relōñ kin wut, rej mōke lutōk ir ion lōl; im elañe juön wijki ej eolok ruñalok, ak niñalok, ilo jikin ej eolok ie, e naj berwöt. 4 Eo ej kamel, e jamin jeor, im eo ej katu, E jamin marmir. 5 Einwöt kwo jab jela jiborōn kōto, ak ekijkan dri ko rej edrek ilo lojen e e bōroro; ein drein kwo jaje kake jerbal an Anij, eo ej kōmōn men otemjej. 6 Ke e jiboñ kwon jeor ine eo am, im ke e jota kwon jab drebij peōm; bwe kwo jaje ewi iairro e naj jerammōn, eñin ak eo juön, ak elañe irro re naj emōnin wöt juön. 7 Emol emōn maram, im e men in mōñōñō ñe mej ko rej lo al. 8 Aet, elañe juön armij ej mour iomin elōñ yiō, en lōñliñ ilo ir otemjej; a en kememej ran ko in marok, bwe re naj lōñ. Aolepen men ko rej itok men bata.

9 Kwon mōnōnō, O likao, ilo ien ne am, im buruōm en kalōñliñ yuk ilo ran ko ñe emōn ridtōm, im kwonetetal ilo ial ko in buruōm, im ilo am mejeo; a kwon jela wōt bwe kin men kein otemjej Anij e naj bōktok yuk ilo ekajet. 10 Kin men in kwon kadrioiy buromōj jen buruōm, im kwon jolok nana jen kōniekōm; bwe ien ñe emōn ridtōn, im rantak in mour rej

12 men bata. 1 ¹Kwon bareinwōt kememej Eo Dri Kōmōnmōn yuk ilo ran ko ñe emōn ridtōm, mokta jen an ran ko re nana itok, im yiō ko rej kebaktok, ñe kwo naj ba, 1 jab mōnōnō kake; 2 mokta jen al im maram, im aliñ, im iju ko marok, im kōro ko rej jeblaktok elikin wut eo; 3 ilo ran eo ñe ro dri lale mweo re naj ebwep, im armij re kajur re naj kumwil, im ro dri irir re naj bwijrōk bwe reit, im ro rej reilok jen windo ko re naj maroklok, 4 im naj kili aur ko ilo ial eo; ñe ainiken irir ej riklok, im juōn e naj iruij kin ainiken bao in mejatoto, im naj kōtaik limaro otemjej ro nejin al; 5 aet, re naj uota kin men ko re utiej, im men in kalelñōñ re naj ilo ial eo; im wijki in almond e naj ebul, im meninujoiy e naj juōn men erro, im mōm e naj lik-

¹ Dut. 8. 18.

jōp: bwe armij eo ej ilok ñōn kabijuknen in drio, im ro dri jōñ rej etetal ilo ial ko: 6 mokta jen mijkōke ekwol silver, ak rupe jābi gold, ak ken itōk en rup i unin dren, ak ken tōbe kekub en rup i aibij dreka eo, 7 im bōñōlñōl en jeblak ñōn briy, einwōt e kar mokta, im an en jeblak ñōn Anij, eo E ar lelok e. 8 Men bata otem bata, Dri Kaki eo ej ba; men otemjej rej men bata.

9 Im bar juōn, kin an Dri Kaki meletlet, e ar katakin wōt armij ro jela-lokjen: aet, e ar kalomōnlokjen, im kabukot, im kilajrōk elōñ jabōn ken-nan. 10 Dri Kaki eo e ar bukot bwe en lo nan ko remōn, im ko emwij jeje jime, aet, nan ko remol wōt.

11 Nan ko an ro re meletlet rej einwōt ken kaje ko; einwōt drila ko re bin nan ko an ro rej iroi in jar ko, emwij lelok ñōn juōn seperd. 12 Im bar juōn, nejiō, emōn kowe yuk: ejelok jemlokōn air kōmōn elōñ buk; im katak elap ej men in kamōk kōniek.

13 Eñin tokjen men eo; emwij roñjake aolepen: kwon mijōk Anij, im bokake kien ko An; bwe eñin aolepen kōmōn emōn an armij ro. 14 Bwe Anij e naj bōktok jerbal otemjej ilo ekajet, im jabrewōt eo emwij noje, elañe emōn ak nana.

AL EO AN SOLOMON

1 Al eo e mejaja ian al ko, eo an Solomon.

2 Leo en mejenmaik iō kin mejenma ko an loñin; bwe am yokwe emōn jen wain.

3 Iben oil ko am, eor ñōj emōn wōt; etōm einwōt oil rej katorloke; kin men in virjin ro rej yokwe yuk.

4 Kwon ibertok iō; kim naj etōr lore yuk: kiñ eo e ar āñintok iō na ilo rum ko an; kim naj mōnōnō im lōñliñ kake yuk; elaplok am naj konono kake am yokwe jen wain; e jejit air yokwe yuk.

5 Ña I kilmej, a I dreo, O limaro ro nejin Jerusalem, einwōt im nuknuk ko in Kidar, einwōt rōñel nuknuk ko an Solomon.

6 Komin jab kalimjek iō, bwe ña I kilmej, bwe al e ar kejek iō. Lōmaro nejin jinō rar illu nae iō; rar likit iō dri lale bwil in grep ko: a bwil in grep eo aō I ar jab lale.

7 Kwon kennanek iō, O kwe, eo aō ej yokwe, Ewi ijo kwoj najirik: bwij eo am, ewi ijo kwoj kakijeik e ke e raelip: bwe etke ña in einwōt juōn e binjōk kin veil iturin bwij ko an ro jerōm?

8 Elañe kwo jaje kake, O kwe edreo potata ian kōra rōn, kwon etetal ilo am ial ilo malkan bwij eo, im kwon najirik kon in got ko am iturin mo ko imōn seperd ro.

9 I ar jajoñwe yuk, O kwe jera, ñōn juōn ors ilo jariot ko an Pero.

10 Jebōm ko re woleo kin birōk in kolan bōrōm, kenwam kin kworōn iāōk ko.

11 Kim naj kōmōnmōn ñōn yuk birōk ko gold im ibeir drila ko silver.

12 Ke kiñ eo e ar jijōt iturin tebel eo an, aō nard e ar jelil bwin ñōjin.

13 Menoaō ej ñōn iō einwōt juōn bōjo in mōr, eo ej ber ikotan tin ko tinō.

14 Menoaō ej iba einwōt jowin inōk ko henna, ilo bwil in grep ko i Engedai.

15 Lo, kwe kwoj dreo, lio jera; mejōm rej einwōt mejen mule ko.

16 Lo, kwoj wulio, kwe menoaō, aet, emōn wōt: bareinwōt jikin babu eo arro e māroro.

17 Tur ko ilo mweo imwer rej wijki aik, im kōtel ko arro rej wijki fōr.

2 **1** Ña ij juōn ros in Sheron, juōn kiōp in komlōl ko.

2 Einwōt kiōp ko iben kālīklik ko, ein drein lio jera iben limaro emōn drer.

3 Einwōt wijki apel iben wijki ko re wan, ein drein menoaō iben lōmaro emōn drer. I ar jijōt iomin lurin im lōñliñ kake, im leen e ar tōñōl ke I ar erjōñ e.

4 E ar kadreloñ iō na ilo imōn kwoj-kwoj, im flag eo an ilōñiō, yokwe.

5 Komin kakajur iō kin grep ko remōrā, najirik iō kin apel ko; bwe I nañinmij kin yokwe.

6 Pein anmiñin ej iomin bōra, im pein anbijmaroñōn ej jiburlep iō.

7 Ij jiroñ kom, O limaro nejin Jerusalem, kin kiru roe ko, ak kin hañd ko in melaj, bwe komin jab biuktōk, ak kworuj eo menoaō, mae ien e kōnan.

8 Ainiken eo menoaō! lo ej itok, im ej kākī ion tol ko, ej etōr kelok ion tol ko redrik.

9 Eo menoaō ej einwōt juōn kiru

roe, ak hart emōn ridtōn: lo, ej jutōk elikin worwor eo am; ej reitok ilo windo ko; ej reitok ilo taul in windo eo.

10 Menoaō e ar konono, im ba nōn iō, Kwon jerkak, lio jera, dri edreo aō, im itok jen ijene.

11 Bwe lo, ien e bio e motelok, em-wij an wut, im e joko;

12 Rebul mār ko ion lōl; ien al in bao in mejatoto e ar itok, im roñjake ainiken mule ilo eneo arro;

13 Wijki fig ej kakālo fig ko an re māroro, im vain ebul wōt; ej jeltok nōjin. Kwon jerkak, lio jera, dri edreo āo, im itok.

14 O aō mule, kwe kwar ber ilo roñ ko in dreka, ilo jikin tilekek i jirimli, in lo turin mejōm, in roñjake ainikōm; bwe e kōm wōt ainikōm, edreo turin mejōm.

15 Komin jibwe nōn kimro fox ko, fox ko redrik, ko rej kokkure bwil in grep ko; bwe bwil in grep ko amro re bul wōt.

16 Menoaō ej aō, im nā an, ej najirik bwij eo an iolapin kiōp ko.

17 Mae ien ran e molo, im lur ko re joko, kwon oktōk, menoaō, im kwon einwōt juōn roe, ak hart emōn ridtōn ion tol ko in Biter.

3 Ilo boñ ion kiniō I ar kabukot leo aō ej yokwe: I ar bukot e, a I ar jab loe.

2 I ar ba, I naj jerkak kiō, im etetal iloan jikin kwelok eo; ilo ial ko im ilo ial ko re drilep I naj bukot leo aō ej yokwe: I ar kabukot e, a I ar jab loe.

3 Ro dri bar ro rej etetal iloan jikin kwelok eo rar lo iō; im I ar ba nōn ir, Kom ar lo leo aō ej yokwe ke?

4 Jirik wōt ien ke emwij aō elālok jen ir, inem I ar lo leo aō ej yokwe: I ar drebije, im jab kōnan bwe in kōtlok e, mae ien i ar āñintok e iloan mweo imōn jinō, im iloan rum an eo e ar keutak iō.

5 Nā ij jiroñ kom, O komeo limaro

nejin Jerusalem, kin roe ko, ak kin hañd ko in melaj, bwe komin jab biuktok ak kworuj leo menoaō, mae ien e kōnan.

6 Wōn in ej itok jen ene jemaren einwōt jur bat, e nōj kin mōr im kin frankinsens, kin men in nōj ko otem-jej an dru wia?

7 Lo, ej wan ebōk an Solomon; jil-jinoñoul armij re kajur rej kabol e, ian armij re kajur in Israel.

8 Ir otemjej rej minene kin jāji eo, im dri kabel ilo tōrinae: jabrewōt armij jāji eo an i bin, kin men in mijōk ilo boñ.

9 Kiñ Solomon e ar kōmōnmōn nōn e mōke juōn wan ebōk jen wijki ko in Lebanon.

10 E ar kōmōnmōn jur ko an jen silver, kabin jen gold, jikin jijōt eo an jen eōij, im kalibubu iloan kin yokwe, an limaro nejn Jerusalem.

11 Komin drioielok, O limaro nejn Zaion, im aluije kiñ Solomon, iben bakrōnat eo jinen e ar kebelbil e ilo ran in an kalimur in belele, im ilo ran eo ke e mōnōnō buruen.

4 Lo, kwoj dreo, lio jera; lo, kwoj dreo; mejōm rej einwōt mejen mule iomin veil eo am. Kolañ bōrōm ej einwōt juōn bwijin got, ko rej babu iturin tol Giliad.

2 Nī ko nīōm rej einwōt bwijin sip kokōra emwij mijbari, rar wōnlīntok jen air kwol ir, im jabrewōt iair eor nejn bo, im ejelok iair ar kaliājlol e.

3 Tiōm rej einwōt juōn tred eōij, im loñōm e woleo. Dremōm ej einwot mōtōn pomgranet iomin veil eo am.

4 Kenwam ej einwōt imōn bar eo Devid e ar kalek jikin ken tōrinae ko, ijo ej toto juōn tausan ken tōrak, likipijñōk ko otemjej an armij ro re kajur.

5 Etūm rej einwōt ruo kon in dir bo ro nejn juōn roe, rej mōña i bwil-jin kiōp ko.

6 Mae ien e moloio lok ran im lur ko

re ko, I na ilok ñōn tol in mōr eo, im ñōn tol erik in frankinsens.

7 Kwe, lio jera, kwoj dreo wōt; im ejelok mār iloam.

8 Kwon itok iba jen Lebanon, kwe lio beliō, iba jen Lebanon; kwon reilok jen jabōn Amana, jen jabōn Sinir im Hermon, jen roñ ko in laiōn ko, jen tol ko in leopard ko.

9 Kwar rakim buruō, lio jera, lio beliō; kwar rakim buruō kin juōn ian mejōm, kin juōn toninir in kenwam.

10 E nañin woleo am yokwe, kwe lio jera, lio beliō! Am yokwe e nañin emōn jen wain! im ñoj im oil ko am, jen wāwen otemjej spais ko!

11 Tiōm, O lio beliō, rej katorlok einwōt hōnni kom: hōnni im milk rej iomin loōm; im bwin nuknuk ko am einwōt bwin Lebanon.

12 Juōn jikin kallip e kilik, lio jera, lio beliō; juōn unin dren e kilik, juōn unin dren emwij sil e.

13 Ājib ko am wijki pomgranet, im leen ko re aurōk; henna kab mār spaiknard ko,

14 Spaiknard im safron, kalamos im sinnamon, kab wijki otemjej in frankinsens; mōr im alos, kab spais otemjej remōn wōt.

15 Kwe juōn unin dren in jikin kallip ko, juōn aibij in dren ko remour, im river ko rej torlok jen Lebanon.

16 Kwon ruj, O kōto jen eañ; im kwon itok kwe jen rōk; komin ukwi ion aō jikin kallip, bwe spais ko an ren torlok kake. Menoaō en dreloñtok ilo jikin kallip eo an, im mōña leen re aurōk iben.

5 Ña I ar dreloñtok na ilo aō jikin kallip, lio jera, lio beliō; emwij aō aini aō mōr kab aō spais; emwij aō mōña aō nien hōnni iben aō hōnni; emwij aō irak aō wain kab aō milk. Komin mōña, O jeramen; komin irak, aet, komin irak im māt, kom dri yokwe.

2 Ña I ar kiki, a buruō e ar ruj

wōt; ej aiñiken menoaō, ej kalōllōl, im e ba, Kwon kabellek ñōn iō, lio jera, lio dri yokwe, aō mule, aō jab etton; bwe bōra e lōñ kin molawi, kolan bōra kin biliñliñ ko in boñ.

3 Ña I ar wutik nuknuk eo aō; ekijkan aō kōnōk e? emwij aō kwol neiō; ekijkan in kabrijriji?

4 Menoaō e ar kadreloñ pein ilo roñ in aor eo; inem buruō e ar kumkum kin e.

5 I ar jerkak bwe in kabellek ñōn menoaō; im peiō rar kabeliñliñ mōr, im arrin peiō kin mōr einwōt dren, ion men in kapjere ko an ken kabin aor eo.

6 I ar kabellek aor eo ñōn menoaō; a menoaō e kar illok, im e joko. Aō e kar illok ke e ar konono: I ar kabukot e, a I jab maroñ in loe; I ar kir ñōn e, a e ar jab uak iō.

7 Ro dri bar, rej etetal ilo jikin kwelok eo rar lo iō, rar dreñlokwe iō, rar kakinijnij iō; ro dri lale worwor ko rar bōk aō nuknuk jen iō.

8 Ij jiroñ kom, O limaro nejn Jerusalem, elañe kom lo menoaō, komin kennanek e bwe ña I nañinmij kin yokwe.

9 Ta eo iben menoam elap jen bar juōn, O kwe dreo potata ian kōra ro? Ta eo iben menoam elap jen bar juōn, bwe ein drein am jiroñ kim?

10 Menoaō e mouj im kilubūtbūt, eo emōn potata ian joñoul tausan.

11 Bōran einwōt gold e kanuij emōn wōt; kolan bōran re mōjalūlū im kilmej einwōt bao reven.

12 Mejen rej einwōt mule ko iturin wea ko, emwij katutu ir kin milk, im emōn air ber.

13 Jeben rej einwōt juōn jikin tolōj ko, einwōt ubatok in mār ko re ñōj: tien ko rej einwōt kiōp ko, rej kowutlok dren mōr.

14 Pā ko pein rej einwōt luko gold kaibujije kin beril: enbwinin einwōt men in kōmōn jen aivori e libubu kin saffair ko.

15 Ne ko neen einwōt jur ajaj, likiti ion batilemen ko gold emōn wōt:

wāwen einwōt Lebanon, emōn einwōt aik ko.

16 Loñin e kanuij tōñōl; aet, e men in yokwe emōn otem emōn. Ein menoaō, im e in jera, O limaro nejin Jerusalem.

6 Menoam e ar wōjjikōt, O kwe dreo potata ian kōra rōn? menoam e ar ilok ialok, bwe kimin maroñ in bukot e ibōm?

2 Menoaō e ar wōnlōllok ñōn jikin kallip eo an, ñōn ubatōk in spais ko, bwe en mōña ilo jikin kallip ko, im bwe en bwilik kiōp ko.

3 Ña menoan, im menoaō ej aō wōt; ej najirik bwij eo an i bwiljin kiōp ko.

4 Kwe kwoj edreo, lio jera, einwōt Tirza, kwoj edreo einwōt Jerusalem, kwe kwoj kokomak einwōt jar in tōrinae eo flag iben.

5 Kwon kejeorlok mejōm jen ña, bwe rar kemjōk iō. Kolan bōrōm ej einwōt juōn bwijin got, rej babu itur-in tol Giliad.

6 Ñi ko ñiōm rej einwōt juōn bwijin sip kokōra, rej kab wōnliñtok jen air kwol ir: im jabrewōt iair eor nejin bo, im jañin kaliājlol jabrewōt iair.

7 Jan bōrōm rej einwōt mōtōn pomgranet iomin veil eo am.

8 Eor jiljilimjuōn lroi, im drualitōkñoul limaro konkubain, im virjin ro ejelok orair.

9 Aō mule, aō lio erreō, ej juōn wōt; im e mōke wōt nejin jinen; ej jitenburu iben eo e ar keutak e. Limaro nejin ro jet rar loe, im ba emōnō; aet, lroi ro im limaro konkubain rar nebar e.

10 Wōn lio ej reitok einwōt jiboñ, erreō einwōt aliñ, e lae einwōt al, e kokomak einwōt jar in tōrinae eor air flag?

11 I ar wōnlōllok na ilo jikin kallip in nōt ko, bwe in aluij mār ko re mārōro in komlōl eo, bwe in lo elañe vain eo e bul ke jab ke, im elañe eor leen wijki pomgranet ko.

12 Mokta jen ao jela kake, aō e ar likit iō i bwiljin jariot ko an ro dri ailiñ in iroi, eo aō.

13 Kwon jeblaktok, jeblaktok, O dri Shulem; kwon jeblaktok, jeblaktok, bwe kimin reiwoj ñōn yuk.

Etke komin reilok ñōn dri Shulem eo, einwōt ñōn eep in Mehaneim?

7 E nañin woleo neōm ilo sandal ko, O lio nejin iroi! unin neōm remolul einwōt inōk ko, men in kōmōn an juōn dri jerbal e kabel.

2 Enbwinoj ej einwōt juōn ken irak e rolul, me iloan ejelok an aikwi, wain e kare; rojōm einwōt juōn ejoi, in wit emwij kabole kin kiōp ko.

3 Etūm ko rej einwōt ruo kon in dir rej bo ro nejin juōn roe.

4 Kenwan einwōt juōn imōn bar aivori; mejōm rej einwōt lwe ko in Heshbon, iturin aor Bath-rabim: bōdōm einwōt imōn bar in Lebanon ej reilok ñōn Damaskōs.

5 Bōrōm iom einwōt Karmel, im kolan bōrōm einwōt eōij; e jebokwe kiñ eo kin an wut buruen kin kolan.

6 E nañin dreo im nañin men in mōnōnō kwe, O lio jera, kin men in lōñliñ ko!

7 Utiejōm einwōt wijki pam, im etūm einwōt urorin.

8 I ar ba I naj wōnliñlok na ilo wijki pam eo, I naj jibwe ra ko ran: etūm ko ren einwōt urorin vain eo, im atbwinoj menoam ej einwōt apel ko,

9 Im loñōm einwōt wain emōntata,

Emōn an leo menoaō warōñlok e, im e biruru an monlok ikotan tien ro rej kiki.

10 Ña ij jeran; im ej mōmkake iō.

11 Kwon itok, leo menoaō, jen drioi, jlok na ilo jikin kallip ko; jen jokwe ilo jikin kwelok ko redrik.

12 Jen wōnliñlok ñe e jiboñ ñōn bwil in grep ko; jen lo elañe vain eo e ar ebul, im inōk eo an e mejōl, im elañe pomgranet ko rebul ke jab ke: ijo I naj lewoj aō yokwe.

13 Mār mandrek ko rej letok ñōj;

im i kejem ko am leen re aurōk kaju wāweir, rekāl im remor, ko emwij aō likiti nōn kwe, O menoaō.

8 O emōn bwe kwon einwōt leo jā-tiō, eo e ar ninin tit ko tīn jinō! nē I naj lo yuk inabij I naj mejen-maik yuk; aet, im ejelok e naj kejekron iō.

2 I naj kar tel yuk, im āñintok yuk na ilo imōn jinō, eo e naj katakin iō; I naj kōmōn bwe kwon irak jen wain eor spais illoan, jen dren in aō pom-granet.

3 Pein anmiñin e naj iomin bōra, im pein anbijmaroñōn e naj jiburlep iō.

4 Ij jiroñ kom, O limaro nejīn Jerusalem, bwe komin jab biuktōk ak kworuj leo menoaō, mae ien eo e kōnan.

5 Wōn in ej wōnliñtok jen ene jemaren, im ej atartar ion leo menoañ?

Iomin wijki apel I ar kworuj yuk; ijo jinōm e ar mejōljōllok kin yuk, ijo eo e ar mejōljōllok e ar keutak yuk.

6 Kwon likit iō einwōt juōn sil ion buruōm, einwōt juōn sil ion peōm: bwe yokwe e kajur einwōt Hedis; urur ko an einwōt urur ko in kijeek, juōn urur jen Jeova.

7 Dren ko relōñ re ban kwuni yok-

we im lañ ko re ban kamaloñ e: elañe juōn armij e naj lelok mweiuk otem-jej in mweo imōn kin yokwe, naj ka nuij kejekron wōt e kake.

8 Juōn lio jāter erik iber, im ejelok etin; je naj it nōn lio jāter ilo ran eo nē naj kajitōk iber kake?

9 Elañe e juōn worwor, je naj kalek ion juōn jabōn silver: im elañe e juōn aor, je naj kabol e kin ra ko ran aik.

10 Ña juōn worwor, im etiō einwōt imōn bar ko an: ien eo ña iman mejen einwōt juōn e ar lo ainemōn.

11 Juōn bwil in grep an Solomon i Beal-hemon; e ar likit bwil in grep eo iben ro dri lale; jabrewōt iair en bōktok kin leen juōn tausan motōn silver.

12 Aō bwil in grep, eo aō wōt, ej imaō; kwe, O Solomon, tausan eo e naj am, im iben ro rej drebij leen, rubuki.

13 Kwe kwoj jokwe illoan jikin kal-lip ko, ro dri karwonlok rej eoroñ ainikōm; kwon kōmōn bwe in roñ-jake.

14 Kwon kijorur, O leo menoaō, im kwon einwōt juōn roe ak juōn hart emōn drer ion tol in spais ko.

BUK IN AISEIA

1 Visōn eo an Aiseia nejin Emoz, eo e ar loe kin Juda im Jerusalem, ilo ran ko an Uzzaia, Jotam, Ehaz, im Hezekaia, kiñ ro in Juda.

2 Komin roñjake, O lōñ ko, im komin eoroñ, O lōl; bwe Jeova e ar konono: Ña I ar najirik, im kōkajiririk ro nejiō, im rar kabata nae Iō. **3** Ox eo e jela eo ej an, im ass eo kin jikin mōña an iroi j eo an; a Israel e ¹jab jela, dri ailiñ ro aō re jab kalomōnlokjen. **4** Yok! ailiñ e nana, ailiñ ko rej ar dri ban jerawiwi, juōn inen ro dri kōmōn nana, ro nejiō rej kōmōn men ko re jab jime; emwij air illok jen Jeova, rar kejekron eo Dri Kwojarjar in Israel, emwij kadruaklok ir, im rar jenliklok wōt. **5** Etke dreñlokwe wōt kom, kin ami kalaplok ami kabata aolepen bōrami e nañinmij, im aolepen buruōmi e kijelok. **6** Jen lobiren ne, aet ñōn moñōn ejelok keie iloan; a kinij ko, im mao ko, im dribitbit ko rekāl: jañin karōki, ak kitimi, ak unoiki kin oil. **7** Ailiñ eo ami e ²jebeplok; jikin kwelok ko ami emwij tili kin kijeek; eneo ami, ro drua maijet rej kōñe iman mejemi, im ej men in jolok einwōt jebeplok kin ro drua maijet. **8** Im lio nejin Zaion emwij likite einwōt juōn imōn kaberi ilo bwil in grep, einwōt juōn im ilo jikin kallip in kukōmber, einwōt juōn jikin kwelok emwij nitbwile. **9** Elañe Jeova an jar in tōrinae ko E ar jab likit na iber juōn mōtōn e kanuij drik, je naj kar einwōt Sodōm, im kar lamwōt Gomora.

10 Komin roñjake nan jen Jeova, kom iroi j in Sodōm; komin eoroñ kien aruij Anij, komeo ro dri ailiñ in Gomora. **11** Ewi tokjen iba ami men im katok relōñ? Jeova ej ba: Emwij Ao kōnan men in katok kijeek sip koman ko, im kioeo jen kiru emwij tābi;

im I jab mōnōnō kake bōtōktōkin kau koman ko, ak lam ko, ak got koman ko. **12** Ke kom iten ber imaō, wōn e ar kajitōkin men in jen peōmi bwe komin etal ilo worwor ko Aō? **13** Komin jab bar bōktok jurtak wan ko; kajurjur ej men in jōjōik iba; aliñ ko rekāl im ran in Sabat, ami nan in jiroñ ñōn kwelok ko, I ban kaberber Iōkake; bwe e nana jar eo e kwojarjar. **14** Ami aliñ ko rekāl im kwojkwōj ko men in likiti, Aō ej drike; rej men in kejjorran Iō; Ij mōk in kaberberi. **15** Im ñe komij erlokwe peōmi, I naj binej meja jen kom; aet, ñe komij kōmōn elōñ jar, I jamin eoroñ: peōmi re lōñ kin bōtōktōk. **16** ¹Komin kwol kom, komin karreoik kom; komin jolok nana in kōmōn ko ami jen iman meja; en jokwōr ami kōmōn nana; **17** komin katak in kōmōn emōn; komin kabukot men in jime; komin jibōñ ro dri kamakoko, komin ekajet kin ro ejoko jemeir, komin akwelap kin lio e joko belen.

18 Komin itok kiō, im jen kalomōnlokjen iben dron, Jeova ej ba: meñe ami bwir rej einwōt men in jurjur, re naj mouj einwōt sno; meñe re kilmir im akōñkōñ, re naj einwōt kolan sip. **19** Elañe komij joij in kōnan bokake, kom naj mōña men emōn in eneo: **20** a elañe komij abwin im kabata, jāji eo e naj kōñ kom: bwe loñin Jeova ej konono men kein.

21 Yok, jikin kwelok e kin tiljek ej einwōt kōra ekijoñ! eo e kar obrōk kin ekajet jime! men in jime e kar berwōt iloan, a kiō ro dri uror. **22** Am silver ej erom oo, am wain e kabodren. **23** Iroi j ro am rej dri kabata im ro jeran dri kwot rōn; ir otemjej rej yokwe wōnan kabwiloklok mej, im rej lore eamtair: re jab

ekajet kin ro ejelok jemeir, im men ko an lio e joko belen e jab itok imair.

24 Kin men in, Iroiĵ eo, Jeova in inelip eo, Eo e Kajur Potata in Israel, Ej ba, Ah, I naj kakijeik Iō jen ro rej jumae Iō, im I naj kwi kin ro dri kijirāte Iō; 25 im I naj ukot peiō iom, im I naj kanuij karreoik am oo, im bōk jen kwe aolepen am ken kāre; 26 im I naj karōk dri ekajet ro am einwōt mokta, im dri bebe ro am einwōt ilo jinoin: tokelik I naj naetōm, Jikin kwelok e kwojarjar, jikin kwelok e tiljek. 27 Naj binmour kake Zaion kin ekajet jime, im ro rejoktōk nōn e kin men in jime. 28 A naj kokkure ro dri bwir im ro dri jera-wiwi iben dron, im maj tili ro rej illok jen Jeova. 29 Bwe re naj jok kin wijki ok ko kom ar kōnan, im kom naj jok kake kin jikin kallip ko kom ar kāleti. 30 Bwe kom naj einwōt juōn wijki ok bwilikin ej aimerlok, im einwōt juōn jikin kallipejelok dren iben. 31 Im eo dri kajur e naj einwōt jīt, im jeral eo an einwōt melle emour; im irro naj urur iben dron, im ejelok juōn e naj kwune.

2 Nan eo Aiseia neĵin Emoz e ar loe kin Juda im Jerusalem.

2 Im ilo ran ko eliktata, tol in imōn Jeova naj kabin e ilo jabōn tol ko, im naj koutiej e ilōnin tol ko redrik; im ro dri ailiñ ko re naj ibwep-tok nōn e. 3 Im elōñ dri ailiñ re naj ilen ba, Komin itok, im jen wōnliñlok nōn tol an Jeova, nōn imōn Anij an Jakob; im E naj katakin kij kin ial ko An, im je naj etetal ilo ial ko An: bwe jen Zaion kien eo e naj drioiĵlok, im nan an Jeova jen Jerusalem. 4 Im E naj ekajet ikotan ro dri ailiñ ko, im E naj bebeik kin elōñ jar in armij rōn; inem re naj wure jāji ko air ilo plau ko, im mōri ko air ilo ken bukwe ran wijki ko; ro dri ailiñ re jamin kwotōke jāji nae ro dri ailiñ, im e naj mwij air katak tōrinae.

5 O imōn Jakob, komin itok, im jen etal ilo maram jen Jeova. 6 Bwe Kwar illok jen ro dri ailiñ Am, mw eo imōn Jakob, kin air obrōk kin mōnit

ko jen rear, im rej dri marmir einwōt ro dri Pilistia, im rej kaitak pein ro neĵin ro drua maijet. 7 Im eneo air ej obrōk kin silver im gold, im ejelok jemlokōn mweiuk ko air; eneo air e obrōk kin ors ko, im ejelok jemlokōn jariot ko air. 8 Eneo air e bareinwōt obrok kin ekjōp ko; rej kabuñ nōn men eo iltan peir, men eo arrin peir rar kōmōnmōne. 9 Im armij eo etā ej barikrik, im armij e utiej em-wij kōtaik e: kin men in Kwon jab jolok air bwir. 10 Kwon dreloñ ilo dreka eo, im kwon tilekek ilo bōñōl-nōl, jen iman men in kaleñōñ an Jeova, im jen aibujuij in utiejen. 11 Im naj kōtaik meĵenutiej an armij ro, im jua in armij rōn naj kumwil, im Jeova wōt E naj utiej ilo ran eo.

12 Bwe eor ran an Jeova in inelip, e naj ion aolepen eo e jua im e utiej buruen, im ion aolepen eo emwij koutiej e; im naj kōtaik e; 13 im ion wijki aik otemjej in Lebanon, ko re utiej im etoliñlok, im ion wijki ok otemjej in Beshan, 14 im ion tol otemjej re utiej, im ion tol redrik etoliñlok otemjej, 15 im ion imōn bar otemjej re utiej, im ion worwor otemjej re pojōk nōn tōrinae, 16 im ion wa otemjej wan Tarshish, im ion men in e otemjej remōn wōt. 17 Im naj kōtaik utiejen armij rōn, im naj kōtaik jua elap an armij ro; im naj koutiej Jeova wōt ilo ran eo. 18 Im ekjōp ko re naj joko otem joko. 19 Im armij re naj dreloñlok na ilo roñ ko in dreka, im ilo roñ ko ilo lōl, jen iman men in kaleñōñ an Jeova, im jen wuj in utiejen, ñe Ej jerkak in tūñtūñ in kamōkit lōl. 20 Ilo ran eo armij re naj jolok ekjōp silver ko air, im ekjōp gold ko air, ko emwij kōmōnmōn nōn ir kin kabuñ, nōn kijrik ko im bāt ko; 21 bwe ren dreloñlok ilo roñ in dreka ko im ilo ikōk ko in dreka ko ijo e rup wōt, jen iman men in kaleñōñ an Jeova, im jen wuj in utiejen, ñe Ej jerkak in tūñtūñ in kamōkit lōl. 22 Komin jolok ami liki armij, eo meno-nōn ilo bodin; bwe kom maroñ kau-rōk e kin ta?

3 Bwe, lo, Iroiĵ eo, Jeova in inelip eo, Ej bōk jen Jerusalem im jen Juda ken jibōñ im jokwōn, aolepen ekōn ken jibōñ, im aolepen dren ken jibōñ; **2** armij eo e kajur, im armij in tōrinae; dri ekajet eo, im dri kanan, im dri marmir, im ridto ro; **3** kapen in limfioul, im armij e utiej, im dri bebe, im dri jerbal e mejerik, im dri anijta. **4** Im I naj lelok ajiri ro bwe ren iroiĵ ioir, im niñniñ ro re naj air kiñ. **5** Im armij ro re naj kamako-koik ir, jabrewōt kin bar juōn, im jabrewōt kin dri turin: ajiri erik e naj kōmōn jua nae lōlap eo, im eo etā nae eo e utiej. **6** Ñe juōn eman ej jibwe leo jein im jātin iloan mweo imōn jemen, im ba, Kwe eor nuknuk ibōm, kwon iroiĵ iom, im men in jebeplik in en ber iomin peōm; **7** ilo ran eo e naj koutiej ainiken, im ba, I jamin dri uno; bwe ilo mweo imō ejelok ekōn ak nuknuk: kom jamin kōmōn iō iroiĵ ion armij ro. **8** Bwe emwiĵ kōkkure Jerusalem, im e buñ Juda; bwe loir in kōmōn ko air rej nae Jeova, bwe ren kakitōtōik mejen re aibujuij. **9** Wāwen turin mejeir rej kennan nae ir; im rej kwalok air bwir einwōt Sodom, im re jab noje. Wo ñōn air! bwe rar kōmōn nana ñōn ir mōke. **10** Komin ba kin dru wānik eo, bwe e naj emōn iben; bwe re naj mōña leen kōmōn ko air. **11** Wo ñōn dri nana eo! jorran e naj iben; bwe men eo pā ko pein rar kōmōn, naj kōmōn ñōn e. **12** Kin ro dri ailiñ Aō, ajiri rej dri kamakokoik ir, im kōra ro rej kiñ ioir. O ro dri ailiñ Aō, ro rej telyuk rej kabwir yuk im kōkkure ial in etetal ko am.

13 Jeova ej jutōk bwe en jumae, im Ej jutōk bwe En ekajete ro dri ailiñ ko. **14** Jeova e naj jino An ekajete ridto ro an ro dri ailiñ An, im iroiĵ ro an: Komeo kom ar kōñi bwil in grep eo; men in rakim jen ro dri jeramel ej ilo mo ko imwemi: **15** komij it ñe kom kobare ro dri ailiñ Aō, im kōkkure turin mejen ro dri jeramel? Iroiĵ eo ej ba, Jeova in jar in tōrinae ko.

16 Bar juōn, Jeova e ar ba, Kin an

limaro nejn Zaion koutiej burueir, im etetal im kōnōk kenwair im mejeir re ejej, im ilo air etetal rej kakaruluk jetñakin neir, im kajōñjōñ men ko ilo neir; **17** kin men in, Iroiĵ eo e naj mōn kin juōn ellen, moñen limaro nejn Zaion, im Jeova e naj kalikar tōmweir. **18** Ilo ran eo Jeova e naj bōk jen ir wolio an lukō ko i kōbkōb in neir, im ok ko, im inōk ko wāwen aliñ ekāl; **19** men in totoik ko, im lukō in peir, im veil ko; **20** im men in belbil ko, im to in kōbkōb in neir, im kōñōr ko, im nien ko nien ñōj, im men in marmir ko; **21** lukō ko, im men ko men in kalitlit bodir; **22** nuknuk in kwojkwoj ko, im mantel ko, im koj ko, im bōjo ko; **23** im kapjur in peir, im linen kworairik, im rojen bōrair, im men ko ken binej mejeir. **24** Im ber inem men ko re mor re naj binej spais ko re ñōj; im to e naj binej jenkwōn kōñōr; im kwumāt e naj binej jenkwōn kolan bōrair; nuknuk eklep iren e naj binej jenkwōn nuknuk e aibujuij; im tile e naj binej jenkwōn dreo. **25** Man ro am re naj buñ kin jāji, im ro re kajur am ilo tōrinae. **26** Im kejem ko an re naj limo im jōñ; im lio e naj lemōjor, im e naj jijōt ilo brij. **1** Im **4** jiljilimjuōn kōra re naj jibwe juōn eman ilo ran eo, im ba, Kim naj mōña am ekōn, im kōnōk nuknuk ko am: men in wōt, kimin marōk jen etōm; kwon bōk jen kim men in kinak.

2 Ilo ran eo, ¹ājibeo an Jeova e naj wolio im aibujuij, im leen eneo e naj emōn im woleo ñōn ro dri ko ian ro dri Israel. **3** Im e naj ein drein, eo emwiĵ likit e ilo Zaion, im eo ej berwōt i Jerusalem, naj naetan armij eodri kwojarjar, aet, jabrewōt eo emwiĵ jeje iben ro dri mour i Jerusalem; **4** ñe emwiĵ an Jeova kwolilok brijrij an limaro nejn Zaion, im mwijin An karreolok bōtōktōkin Jerusalem jen bwiljin, kin jītōb in ekajet, im kin jītōb in tile. **5** Im Jeova e naj kōmōn ilōñin aolepen jikin jokwe an tol in Zaion, im ilōñin jar ko An, juōn kōro im bat ilo ran, im romak in kijeek e urur ilo

boñ; bwe ilōñina aolepen, E naj erlokwe aibujuij eo kin ken kalibubu. 6 Im e naj or imōn kabēr, ilo ran, ken kal-lur jen bwil, im juōn jikin kone im ken binej jen lañ im wut.

5 Ña in al ñōn eo Jitenburu iba juōn al kin Dri Jitenburu eo, im katōbtōbe bwil in grep eo an. Iben eo Dri Jitenburu juōn¹ bwil in grep ilo juōn tol e kanuij kouwa: 2 im E ar kōbije, im Ej aini dreka ko jen jikin kallip eo An, im E ar kallip ie vain e kanuij emōn, im E ar kalek juōn imōn ebar ilo bwiljin, im E ar jekjek juōn ken joniōk grep iloan: inem E ar kōtōmene bwe e naj jebar grep emōn, im e ar jebar grep wan.

3 Inem kiō, O dri Jerusalem, im armij in Juda, komin² ekajet, Ij ka-iitōk ibemi, ikotaō im bwil in grep eo Aō. 4 Re maroñ kōmōn ta ñōn bwil in grep eo Aō, im Ña I jañin kōmōne? inem etke ke I ar kōtōmene bwe e naj jebar grep ko, e ar jebar grep ko rewan? 5 Im kiō I naj kennanek kom ta eo I naj kōmōne ñōn Aō bwil in grep: I naj bōk jen worwor eo an, im naj kōñe wōt; I naj jolōllok worwor dreka eo an, im naj jure: 6 im I naj kokkure; re jamin karreoik e ak kōbije; a e naj edreklok mār kuj im kālulik ko: I naj bareinwōt jiroñ kōro ko bwe ren jab kowut ion. 7 Bwe bwil in grep an Jeova in inelip eo, ej mweo imōn Israel, im armij in Juda ājib emōn eo An: im E ar kōtōmene kin ekajet jime, a, lo, kañtan; kin men ko re jime, a, lo, juōn lamij.

8 Wo ñōn ro rej kobaik mweo ñōn mweo, ro rej likit jikin kallip iturin jikin kallip, mae ien ejelok jikin, im rej kōmōn bwe komin mōke iami im jokwe ilujen eneo! 9 I lojiliñiō, Jeova in inelip eo Ej ba, Emol elōñ mo ko re naj men in kokkure, aet, ko relap im remōn, ejelok dri jokwe ie. 10 Bwe joñoul eker in bwil in grep e naj jebar juōn bath, im juōn homer in ine e naj jebar juōn wōt epa. 11 Wo ñōn ro rej jerkak ke e jiboñ wōt, bwe ren lore dren in karek; ro eto

air mar ilo boñ mae ien wain ej tile ir! 12 Im harp im lut, tabret eo im paip, im wain, rej ilo kwojkwoj ko air; a re jab lale jerbal in Jeova, im rar jañin kalomōnlokjen kin men in kōmōn an pein.

13 Kin men in, ro dri ailiñ Aō rar ilok ñōn jebokwe kin air aikwij jela; im armij ro air re utiej rej ñōrlok, im jar eo air e mōra kin air maro. 14 Inem Hedis e ar kalaplok mōmkake eo an, im e ar kabbellok loñin im ejelok joñōn; im air aibujuij, im jar eo air, im air wuj, im eo ej lōñliñ iair, rej wōnlōllok ñōn loan. 15 Im armij etā ej barikrik, im emwij kōtaik eo e utiej, im kōtaik mejen ro e utiej burueir: 16 a Jeova in inelip e utiej wōt ilo ekajet jime, im Anij eo Dri Kwojarjar emwij kokwojarjar E ilo jime. 17 Ien eo kon in sip re naj mōña einwōt ilo air melaj, im ene jemaren an ko re mātōk, ro dri jebwābwe re naj kōñi.

18 Wo ñōn ro rej kekube nana kin to ko toñ riōp, im jerawiwi einwōt kin toñ juōn wagon; 19 rej ba, En jarōpmōkōj, im kaiur E ilo jerbal ko An, bwe kimin maroñ in loe; im bebe an Dri Kwojarjar in Israel en druaktok bwe kimin jela kake! 20 Wo ñōn ro rej naetan nana emōn, im emōn ñōn nana; rej likit marok einwōt maram, im maram einwōt maram; rej likit meo einwōt tōñōl, im tōñōl einwōt meo! 21 Wo ñōn ro re meletlet ilo mejeir wōt, im dri jela-lokjen ilo air lemnok! 22 Wo ñōn ro re kajur ilo irak wain, im armij elap air maroñ käreik dren e kajur; 23 ro rej kowānik ro re nana kin juōn wōnan, im bōklok wānik an dru wānik jen e!

24 Kin men in, einwōt urur in kijeek ej kōñi kām menoknok, im einwōt ujoij e mōra ej buñlok ilo urur eo, ein drein okrair e naj einwōt men in mor, im inōk ko leen e naj wōnliñlok einwōt bōñōlñōl; kin air jolok kien Jeova in inelip eo, im kōtōrei nan jen Dri Kwojarjar eo an Israel. 25 Kin men in e bwil illu an Jeova nae ro dri ailiñ An, im E ar erlokwe

pein nae ir, im E ar mōn ir; im tol ko re wuririr, im enbwinir re mij rej einwōt menoknok i bwiljin ial ko. Kin aolepen men in, jañin kajeor illu eo An, a Ej erlok wōt pein.

26 Im E naj leliñlok juōn flag ñōn dri ailiñ ko retolok, im E naj teorlok ñōn ir jen jabōn lōl; im, lo, re naj jarōpmōkōjtok wōt. 27 Im ejelok iair e naj mōk ak jebebepe; ejelok juōn e naj mijki ak kiki; im e jamin mejōl kōñōr in ibeir, ak mijkōk toñn juj ko air: 28 im mōri ko air rekōñ, im emwij kiele libon ko air; aki ko an ors ko air einwōt dreka rōl im whil ko air einwōt juōn aire: 29 air ñōrñōr e naj einwōt juōn laion kokōra, re naj ñōr einwōt jindrikin laion; aet, re naj ñōr im jibwe men in rakim eo, im bōklok im ejelok uota, im ejelok juōn dri lomor. 30 Im re naj iñōr nae ir ilo ran eo einwōt ñōrñōr in lojit: im elañe juōn ej reilok ñōn eneo, lo, marok im iñtan; im emwij kamarok maram ilo kōro ko an.

6 Ilo yiō eo ke Uzzaia e mij, I ar lo Iroijs eo ej jijōt ion juōn tron, e utiejliñlok; im lukku ko An rej kobrōk tempel eo. 2 Ilōñin rej jutōk serap ro; iben jabrewōt iair jiljino pein bao; kin ruo e ar binej turin mejen, kin ruo e ar kalibubu neen, im kin ruo e ar kākī. 3 Im juōn e ar kir ñōn bar juōn, im e ba, E kwojarjar, E kwojarjar, E kwojarjar, Jeova in inelip eo; aolepen lōl e obrōk kin wuj eo An. 4 Im loñtōn kejem ko re makōtkit kin ainiken eo e ar kir, im mweo e obrōk kin bat. 5 Inem I ar ba, Wo ñōn ña! bwe I joko wōt; bwe ña juōn armij etton tien, im I jokwe iben ro dri ailiñ im tier retton: bwe meja rar lo Kiñ eo, Jeova in inelipeo.

6 Inem juōn ian serap ro e ar kātōk, im juōn melle e bwil ilo pein, eo e ar bōk e kin jabōn pi jen lokatōk eo; 7 im e ar likit e ion loō, im e ba, Lo, men in e ar uñir tiōm; inem emwij bōklok am jab wānik, im jolok bwir eo am. 8 Im I ar roñjake ainiken Iroijs eo, im e ba, Wōn eo In jilkinlok e, im wōn eo e kōnan ilok kin

Kim? Inem ¹I ar ba, Ña e; Kwon jilkinlok iō. 9 Im E ar ba, Kwon ilok, im kennanek ro dri ailiñ in, Komij roñjake wōt, a komij jab melele; im komij reilok, a komij jab lo. 10 Kwon tābi buruen ro dri ailiñ in, bwe en erro lojiliñir, im kilin mejeir, ñe rab lo kin mejeir, im roñjake kin lojiliñir, im jelalokjen kin burueir, im bar oktōk, inem kaejmourir. 11 Inem I ar ba, Iroijs ie toñn? Im E ar uak, Mae ien emwij kokkure jikin kwelok ko im ejelok dri jokwe ilo air, im mo ko bwe en ejelok armij ie, im eneo en men in joko wōt, 12 im Jeova E ar kamōkit armij ñōn ijo etolok, im elōñ jikin ijo ejelok armij ilujen eneo. 13 Im elañe juōn mōtōn joñoul ej berwōt iloan, naj bareinwōt kōñi men eo: einwōt juōn wijki terebinth, im einwōt juōn wijki ok, eo kan eo an ej berwōt ñe emwij juokwe; ein drein ine e kwojarjar ej ilo kan eo an.

7 Im ilo ran ko an Ehaz nejin Jotam, eo nejin Uzzaia, kiñ in Juda, Rizin kiñ in Siria, im Pika nejin Remalaia, kiñ in Israel, rar wōnliñlok ñōn Jerusalem bwe ren tōrinaek e, a re ban bōk anjo jen e. 2 Im emwij kennanek mweo imōn Devid, im ba, Siria ej koba iben Ipreim. Inem buruen e wuririr, im buruen ro dri ailiñ an, einwōt wijki ko re wuririr kin kōto.

3 Inem Jeova e ar ba ñōn Aiseia, Kwon drioijslok kiō in wōnmae Ehaz, kwe im Shear-jashub neñōm, i jemlōkōn tor an lwe eo e utiej, ilo ial elap an jikin kallip an dri nuknuk kejeje; 4 im ba ñōn e, Kwon lale mōk, im kwon jab uota; kwon jab mijōk, im buruōm en jab kijelok kin jabōn kan kein re batat, kin illu elap an Rizin im Siria, im an nejin Remalaia. 5 Bwe Siria, Ipreim, im nejin Remalaia rar bebeik nana nae yuk, im re ba, 6 Jen wōnliñlok nae Juda, im kejjorran e, im jen kōmōn juōn roñ ilo worwor eo ñōn kij, im kairoijs juōn kiñ i bwiljin, eo nejin Tabiel; 7 ein drein Iroijs Jeova ej ba, E jamin bin, im e jamin

waloktok. 8 Bwe bōran Siria Damaskōs, im bōran Damaskōs Rizin; im ilo jiljinoñoul lailim yiō naj rupe Ipreim, inem e jamin juōn ailiñ: 9 im bōran Ipreim Sameria, im bōran Sameria nejin Remalaia. Elañe kom jab kōnan tōmak, emol kom jamin bin.

10 Im Jeova e ar konono ññon Ehaz, im E ba, 11 Kwon kajitōk juōn kākōle jen Jeova am Anij; kwon kajitōk ilo mulōl eo, ak ilo lōñ. 12 A Ehaz e ar ba, I jamin kajitōk, im I jamin melejoñ Jeova. 13 Im e ar ba, Komin roñjake kiō, O imōn Devid; Ej juōn men erik ke ñe kom kamōk armij rōn, bwe komin kamōk aō Anij bareinwōt? 14 Kin men in Iroi eo e naj lewoj juōn kākōle: lo, ¹ juōn virjin e naj etta, im e naj keutak juōn ladrik, im naj naetan Imanuel. 15 E naj mōña butter im hōnni, ñe e jela drike nana, im kālet emōn. 16 Bwe mokta jen an ajiri in jela drike nana im kālet emōn, eneo ruo kiñin kwoj drike, e naj men in jok. 17 Jeova e naj bōktok iom, im ion dri ailiñ am, im ion imōn jemōm, ran ko re jañin itok, jen ran eo ke Ipreim e ar ilok jen Juda—aet kiñ in Assiria.

18 Im ilo ran eo, Jeova e naj teorlok ññon loñ eo ej ilo mōtōn etoloktata mōtōn river ko in Ijipt, im ññon bi eo ej ilo ene Assiria. 19 Im re naj itok, im re naj jimor ber ilo komlōl ko ejelok armij ie, im ilo roñ in dreka ko, im ion worwor in kālīklik otemjej, im ion melaj otemjej.

20 Iloran eo Iroi eo E naj eāl kin juōn rezor emwij kejerbal e kin wōnan, ilo mōtōn ko retolok jen River eo, aet kin kiñ in Assiria, bōran im kolan neen; im e naj kokkure kwo-reak bareinwōt.

21 Im ilo ran eo, juōn eman e naj kejbārok bwe en mour juōn kau emōn drer im ruo sip; 22 im kin an lōñ milk ibeir, e naj mōña butter; bwe ro emwij likit ir ilujen eneo, re naj mōña butter im hōnni.

23 Im ilo ran eo, jabrewōt jikin, ijo e kar juōn tausan vain kin juōn tau-

san mōtōn silver, e naj ññon mār kuj ko im kālīklik ko. 24 Kin mōri ko im libon juōn e naj itok ññon ijo, bwe aolepen ene e naj obrōk kin mār kuj im kālīklik ko. 25 Im tol erik otemjej rar kōbije kin mātōk eo, kwo jamin ilok ññon ir kin mijōk mār kuj ko im kālīklik ko; a e naj ññon jilkinlok ox ko ie, im ññon juri kin sip ko. 12

8 Im Jeova e ar ba ññon iō, Kwon bōk juōn ken jeje elap, im jeje ion kin pen in armij, Ññon Meher-shalal-hash-baz; 2 im I naj bōk ññon iba dri kennan re tiljek in jeje kake, Uraia pris eo, im Zekaraia nejin Jeberekaia. 3 Im I ar ilok ññon iben lio dri kanan eo, im e ar etta, im keutak juōn ladrik. Inem Jeova e ar ba ññon iō, Kwon naetan Meher-shalal-hash-baz. 4 Bwe mokta jen niñniñ eo jela kir, Jema, im, Jinō, I naj bōklok mweiuk ko in Damaskōs im men in rakim in Sameria iman kiñ in Assiria.

5 Im Jeova e ar bar konono ññon iō, im E ba, 6 Kin an ro dri ailiñ in abwin dren ko in Shailo ko rej torlok im jab keroro, im re mōnōnō kake Rizin im eo nejin Remalaia; 7 inem lo, Iroi eo ej bōktok ioir dren ko in River eo, re kajur im relōñ, kiñ in Assiria im aolepen wuj eo an: im e naj torliñtok ion tor ko an otemjej, im jiōblok i lōñin tōrereren ko otemjej; 8 im e naj tormanlok ññon ilo Juda; e naj jiōblok im driblok; e naj rorotok i kenwan; im an erlokwe pā ko pein e naj kobrōk drilpen eneo am, O Imanuel.

9 Komin keroro, O komeo ro dri ailiñ ko, im komin rup ilo mōtōn ko; im komin roñjake, kom otemjej jen ailiñ ko retolok, komin mōke kañōrñōr, im ren rupi kom; komin mōke kañōrñōr, im ren rupi kom. 10 Komin bebe iben dron, im e naj ejelok tokjen; komin ba nan eo, im e jamin jutōk; bwe¹ Anij ej ibem. 11 Bwe ein drein Jeova e ar ba ññon iō kin pein e kajur, im katakin iō bwe in jab etal ilo ial an dri ailiñ in, im E ba, 12 Komin jab ba, Juōn men in kabata, kin

¹ Matu 1. 23.

¹ Rom 8. 31.

men otemjej armij rein re naj ba kake, Juōn men in kabata; im komin jab mijōk kin air mijōk, im jab lelñōñ kake. 13 Jeova in inelip eo, Eo kom naj kokwojarjar E; im En ami men in mijōk, im En ami men in lelñōñ. 14 Im E naj juōn jikin e kwojarjar; a juōn dreka in lōkatip, im juōn¹ ejman in lōkatip ñōn mo ko ruo in Israel, juōn jen im juōn aluk ñōn ro rej jokwe ilo Jerusalem. 15 Im elōñ re naj² lōkatip kin E, im buñ, im rup, im E naj ane ir, im jibwe ir.

16 Kwon lukwoj nan in kennan eo, kwon sil kien eo iben ro dri kalora. 17 Im I naj kōtar Jeova, Eo ej binej turin mejen jen imōn Jakob, im I naj bukot E. 18 Lo, ña im ro nejiō ro Jeova E ar letok ir ñōn io, kim kakōle im men in bwilōñ ko ilo Israel jen Jeova in inelip eo, Eo ej jokwe ilo tol Zaion.

19 Im ñe re naj ba ñōn kom, Komin kabukot ro eor jitōb ibeir, im ro dri marmir, ro rej ajweweim oejej: etke juōn ailiñ en jab kabukot air Anij? kin ro re mour ren kabukot ro remij ke? 20 Komin bukot kien eo im nan in kennan eo! elañe re jab konono ekar ñōn nan in, emol ejelok jibōñ ñōn ir. 21 Im re naj driblok ie, im kanuij jorran im kwuli; im ñe rej kwuli re naj aliñōrñōr, im kejerataik air kiñ im air Anij, im ukotliñlok turin mejeir: 22 im re naj reilok ñōn lōl, im lo jorran im marok, boñ im iñtan; im naj ubakelok ir ñōn loan kabin marok.

9 A e naj ejelok marok ñōn lio e kar ber ilo iñtan. Ilo ien eo mokta E ar kejekron ene Zebulun im ene Naptalai; a ilo ien ebak E ar kaibujuij e, ilo ial in lomalo eo, i Jordan jabueo, Galili an dri ailiñ ko. 2 Ro dri ailiñ eo rar etetal ilo marok, rar lo juōn maram elap: ro rar jokwe i enen lurin mij, maram e ar romak ioir. 3 Kwar korlok ro dri ailiñ eo, Kwar kalōñlok air lōñliñ: rej lōñliñ imam einwōt lōñliñ ilo ien marmir, einwōt armij rej lōñliñ ke rej ajejen men in rakim. 4 Bwe ine eo an

im erro, im jokwōññ aieran eo, alal eo an dri kamakokoik e, emwij Amruji einwōt ilo ran eo an Midian. 5 Bwe aolepen ken tōrinae ko an dri tōrinae ilo iruij eo, im nuknuk ko emwij kadrebillok ilo bōtōktōk, re naj tile, ñōn kane in kijeek. 6 Bwe ñōn kij e lotak¹ juōn Ladrik, ñōn kij emwij letōk juōn Nejer Man; im kien e naj ber ion aieran: in naj naetan Lukwōn monmon, Dri Bebe, Anij e Kajur Potata, Jemen ien in drio, Iroi in Ainemōn. 7 E naj ejelok jemlokōn orlok in men in iroi eo An im inemōn, ion tron eo an Devid, im ion men in kiñ eo an bwe En kabin e, im bwe En jibōñ e kin ekajet jime im wānik jen ien in im ñōn in drio. Kijejeto an Jeova in inelip eo e naj kōmōn men in.

8 Iroi eo E ar jilkinlok juōn nan ñōn ilo bwiljin Jakob, im e ar jok ion Israel. 9 Im armij otemjej re naj jela, Ipreim im eo dri jokwe i Sameria, ro re ba ilo air jua im bin buruen, 10 Re wutlok brik ko, a kim naj kalek kin dreka emwij jeki; emwij juokwe wijki sikomor ko, a kim naj binej jenkwair kin aik. 11 Kin men in Jeova e naj koutiej nae e ro dri kijirāte Rizin, im naj biuktōki ro dri jumae e, 12 ro dri Siria iman, im ro dri Pilistia elikir; im re naj walōñi wōt im kōñ Israel. Kin aolepen men in jañin kajeor illu eo An, a Ej erlok wōt pein.

13 Ijoke, ro dri ailiñ rar jab oktōk ñōn eo E ar mōn ir, im rar jab bukot Jeova an jar in tōrinae ko. 14 Kin men in, Jeova e naj bukwelok jen Israel bōran im lokōn, ran pam in koba, ilo juōn wōt ran. 15 Elder eo im armij e utiej, bōran; im dri karan eo ej katak kin nan in riōp, lokōn. 16 Bwe ro rej tel armij rein rej kabwir ir; im kokkure ro emwij tel ir kake. 17 Kin men in, Iroi eo e jamin lōñliñ ion likao ro air, im E jamin tiriomokake ro atajinemjin im kōra ro ejoko beleir, bwe jabrewōt iair e dri kōtōrei kien im dri kōmōn nana, im loñin otemjej rejkonono bata. Kin aolepen

men in, jañin kajeor illu eo An, a Ej erlok wõt pein.

18 Bwe nana ej urur einwõt kijeek; ej kõñ mār kuj im kälilik ko; aet, ej jirebe bukwõn wijki ko, im rej wõn-liflok ilo juõn jur bat. 19 Kin illu an Jeova emwij kalok eneo; im armij ro einwõt kane ñõn kijeek eo: ejelok armij ej tiriamokake jein im jätin. 20 Im juõn e najkwotak i anbijmaro-ñõn, im e kwuli wõt, im e naj mõña i anmiñin, im re jamin māt: jabrewõt iair e naj mõña kõniekin pein; 21 Menassa, Ipreim; im Ipreim, Menassa; im irro re naj jimor nae Juda. Kin aolepen men in, jañin kajeor illu eo An, a Ej erlok wõt pein.

10 Wo ñõn ro rej¹ kwalok ekajet ko re jab jime, im ñõn ro dri jeje rej je men in bõt; 2 bwe ren kajeor ro dri aikwij jen ekajet jime, im bwe ren rakimi ro dri jeramel ian ro dri ailiñ Aõ, im bõk men ko air, bwe limaro e joko beleir ren men in rakim eo air, im kõmõn bwe ro e joko jemeir ren air men in jibwe! 3 Im komin it ilo ran in bukotwoj kom, im ilo kokkure eo e naj itok jen eto-
lok? im kom naj koon wõn bwe en jibõñ kom? im kom naj likit ami aibu-
juuij ia? 4 Re naj barikrik iomin ro dri jebokwe, im naj buñ iomin ro mijijak. Kin aolepen men in, jañin kajeor illu eo An, a Ej erlok wõt pein.

5 Wo ñõn kwe Assiria, alal in Aõ illu, jokwõn eo ilo peõm Aõ libõpne in illu! 6 I naj jilkinlok e nae juõn ailiñ e nana, im nae ro dri ailiñ Ij illu ñõn e I naj jiroñ e bwe en bõk men in rakim, im bwe en bõk men in jibwe, im bwe en jure ir einwõt bi-
rikõt ilo ial ko. 7 Ijoke, e jab ein drein lemnok eo an, im e jab einwõt an bebe ilo buruen; a ej ilo buruen bwe en kokkure, im bukwelok ro dri ailiñ re jab eiet. 8 Bwe e ba, Iroi-
j ro aõ ir otemjej re jab kiñ ke? 9 Kalno e jab einwõt Karkimish ke? Hemat e jab einwõt Arpad ke? Sa-
meria e jab einwõt Damaskõs ke?

10 Einwõt peið e ar lo ailiñ in kiñ ro an ekjõp ko, im air men in e ko jekjek remõn jen ko i Jerusalem im Sameria; 11 etke in jab kõmõn ñõn Jerusalem im ekjõp ko an, einwõt I ar kõmõn ñõn Sameria im ekjõp ko an?

12 Kin men in e naj ein drein, ñe emwij an Iroi j kõmõn aolepen jerbal eo An ion tol Zaion in ion Jerusa-
lem, I naj mõn leen buru ebin, bu-
ruen kiñ in Assiria, im aibujuuij an mejen re utiej. 13 Bwe e ar ba, Kin kajur in peið I ar kõmõne, im kin aõ meletlet; bwe jelalokjen iba: im I ar kamõkit tõreren an ro dri ailiñ ko, im I ar rakimi mweiuk ko air, im einwõt juõn dri kajur e beran, I ar bõklõllok ro rej jijõt ion tron ko: 14 im peið e ar lo, einwõt juõn el, mweien ro dri ailiñ ko; im einwõt juõn ej aini lip ko emwij likiti, ein drein I ar aini aolepen lõl: im ejelok juõn e ar ka-
mõkit pein, ak walõñi loñin, ak ajwe-
we.

15 Ulul en jualõñlõñ nae eo ej jek-
jek kake ke? jirben en mõke koutiej e nae eo ej kõmõn kake ke? einwõt juõn alal e naj kejerbal ro rej kwo-
tõke ak elañe juõn jokwõn e naj kwo-
tõk eo e jab mõtõn wijki. 16 Kin men in, Iroi j eo, Jeova in inelip eo, E naj jilkinlok ñõn iben ro re mättõk bwe ren biñi; im iomin wuj eo an naj kejo juõn urur einwõt urur in ki-
jeek. 17 Im maram in Israel e naj ñõn juõn kijeek, im Dri Kwojarjar eo An ñõn juõn urur; im e naj tile im kõñi kälilik ko an im mār kuj ko an ilo juõn ran. 18 Im E naj kõñi wuj in wijki ko an, im jikin kallip e kou-
wa, an kab enbwinin, im e naj ein-
wõt ke juõn ej bõklok flag ej kijelok. 19 Im bwen wijki ko an ilo bukwõn wijki eo an re naj eiet, inem juõn aji-
ri e maroñ in je ir.

20 Im ilo ran eo, mõtõn iri jen Is-
rael, im ro rar ko an imõn Jakob, re jab maroñ in bar atartar ion eo e kar mõn ir, a re naj atartar ion Jeova, Dri Kwojarjar eo an Israel, ilo mol. 21 Im juõn men in ber e naj jeblak-
tok, aet bwen eo an Jakob, ñõn Anij

e kajur potata. 22 Bwe meŝe ro dri ailiŝ am, O Israel, rej einwöt bok in lometo, eiet wöt re naj jeblaktok: juön kokkure emwij bebe kake, elöŝ mejirjir kin wānik. 23 Bwe juön jemlokön emol, im eo emwij bebe kake mokta, Iroi, Jeova in inelip eo E naj kōmōne ilujen aolepen löl.

24 Kin men in, ein drein Iroi, Jeova in inelip eo Ejba, O ro dri ailiŝ Aō rej jokwe ilo Zaion, komin jab mijök dri Assiria, meŝe ej mōn yuk kin alal eo, im kwotök jokwōnōn nae yuk, wāwen wöt Ijpt. 25 Bwe jirik wöt ien inem naj kajemlok illu eo nae yuk, im Aō illu e naj ilen mōn e. 26 Im Jeova inelip eo in e naj biuktök nae e juön ken dreñdreñ, einwöt ilo air mōn Midian iturin dreka in Oreb: im alal eo an e naj ion lojit, im E naj kwotōke einwöt Ijpt. 27 Im ilo ran eo, ine eo an e naj joko jen aieran, im ine eo an jen kenwan, im naj kokkure ine eo kin mättök.

28 E ar itok ñōn Aiat, e ar driblok Migron; ej likit ine ko an i Mikmash; 29 rar ilok ilo ial eo ion tol eo; rej berwöt i Giba; Rema ej wuririr; Giba an Saul e ar ko. 30 Kwon lamij kin ainikiōm, O lio nejin Gallim! kwon roñjake, O Laisha! wo ñōn kwe, O Anatot dri jorran! 31 Madmina e dri ko; ro dri Gibim rej ko bwe ren jab jorran. 32 Ranin wöt e naj jokwör i Nob: ej kamōkit pein nae tol in lio nejin Zaion, tol an Jerusalem.

33 Lo, Iroi, eo, Jeova in inelip eo, E naj bukwelok ran kin lelōñ: im ro re utiej im aitok naj juok ir, im naj kōtaik ro re utiej wöt. 34 Im naj juokwe wijki ko re kut kin māl, im Lebanon e naj buñ kin juön dri kajur.

11 Im juön 'ājib e naj walok jen kejinelap in Jesse, im juön ra jen okar ko an e naj jebar leen. 2 Im Jitōb òn Jeova e naj ber ion, jitōb in meletlet im jelalokjen, jitōb in bebe im kajur, jitōb in jela im mijök Jeova. 3 Im An löñliñ e naj ilo mijök Jeova; im E jamin ekajet kin an mejen loe, ak bebeik kin an lojiliñin roñjake; 4 a kin wānik E naj

ekajete ro dri jeramel, im bebeik kin jime ñōn ro dri etā buru in eneo; im E naj mōn löl in kin alal in loñin; im kin menonoñ tien E naj mōn ro dri nana. 5 Im wānik e naj kōñör in enbwinin, im tiljek kōñör in ibin.

6 Im kiru 'wulf e naj jokwe iben lam, im kiru leopard e naj babu iben kon in got; im kon in kau im laion emōn ridtōn im kau e mättök, iben dron; im juön ajiri erik e naj tel ir. 7 Im kau im kiru baer e naj mōña; im kon ko air re naj babu iben dron; im kiru laion e naj mōña kån in wit einwöt juön ox. 8 Im niñniñ e naj kure ion roñ in asp, im niñniñ eo emwij kalikitite e naj likit pein ion roñ in adder. 9 Re jamin kaiñtan ak kokkure ilo aolepen tol e kwojarjar eo Aō; bwe löl e naj obrök kin jela Jeova einwöt dren ko rej kalibubu lojit.

10 Im ilo ran eo okran Jesse, eo ej jutök einwöt juön flag ñōn ro dri ailiŝ ko, ñōn E ro dri ailiŝ re naj bukkottok; im jikin kakije eo An e naj aibujuij.

11 Im ilo ran eo, Iroi, eo e naj kōtellok pein alen ken ka ruo bwe En bukkottok bwen ro dri ailiŝ eo An, ro rej berwöt, jen Assiria, im jen Ijpt, im jen Patros, im jen Kush, im jen Ilam, im jen Shainar, im jen Hemat, im jen ailiŝ ko in lojit. 12 Im E naj leliñlok juön flag ñōn dri ailiŝ ko, im E naj kokweloktok ro dri jibliklik in Israel, im teltiltok ro dri jibliklik in Juda jen emen jabōn löl. 13 Bareinwöt junmar an Ipreim e naj joko, im naj bukwelok ro rej kejjorran Juda: Ipreim e jamin junmare Juda, im Juda e jamin kakitötöik Ipreim. 14 Im re naj kälöllok ion aieran ro dri Pilistia i kabilūñ; re naj jimor rakim ro nejin rear: re naj kōtellok peir ion Idōm im Moab; im ro nejin Ammon re naj bokake ir. 15 Im Jeova e naj kokkure wöt loen lometo in Ijpt; im kin an kōto ebwil E naj kabelbel pein ilōñin River eo, im E naj mōn e ilo jiljilimjuön river redrik, im kōmōn bwe armij ren elälök im mōra neir.

16 Im e naj juōn ial elap nōn ro bwen dri ailiñ eo An, ro rej berwōt, jen Assiria; einwōt juōn eo e ar berwōt nōn Israel ilo ran eo ke e ar wōnliñtok jen enen Ijipt.

12 Im ilo ran eo kwo naj ba, I naj kamolol Kwe, O Jeova; bwe meñe Kwar illu nōn iō, emwij kajeorlok Am illu, im Kwoj kainemōn iō. 2 Lo, Anij ej aō men in lomor; I naj liki E, im I jamin mijōk: bwe Jeova, aet Jeova, ej aō kajur im aō al; im Ej aō men in lomor. 3 Kin men in, kom naj itōk dren jen aibij in lomor. 4 Ilo ran eo kom naj ba, Komin kamolol Jeova, kir etan, kwalok men in kōmōn ko An iben dri ailiñ ko, komin ba bwe e utiej wōt etan. 5 Komin al nōn Jeova; bwe E ar kōmōn men ko remōn; ren jela men in ilo aolepen lōl in. 6 Kwon koutiej ainikiōm im lamij, kwe dri jokwe i Zaion; bwe elap ilo kwe Dri Kwojarjar in Israel.

13 Lomijen Babilon eo Aiseia nej jin Emoz e ar loe.

2 Komin kajutōk juōn flag ion tol eo e kelwan, koutiej ainikiōm nōn ir, komin jeal, bwe ren dreloñlok na ilo kejem ko an iroiñ rōn. 3 Emwij Aō jiroñ ro rar mōke aje ir nōn Iō, aet, I ar kirtok armij ro Aō re kajur kin Aō illu, im Aō dri jualōñlōñ. 4 Ainiken juōn jar ion tol ko, einwōt ro dri ailiñ elap! ainiken iroiñ in ailiñ ko, ailiñ in kiñ in armij rōn emwij kokweloklok ir iben dron! Jeova in inelipeo Ej teltiltok jar eo nōn tōrinae eo. 5 Rej itok jen juōn ailiñ etolok, jen mōtōn lōñ etoloktata, aet Jeova wōt, kab ken tōrinae in illu eo An, bwe En kokkure aolepen eneo.

6 Komin jōñ; bwe ran in Jeova ej ebak; e naj itok einwōt ken kokkure jen Eo e Kajur Potata. 7 Kin men in, pā otemjej re naj mōjino, im bu-ruen jabrewōt armij e naj unlok: 8 im re naj tūñtūñ in lelñōñ; iñtan ko im buromōj re naj jibwe ir; re naj iñtan einwōt juōn kōra ilo mejōljōllok: re naj reilok nōn dron kin bwilōñ; mejeir re naj mejen urur. 9 Lo, ran

in Jeova ej itok, e lej, im iben illu im illu e bwil; bwe En kōmōn eneo men in kokkure, im bwe En kokkure ro dri jerawiwi jen e. 10 Bwe iju ko ilōñ im bukwi ko an re jamin kwalok air maram; im naj kamarok al ilo droijlok eo an, im aliñ e jamin romak. 11 Im I naj mōn dri lōl kin air nana, im ro dri bwir kin air jerawiwi; im I naj kōmōn bwe en jokwor jua an ro e utiej burueir, im I naj kōtaik jua elap an ro rej kemjōk wōt. 12 Im I naj kōmōn juōn armij bwe wōnan elaplok jen gold in Opir. 13 I naj kōmōn bwe lōñ ko ren wuririr, im I naj kamōkit lōl jen jikin, ilo illu an Jeova in inelip eo, im ilo ran in illu e bwil eo An. 14 Im einwōt kiru ko rej lukworkwore, im einwōt sip ko ejelok armij ej aini, re naj oktōk jabrewōt armij nōn dri ailiñ an, im re naj ko jabrewōt armij nōn eneo an. 15 Re naj wākare armij otemjej rej loi; im jabrewōt eo rej jibwe e naj buñ kin jāji. 16 Naj jolōllok niñniñ ro nejir im ekababe iman mejeir; naj rakimi mo ko imweir, im katton limaro beleir.

17 Lo, naj biuktōk ro dri Midia nae ir, ro re jamin lemnok kin silver, im gold re jamin mōnōnō kake. 18 Im libon ko air re naj ekababe likao ro; im re jamin tiriamokake leen loje; mejeir re jamin kōtlok ajiri ro. 19 Im Babilon, aibujuij in ailiñ ko, men in wolio im jua an dri Kaldia, e naj einwōt ke Anij e ar kokkure Sodōm im Gomora. 20 E jamin bar jikin jokwe, im armij re jamin ber ijo jen ebeben nōn ebeben, im dri Arebia e jamin kajur im nuknuk eo an ijo; im ro dri lale sip re jamin kababu bwij ko air ijo. 21 A kiru ko rawia jen ene jemaren re naj babu ie; im mo ko imweir re naj lōñ kin kiru ko re nana; im ostrij ko re naj ber ie, im got kc rawia re naj eep ie. 22 Im kiru wulf re naj jōñ ilo imōn bar ko air, im jakol ko ilo mo ko remōn imōn iroiñ: im ien eo an ebaktok, im jamin kaitoklok ran ko an.

14 Bwe Jeova e naj tiriamokake Jakob, im E naj bar kålet

Israel, im likit ir ilo eneo air: im dri itoitōk eo e naj koba ibeir, im re naj edrep nōn mweo imōn Jakob. 2 Im ro dri ailiñ re naj bōk ir, im āninlok ir nōn jikir; im imōn Israel e naj drebij ir dri korijer man im kōra ilo enen Jeova: im re naj kajebokweik ro rar kajebokweik ir mokta; im re naj iroiñ ion ro rar kamakokoik ir.

3 Im ilo ran eo ñe Jeova e naj lewoj nōn kwe kakiñe jen am buromōj im jen am jorran, im jen korijer elap emwij kar kōmōn bwe kwon korijer kake, 4 kwo naj kwotōk parebōl in nae kiñ in Babilon, im ba, Yok, e joko dri kamakoko eo! e joko jikin kwelok gold eo! 5 Jeova e ar ruje jokwōnōn dri nana eo, septer an iroiñ ro; 6 rar mōn arnij ro kin illu kin dribitbit ien otemjej, rar iroiñ ion ro dri ailiñ ko ilo illu, kin juōn matōrtōr ejelok juōn e ar bōpraek. 7 Aolepen lōl ej kakiñe, im ej tōt wōt: rej kalaplok air al. 8 Aet, wijki fōr ko rej lōñliñ kake yuk, im aik ko i Lebanon, im rej ba, Jen ke emwij kōtaik yuk, ejelok dri jekjek e ar wōñliñtok nae kim. 9 Hedis jen ilōl ej bañwōñwōl mae yuk ilo am itok; ej biuktōki ro remij nōn kwe, aet, ro re utiej in lōl; e ar kajutōk jen tron ko air kiñ ro otemjej an dri ailiñ ko. 10 Ir otemjej re naj uak im ba nōn yuk, Im kwe kwo bar mōjino einwōt kim ke? 11 Ar bōklōllok am men in aibujuij nōn Hedis, im ainiken ken kajōñjōñ ko am: emwij erre iomōm kin likakrōk, im likakrōk ko rej kalibubu yuk.

12 Yok! emwij am buñlok jen lōñ, O iju ran, nejin jibōñ! emwij bukwelōllok yuk nōn brij, kwe kwar kōtaik ro dri ailiñ ko! 13 Im kwar ba ilo buruōm, I naj wōñliñlok nōn lōñ, I naj leliñlok aō tron ilōñin iju ko an Anij; im I naj jijōt ion tol in kwelok ko, ilo mōtōn ko etoloktata iuñ; 14 I naj wōñliñlok ilōñin kōro ko; I naj mōke kōmōn iō einwōt Eo e Utiejtata. 15 Ijoke, naj bōklōllok yuk nōn Hedis, nōn mōtōn ko retoloktata in roñ eo. 16 Ro rej lo yuk re naj kalimjek yuk, re naj lemnok kake yuk, im ba, E in armij eo e ar kōmōn bwe

lōl en wuririr, e kar kamakōtkit ailiñ in kiñ ro ke; 17 eo e ar kōmōnmōn lōl einwōt ene jemaren, im e ar kejebeplik jikin kwelok ko an; e ar jab kōtlōk ro dri jebokwe nōn kabijuknir? 18 Kiñ ro otemjej an ro dri ailiñ ko, jabrewōt iair, rej kiki ilo aibujuij, jabrewōt ilo mweo imōn. 19 A emwij jolok yuk jen wuliej eo am einwōt juōn ra men in jōjōik, kanuknuk yuk kin mijijak ro, emwij wākari kin jāji, rej wōñlōllok nōn dreka ko in roñ eo; einwōt juōn ub jure iomin ne. 20 Kwo jamin kallip ibeir, bwe kwar kokkure eneo am, kwar mōn ro dri ailiñ am; re jamin kabuñbuñ inen ro rej kōmōn nana nōn in drio.

21 Komin kapojōk ken iri nōn ro nejin kin bwir ko an ro jemeir, bwe ren jab jerkak, im bōk lōl, im kobrōk mejen lōl kin jikin kwelok ko. 22 Im I naj jutōk nae ir, Jeova in inelip eo Ej ba, im bukwe jen Babilon etan im mōtōn, im nejin kab jibwin, Jeova ej ba. 23 I naj bareinwōt kōmōn e jikin kiru porkupain, im lwe ko in dren: im I naj bioklok im kokkure e, Jeova in inelip eo ej ba.

24 Jeova in inelip eo e ar kanōjnij, im ba, Emol, einwōt I ar lemnok, ein drein e naj walok; im einwōt I ar bebe kake, ein drein e naj bin: 25 bwe In ruji dri Assiria ilo eneo Aō, im ion tol ko Aō jure iomin ne: inem inōk eo an e naj joko jen ioir, im ine eo an jen aierair. 26 Eñin bebe eo emwij bebe kake ion aolepen lōl; im eñin pā eo erlokwe ion ro dri ailiñ ko otemjej. 27 Bwe Jeova in inelip eo e ar bebe, im wōn eo e naj dremōke? im Ej erlokwe pein, im wōn e naj kejaliliklok e?

28 Ilo yio eo kiñ Ehaz e ar mij, e ar walok lomijen in.

29 Kwon jab lōñliñ, O kwe aolepen Pilistia, kin an bwilok alal eo e ar mōn yuk; bwe jen okran serpent e naj drioiñtok juōn adder, im leen e naj juōn serpent e naj urur im kākī. 30 Im manjien dri jeramel e naj mōña, im ro dri aikwij re naj babu im jab uōta; im I naj mōn okram kin ñita,

im naj mōn am men in ber. 31 Kwon jōñ, O kejem; kwon lamij, O jikin kwelok, bwe emwij am unlok, O kwe aolepen Pilistia; bwe juōñ batej itok jen eañ, im ejelok dri tabilojar ilo kōlan ko an.

32 Inem ta eo juōñ en uak dri jilkan ailiñ eo? Bwe Jeova e ar kabin Zaion, im ilo e ro dri jorran ian ro dri ailiñ An re naj kone.

15 Lomijen Moab.

Bwe ilo juōñ boñ emwij kejebeplik im kokkure Ar in Moab; bwe ilo juōñ boñ emwij kejebeplik im kokkure Kir in Moab. 2 Rar wōnliñlok ñōn Bayit, im ñōn Daibon, ñōn jikin ko re utiej, bwe ren jōñ; Moab ej jōñōt Nibo, im Mediba; ion bōrair otemjej ejelok kolair, emwij eāl kwo-reak otemjej. 3 Ilo ial ko rej mōke kañōrñōr kin nuknuk eklep iren; ion kejenwan, im ilo jikir e rābōkbōk armij otemjej rej jōñ, im elap dren in kemjalal. 4 Im Heshbon ej lamij, kab Iliela; rej roñ wōt ainikeir ñōn Jehaz: kin men in, dri tōrinae ro an Moab rej ailimō; an ej wuririr iloan. 5 Buruō ej lamij kin Moab; iroi ro an rej ko ñōn Zoar, ñōn Eglat-shelishi-ya: bwe ilo ial liñlok in Luhit, rej wōnliñlok im jōñ; bwe ilo ial in Horoneim rej roloke in kokkure. 6 Bwe dren ko in Nimrim re naj roj; bwe ujoij ej aimerlok, ujoij e biruru e jokolok, ejelok men e māroro. 7 Kin men in, mweiuk ko relōñ emwij air kabinoke, im men eo rar wunekneke, re naj bōkloki im elā jen wea in willo ko. 8 Bwe lamij eo e ar ilok ilo tōreran ko tōreran Moab; jōñ eo an ñōn Egleim, im jōñ eo an ñōn Bier-elim. 9 Bwe dren ko in Daimon rej rukberber; bwe I naj bar bōktok elōñ ion Daimon, juōñ lai-on ion ro dri Moab rej ko, im ion bwen eneo.

16 Komin jilkinlok lam ko ñōn iroi in eneo jen Sila ñōn ene jemaren eo, ñōn tol an lio nejin Zaion. 2 Bwe e naj einwōt bao in mejatoto ko rej jebwābwe, einwōt juōñ el e jibliklik, ein drein naj limaro nejin

Moab i jikin kabāt it in Arnon. 3 Komin kwalok bebe, komin kōmōn eka-jet jime; komin kōmōn luremi einwōt boñ, ñe e loliñ al; komin noji ro dri jibliklik; komin jab bakajen eo dri ko. 4 Ro Aō dri jibwin makoko ren ber ibōm; kin Moab, kwon einwōt ken tōrak jen mejen dri kokkure eo. Bwe dri kamure eo e joko, kokkure ej jokwor, emwij kokkure ro dri kamakoko jen ilo eneo. 5 Im naj kajur juōñ tron ilo tiriamokake; im juōñ e naj jijōt ion ilo mol, ilo im nuknuk an Devid, im ej ekajet, im ej bukot ekajet jime, im e mōkōj in kōmōn wānik.

6 Kim ar roñjake kin jua an Moab, bwe e kanuij utiej buruen; im kin aolepen an illu; im kimjāji ko an rewan. 7 Kin men in, Moab e naj jōñōt Moab, jabrewōt iair e naj jōñ: kom naj kememej grep ko remōra in Kir-hareset, im kanuij jorran. 8 Bwe jikin kallip ko in Heshbon re mōralok, im bareinwōt vain in Sibma; iroi ro in ailiñ ko rar rujilōllok ra ko ran remōn, ko rar tōbar Jezer, ko rar jebwābwe na ilo ene jemaren; ājib ko an rar erlok wōt, rar elalok jen loma-lo eo. 9 Kin men in, I naj jōñ iben jōñ in Jezer kin vain in Sibma; I naj kaimloloi yuk kin dren in kemjalal eo aō, O Heshbon, im Iliela: bwe ion leen ko leen ien mānān, im ion jonikōn eo am, lamij in tōrinae e ar buñlok. 10 Im emwij bōklok men in mōnōnō im lōñliñ, jen iloan jikin kallip e kouwa; im ilo bwil in grep e naj ejelok al ak ainiken lōñliñ: ejelok dri juri e naj jur wain ilo ken jonioḵ wain ko; i ar kōmōn bwe en jōkwōr lamij ilo aini grep ko. 11 Kin men eo buruō ej jōñ einwōt juōñ arp kin Moab, im men ko ilo ña kin Kir-heres. 12 Im ein drein ñe Moab ej mōke kwalok e, ñe ej kamōk e mōke ilo jikin eo e utiej, im e naj itok ñōn jikin kwojarjar eo an bwe en jar, e jamin bōk anjo.

13 Eñin nan eo Jeova e ar ba kin Moab kin ien e motlok. 14 A kiō Jeova e ar konono im ba, Ilo jilu yiō, einwōt yiō ko an juōñ rej kejerbal e kin wōnan, inem aibujuij in Moab e naj men in jekron, im aolepen jar eo

elap an; im men in ber e naj erik im ejelok tokjen.

17 Lomijen Damaskōs. Lo, emwij bōklok Damaskōs jen ke e kar jikin kwelok, im e juōn be, juōn men in jebeplok. 2 Re joko armij jen jikin kwelok in Aroer; re naj nōn bwij ko, ko re naj babu wōt, im ejelok e naj kemjōk ir. 3 Im imōn bar re naj joko jen Ipreim, im ailiñ in kiñ jen Damaskōs, im jen bwen Siria; re naj aibujuij an ro nejin Israel, Jeova in inelip eo ej ba.

4 Im ilo ran eo, aibujuij an Jakob e naj mejkwunlok, im mättōk in kōniekin e naj biñilok. 5 Im e naj einwōt juōn dri marmir ej ain korn ej jutōk, im pein ej marmir leen ko; aet, e naj einwot ñe juōn ej marmir leen ko i komlōl in Ripeim. 6 Ijoke, naj likit iloan jet men in kōlōruk, einwōt ñe rej iriki juōn wijki oliv, ruo aj jilu oliv ilo keju eo, emen ak lailim i belakin wijki e kouwa, Jeova Anij in Israel ej ba. 7 Ilo ran eo armij re naj jerlok nōn Eo Dri Kōmōnmōn ir, im mejeir re naj lale Eo Dri Kwojarjar in Israel. 8 Im re jamin reilok nōn lokatok ko, men in kōmōnmōn kin peir; im re jamin reilok nōn men eo arrin peir rar kōmōnmōni, ak Ashira, ak men in e in al ko. 9 Ilo ran eo jikin kwelok air re kajur re naj einwōt jikin ko armij rar illok jeni ilo jikin wijki ko im ilo jabōn tol, armij rar illok jeni iman ro nejin Israel; im e naj juōn men in kokkure. 10 Bwe kwar meloklok Anij in am lomor, in kwar jab lemnok kin dreka in am kajur; inem kwoj kallip jul ko men in mōnōnō, im likit ie jul ko re drua maijet. 11 Ilo ran in ami kallip kwoj worwore im ke e jiboñ kwoj kōmōn bwe ine eo en ebul; a jonikōn eo ej ko ilo ran in buromōj im jōñ ñe ejelok kōtōmene.

12 Ah, keroro eo an elōñ ro dri ailiñ ko, re ñijñij einwōt keroro in lometo ko; im iruij eo an ro dri ailiñ ko, rej iruij einwōt iruij in dren ko relap! 13 Ro dri ailiñ ko re naj iruij einwōt iruij eo an dren ko relōñ: a E naj enoik ir, im re naj ko nōn ijo etolok,

im naj lukworwor ir einwōt menok-nok jen tol ko iman kōto eo, im einwōt bōñlōñlō eo e rol iman lañ eo 14 Ñe e jota, lo, men in kemjōk; im mokta jen jiboñ, re joko wōt. Eñin ajenkij an ro rej rakimi kij, im kij an ro rej koaroñwe kij.

18 Ah, eneo enen ainiken peñ bao, eo etolok jen river ko in Itiopia; 2 eo ej jilkinlok ro dri keañ ion lometo, ilo wa ko kōmōn jen papiros ion dren ko, im re ba, Komin ilok, kom dri jilik re mōkōj, nōn juōn ailiñ e utiej im eāl, nōn ro dri ailiñ rej kamijōk jen jinoin nōn kiō, dri ailiñ eo ej joñwe im juri, im eneo air river ko rej kijbile! 3 Kom otemjej dri jokwe ilōl, im kom dri ber ion ene, ñe rej leliñlok juōn flag ilo tol ko, komin lale; im ñe re uk jilil eo, komin roñjake.

4 Bwe ein drein Jeova e ar ba nōn iō, I naj kejeklokjen, im I naj lo ilo Aō jikin jokwe, einwōt bwil e alikar ilo dret, einwōt kōro in molawi ilo bwil in jonikōn. 5 Bwe mokta jen jonikōn, ñe e joko bwil eo, im inōk ej erom grep e kālō, E naj bukwelok ra ko redrik kin ken bukwe ko, im ra ko rej mōke edrek E naj bukwelōlloki. 6 Naj likit ir iben dron nōn bao in mejatoto relej ion tol ko, im nōn kiru ko in lōl; im bao ko relej re naj ber ioir iomin ien mōnān, im kiru otemjej in lōl re naj ber ioir iomin ien bio. 7 Ilo ien eo naj bōktok juōn jurtak nōn Jeova in inelip eo jen ro dri ailiñ eo e utiej im eal, rej dri kamijōk jen jinoin nōn kiō, ro dri ailiñ eo ej joñwe im juri, im eneo air river ko rej kijbile, nōn jikin etan Jeova in inelip eo, tol Zaion eo.

19 Lomijen Ijpt. Lo, Jeova ej uwe ion juōn kōro e mōkōj, im Ej itok nōn Ijpt: im ekjōp ko in Ijpt re naj wuririr kin An ber ibeir; im buruen Ijpt e naj unlok iloan. 2 Im I naj biuktōk ro dri Ijpt nae ro dri Ijpt: im re naj iri, jabrewōt nae jein im jātin, im jabrewōt nae dri turin; jikin kwelok nae jikin kwelok, im ailiñ nae ailiñ. 3 Im an Ijpt e naj kijelok ilujen; im

I naj kokkure bebe eo an: im re naj kabukot ekjöp ko, im ro dri unojrikrik, im ro eor jitöb re nana ibeir, im ro dri marmir. 4 Im I naj ketöke ro dri Ijpt nön pein juön iroi e lej; im juön kiñ e lej e naj iroi ioir, Iroi eo, Jeova in inelip eo ej ba.

5 Im dren ko re naj roj jen lometo eo, im river eo e naj driklok im bät. 6 Im river ko re naj etton; im river ko redrik i Ijpt re naj driklok im roj; koba ko im flag ko re naj möralok. 7 Melaj ko i river Nail, i töreran Nail, im jikin kallip otemjej rej jeori an Nail, re naj aimerlok im naj ubakeloki, im re naj joko. 8 Im ro dri aňwör re naj jöñ, im ir otemjej rej jolok kã na ilo Nail re naj buromöj, im re naj barök ro rej erlokwe ok ko ion dren ko. 9 Bareinwöt ro rej jerbalkin flax e pojök, im ro rej ej nuknuk e mouj re naj lolbon. 10 Im jur ko in Ijpt naj rupi; ro otemjej rej jerbalkin wönair re naj buromöj ilo air.

11 Iroi ro in Zoan re bwebwe wöt; bebe eo an dri kãnbil an Pero ej einwöt men in bwebwe: ekijkan ami ba nön Pero, Ña nejin dri meletlet, nejin kiñ ro moktata? 12 Inem ewi am ro dri meletlet? im ren kennanek yuk kiö; im ren jela ta eo Jeova e ar bebe kin Ijpt. 13 Iroi ro in Zoan rej dri bwebwe, emwij etaoik iroi ro in Mempis; ro rej einwöt dremön im nön bwij ko am rar kômön bwe Ijpt en jebwäbwe. 14 Jeova e ar käreik juön jitöb in böt ilujen lio; im rar kômön bwe Ijpt en jebwäbwe ilo jabrewöt an jerbalkin, einwöt juön armij dri karek ej jebwälel ilo an mwöj. 15 Im e jamin or jerbalkin nön Ijpt, eo bōran ak lökōn, ran pam ak koba en maroñ in kōmōne.

16 Ilo ran eo Ijpt e naj einwöt kōra rōn; im re naj wuririr im lelñōñ kin an Jeova in inelip eo kamōkitkit pein, eo E naj kamōkitkit e ioir. 17 Im eneo an Juda e naj ken kimjök nön Ijpt; jabrewöt eo rej kennan kake nön e, e naj mijök kin bebe an Jeova in inelip eo, eo Ej bebeik nae e.

18 Ilo ran eo e naj lailim jikin kwe-

lok ilo ene Ijpt rej konono ilo kajin Kenean, im kanöjnjij nön Jeova in inelip eo; re naj naetan juön, Jikin kwe-lok in kokkure.

19 Ilo ran eo e naj juön lokatok nön Jeova ilujen ene Ijpt, im juön jur i töreran nön Jeova. 20 Im e naj einwöt juön kaköle im juön dri kennan nön Jeova ilo ene Ijpt; bwe re naj kir nön Jeova kin ro dri kama-kokoik, im E naj jilkinlok nön ir juön dri lomor, im dri kouk, im e naj lomor ir. 21 Im naj jela Jeova ilo Ijpt, im ro dri Ijpt re naj jela Jeova ilo ran eo; aet, re naj kabuñ kin men in katok im men in katorlok, im re naj kanöjnjij kin juön kanöjnjij nön Jeova, im re naj kōmōnmōne. 22 Im Jeova e naj mōn Ijpt, E naj mōn e im kaejmour e; im re naj jeblak nön Jeova, im E naj eoroñ air akwelap, im naj lomor ir.

23 Ilo ran eo e naj juön ial elap jen Ijpt nön Assiria, im dri Assiria e naj dreloñtok ilo Ijpt, im dri Ijpt ilo Assiria; im ro dri Ijpt re naj kabuñ iben ro dri Assiria.

24 Ilo ran eo Israel e naj ken ka jilu iben Ijpt im Assiria, juön men in kejerammön ilujen löl; 25 kin an Jeova in inelip eo kejerammön ir, im ba, En jerammön Ijpt ro dri ailiñ Aō, im Assiria men in kōmön an pã ko peiö, im Israel Aō men in jolit.

20 Ilo yiö eo ke Tartan e ar itok nön Ashdod, ke Sargon kiñ in Assiria e ar jilkintok e, im e ar nitbwile Ashdod im bök e; 2 ilo ien eo Jeova e ar konono kin Aiseia nejin Emoz, im ba, Kwon ilok im wutik nuknuk eklep iren jen iböm, im wutik juj ko jen neöm. Im ein drein an kōmön, im e ar etetal ekelwan, im ejelok an juj. 3 Im Jeova e ar ba, Einwöt Aiseia, dri korijera, e ar etetal im kelwan im ejelok an juj iomin jilu yiö, bwe en juön kaköle im men in bwilöñ kin Ijpt im kin Itiopia; 4 ein drein kiñ in Assiria e naj aňinlok ro dri kamakoko jen Ijpt, im ro dri jebokwe i Itiopia, ro remön drer im ro re ridto, re kelwan im eje-

lok air juj, im e alikar air lomiar, bwe en men in kajok Ijpt. 5 Im re naj leññoñ wõt im no, kin Itiopia air men in kõtömene, im Ijpt air aibujuij. 6 Im ro dri jokwe iturin lojit ilo ene in, re naj ba ilo ran eo, Lo, ein drein am men in kõtömene, eo kim ar ko ññon e kin men in jibõñ bwe ren lomorem jen kiñ in Assiria: im kim, ekijkan am naj ko?

21 Lomijen ene jemaren i lometo. Einwõt aire ko i Rök, rej drihlok, rej itok jen ene jemaren eo, jen ene e men in kemjök wõt. 2 Emwij kwalok ññon iõ juõn visõn e men in buromõj; armij eo dri mon ej mon wõt, im dri kokkure eo ej kokkure wõt. Kwon wõnliñlok, O Ilam; kwon nitbwil, O Midia; aolepen jabjenmenoan ko I ar kajemloki. 3 Kin men in ibiõ rej obrök kin iñtan; iñtan ko rar jibwe iõ, einwõt iñtan ko an juõn kõra ej mejõljöllok: ij metök inem I ban roñjake; ij iñtan inem I ban lo. 4 Buruõ ej lujluj, men in kaleññoñ e ar kemjök iõ; jota eo I ar kõnan, emwij ukote wuririr ññon iõ. 5 Rej kapoj tebel eo, rej likit mmij eo, rej mõña, rej irak: komin jerkak komeo iroi ro, komin kabit likipijñök eo. 6 Bwe ein drein Iroi ro eo e ar ba ññon iõ, Kwon ilok, likit juõn dri kajere; en kwalok ta eo ej loe: 7 im ñe ej lo juõn jar in tõrinae, dri uwe ion ors rej karuolok, juõn jar in ass ko, juõn jar in kamel ko, e naj kanuij kãroñlokjen. 8 Im e ar lamij einwõt juõn laion: O Iroi, ij jutök ien otemjej ilo imõn bar im ekil ilo ran, im emwij likit iõ ilo aõ jikin ekil boñ otemjej; 9 im lo, ej itok juõn jar in armij, dri uwe ion ors rej karuolok. Im e ar uak im ba, E buñ, e buñ, Babilon; im emwij rupi men in e jekjek in ijar ko an, ññon brij.

10 O kwe aõ men in dreñdreñ, im korn in jikin dreñdreñ eo aõ! men eo l ar roñ jen Jeova in inelip eo, Anij in Israel, I ar kwalok e ññon yuk.

11 Lomijen Duma.

Juõn ej kir ññon iõ jen Sier, Kwe

dri kajere, ekijkan boñin in? Kwe dri ekil, ekijkan boñin in? 12 Dri kajere eo ej ba, Jiboñ ej itok, im bar einwõt boñ: elañe kom kõnan kajitök, inem komin kajitök: komin oktök, komin itok.

13 Lomijen ion Arebia.

Ilo jikin wijki ko ilo Arebia kom naj babu, O komeo jaranikarwan ko an ro dri Didan. 14 Rar bõktok dren ññon eo e maro; ro dri ene Tima rar wõnmae ro dri ko, im kijeir ibeir. 15 Bwe rar ko jen jãji ko, jen jãji eo emwij nure, im jen libon eo emwij kiele, im jen jorran in ien tõrinae. 16 Bwe ein drein Iroi ro eo e ar ba ññon iõ, Ilo juõn yiõ, einwõt yiõ ko an juõn dri jerbal kin wõnan, aolepen aibujuij in Kidar e naj likjöp; 17 im bwen oran ro dri libon, armij re kajurian ro nejin Kidar re naj eiet; bwe Jeova Anij in Israel e ar konono kake.

22 Lomijen komlöl in visõn.

Kwoj it kiõ, bwe kwar aolep im wõnliñlok ññon kejenwan ko? 2 O kwoj obrök kin keroro ko, juõn jikin kwelok ej iruij, im e mõnõnõ wõt; ro re mij ibõm, ar jab mõn ir kin jãji, im rar jab mij ilo keitak. 3 Iroi ro am otemjej rar jimor ko, ro dri libon rar lukwoj ir; ro otemjej iam emwij lukwoj ir iben dron; rar ko ññon ijo etolok. 4 Kin men in, I ar ba, Kwon reilok jen ña, I naj kanuij jõñ; kwon jab kajeoñ in kainemõn iõ bwe emwij kokkure lio nejin ro dri aliñ aõ.

5 Bwe e juõn ran in kejjorran, im juri, im no, jen Iroi ro Jeova in inelip eo, ilo komlöl in visõn eo; juõn ien ebaj worwor ko, im juõn ien jõñ ññon tol ko. 6 Im Ilam e ar inek nien mõri eo, im iben jariat ko ññon armij, im ro dri uwe ion ors; im Kir e ar kalikar likipijñök eo. 7 Im ein drein komlöl ko am remõn wõt rar obrök kin jariõt ko, im ro dri uwe ion ors rar mõke kalejar ilo kejem eo. 8 Im e ar elöklök men in kalibubu Juda, im kwar reilok ilo ran eo ññon ken tõrinae ko ilo mweo imõn wijki ko. 9 Im kom ar lo ijoko re ebjök ilo worwor in jikin

kwelok an Devid, bwe relōñ, im kom ar ainitok dren ko ilo lwe eo etā. 10 Im kom ar bwini mo ko i Jerusalem, im kom ar rupi mo ko bwe komin kakajur worwor eo; 11 kom ar bareinwōt kōmōn juōn jikin dren ikotan worwor ko ruo, ñōn dren jen lwe in eto eo. A kom ar jab reilok ñōn Eo e ar kōmōn men in, im kom ar jab lemnok kin Eo e ar bebe kake men in ilo ien e motlok.

12 Im ilo ran eo, Iroi Jeova in inelip eo, E ar kir ir ñōn jōñ, im ñōn buromōj, im ñōn jolok kolan bōrair, im ñōn kañōrñōr kin nuknuk eklep iren: 13 im lo, lōñliñ im mōnōnō, mōn ox ko, im mōn sip ko, mōña kōniek im irak wain: Jen mōña im irak, bwe ilju je mij. 14 Im Jeova in inelipe eo, e ar mōke kwalok E ilo lojiliñiō, Emol jamin jolok jerawiwi in jen kom mae ien ami mij, Iroi Jeova in inelip eo ej ba.

15 Ein drein Jeova in inelip eo ej ba, Kwon ilok ñōn iben dri kōmñe eo, aet ñōn Shebna, eo ej iroi ion mweo, im ba, 16 Kwoj it ijin? im kwoj āt ijin, bwe kwar jekjek ñōn kwe ijin juōn lūp? jekjek ñōn e juōn lūp ilōñ, mōke jekjek ñōn e juōn jikin jokwe ilo dreka! 17 Lo Jeova, einwōt juōn armij e kajur, E naj kanuij jolok yuk; aet, E naj lim yuk. 18 Emol E naj letoññle yuk, im jolok yuk einwōt juōn anirip na ilo juōn ene elap; kwo naj mij ie, im ijo jariat ko an aibujuij eo am re naj ber, kwe men in kajok mweo imōn iroi eo am. 19 Im naj ñibellok yuk jen jikōm: im naj kōtaik yuk jen am jerbal. 20 Im ilo ran eo, I naj kirtok dri korijera, Ilaiekim nejñ Hilkai: 21 im I naj kanuknuk e kin kobe ne am, im kakajur e kin kōñōr eo am, im I naj likit am men in iroi na ilo pein; im e naj juōn jemen ñōn ro dri Jerusalem, im ñōn mweo imōn Juda. 22 Im I naj likit ki an imōn Devid na ion aieran; im e naj kabbelok, ak ejelok e naj kili; im e naj kili im ejelok e naj kabbelloke. 23 Im I naj kabin e einwōt juōn drila ilo jikin e bin; im e naj einwōt tron in aibujuij ñōn mweo imōn

jemen. 24 Im re naj totoik na ion, aolepen aibujuij an imōn jemen, ro nejñ im inen, jabrewōt jābi erik, jen kōp ko ñōn bōkā ko otemjej. 25 Ilo ran eo, Jeova in inelip eo ej ba, drila eo emwij kabin e ilo juōn jikin ebin, e naj teep; im re naj jekilōllok e, im e naj buñ; im naj bukwelok ine eo e kar ber ion: bwe Jeova e ar ba men in.

23

Lomijen Tair.

Komin lamij, komeo wan Tarshish; bwe e jebeblok, inem ejelok im, ejelok dreloñ: jen ene Kitim emwij kwalok e ñōn ir. 2 Komin jab kero, kom eo ro dri jokwe iturin lometo, kwe eo ro dru wia jen Saidon, rej dribuk lometo, rar kobrōk yuk. 3 Im ilo dren ko relap ine in Saihor, jonikōn Nail, e ar mweiuk ko an; im e ar jikin wia an ro dri ailiñ ko. 4 Kwon jok, O Saidon; bwe lometo e ar konono, me eo in lometo eo, im e ba, I jañin mejōljōllok ak keutak, im I jañin najirik likao ro, ak kakajiririk virjin ro. 5 Ñe nan eo ej itok ñōn Ijipt, re naj kanuij buromōj kin nan in Tair. 6 Komin elālok ñōn Tarshish, komin jōñ, kom dri jokwe i belakin lometo. 7 Eñin ami jikin kwelok kom kin lōñliñ ie, im ami lāmoren, ne ko neen re kar āñinlok e ñōn ijo etolak bwe en berwōt ke?

8 Wōn eo e ar bebe kake men in nae Tair, eo ej lelok bokrōnat ko, dru wia ro an rej iroi, dru wia ro an rej dri utiej an lōl in? 9 Jeova in inelip eo e ar bebe men in, bwe En kōtaik jua in aibujuij otemjej, bwe En kejekron ro otemjej re utiej in lōl in. 10 Kwon driblok eneo am einwōt Nail, O lio nejñ Tarshish; ejelok bar juōn men in bōprae. 11 E ar erlokwe pein ion lometo eo, E ar kamōkitkit ailiñ in kiñ ro: Jeova e ar jiroñ kin Kenean, bwe ren kokkure jikin ko an re kajur. 12 Im E ar ba, Kwo jamin bar lōñliñ, O kwe virjin dri iñtan nejñ Saidon: kwon jerkak, kwon elālok ñōn Kittim; ak ijo bareinwōt kwo jamin kakije.

13 Komin lo enen ro dri Kaldia: ro

dri ailiñ in rar jab ber; dri Assiria e ar kajur e ñõn ro rej jokwe ilo ene jemaren; rar kejerkak imõn bar ko air; rar kejebeplik mo ko imõn iroiñ ro an; rar kokkure e. 14 Kominlamij, komeo wan Tarshish; bwe emwij kejebeplik ami jikin e kajur. 15 Im ilo ran eo naj meloklok Tair jiljilimjuõñ-ñoul yiõ, ekar ñõn ran ko an juõn kiñ: elikin jiljilimjuõññoul yiõ Tair e naj einwõt juõn kõra ekijoñ. 16 Kwon bõk juõn arp, kwon etetal ilo jikin kwelok eo, kwe kõra ekijoñ eo re kar meloklok yuk; kwon kõmõn al emõn, kwon al elõñ al ko, bwe ren maroñ in kememej yuk. 17 Im elikin jiljilimjuõññoul yiõ, Jeova e naj lolok Tair, im lio e naj jeblak ñõn wõnan eo, im e naj kõmõn nana iben kiñ otemjej in ene ko ion mejen lõl. 18 Im mweuiuk ko an im wõnan kõmõn ko an re naj men in kwojarjar ñõn Jeova: re jamin likiti ilo ken kejbãrok ko air; bwe mweuiuk ko an re naj ñõn ro rej jokwe iman Jeova, bwe ren mõña im māt, im en or nuknuk ko rekar ibeir.

24 Lo, Jeova ej jojen jen kobõn lõl, im kejebeplike, im ukõj e, im kejbiliblik ro rej jokwe ie. 2 Im e naj einwõt iben kajur ro, ein drein iben pris eo; einwõt iben dri korijeran, ein drein iben iroiñ eo an; einwõt iben korijer kõra, ein drein iben liroiñ eo an; einwõt iben dri wiaik, ein drein iben dri wiakake; einwõt iben dri muri, ein drein iben dri kamuri; einwõt iben eo ej bõk jimair, ein drein iben eo ej lelok jimair ñõn e. 3 E naj kanuij ejelok kobõn lõl, im e naj kanuij jebeplik; bwe Jeova e ar konono nan in. 4 Lõl ej liãjlol im aimerlok, lõl ej kijelok im aimerlok, armij re utiej in lõl re kijelok. 5 Bar-einwõt emwij kabrijrij lõl iomin ro rej jokwe ie; kin air jab bokake kien ko, kokkure nan in kaiñi ko, im jolok kalimur eo ej ñõn in drio. 6 Kin men in, binikol eo e ar kõñ lõl, im ro rej jokwe iloan re menukol; kin men in emwij tile ro rej jokwe i lõl, im eiet armij rej berwõt. 7 Wain eo ekāl ej liãjlol, vain eo ej aimerlok, ro otemjej

e lõñliñ burueir rej jabjenmenoan. 8 Mõnõnõ in tabret ko ej jokwõr, ainiken ro rej lõñliñ e jemlok, mõnõnõ in arp e jokwõr. 9 Re jamin irak wain im al; dren e karek e naj meo ñõn ro rej ilimi. 10 Emwij kejebeplik jikin kwelok eo e jemaren; emwij kilí mo ko otemjej, bwe enjelok armij maroñ in dreloñ. 11 Eor jõñ ilo ial ko an kin wain eo; e marok lõñliñ otemjej, mõnõnõ in eneo e joko. 12 Jorran ej ber ilo jikin kwelok eo, im emwij mõn kejem eo kin kokkure. 13 Bwe e naj ein drein ilo lõl iben ro dri ailiñ ko, einwõt ke rej dreñdreñ juõn wijki oliv, einwõt men in kõlõruk ko ke emwij kõmõnmõn leen vain.

14 Rein re naj koutiej ainikeir, re naj lamij; kin kokomak an Jeova re naj koutiej ainikeir jen lometo. 15 Kin men in, komin kaibujuij Jeova i rear, aet, etan Jeova, Anij in Israel, ilo ailiñ in lometo. 16 Jen mõtõn lõl etoloktata kin ar roñ al ko: Aibujuij ñõn ro re wãnik.

A I ar ba, Ña I bõjlok, I bõjlok, wo ñõn ña! ro dri etao rar etaoik wõt; aet, ro dri etao rar kanuij eto-aik. 17 Lelñõñ, im roñ eo, im jen eo, rej iom, O dri jokwe i lõl. 18 Im e naj ein drein, eo ej ko jen ainiken lelñõñ, e naj buñ ilo roñ eo: im eo ej wõñliñtok jen ilujen roñ eo, naj jibwe e kin jen eo: bwe e bellokwindo ko ilõñ, im loñtõn lõl re wuririr. 19 Lõl e rup wõt, emwij ñate lõl, im kanuij kamõkitkite. 20 Lõl e naj jebwãlel einwõt juõn armij e karek, im e naj ajimalal einwõt juõn kinien toto; im bwir eo an e naj erro ion, im e naj buñ, im e jamin bar jerkak.

21 Im e naj ein drein ilo ran eo, Jeova e naj kõmõn joñõn kwotõn ion jar an ro dri utiej ilõñ, im ion kiñ ro in lõl ion lõl. 22 Im naj kokweloklok ir, einwõt rej kokweloklok ro dri jebokwe ilo roñ eo, im naj kili ir ilo prison; im elikin elõñ ran naj lolok ir. 23 Ien eo naj binej aliñ, im al e naj jok; bwe Jeova in inelip eo e naj kiñ ion tol Zaion, im ilo Jerusalem; im aibujuij e naj iman ridto ro an.

25 O Jeova, Kwe aō Anij; I naj koutiej yuk, I naj nebar etōm; bwe Kwar kōmōn men in bwilōn ko, bebe ko ilo ien e motlok, ilo tiljek im mol. **2** Bwe Kwar kōmōn juōn jikin kwelok bwe en juōn ebe, juōn jikin kwelok e bin men in kokkure, juōn imōn iroi an drua maijet, bwe en ejelok jikin kwelok, re jamin bar kalek e. **3** Kin men in, ro dri ailiñ re kajur, re naj kaibujui yuk; juōn jikin kwelok an ro dri ailiñ ko relej, re naj mijōk Yuk. **4** Bwe Kwar juōn jikin e kajur nōn ro dri jeramel, juōn jikin e kajur nōn dri aikwij ilo jorran eo an, juōn jikin ko jen lañ, juōn lur jen dret, ñe kōto jen ro dri lej ej einwōt juōn lañ nae worwor eo. **5** Einwōt e bwil ilo jikin e mōra Kwo naj kalwol ainiken ro drua maijet; einwōt dret kin lurin kōto, naj kōtaik al an ro dri lej.

6 Im ilo tol in Jeova in inelip eo, E naj kōmōn nōn ro dri ailiñ ko otemjej, juōn kwojkwoj in men ko re mättōk, im juōn kwojkwoj in wain ion oo ko, im men ko re mättōk re obrōk kin nononmej, in wain ion oo ko emōn karreok e. **7** Im E naj kokkure ilo tol in, ken libo in jar an armij otemjej, im veil eo emwij erlokwe ion ro dri ailiñ ko otemjej. **8** E ar ¹warōñlok mij nōn in drio; im Iroi Jeova e naj ²komraik dren in kemjalal jen mejeir otemjej; im nan in kinak an ro dri ailiñ An, E naj bōklok jen aolepen lōl; bwe Jeova e ar ba.

9 Im naj ba ilo ran eo, Lo, eñin aruij Anij; jar kōtar E, im E naj lomorer: eñin Jeova; jar kōtar E, je naj mōnōnō in lōñliñ ilo lomoro eo An. **10** Bwe ilo tol in, pein Jeova e naj kakije; im naj jur Moabilo jikin, einwōt rej jur kñn ilo dren in jikin toeōk. **11** Im E naj erlokwe pā ko pein iloan, einwōt juōn dri aō ilo an erlokwe pein bwe en aō; a Jeova e naj kōtaik jua eo an im bareinwōt etao in pā ko pein. **12** Im E ar erlōllok me etiej in worwor ko am, E ar kōtaik e, im erlōllok e nōn brij, nōn bōñlōñl eo.

¹ Kor. 15. 54. ² Rev. 7. 17.

26 Ilo ran eo re naj ai al in ilo enen Juda: Juōn jikin kwelok e kajur iber; E naj likit men in lomoro einwōt worwor ko im me ko. **2** Komin kabellok aor ko bwe ailiñ eo e tiljek wōt en dreloñlok. **3** Kwo naj kejbārok ilo ainemōn e wāppen eo lōlātāt eo an e bin, kin an liki Yuk. **4** Komin liki Jeova nōn in drio; bwe ilo Ja, aet, Jeova, juōn dreka nōn in drio. **5** Bwe e ar bōklok ro rej jokwe ilōñ, jikin kwelok e utiej: Ej kōtaik e, Ej drorlōl nōn brij; Ej kōtaik e nōn bōñlōñl. **6** Ne eo e naj jure; aet, neen ro dri jeramel, im buñten neen ro dri aikwij. **7** Ial an ro dru wānik e jime: Kweo kwo jime, Kwoj kajime wōt ial an ro dru wānik.

8 Aet, ilo ial in ekajet ko Am, O Jeova, kim ar kōtar yuk; etōm im men in kememej Am, buruem rar kōnan. **9** Kin buruō I ar oñkake Yuk ilo boñ, aet, kin aō ilo ña I naj kanuij kabukot Yuk: bwe ñe ekajet ko Am rej ilo lōl, ro dri lōl re naj katak men in wānik. **10** Ren kwalok joij nōn eo e nana, ijoke, e jamin jela wānik; ilo enen jime e naj kōmōn nana, im e jamin lo wuj an Jeova.

11 Jeova, emwij kwotōk peōm, a re jamin lo: a re naj lo Am kijejeto kin ro dri ailiñ eo Am, im re naj jok kake; aet, kijeek e naj kōñ ro dri kijirāte Yuk. **12** Jeova, kwo naj na ainemōn nōn kim; bwe Kwar bareinwōt kōmōn jerbāl ko otemjej am nōn kim. **13** O Jeova, amuij Anij, iroi ro jet re kar iroi iom, a kin Kwe wōt kim naj kwalok etōm. **14** Re mij, re jamin mour; re joko, re jamin jerkak: inem Kwar bukot im kokkure ir, im kōmōn bwe aolepen ememej ir e naj joko. **15** Kwar kalaplok ro dri ailiñ eo, O Jeova, Kwar kalaplok ro dri ailiñ eo; rej wijtake Yuk; Kwar kalaplok tōreren ko otemjej tōreren eneo.

16 Jeova, ilo jorran rar bukōtlok Yuk; rar lutōklok air jar ke Am kaje e ar ber ioir. **17** Einwōt juōn kōra e bōroro, ej kebak ien an keutak, ej iñtan im lamij ilo iñtan ko an; ein drein kim ar imam, O Jeova. **18** Kim

ar bōroro, kim ar iñtan, kim ar einwōt keutak kōto; kim ar jab kōmōn jabrewōt men in lomor ilo lōl; im ro dri jokwe ilōl rar jab lotak. 19 Ro Am remij re naj mour; enbwin ko re mij re naj jerkak. 1 Komin ruj im al, komeo komij jokwe ilo bōñōlñōl; bwe molawi eo am ej einwōt molawi in mār ko, im lōl e naj kwalokliñlok ro remij.

20 Komin itok, ro Aō dri ailiñ, komin dreloñ na ilo rum ko am, im kil aur ko iturōm: kwon tilekek jirik ien, mae ien illu eo e naj joko. 21 Bwe, lo, Jeova ej drioiytok jen jikin, bwe En mōn ro dri jokwe ion lōl kin air nana; lōl eo bareinwōt e naj kwalok bōtōktōkin, im e jamin bar kalibubu dri mijijak ro an.

27 Ilo ran eo Jeova kin jāji eo An e bin im elap im kajur, E naj mōn livaietan serpent eo e mōkōj, im livaietan eo serpent eo e mōlmōl, im E naj mōn kirudrujot eo i lometo.

2 Ilo ran eo: Juōn jikin kallip grep in wain, komin al ñōn e. 3 Ña Jeova ij dri lale; I naj kaimlolo e ien otemjej; ñe ab jabrewōt eo en kokkure, I naj lale ran im boñ. 4 Illu e jab ilo Ña: I maroñ in kōnan bwe mār kuj ko im kālīklik ko ren jumae Iō ilo keitak! I naj kar etal nae ir, I naj kar tili ir otemjej. 5 Ak ein juōn, en drebiy Aō kajur, bwe en maroñ in kainemōn Iō; aet, en kōmōn ainemōn iba. 6 Ilo ran ko rej itok Jakob e naj kōmōn okran; Israel e naj nar im ebul im kōmōn jul; im naj kobrōk mejen lōl kin leen.

7 E ar mōn ir, im bareinwōt ro re kar mōn ir ke? ak emwij urōt ir ekar ñōn uror eo an ro emwij air urōt ir ke? 8 Kin joñōk, ke Kwoj jilkinlok ir, Kwoj akwaile ir; E ar kamōkit ir kin kōto eo An elap ilo ran in kōto jen rear. 9 Inem kin men in I naj jolok jerawiwi jen Jakob, im eñin aolepen leen bōklok bwir eo an: bwe dreka otemjej in lokatok eo einwōt dreka jalk ko rej kōprakilkili, inem Ashira im men in e ko in al re jamin bar jerkak. 10 Bwe jikin kwe-

lok eo eor an me ej mōke ian, juōn jikin jokwe armij rar kalek e im ilok jen e, einwōt ene jemaren eo: ijo kon in kau e naj mōña, im e naj babu ie im kōñi ra ko ran. 11 Ñe ra ko rej aimerlok, naj ruji; kōra ro re naj itok im tili; bwe rej dri ailiñ e jajelokjen: kin men in, Eo e ar kōmōnmōn ir E jamin tiriamokake ir, im Eo e ar na wāweir E jamin kwalok joiñ ñōn ir.

12 Im ilo ran eo Jeova e naj nowe korn eo An jen dren eo elap in River eo ñōn wea in Ijpt; im naj kokweloktok kom kaju iami, O komeo ro nejn Israel.

13 Im ilo ran eo, naj uk juōn jilil elap; im re naj itok ro rar nañin joko ilo ene Assiria, im ro emwij jolok ir ilo ene Ijpt; im re naj kabuñ ñōn Jeova ilo tol eo e kwojarjar i Jerusalem.

28 Wo ñōn rojenbōr in jua an ro dri karek in Ipreim, im ñōn inōk eo e aimerlok woleo in aibujuij eo an, eo ion bōran komlōl e mättōk an ro emwij mōnlōllok ir kin wain! 2 Lo, iben Iroi eo juōn e monmon im e kajur; einwōt juōn lañ in dren ebin, juōn ñot ej kokkure, juōn lañ an dren ko relap ej jiōblok, E naj jolōllok ñōn lōl kin pein. 3 Rojenbōr in jua eo an ro dri karek in Ipreim, naj jure iomin ne ko: 4 im e aimerlok inōk in wolio in aibujuij eo an, eo ion bōran komlōl e mättōk, e naj einwōt fig eo e kalo mokta jen ien mōnān; eo ke ej loe ej kile, ke ej ber ilo pein ej mōña wōt. 5 Ilo ran eo Jeova in inelip eo e naj juōn rojenbōr in aibujuij, im juōn rojenbōr e woleo, ñōn bwen dri ailiñ ro An; 6 im juōn jitōb in ekajet jime ñōn eo ej jijōt bwe en ekajet, im kajur ñōn ro rej ukotliklok keitak ilo kejem eo.

7 Im rein rej bareinwōt jebwāl kin wain, im jebwālel kin dren in karek; pris im dri kanan eo rej jebwāl kin dren in karek, wain ej warōñlok ir, rej jebwāl kin dren in karek; rej bwir ilo visōn, im rej jebwābwe ilo air ekajet. 8 Bwe tebel otemjej re obrōk kin mwōj im briy, inem ejelok jikin erre.

9 E naj katakin wōn jelalokjen? im E naj kajelaik wōn nan eo? ro emwij kalikitit ir jen milk eo, im bōk ir jen tit ko ke? 10 Bwe ej nan in kaiñi, im bar nan in kaiñi, nan in kaiñi im bar nan in kaiñi; lain im bar lain, lain im bar lain; jirik ijin, jirik ijuéo.

11 Jab, a kin armij ¹tiir re maijet, im lo ko ein juōn E naj konono ñōn dri ailiñ in; 12 ro E ar ba ñōn ir, Eñin kakije eo, komin kakijeik eo e mōk; im eñin aimlolo eo: a re jab kōnan roñjake. 13 Kin men in nan jen Jeova e naj ñōn ir nan in kaiñi im bar nan in kaiñi, nan in kaiñi im bar nan in kaiñi; lain im bar lain, lain im bar lain; jirik ijin, jikir ijuéo; bwe ren ilok, im jenliklok, im mōke ruje ir, im naj ane ir, im jibwe ir.

14 Kin men in, komin roñjake nan jen Jeova, komeo dri kajirere, ro rej iroi ion ro dri ailiñ in i Jerusalem. 15 Bwe kom ar ba, Kim ar kōmōn juōn bujen iben mij, im bebe iben Hedis; ñe men in kokkure e jiōblok e naj driblok wōt, e jamin kebaktok ñōn kim; bwe kim ar kōmōn riōp am jikin ko, im kim ar tilekek iomin etao: 16 kin men in, ein drein Iroi Jeova ej ba, Lo, ²Ij likit ilo Zaion juōn dreka ñōn loñtōk dreka emwij melejoñwe, dreka in dremōn im e aurōk ñōn loñtōk ebin: eo ej tōmak e jamin kiyorur. 17 Im I naj kōmōn ekajet jime, lain eo, im wānik, ken kajime eo; im wut ebin e naj bioklok jikin ko in riōp, im dren ko re naj tore jikin tilekek eo. 18 Im naj kajitokjen bujen eo ami iben mij, im ami bebe iben Hedis e jamin bin; ñe men in kokkure e jiōblok e naj driblok wōt, e naj jur kom ñōn lōl. 19 Ien otemjej ñe ej driblok, e naj jibwe kom; bwe jiboñ otemjej e naj driblok, ilo ran im ilo boñ: im e naj ejelok men a lelñōñ in jela kake nan eo. 20 Bwe aowej eo e karu jen an armij maroñ in mōke mō ion; im koj eo e airik jen an maroñ in kublur kake. 21 Bwe Jeova e naj jerkak einwōt ion tol Pirezim, E naj illu einwōt i komlōl i Gibeon; bwe Eñ kōmōn jerbal eo An,

jerbai eo An men in bwilōñ, im kajejit kōmōn eo An, kōmōn eo men in bwilōñ. 22 Inem kiō komin jab dri kajirere, ñe ab kworōk ko ibemi ren kajurluk; bwe emwij aō roñjake juōn kien kokkure jen Iroi, Jeova in inelip eo, ion aolepen lōl.

23 Komin letok lojiliñemi, im roñjake ainikiō; komin eoroñ im roñjake aō in nan. 24 Eo ej plau bwe en jeor, ej plau ien otemjej ke? im kabellek im tōblōle brii eo an ien otemjej ke? 25 Ke emwij an kōmōne im eorāke, e jab jolok ie fij ko, im kijibliklok kummin eo, im likit wit ilo lajrōk ko, im barli ilo jikin e pojōk, im spelt ilo tōreren ke? 26 Bwe Anij eo an ej katakin e jime, im kajelaik e. 27 Bwe re jab dreñlokwe fij ko kin ken dreñdreñ ekōñ, im re jab karol juōn whil in kart ion kummin eo; a rej dreñlokwe fij ko kin juōn jokwōn, im kummin kin juōn alal. 28 Rej irir wit ñōn bred; bwe e jamin nowe ien otemjej: im meñe whil in kart eo an ors ko an rej kijibliklik e, e jamin iri. 29 Men in bareinwōt ej itok jen Jeova in inelip eo. Eo e bwilōñ ilo bebe, im emōntata ilo meletlet.

29 Yok Eriel, Eriel, jikin kwelok Devid e ar kamp ie! komin kobaik yiō ñōn yiō; kwōjkwoj ko ren roltok: 2 inem I naj kejjorran Eriel, im e naj or jōñ im lajlol; a lio e naj einwōt Eriel ñōn Ña. 3 Im I naj kamp nae yuk i belakin, im I naj nitbwile yuk kin ro dri tōrinae emwij likit ir ie, im I naj kōmōn me in nitbwili ko nae yuk. 4 Im naj bōklōllok yuk, im kwo naj konono jen ilo brii, im ainikiōm e naj etā jen bōñōlñōl; im am konono e naj einwōt juōn eo jītōb ej miōk na i enbwinin jen lōl, im ainikiōm e naj unojrikrik jen bōñōlñōl eo.

5 A jar elap an ro dri kijirāte yuk re naj einwōt bōñōlñōl erik, im jar eo elap an ro dri kaleññōñ einwōt kilin wit e joko: aet, e naj eiriñ. 6 Jeova in inelip eo e naj bukot lio kin jorur, im makōtkit lōl, im ainiken elap, kin aire im lañ, im urur in kijeek ej kokkure. 7 Im jar an ro dri ailiñ ko ej tōrinaek Eriel, aet, ro otemjej rej

tōrinaek e im me eo an, im rej kejjor-
ran e, re naj einwōt juōn tōnak, juōn
visōn ilo boñ. 8 Im e naj einwōt ke
juōn armij e kwuli ej tōnak, im lo, ej
mōña; a e ruj, im an ejelok kobōn:
ak einwōt ke juōn armij e maro ej
tōnak, im lo, ej irak; a e ruj, im lo,
e mōjino im iben eor an kōnan: ein
drein naj iben jaran ro dri ailiñ otem-
jej rej tōrinaek tol Zaion.

9 Komin kōtar im bwilōñ; komin
mōnōnō im bilo: rej karek, a e jab kin
wain; rej jebwālel, a jab kin dren in
karek. 10 Bwe Jeova e ar katorlok
iom juōn jītōb in kiki mitōñ, im E ar
kil mejemi, ro dri kanan; im E ar ka-
libubu bōrami, ro dri lo. 11 Im aolep-
en visōn ej ñōn kom einwōt nan ko
ilo juōn buk emwij sil e, eo armij rej
lelok ñōn juōn e meletlet, im ba ñōn
e, Kwon konono ilo buk in, ij kajitōk
ibōm; inem ej ba, I bane, bwe emwij
sil e: 12 im rej lelok buk eo ñōn eoe
jab meletlet, im ba, Kwon konono ilo
buk in, ij kajitōk ibōm; inem ej ba,
Ña I jab meletlet.

13 Im Iroijs eo e ar ba, Kin an¹ ro
dri ailiñ in druaktok ñōn iba, im kin
an loñir im tiir kōñiājoik Iō, a rar
kamōkit burueir etolok jen Ña, im air
mijōk Iō ej juōn kien armij, eo em-
wij katakin ir kake; 14 kin men in,
lo, I naj jerbale juōn men in bwilōñ
ñōn ro dri ailiñ in, aet, juōn jerbale
men in bwilōñ; im meletlet an ro dri
jelalokjen ibeir e naj joko, im lolātāt
an ro dri lolātāt ibeir e naj binjōk.

15 Wo ñōn ro rej kanuij noj air be-
be jen Jeova, im jerbale ko air rej ilo
marok, im re ba, Wōn eo ej lo kim?
im wōn eo e jela kim? 16 Komij
ukot men ko! Ren lemnok dri potter
einwōt kle; bwe² men in kōmōn en
ba ñōn eo e ar kōmōn e, E ar jab
kōmōnmōn iō; a men in nawāwen en
ba ñōn eo e ar nawāwen e, Ejelok jela
iben ke?

17 E jab erik ien ke, inem Lebanon
e najerom juōn jikin kallipe timon, im
ren lemnok jikin kallipe eo e timon
juōn jikin wijki? 18 Im ilo ran eo ro
dri jaroñroñ re naj roñjake nan ko ilo

buk eo, im mejen ro dri bilo re naj lo
jen etino im jen marok. 19 Ro etā
burueir bareinwōt re naj kalaplok air
lōñliñ ilo Jeova, im ro rej jeramel ian
armij ro re naj lōñliñ ilo Eo Dri Kwo-
jarjar in Israel. 20 Bwe emwij kaji-
tokjen eo ej kaleññoñ, im dri kajirere
eo e jokwōr, im bukvelok ro otemjej
rej kabukot nana; 21 ro rej likit juōn
armij dri bwir kin juōn nan, im kō-
mōn jen ñōn eo ej kowe ilo kejem, im
kajeor ro dru wānik kin juōn men
bata.

22 Kin men in, ein drein Jeova, Eo
e ar lomoren Ebream, Ej ba kin imōn
Jekob: Ien in Jekob e jamin jok, im
turin mejen e jamin oo. 23 A ñe ej
lo ro nejin, men in kōmōn an peiō, ilo
bwiljin, re naj kokwojarjar eta; aet,
re naj kokwojarjar Eo Dri Kwojarjar
an Jekob, im re naj mijōk Anij in
Israel. 24 Ro bareinwōt rej bwir ilo
air, re naj tōbar jelalokjen, im ro rej
lotan re naj bōk nan in katak.

30 Wo ñōn ro nejiō rej kabata,
Jeova ej ba, ro rej bōk bebe, a
jab jen Ña; im rej lutōklok juōn jur-
tak in irak, a jab jen Aō Jitōb, bwe
ren kobaik jerawiwi ñōn jerawiwi; 2
ro rej jino air wōnlōllok ñōn Ijipt, im
re jañin kajitōk jen loñiō; bwe ren
mōke kakajur ir ilo kajur an Pero, im
bwe ren ko ñōn lurin Ijipt! 3 Kin
men in, kajur an Pero e naj ami men
in jok, im jikin ko ilo lurin Ijipt ami
airwaro. 4 Bwe iroijs ro air rej ber i
Zoan, im dri jilik ro air rej itok ñōn
Henis. 5 Ir otemjej re naj jok kin
ro jen juōn ailiñ re ban jibōñ ir, rej
ejelok men in jibōñ im ejelok tokjen,
a juōn men in kajok im bareinwōt
men in kinak.

6 Lomijen kiru ko in Rōk.

Ilujen ene in jorran im iñtan, im
jen eo ej itok laion kokōra im laion,
vaiper im serpent kijeek ej kākī, rej
ineklok mweieir ion ass ko emōn rid-
tair, im men in aurōk ko air ilikin
kamel ko ñōn ro dri ailiñ re jamin
jibōñ ir. 7 Bwe Ijipt ej jibōñ bata,
im ejelok tokjen; kin men in I ar
naetan, Rehab. eo ej jijōt im tōt.

8 Inem kwon ilok, kwon jeje imair ion juōn ken jeje, im je ilo juōn buk, bwe en ber ñōn ien ej itok ñōn in drio im in drio. 9 Bwe e juōn ailiñ ej kabata, ro nejnin rej riōp wōt, ro nejnin re jamin eoroñ kien Jeova; 10 rej ba ñōn ro dri lo, Komin jab lo; im ñōn ro dri kanan, Komin jab drikanij ñōn kim men ko re jime, komin kononoñōn kim men ko re meoeo, komin drikanij men in mon ko, 11 komin illok jen ial, komin jeor jen ial eo, komin kōmōn bwe Eo Dri Kwojarjar in Israel en jokwōr jen imami. 12 Kin men eo, ein drein Eo Dri Kwojarjar in Israel ej ba, Kin ami kejekron nan in, im liki kamakoko im bōt, im atartar ioir; 13 kin men in, nana in e naj ñōn kom einwōt ikōk in dreka im e nañin rum ilo juōn worwor e utiej, eiriñ an naj rup. 14 Im e naj rupeinwōt air rupe jābi an dri potter, e rup im jab tiriamokake; inem re jamin lo ian mōtōn ko juōn mōtōn re maroñ in bōk kijeek jen ubaj kin e, ak itōk dren jen aibij eo.

15 Bwe ein drein Iroi Jeova, Eo Dri Kwojarjar in Israel e ar ba, Ilo jeblak im kaki je naj lomoremi; ami kajur e naj ilo tōt im ilo liki. Im kom ar jab kōnan: 16 a kom ar ba, Jab, bwe kim naj ko ion ors ko; kin men in kom naj ko: im, Kim naj uwe ion kiru ko re mōkōj; inem ro rej lukworkwore kom re naj mōkōj. 17 1 Juōn tausand re naj ko kin an juōn kaleñōñ; kin kaleñōñ an ro lailim kom naj ko: mae ien emwij likit kom einwōt juōn alal i jabōn tol, im einwōt juōn flag ion juōn tol erik.

18 Im kin men in Jeova e naj kōtar, bwe Eu maroñ in joij ñōn kom; im kin men in E naj utiej, bwe En maroñ in tiriamokake kom: bwe Jeova juōn Anij in ekajet jime; re mōnōnō ro otemjej rej kōtar E. 19 Bwe ro dri ailiñ ko re naj jokwe ilo Zaion i Jerusalem; kom jamin bar jōñ; emol E naj joij ñōn kwe kin ainiken am lamij; ñe E naj roñjake, E naj uak yuk. 20 Im meñe Iroi eo ej lewoj ñōn kwe bred in kamōk im dren in jorran,

ijoke, am dri kaki re jamin bar tilekek, a mejōm re naj lo dri kaki rōn am; 21 im lojiliñōm re naj roñjake juōn nan elikōm, ej ba, Eñin ial eo, komin etetal iloan; ñe komij jeor ñōn anbijmaroñ, im ñe kom jeor ñōn anmiñ. 22 Im kom naj kananaik kilin men in e ko ami jekjek jen silver, im men in kalibubu ami men in unlok ko gold: kom naj jolok ir einwōt juōn men etton; kwo naj ba ñōn e, Kwon etal jen ijin.

23 Im E naj lewoj wut eo ñōn ine eo am, kin e kwo naj jeor ion brij eo am; im E naj lewoj bred jen orlok an brij eo, im e naj uwe im lōñ. Ilo ran eo kau ko am re naj mōña jen melaj ko relap; 24 ox ko bareinwōt, im ass ko emōn riddair ko rej tōblōl brij eo, re naj mōña kijeir enno, eo emwij karreoik e kin shovel im kin fork. 25 Im e naj or wea ko im river in dren ko ilo jabrewōt tol e utiej im ilo jabrewōt tol etā, ilo ran in uror elap, ñe imōn ebar ko rej eolok. 26 Bar juōn, maram in aliñ e naj einwōt maram jen al, im maram in al e naj jilijilimjuōn alen, einwōt maram in jilijilimjuōn ran, ilo ran eo Jeova ej kitimi kinjen ro dron, im kaejmour kinjeir.

27 Lo, etan Jeova ej itok jen etolok, ej urur kin illu eo An, im ilo bat e mijil im wōnliñlok: tien e obrōk kin irenwōne, im loñ ej einwōt juōn kijeek ej kokkure; 28 im menonoñ ej einwōt juōn river ej jiōblok, eo ej tōbrōk kenwan, bwe en likliki ro dri ailiñ ko kin ken liklik in kokkure; im juōn ken drebdrebije ej kejebwābweik, e naj ilo loñin ro dri ailiñ ko. 29 Ami al e naj einwōt ilo boñ eo ke rej lala juōn kwojkwoj e kwojarjar; im mōnōnō eo ilo buruōmi einwōt ke juōn ej ilok im iben juōn paip ke ej itok ñōn tol eo an Jeova, ñōn Ejman eo an Israel. 30 Im Jeova e naj kōmōn bwe ren roñjake ainiken e aibujuij, im E naj kwalok wōnlōllok in pein, iben libōpne in illu eo An, im urur in kijeek e kajur, im juōn mowi, im juōn lañ, im wut ko rebin. 31 Bwe kin ainiken Jeova dri Assiria e naj lokjenan; E naj dreflok e kin

alal eo An. 32 Im jabrewōt dribitbit in jokwōn eo emwij kālet e, eo Jeova e naj likit e ion, e naj kin ainiken tabret ko im arp ko; im ilo keitak ko kin erlokwe pein E naj tōrinaek ir. 33 Bwe emwij kapojōk juōn Topet jen ien e motlok; aet, ar kapoje nōn kiñ eo; E ar kōmōnmōn e mulōl im elap; ejoiy eo an kijeek im elōñ kane; menonoñ Jeova, einwōt juōn torlok in brimston ej kejo e.

31 Wo nōn Ijpt kin men in jibōñ, im liki ors ko, im liki jariot ko kin air lōñ, im ro dri uwe ion ors ko bwe re kanuij kajur, a re jab reilok nōn Eo Dri Kwojarjar in Israel, im jab kabukot Jeova! 2 A E bareinwōt meletlet, im E naj bōktok jorran, im E jamin bar karol An in nan, a E naj jerkak nae imōn ro dri kōmōn nana, im nae men in jibōñ jen ro rej jerbali jab wānik. 3 Ak ro dri Ijpt rej armij, im jab Anij; im ors ko air rej kōniek, im jab jitōb: im ñe Jeova e naj erlokwe pein, eo dri jibōñ e naj lōkatip, im eo emwij jibōñ e, e naj buñ, im naj kokkure ir otemjej iben dron.

4 Bwe ein drein an Jeova ba nōn iō, Einwōt juōn laion im kon in laion ej nōññōr ion men in jibwe eo an, elañe rej kirtok elōñ dri lale sip nae e, e jamin lelñōñ kin ainikeir, ak mōke kōtaik e kin air keroro: ein drein Jeova in inelip eo e naj wōnlōl-tok in tōrinae ion tol Zaion im ion tol eo erik an. 5 Einwōt bao in mejatoto rej kato kātōk, ein drein Jeova e naj kouk Jerusalem; E naj kouk e im lomoren e, E naj elālok im lomoren e. 6 Komin ukwelok nōn iben Eo kom ar kanuij kabata nae E, O komeo ro nejn Israel. 7 Bwe ilo ran eo jabrewōt armij e naj jolok men in e silver ko an, im men in e ko gold, ko peōmi rar kōmōnmōni nōn kom nōn juōn bwir. 8 Im dri Assiria eo e naj buñ kin jāji, jab an armij; im jāji eo, jab an armij ro, e naj kōñ e; im e naj ko jen jāji eo, im likao ro an re naj kōmōn owōj. 9 Im dreka eo an e naj joko kin lelñōñ, im iroi ro an re naj

lokjenair kin flag eo, Jeova ej ba, eo kijeek eo An ej ilo Zaion, im ubaj eo An i Jerusalem.

32 Lo, juōn kiñ e naj iroi y ilo wānik, im iroi ro re naj iroi y ilo ekajet jime. 2 Im juōn eman e naj einwōt jikin tilekek jen kōto, im juōn ken tōrak jen lañ eo, einwōt river in dren ko ilo jikin e mōra, im einwōt lurin juōn dreka elap ilo juōn ene in mōk. 3 Im mejen ro rej loe re jamin aoram, im lojiliñin ro rej roñjake re naj eoroñ. 4 Im buruen ro dri kijorur re naj melele jelalokjen, im loñ ro rej allo e naj pojōk in konono alikar. 5 Re jamin bar āñiñin dri bwebwe, niājo, ak ba kin eo ej kelmarok, ej draepe wōt. 6 Bwe dri bwebwe eo e naj konono nan in bwebwe, im buruen e naj jerbali jab wānik, bwe en kōmōn nana in konono bwir nae Jeova, im drebiy kijeir jen ro rej kwuli, im kōmōn bwe limen eo ej maro en likjōp. 7 Bwe ken jermal ko an dri kelmarok re nana: ej kine bebe ko re nana bwe en kokkure ro rej inemōn kin nan ko nan in riōp, aet, ñe ro dri aikwij rej konono jime. 8 A ro remōn rej kine men ko remōn; im ilo men ko remōn re naj berwōt.

9 Komin jerkak, komeo kōra dri jatoktok, im komin eoroñ ainikiō; komeo nejn kōra re linnok, komin eoroñ nan ko Aō. 10 Bwe ilo ran ko relōñ jen juōn yiō kom naj jorran, komeo kōra ro dri jatoktok; bwe grep ko re naj likjōp, marmir eo e jamin itok. 11 Komin wuririr, komeo kōra re jab jermal; komin lokjenami, kom dri jab ierek; komin wutik nuknuk ko, im mōke kelwan, im kañōrñōr kom kin nuknuk eklep iren. 12 Re naj ubrare ittir kin jikin kallip ko remōn, kin vain eo ej kouwa. 13 Ilo enen ro Aō dri ailiñ e naj edrek kāliliklik ko im mār kuj ko; aet, ion mo ko imōn lōñliñ otemjej ilo jikin kwelok in lōñliñ. 14 Bwe re naj ilok jen imōn iroi y; ilo jikin eo e kar lōñ armij, e naj ejelok; tol eo im imōn bar eo re naj roñ in kiru nōn in drio, im men in

lōlīñ an ass ko rawia, juōn jikin mō-
ña nōn bwij ko; 15 mae ien naj lutōk
Jitōb ioir jen lōñ, im ene jemaren en
juōn jikin kallip e kouwa, im ren
lemnok jikin kallip eo e kouwa en ji-
kin wijki ko.

16 Inem ekajet jime e naj jokwe i
ene jemaren; im wānik e naj berwōt
ilo jikin kallip e kouwa. 17 Im jer-
bal in wānik e naj ainemōn; im tok-
jen wānik, tōt im liki nōn in drio.
18 Im ro dri ailiñ Aōre naj jokwe ilo
juōn imōn ainemōn, im ilo mo ko eje-
lok uota ie, im ilo jikin kakiye re tōt
wōt. 19 A e naj wut ebin ilo ien an
eolok wijki ko; im naj kanuij kōtaik
jikin kwelok eo. 20 E mōnōnō komeo
komij jeor iturin dren ko otemjej, me
komij jilkinlok neen ox im ass.

33 Wo nōn kwe kwoj kokkure,
im rar jab kokkure yuk; im
kwoj kōmōn men in mon, im rar jab
kōmōn men in mon ibōm! Nē emwij
am kokkure, naj kokkure yuk; im ñe
kwo naj kajemlok am kōmōn men in
mon, re naj kōmōn men in mon ibōm.
2 O Jeova, kwon joij nōn kim; kim
ar kōtar Yuk; Kweo kwon peim jiboñ
otemjej, am ken lomor ilo ien jorran.
3 Kin ainiken iruij eo, ro dri ailiñ ko
rar ko; kin leliñlok Kwe mōke, ro dri
ailiñ ko re jibliklok. 4 Im re naj ain
ami men in rakim einwōt kitōñtōñ
ej aini: einwōt lokōs ko rej kālōk,
ein drein armij re naj kājone. 5 Em-
wij koutiej Jeova; bwe Ej jokwe
ilōñ: E ar kobrōk Zaion kin ekajet
jime im wānik. 6 Im e naj or ken
kabin ilo ien ko am, elōñ men in lo-
mor, meletlet, im jela: mijōk Jeova
ej men in aurōk ibōm.

7 Lo, dri beran ro air rej lamij ili-
kin im; ro dri keañ kin ainemōn re
kanuij jōñ. 8 Ial ko relap rej aikwij
armij, ejelok alibñōrñōr in dri itoi-
tōk; ej kokkure bujen eo, ej kejekron
jikin kwelok ko, e jab lemnok kin ar-
mij. 9 Eneo ej liājlol im oktōk me-
lan; Lebanon ej no im aimerlok;
Sheron ej einwōt ene jemaren; im
Beshan im Karmel rej mwe jen bwili-
kir. 10 Kiō I naj jerkak, Jeova ej

ba; kiō I naj mōke leliñlok Iō; kiō I
naj utiej wōt. 11 Kom naj etta kin
kilin wit, kom naj keutak kām e me-
noknok; menonoōmi juōn kijeek e naj
kōñ kom. 12 Im ro dri ailiñ ko re
naj einwōt air tile iawewe, einwōt
kālīklik ko emwij jeke, ko rej tile ilo
kijeek.

13 Komin roñjake, komeo retolok,
ta eo I ar kōmōne; im komeo rebak,
komin kwalok Aō kajur. 14 Ro dri
jerawiwi ilo Zaion rej lelñōñ; wuririr
e ar jibwe ro ejelok air Anij: Wōn
iaruij e maroñ in jokwe iben kijeek
eo ej kokkure? wōn iaruij e maroñ in
ber ilo urur ko nōn in drio? 15 Eo ej
etetal ilo wānik, im eo ej konono jime;
eo ej kejekron wōnan kamakokoik, eo
ej drebij pein jen bōk juōn wōnan
kōmōn nana, eo ej binej lojiliñin jen
rōñjake kin bōtōktōk, im ej kil mejen
jen reilok nōn nana: 16 e naj jokwe
ilōñ; jikin kouk eo an naj dreka ko re
kajur; naj lelok nōn e kijen; im dren
ko limen re jamin joko.

17 Mejōm re naj lo kiñ eo ilo woleo
eo an; re naj reilok nōn juōn ene eto-
lok. 18 Buruōm e naj kalomōnlokjen
kin lelñōñ: Ewi eo e ar bwinbwin,
ewi eo e ar paun? ewi eo e ar bwini
imōn bar ko? 19 Kwo jamin lo ro
dri ailiñ ko re lej, armij ro rej konono
mulōl inem kwo ban jela kake, im loir
e maijet inem kwo ban melele. 20
Kwon reilok nōn Zaion, jikin kwelok
in kwojkwoj ko am: mejōm re naj lo
Jerusalem juōn jikin jokwe e tōt wōt,
juōn im nuknuk re jamin kamōkit e,
alal ko an re jamin kōtepe, in ejelok
juōn ian to ko an e naj mijōk. 21
A ijo Jeova e naj ibem ilo utiejjen,
juōn jikin river ko re rābōkbōk im
ejelok wan añwōr e naj ilok ilo air,
ak wan belle ilok ie. 22 Bwe Jeova
ej dri ekajete kij, Jeova ej am dri
kaññi, Jeova ej am kiñ; E naj lo-
morer. 23 Emwij jelate to ko am;
rar ban kabin bōklap rar ban jerōke
wijla: inem emwij ajeilok men in
rakim elap; ro dri kirro rar bōk men
in rakim eo. 24 Inem dri jokwe ie e
jamin ba, I nañinmij: naj jolok bwir
an ro dri jokwe ilōan.

34 Komin druaktok, kom dri ailiñ ko, bwe komin roñjake; im komin eoroñ wõt, kom armij ro: lõl en roñjake, im an obrök; lõl im men otemjej rej walok jen e. **2** Bwe iben Jeova eor illu nae dri ailiñ otemjej, im illu e bwil nae aolepen air jar in tōrinae; emwij An ketök ir ññon uror. **3** Naj jolok ro emwij mōn ir, im ekōrōr in ubeir e naj wōnliñtok; im tol ko re naj unlök kin bōtōktōkir. **4** Im aolepen jaran lõn re naj unlök, im naj limi lõn ko einwōt juōn limōk; im aolepen jar eo air e naj aimerlok, einwōt bwilik ej aimerlok jen vain, im einwōt juōn bwilik ej aimerlok jen wijki fig. **5** Bwe Aō jāji e ar irak im māt ilo lõn ko; lo, enaj wōnlōllok ion Idom, im ion ro dri ailiñ eo I ar keje-rataik ir, ññon ekajet. **6** Jāji eo an Jeova e obrök kin bōtōktōk, emwij kamāttōk e kin kioeo, kin bōtōktōkin lam im got ko, kin kioeo jen dreka in jibke an sip koman ko; bwe iben Jeova juōn katok ilo Bozra, im juōn uror elap ilo ene in Idom. **7** Im ox ko rawia re naj wōnlōltok ibeir, im ox ko kab kau koman ko: im eneir e naj karek kin bōtōktōk, im naj kamāttōk, brij eo air e mōra kin kioeo.

8 Bwe eor ran in irenwōne iben Jeova, eor yiō in nawōnan kin Zaion. **9** Im wea ko i Idom re naj erom bwil, im bōñlōñlō eo an ññon brimston, im enen e naj erom bwil ej urur. **10** Jamin kwune, ran ak boñ; bat eo an e naj wōnliñlok ññon in drio; jen ebeben ññon ebeben e naj ber im jemaren; ejelok e naj driblok e ññon in drio im in drio. **11** A eneo e naj an bao pelikan im kiru porkupain; im jinurej im bao reven re naj jokwe iloan; im E naj kōnōk lain in no ion, im men in kajime, ejelok kobōn. **12** Re naj kirtok leatōktōk ro an ññon ailiñ in kiñ eo, a ejelok e naj ber ijo; im iroi ro otemjej an, re naj ejelok. **13** Im kālīklik ko re naj walok iloan mo ko imōn iroi, mār nettel in mār kuj ilo me ko an; im e naj juōn jikin jokwe ññon jakol ko, im juōn melaj ññon bao ostrij ko. **14** Im kiru ko rawia jen ene jemaren re naj wōnmae wulf ko,

im got awia e naj kir ññon jeran; aet, kiru ko in boñ men in lelñōñ re naj ber ie, im naj lo juōn jikin kakije ññoni. **15** Ijo serpent mōri e naj kōmōn el in lip ko, im keutak, im kokweloktok i lurin; aet, ijo bao kait ko re naj kwelok, jabrewōt iair iben jeran.

16 Komin kabukot ilo buk in Jeova, im konono: ejelok juōn ian men in mour kein e naj likjōp, ejelok e naj aikwij jeran; bwe loñiō e ar jiroñ, im Jitōb eo An, E ar kokwelokloki. **17** Im E ar kōmōn kakōle eo ññon ir, im pein e ar ajejlok e ññon ir kin lain; e naj air ññon in drio; jen ebeben ññon ebeben re naj jokwe iloan.

35 Ene jemaren im eo e mōra re naj mōnōnō; im ene jemaren e naj lõñliñ, im ebul einwōt mār ros. **2** E naj kanuij ebul, im lõñliñ kin al in lõñliñ; naj lelok ññon e aibuuij in Lebanon, men emōn potata in Karmel im Sheron: re naj lo aibuuij an Jeova, men emōn potata an aruij Anij.

3 Komin kakajur pā ko re mōjino, im kabin bukwe ko re banban. **4** Komin ba ññon ro burueir e arrimij, Komin kajur, komin jab mijōk: lo, ami Anij e naj itok im irenwōne, kab nawōnan, aet, nawōnan an Anij; E naj iten lomoremi.

5 Inem ¹ mejen ro re bilo re naj bellok, im naj bōk binjen lojiliñin ro re roñjamōn. **6** Inem armij e ² kirro e naj kākī einwōt juōn hart, im lo an dri ban konono e naj al; bwe ilo jikin awia river ko re naj walok, im wea ko i ene jemaren. **7** Im bok e bwil e naj erom juōn lwe, im ene e maro, unin dren ko: ilo jikin jakol ko, ijo rar babu ie, e naj or uioij kab koba ko im rush ko. **8** Im juōn ial elap e naj ie, im juōn ial, im naj naetan Ial in kwojarjar; ro retton re jamin etal ie; a e naj ññon ro emwij lomoren ir: ro dri itoitōk, aet, ro dri bwebwe re jamin jebwābwe iloan. **9** Ejelok laion e naj ie, im ejelok kiru e lej e naj wōnliñlok ion; jamin lo ir ijo; a ro emwij lomoren ir re naj etal ie: **10** im ro

binmour an Jeova re naj jeblaktok, im itok ñõn Zaion kin al; im lõñliñ in drio e naj ion bõrair; re naj bõk lõñliñ im mōnōñ, im buromōj im mōtatu re naj ko jen ir.

36 Ak ilo¹ yiō eo ken ka joñoul emen an Hezekaia kiñ, Senakerib kiñ in Assiria e ar wōnliñtok nae jikin kwelok otemjej eor air worwor in Juda, im bõki. 2 Im kiñ in Assiria e ar jilkinlok Rabshake jen Lekish ñõn Jerusalem ñõn kiñ Hezekaia, im iben juõn jar in tōrinae elap. Im e ar jutõk iturin tor in lwe e utiej ilo ial in melaj an dri nuknuk kejeje. 3 Inem rar itok ñõn iben, Ilaiekim nejin Hilkaiā, eo e ar iroi j ion mweo, im Shebna dri jeje eo, im Joa nejin Esap, dri jeje bwebwenato.

4 In Rabshake e ar ba ñõn ir, Komin ba kiō ñõn Hezekaia, Ein drein kiñ eo elap kiñ in Assiria ej ba, Ewi tokjen liki in kwoj liki kake? 5 Ij ba am bebe im kajur ñõn tōrinae rej nan bata wõt: inem wōn eo kwoj liki kiō, ke kwoj kabata nae iō? 6 Lo, kwoj liki koka in e ub, eo elañe juõn armij ej atartar ion, e naj dreloñ ilo pein im wie: ein drein Pero kiñ in Ijpt ñõn ro otemjej rej liki e. 7 A elañe kwoj ba ñõn iō, Kimij liki Jeova amuij Anij: E jab eo jikin re utiej im lokatok ko An Hezekaia e ar bõkloki ke, im e ar ba ñõn Juda im ñõn Jerusalem, Kom naj kabuñ iman lokatok in? 8 Inem kwon letok men in kamol ñõn aō iroi j kiñ in Assiria, im I naj lewoj ruo tausan ors, elañe kwe kwo maroñ in likit ro dri uwe ioir. 9 Inem ekijkan am maroñ in kejeorlok mejen juõn kapen eriktata ian ro dri korijeran iroi j eo aō, im liki Ijpt kin jariat ko im ro dri uwe ion ors? 10 Im kiō I ar wōnliñtok nae ene in bwe in kokkure, im Jeova e jab iba ke? Jeova e ar ba ñõn iō, Kwon wōnliñtok nae ene in, im kokkure.

11 Inem Ilaiekim im Shebna im Joa re ba ñõn Rabshake, Kwon konono, ij kajitõk, iben ro dri korijerõm ilo kajin Siria; bwe kimij jela kake;

im jab konono ñõn kim ilo kajin ro dri Ju, i lojiliñin armij ro rej ber ion worwor eo. 12 A Rabshake e ba, Aō iroi j e ar jilkintok iō ñõn iroi j eo ami, im ñõn kwe, bwe in konono nan kein ke? e ar jab jilkintok iō ñõn ro rej jijõt ion worwor eo ke, bwe ren mōña air toeõk, im irak air mōjo ibemi?

13 Inem Rabshake e ar jutõk, im lamij ilo ainiken elap ilo kajin ro dri Ju, im e ba, Komin roñjake nan ko jen kiñ eo elap, kiñ in Assiria. 14 Ein drein kiñ eo ej ba, Hezekaia en jab mone kom; bwe e jamin maroñ in lomoremi: 15 im Hezekaia en jab kōmōn bwe komin liki Jeova, im ba, Emol Jeova e naj lomorer; E jamin lelok jikin kwelok in na ilo pein kiñ in Assiria. 16 Komin jab eoroñ Hezekaia: bwe ein drein kiñ in Assiria ej ba, Komin kōmōn ainemōn iba, im drioijtõk ñõn iba; inem komin mōña, jabrewõt iami, jen vain eo an, im jabrewõt iami jen wijki fig eo an, im jabrewõt iami en irak dren jen abij eo an; 17 mae ien aō item āñinlok kom ñõn juõn ene einwõt ene eo ami, juõn enen korn im wain ekāl, juõn enen bred im bwil in grep ko. 18 Komin lalē ñe ab Hezekaia en karel kom, kin an ba, Jeova e naj lomorer. Jabrewõt ian anij ro an ro dri ailiñ ko e ar lomoren eneo an jen pein kiñ in Assiria ke? 19 Ewi anij ro an Hemat im Arpad? ewi anij ro an Separveim im rar lomoren Sameria jen peiō ke? 20 Wōn ro ian anij otemjej an ailiñ kein, rar lomoren ailiñ eo air jen peiō, bwe Jeova en lomoren Jerusalem jen peiō?

21 A rar kejeklokjen, im jab uak juõn nan; bwe kien kiñ eo, im e ar ba, Komin jab uak e. 22 Inem Ilaiekim nejin Hilkaiā, eo iroi j in mweo, im Shebna dri jeje eo, im Joa nejin Esap, dri jeje bwebwenato, rar itok ñõn iben Hezekaia, im ebeotõk nuknuk ko air, im rej kennanek e nan ko an Rabshake.

37 Im ke¹ Hezekaia e ar roñjake, e ar kekel nuknuk ko an, im kōñõk nuknuk eklep iren, im dreloñ

lok ilo mwe imōn Jeova. 2 Im e ar jilkinlok Ilaiekim eo iroi in mweo, im Shebna dri jeje eo, im ridto ro ian pris ro, emwij air kōnōk nuknuk eklep iren, nōn Aiseia dri kanan eo nejin Emoz. 3 Im rar ba nōn e, Ein drein Hezeakaia ej ba, Ranin ran in jorran, im ran in kowe, im ran in kajirere; bwe niñiñ ro re nañin lotak, im ejelok kajur in keutakir. 4 Bwelen Jeova am Anij e naj roñjake nan ko jen Rabshake, eo kiñ in Assiria e ar jilkintok e bwe en kejeiokiok Anij eo dri mour, im E naj enoik nan ko Jeova am Anij e ar roñjake: kin men in, kwon leliñlok am jar kin ro matōn mij.

5 Ein drein ro dri korijeran Hezeakaia rar itok nōn iben Aiseia. 6 Im Aiseia e ar ba nōn ir, Ein drein ami naj ba nōn iroi eo ami, Ein drein Jeova ej ba, Kwon jab mijōk nan ko kwar roñjake, im ro dri korijeran kiñ in Assiria rar kōtōrei Iō kake. 7 Lo, I naj likit juōn jitōb illoan, im e naj roñjake nan ko, im e naj jeblaklok nōn eneo an; im I naj kōmōn bwe en buñ kin jāji ilo eneo an.

8 Ein drein Rabshake e ar jeblak, im lo kiñ in Assiria ej tōrinaek Libna; bwe e ar roñ kin an ilok jen Lekish. 9 Inem e ar roñ kin Tirhaka kiñ in Itiopia, E ar drioiptok in tōrinaek yuk. Im ke e ar roñjake e ar jilkinlok ro dri jilik nōn iben Hezeakaia, im ba, 10 Ein drein kom naj konono nōn Hezeakaia kiñ in Juda, im ba, Anij, eo komij liki E, En jab mone yuk, im ba, Jamin lelok Jerusalem na ilo pein kifi in Assiria. 11 Lo, kwar roñjake ta eo kiñ ro in Assiria rar kōmōn nōn eneo otemjej, kin an kanuij kokkure ir: im naj lomoren yuk ke? 12 Anij ro an ailiñ ko ro jema rar kokkure, Gozan, im Heran, Rizep, im ro nejin Iden rar ber i Telassar, rar lomoren ir ke? 13 Ewi kiñ in Hemat, im kiñ in Arpad, im kiñ in jikin kwelok Separveim, im Hina, im Iva?

14 Im Hezeakaia e ar bōk letter eo jen ro dri jilik, im lale illoan, im Hezeakaia e ar wōnliñlok nōn mweo imōn Jeova, im e ar erlokwe iman Jeova.

15 Im Hezeakaia e ar jar nōn Jeova, im ba, 16 O Jeova in inelip eo, Anij in Israel, Kwe kwoj jijōt ilōñin kerub ko, Kwe Anij eo, aet Kwe wōt, in ailiñ ko otemjej in lōl; Kwar kōmōnmōn lōñ ko im lōl. 17 Kwon kajirtok lojiliñōm, O Jeova im roñjake; Kwon kablok mejōm, O Jeova, im lo; im roñjake nan ko otemjej an Senakerib, eo e ar jilkintok in kejeiokiok Anij eo e mour. 18 Emol, Jeova, kiñ in Assiria rar kokkure ailiñ ko otemjej, im ene ko air, 19 im rar jolok na ilo kijeek anij ro air: bwe re jab anij, a iltan pein armij, wijki im dreka; kin men in rar kokkure ir. 20 Inem kiō, O Jeova amuij Anij, kwon lomorem jen pein, bwe dri ailiñ otemjej ren jela bwe Kwe Jeova, aet, Kwe wōt.

21 Inem Aiseia nejin Emoz e ar jilkinlok nōn iben Hezeakaia, im ba, Ein drein Jeova, Anij in Israel, ej ba, Kin am jar nōn Iō nae Senakerib kiñ in Assiria, 22 eñin nan eo Jeova e ar ba kin e: Virjin eo nejin Zaion e ar kejekron yuk im tōñkake yuk; lionen jin Jerusalem e ar jibolul bōran nae yuk. 23 Wōn eo kwar kejeiokiok E im konono nana nae E? im wōn Eo kwar leliñlok ainikiōm im koutiej mejōm nae E? E Dri kwojarjar in Israel. 24 Kin ro dri korijerōm kwar kejeiokiok Iroi eo, im kwar ba, Kin jariot ko aō relōñ emwij aō wōnliñtok nōn utiejen tol ko, nōn mōtōn ko ilujen Lebanon; im I naj juokwe aik ko an re utiej, im wijki fōr ko an; im I naj dreloñlok illoan jabōn eo etoloktata, nōn wijki ko in jikin kallip e kouwa, 25 emwij aō kōbij im irak dren, im kin lobiren neiō I naj karoj river otemjej in Ijpt.

26 Kwar jab roñ ke ekijkan I kar kōmōne moktata, im na wāwen ilo ien ko re motlok? kiō I ar kōmōn men in, bwe en kwonam kejebeplik jikin kwelok ko eor air worwor nōn ebe ko. 27 Kin men in ro dri jokwe ie, erik air kajur, rar lelñōñ im no; rar einwōt ujoij in melaj, im einwōt mār e māroro, einwōt ujoij ion kejenwan, im einwōt juōn jikin kallip in korn mokta jen an edrekliñlok. 28 A I

jela am jijōt, im am drioiŷ dreloñ, im am lej nae Iō. 29 Kin am lej nae Iō, im bwe am jualōñlōñ ej wōnlīntok i lojilīñiō, kin men in I naj likit kāj eo Aō ilo bodōm, im Aō ken drebiŷ ilo tiōm, im I naj kejeblak yuk ilo ial eo kwar itok ie tok.

30 Im eñin naj kakōle ññn kwe: kom naj mōña yiō in jen eo ej mōke edrek, im ilo yiō eo ken ka ruo jen men eo ej edrek jen inen; im ilo yiō eo ken ka jilu komin jeor, im marmir, im kallip bwil in grep, im mōña jen leen. 31 Im ro mātōn mij ian ro imōn Juda, re naj bar lō okrair ilōl im jebar leir ilōñ. 32 Bwe jen Jerusalem e naj drioiŷlok juōn mōtōn, im jen tol Zaion ro rej ko. Kijejeto an Jeova in inelip eo e naj kōmōn men in.

33 Inem ein drein an Jeova ba kin kiñ in Assiria, E jamin itok ññn jikin kwelok in, im e jamin likloke juōn mōri ie, im e jamin itok ññn iman kin likipijñōk, im e jamin eje juōn bat nae e. 34 Kin ial eo e ar itok, e naj jeblak ie, im e jamin itok ññn jikin kwelok in, Jeova ej ba. 35 Bwe I naj kouk jikin kwelok in im lomoren, kin Ña, im kin dri korijera Devid.

36 Im enjel ōn Jeova e ar drioiŷlok, im mōn ilo kamp an ro dri Assiria, jibuki drualitōkñoul lailim tausān; im ke armij rar jerkak ilo jiboñ wōt, lo, ir otemjej re mij. 37 Ein drein Senakerib kiñ in Assiria e ar ilok, im etal im jeblak, im jokwe i Nineve. 38 Im ber inem, ke e ar kabuñ ilo imōn Nisrok anij eo an, Adramelek im Sharizer, ro nejin, rar mōn e kin jāji, im rar ko ññn enen Ararat. Im Isar-hadon nejin, e ar binej jenkwōn im kiñ.

38 Ilo ran ko Hezekaiā e ar nañinmij wōt jirik. Im Aiseia dri kanan eo e ar itok ññn iben, im e ba ññn e, Ein drein Jeova ej ba, Kwon kebobōŷ mweo imōm, bwe kwo naj mij, im jamin mour. 2 Inem Hezekaiā e ar jellok mejen ññn turin im, im e ar jar ññn Jeova, 3 im ba, Kwon kememej kiō, O Jeova, ij akwelap, ekijkan I ar etetal imam ilo

mol im buru e wāppen, im I ar kōmōn men eo emōn iman mejōm. Im Hezekaiā e kanuij jōñ. 4 Inem nan jen Jeova e ar itok ññn Aiseia, im ba, 5 Kwon ilen ba ññn Hezekaiā, Ein drein Jeova Anij an Devid, jemōm. Ej ba, I ar roñ am jar, I ar lo am dren in kemjalal: lo, I naj kobaik ññn ran ko am joñoul lailim yiō. 6 Im I naj lomoren yuk im jikin kwelok in jen pein kiñ in Assiria; im I naj kouk jikin kwelok in. 7 Im eñin naj kakōle ññn kwe jen Jeova, bwe Jeova e naj kōmōn men in E ar konono kake: 8 lo, I naj kōmōn bwe lur eo ion jekairu ko, eo e ar wōnlōllok iben al ilo jekairu ko an Ehaz, en jeblak joñoul jekairu. Ein drein al e ar jeblak joñoul jekairu ilo oran jekairu ko e ar wōnlōllok ie.

9 Jeje an Hezekaiā kiñ in Juda, ke e ar nañinmij, im e ar ejmour jen nañinmij eo.

10 I ar ba, Ilo beriolap in ran ko aō I naj dreloñ ilo kejem in Hedis; emwij bōk jen ña mōtōn yiō ko aō.

11 I ar ba, I jamin lo Jeova, aet, Jeova ilo enen ro dri mour: I jamin bar lo armij iben ro rej jokwe ilōl.

12 Emwij kamōkit mweo imō, im bōklok jen ña, einwōt im nuknuk an juōn seperd: I ar limlim aō mour, einwōt juōn dri ej nuknuk; E naj bukwelok iō jen ken ej: jen ran im ññn boñ Kwo naj kamwijlok iō.

13 I ar mōke kainemōn iō ññn jiboñ; einwōt juōn laion, ein drein Ej ruji dri ko driō: jen ran im ññn boñ Kwo naj kamwijlok iō.

14 Einwōt juōn bao swallo ak kren, ein drein I ar wanketal; I ar ñir einwōt juōn mule; meja retinar ilo aō reiliñlok; O Iroiŷ, emwij kamakokoik iō, Kwon binmour ññn iō.

15 Ta eo in ba? E ar konono ññn iō, im E ar mōke kōmōne; I naj jarikrik yiō ko aō otemjej, kin meo eo ilo aō.

16 O Iroiŷ, kin men kein armij rej mour; im ilo ir ej mour an aō jitōk: kin men in Kwon kaejmour iō, im le-tok bwe in mour wōt.

17 Lo, ññn aō ainemōn e ar meo

elap iba; a kin Am yokwe aō, Kwar lomoren jen roñ in etton; bwe Kwar jolok bwir otemjej aō na ilikōm.

18 Bwe Hedis e ban nebar Yuk, mij e ban kabuñbuñ Kwe; ro rej wōnlōllok na ilo roñ eo re ban keja-trikrik ir kin Am mol.

19 Bwe dri mour, dri mour, e naj nebar Yuk, einwōt ña ranin: jemeir ñōn ro nejir, re naj kwalok Am mol.

20 Jeova e rereklok in lomor iō: kin men in kim naj al ko aō kin ken kajōñjōñ ko eor air to, iomin ran ko am otemjej ilo mweo imōn Jeova.

21 Ak Aiseia e ar ba, Ren bōk juōn kek in fig ko, im likit e einwōt juōn plaster ion wōt eo, im e naj mour. 22 Hezeakaia e ar bareinwōt ba, Ta kakōle eo bwe in wōnliñlok ñōn mweo imōn Jeova?

39 Ilo ¹ien eo Mirodak-baledan, ñiñ in Babilon, e ar jilkintok letter ko im juōn men in lelok ñōn Hezeakaia; bwe e ar roñ kin an nañin-mij im bar ejmour. 2 Im Hezeakaia e ar mōnōñ kake ir, im e ar kwalok ñōn ir mweo imōn men ko re aurōk iben, silver, im gold, im spais, im oil e aurōk, im aolepen mweo imōn ken tōrinae ko, im aolepen men in aurōk ko an: ejelok ilo mweo imōn, ak ilo aolepen eneo an, im Hezeakaia e ar jab kwalok e. 3 Inem Aiseia dri kanan eo e ar itok ñōn iben kiñ Hezeakaia, im ba ñōn e, Ta eo armij rein rar ba ñōn yuk? Im rar itok ñōn ibōm jen ia? Im Hezeakaia e ar ba, Rej itok jen juōn ailiñ etolok ñōn iba, aet, jen Babilon. 4 Inem e ar ba, Ta eo rar aluij ilo mweo imōm? Im Hezeakaia e ar uak, Rar aluij men otemjej ilo mwin imō, ejelok ian men in aurōk ko iba I ar jab kwalok ñōn ir. 5 Inem Aiseia e ar ba ñōn Hezeakaia, Kwon roñjake nan jen Jeova in inelip eo: 6 Lo, ran ko rej itok ñe re naj bōklok ñōn Babilon men ko otemjej ilo mweo imōm, im men eo ro jimam rar kabinoke ñōn ranin; ejelok e naj berwōt, Jeova ej ba. 7 Im ian lōmaro nejōm re naj itok jen yuk, ro kwo naj keutak ir, re naj bōklok ir;

im re naj eunok ro i mweo imōn kiñ in Babilon. 8 Inem Hezeakaia e ar ba ñōn Aiseia, Emōn zan eo jen Jeova im kwar konono kake. Bareinwōt e ar ba, Bwe e naj or ainemōn im mol ilo ran ko aō.

40 Komin ¹kainemōn, komin kainemōn ro Aō dri ailiñ, ami Anij ej ba. 2 Komin konono ainemōn ñōn Jerusalem; im kir ñōn e, bwe emwij ien tōrinae eo an, emwij jolok bwir eo an, im e ar bōk jen pein Jeova alen ruo kin jerawiwi otemjej an.

3 Ainiken juōn ej kir, Komin kapojōk i ene jemaren ial eo an Jeova; komin kōmōn ilo ene jemaren juōn ial elap im eorāke, ñōn aruij Anij. 4 Naj koutiej komlōl otemjej, im naj kōtaik tol ko redrik im relap otemjej; im naj eorāke ijo e kurbaliklik, im jikin ko re berakilikil naj kamatōltili: 5 im naj kwalok aibujuij an Jeova, im kōniek otemjej e naj jimor loe; bwe loñin Jeova e ar konono kake.

6 Ainiken juōn eo ej ba, Kwon kir. Im juōn e ba, Ta eo in kir? Kōniek otemjej ujoij, im aolepen emōn iben, einwōt inōk in melaj. 7 Ujoij ej aimerlok, inōk eo ej mejkwunlok, kin an menonoñ Jeova ukwi; emol ro dri ailiñ rej ujoij. 8 Ujoij ej aimerlok, inōk eo ej mejkwunlok; a nan jen aruij Anij e naj bin ñōn in drilo.

9 O kweo kwoj kennan nan ko remōn ñōn Zaion, kwon wōnliñlok ilo juōn tol e utiej; O kwe kwoj kennan nan ko remōn ñōn Jerusalem, kwon koutiej ainikiōm kin kajur, kwon koutiej e, kwon jab mijōk; kwon ba ñōn jikin kwelok ko in Juda, Komin lo ami Anij! 10 Lo, Iroi, Jeova e naj itok einwōt juōn e kajur potata, im pein e naj iroi kin E: lo, wōnan ej iben, im men in lelok iman. 11 E naj ²najirik bwij eo An einwōt juōn dri lale sip, E naj atbokwoji lam ko kin pein, im jiburlipi, im E naj ailili kōrai ro.

12 Wōn Eo e ar joñwe dren ko ilo lobiren pein, im jetōñe lōñ ko, im kobaik bōñōñlōl in lōl ilo juōn ken

joñōk, im paune tol ko kin ken paun, im bareinwōt tol ko redrik? 13 Wōn Eo e ar kajimelok Jitōb ōn Jeova, ak e ar katakin E einwōt An dri bebe? 14 E ar bebe iben wōn, im wōn eo e ar kajelaik E, im katakin E ilo ial in ekajet jime, im katakin E jelalokjen, im kwalok nōn E ial in meletlet? 15 Lo, ro dri ailiñ ko rej einwōt biliñliñ in juōn bōket, im likit ir einwōt bok-airik ilo juōn ken paun: lo, Ej kwo-tōke ailiñ ko einwōt juōn men jirik-rik. 16 Im Lebanon e jab bwe nōn tile, ak kiru ko an re jab bwe nōn juōn men in katok kijeek. 17 Ro dri ailiñ ko otemjej rej einwōt ejelok iman mejen; Ej likit ir erik jen ejelok, im men bata.

18 Inem kom naj jajoñjoñ Anij iben wōn? ak wāwen ōt kom naj keiri nōn E? 19 Men in e eo, juōn dri jerbal e ar kaunlok e, im dri jerbale gold ej nakilin kin gold, im kaunlok nōn e toninir silver. 20 Eo ej bane wāwen in kin an jeramel, ej kålet juōn wijki e kōnkel; ej kabukot nōn e juōn dri jerbal e mejerik bwe en kapojōk juōn men in e jekjek, eo jamin kamōkite. 21 Kom jañin jela ke? kom ar jab roñ ke? ar jab ken-nanek kom kake jen jinoin ke? kom ar jab melele ke jen loñtōk ko loñtōn lōl? 22 Eñin Eo ej jijōt ilōñin belakin lōl, im ro rej jokwe ie rej einwōt meninuojir ko; Ej erlokwe mejatoto einwōt juōn ken binej, im erlokwe einwōt juōn im nuknuk bwe ren jokwe iloan; 23 Ej kajitokjen iroi ro; im kōmōn ro dri ekajete lōl einwōt men bata. 24 Aet, ar jab kalibwin ir; aet, ar jab jeor ir; aet, air kån e ar jab ellō okran ilo brij: bar juōn, Ej ukwi ir, inem rej aimerlok, im aire ej bōklok ir einwōt kån in wit e menoknok. 25 Inem wōn eo kom naj karōk Iō nōn e, bwe In einwōt e? Eo Dri Kwojarjar ej ba. 26 Komin reiliñlok, im lo wōn eo E ar kōmōn-mōn men kein, eo Ej kadrioielok ir kin orair; Ej āñiñin ir otemjej; kin An kajur elap, im kin An bin ilo maroñ potata, ejelok juōn ej likjōp.

27 Etke kwo ba, O Jakob, im ko-

nono, O Israel, E nojōk aō ial jen Jeova, im men in ekajete iō jime e joko jen aō Anij? 28 Kwar jab jela ke? kwar jab roñ ke? Anij eo ej nōn in drio, Jeova, dri kōmōnmōn jabōn ko jabōn lōl, E jab kijelok, im E jab mōk; ejelok e maroñ kabukot jelalokjen eo An. 29 Ej lelok kajur nōn eo ej barōk; im nōn eo ejelok an maroñ, Ej korlok kajur. 30 Ro emōn rid-tair re naj barōk im mōk, im likao ro re naj kijelok im buñ: 31 a ro rej kōtare Jeova re naj kōkal air kajur; re naj jebālāñlok kin peir einwōt igōl ko; re naj etōr im jab mōk; re naj etetal im jab barōk.

41 Komin kejeklokjen imaō, O ailiñ ko redrik; im ro dri ailiñ ko ren kōkāl air kajur; ren kebaktok; inem ren konono; jen jelmae dron nōn ekajet. 2 Wōn eo e ar kejerkak juōn jen rear, Eo e ar kirtok e ilo wānik nōn neen? Ej lelok² ro dri ailiñ ko iman, im kōmōn bwe en iroi jion kiñ ro; Ej lelok ir einwōt bōñōl-nōl nōn jāji eo an, einwōt kan in wit ukwilok nōn libon eo an. 3 Ej lukworkwor ir, im wōnmanlok im jab uota, ilo juōn ial e ar jab etal iloan kin neen. 4 Wōn eo e ar jerbale im kōmōne, im kirtok ebeben ko jen jinoin? Na Jeova, Eo moktata, im iben eo eliktata, Na e. 5 Ailiñ ko redrik rar lo, im mijōk; jemlokōn ko jemlokōn lōl re wuririr; rej kebaktok, im itok. 6 Jabrewōt iair ej jibōñ ro dri turin; im e ba nōn eo jein im jatin, Kwon beran wōt. 7 Ein drein dri jerbale wijki ej kaberan eo ej jerbale gold, im eo ej kamatōltil kin ammer, eo ej nowe jin eo, im ba kin men in kobaik, Emōn; im ej kabine kin drila ko, bwe en jab makōt-kit.

8 A kwe, Israel, dri korijera, Jakob eo I ar kålet e, inen Ebream jera, 9 bwe eo I ar bōktok jen jemlokōn ko jemlokōn lōl, im kirtok ir jen jabōn ko an, im I ar ba nōn yuk, Kwe kwoj dri korijera, I ar kålet yuk, im jañin jolok yuk; 10 kwon jab mijōk, bwe Na ibōm; kwon jab leññōn, bwe

Ŋa am Anij; I naj kakajur yuk, aet, I naj jibōñ yuk; aet I naj baur yuk kin pein anbijmaroñōn wānik eo Aō. 11 Lo, ro otemjej rej illu nae yuk, naj kajok ir im re naj no: ro rej akwaile yuk, re naj einwōt ejelok im naj joko. 12 Kwo naj kabukot ir, im jamin lo ir, ro rej akwaile yuk: ro rej tōrinaek yuk re naj einwōt ejelok, im men bata. 13 Bwe Ŋa Jeova, am Anij, I naj kapjere anbijmaroñōm, im ba ñōn yuk, Kwon jab mijōk; I naj jibōñ yuk. 14 Kwon jab mijōk, kwe likakrōk Jakob, im kom armij in Israel; I naj jibōñ yuk, Jeova ej ba, im am Dri Lomor eo ej Dri Kwojarjar in Israel. 15 Lo, I ar kōmōn yuk juōn ken dreñdreñ ekōñ eor ñin; kwo naj dreñlokwe tol ko, im tibrikriki im kōmōni tol ko redrik einwōt kilin wit. 16 Kwo naj biok ir, im kōto e naj biokilok, im aire e naj kijiblikliki; im kwo naj loñliñ ilo Jeova, kwo naj jualōñlōñ ilo Dri Kwojarjar in Israel.

17 Ro dri jeramel im dri aikwij rej kabukot dren, inem ejelok, im e kelok loir kin maro; Ŋa Jeova I naj uak ir, Ŋa Anij in Israel, I jamin illok jen ir. 18 I naj kabbellok river ko ilo jabōn tol dreka ko, im unin dren ko ilo komlōl ko; I naj kōmōn ene jemaren juōn lwe in dren, im ene e mōra unin dren ko. 19 I naj likiti ene jemaren, aik eo, akesia, mirtel, im wijki oil; I naj likit ilo ene jemaren wijki fōr, vain, im wijki box iben dron: 20 bwe ren lo, im jela, im kalomōnlokjen kake, im jimor melele, bwe pein Jeova e ar kōmōn men in, im Eo Dri Kwojarjar in Israel E ar kōmōnmōne.

21 Komin kwalok ijo ami, Jeova ej ba; komin bōktok ami lemnok re kajur, Kiñ in Jakob ej ba. 22 Ren bōktok, im kwalok ñōn kim ta eo e naj walok; komin kennan kin men ko mokta, ta jein, bwe kimin maroñ in lemnok kake, im jela tokjeir; ak kwalok ñōn kim men ko ren itok. 23 Komin kwalok men ko re naj waiok tokelik, bwe kimin jela bwe kom anij ro: aet, komin kōmōn emōn, ak

kōmōn nana, bwe kimin no, im jimor loe. 24 Lo, komij jen ejelok, im ami jerbal ejelok tokjen; ej men in jōjōik eo ej kālet kom.

25 Emwij Aō kejerkak juōn jen eañ, im e ar itok; jen tak al juōn eo ej kir kin eta: im e naj itok ion iroi j ro einwōt ion iawewe e unlok, im einwōt dri potter ej jure kle. 26 Wōn eo e ar kwalok e jen jinoin, bwe kimin jela kake? im ilo ien mokta, bwe kimin ba, E jime? aet, ejelok juōn ej kennan, aet, ejelok ej kwalok, aet, ejelok ej roñjake nan ko ami. 27 Ŋa eo E ar ba ñōn Zaion mokta, Komin lo, komin kalimjek ir; im I naj lelok ñōn Jerusalem juōn eo ej bōktok nan ko remōn. 28 Im ñe Ij lo, ejelok armij; im ibeir ejelok dri bebe, eo ñe Ij kajitōk ibeir e maroñ im uak kin juōn nan. 29 Lo, ir otemjej, jerbal ko air rewan im ejelok tokjeir; air men in e re unlok rej kōto im men in no.

42 1Lo, Aō Dri Korijera, Eo Ij drebije; Aō dri kālet, im Aō ej lōñliñ kake: emwij Aō likit ion 2Jitōb eo Aō; E naj kadrioi jtok ekajet jime ñōn ro dri ailiñ ko. 2 E jamin lamij, ak koutiej ainiken, ak kōmōn bwe ren roñjake ilo ial eo. 3 Juōn koba eobōp E jamin ruje, im lamp eo erik an urur E jamin kwune; E naj kadrioi jtok ekajet jime ilo mol. 4 E jamin likjōp ak ōbwer, mae ien An likit ekajet jime ilo lōl; im ailiñ ko redrik re naj kōtar kien eo An.

5 Ein drein Jeova ej ba, Eo e ar kōmōnmōn lōñ ko, im erlokwe ir, Eo e ar erlokwe lōl im men eo ej waloktok jen e; Eo ej lelok menon ñōn armij ro ion, im jitōb ñōn ro rej etetal illoan: 6 Ŋa, Jeova, I ar kirtok Yuk ilo wānik, im I naj drebij peōm, im I naj kejbārok Yuk, im lelok Yuk juōn bujen ñōn ro dri ailiñ, juōn maram ñōn ro dri ailiñ ko jet; 7 bwe Kwon kabbellok mej ko re bilo, bwe Kwon kadrioi jtok ro dri prison, im ro rej jijōt ilo marok, jen imōn prison eo. 8 Ŋa Jeova, eñin eta; im Aō wuj I jamin lelok ñōn bar juōn, ak Aō ne-

bar ñõn men ko men in e ko jekjek. 9 Lo, men ko mokta rar jejit, im men ko rekāl Ij kwaloki; mokta jen air walok Ij kennanek yuk kake.

10 Komin al ñõn Jeova juõn al ekāl, im An nebar jen jemlokõn lāl; ¹komeo komij wõnlõllok ñõn lometo, im men otemjej iloa, ailiñ ko redrik, im ro rej jokwe ie. 11 Ene jemaren eo im jikin kwelok ko an ren koutiej ainikeir, jikin kwelok ko Kidar ej jokwe ilo ir; ro dri jokwe ilo Sila ren al, ren lamij jen jabõn tol ko. 12 Ren lelok aibujuij ñõn Jeova, im kwalok An nebar ilo ailiñ ko redrik. 13 Jeova e naj drioijslok einwõt juõn armij e kajur; E naj biuktõke an kijejeto, einwõt juõn dri törinae; E naj kir, aet E naj lamij wõt; E naj kõmõn men in kajur ko nae ro dri kijiṛāt E.

14 Eto Aõ kejeklokjen; I ar tõt wõt, im mōke drebij lō: kiõ I naj la-
nuij einwõt kōra eo e mejõljõllok; kiõ I naj kokkure im kōñ. 15 I naj kokkure tol ko relap im ko redrik, im kamõralok mār ko air otemjej; I naj kõmõn river ko bwe ren ailiñ, im karoj lwe ko. 16 Im I naj āñinlok ro dri bilo ilo juõn ial re jaje kake; ilo ial ko re jaje kake I naj tellok ir; I naj kõmõn marok maram imair, im kajime jikin ko re ankeke. I naj kõmõn men kein, im I jamin illok jen ibeir. 17 Naj kejeblaklok ir, naj kanuij kajok ir, ro rej liki men in e ko jekjek, rej ba ñõn men in e ko re unlok, Kom anij ro am.

18 Komin roñjake, komeo dri roñjamõn; im reilok, kom dri bilo, bwe komin lo. 19 Wõn eo e bilo, a dri korijera? ak roñjamõn, einwõt Aõ dri jilik eo Ij jilkinlok e? wõn eo e bilo einwõt eo emwij kaniknik e, im e bilo einwõt dri korijeran Jeova? 20 Kwoj lo men ko relõñ, a kwo jab kalimjeke; lojiliñin re bello, a e jab roñ. 21 E ar emõn iben Jeova, kin An wānik, bwe en koutiej kien eo, im kōñiājoik e. 22 A eñin juõn dri ailiñ emwij koaroñ im rakimi ir; emwij jibwe ir otemjej ilo roñ ko, im re

tilekek ilo mo ko imõn prison: rej men in jibwe, im ejelok ej lomor ir; men in rakim im ejelok ej ba, Komin kajeblak.

23 Wõn eo ibemi e naj letok lojiliñin ñõn men in? e naj roñjake im eoroñ ñõn ien ej itok ke? 24 Wõn eo E ar lelok Jakob men in rakim, im Israel ñõn ro dri koaroñ? E jab Jeova ke? Eo jar jerawiwi nae E, im ilo ial ko An re jab kōnan etetal, im rar jab bokake kien ko An. 25 Kin men in E ar katorlok ioir lej im illu eo An, im kajur in törinae eo; im E ar tile ijoko otemjej, ijoke, e jaje kake; im e ar bwil kin men kein, a e jab lemnok kake.

43 A kiõ, ein drein Jeova ej ba, Eo e ar kõmõnmõn yuk, O Jakob, im Eo e ar nawāwen yuk, O Israel: Kwon jab mijõk, bwe emwij Aõ lomoren yuk; I ar āñiñin yuk, kwoj Aõ. 2 Ñe kwoj ¹driblok dren ko I naj ibõm, im ilujen river ko, re jamin torellok yuk; ñe kwoj ²dribuk kijeek, e jamin tile yuk; im urur eo e jamin kejo iom. 3 Bwe Ña Jeova am Anij, eo Dri Kwojarjar in Israel, am Dri Lomor; I ar lelok Ijpt men in binmour ñõn yuk, im Itiopia im Siba bwe ren binej jenkwõm. 4 Kin am aurõk iman meja, im mutoktok, im I ar yokwe yuk; inem I naj lelok armij kin kwe, ro dri ailiñ ko kin am mour. 5 Kwon jab mijõk; bwe Ña ibõm: I naj āñintok ineõm jen rear, im kweloktok yuk jen kabilũñ; 6 I naj ba ñõn eañ, Kwon kõtlok; im ñõn rõk, Kwon jab drebij e; komin bõktok lõmaro nejõ jen etolok, im limaro nejõ jen jemlokõn lāl; 7 jabrewõt eo rej naetan kin eta, im eo I ar kõmõnmõn e ñõn Aõ aibujuij, eo I ar nawāwen, aet, eo I ar kõmõn e.

8 Komin kadrioijslok ro dri bilo im eor mejeir, im ro re roñjamõn im eor lojiliñir. 9 Ro dri ailiñ ko otemjej ren kweloktok, im ro dru wainene ren kuktok; wõn eo iair e maroñ in kwalok men in, im kallo kim men ko mokta? ren āñintok air dri kennan, bwe ren kowānik ir; ak ren roñjake im ba, E men in mol. 10 Kom dri kennan

ro Aō, Jeova ej ba, im dri korijera I ar kālete; bwe komin jela im tōmak Iō, im melele bwe Ōa e: mokta jen Ōa, e kar ejelok Anij, im naj ejelok ilikiō. 11 Ōa, aet Ōa, Jeova; im e bar ejelok dri lomor ijillokiō. 12 Emwij Aō kennan, im lomor, im kwalok im e ar ejelok anij drua ibemi: kin men in, kom dri kennan ro Aō, Jeova e ba, im Ōa Anij. 13 Aet, jen ke e ar jino ran, Ōa eo; im ejelok e maroñ in kōtlok jen peiō: I naj jermal, im wōn eo e maroñ in bōprae?

14 Ein drein Jeova ej ba, Eo ami Dri Lomor, eo Dri Kwojarjar in Israel: Kin kom I ar jiliklok ñōn Babilon, im I naj āninlōltok ir otemjej einwōt dri ko, aet, ro dri Kaldia, ilo wa ko rej lōñliñ kake. 15 Ōa Jeova, ami Dri Kwojarjar, Dri Kōmōnmōn Israel, ami Kiñ. 16 Ein drein Jeova ej ba, Eo ej kōmōn juōn ial i lometo, im juōn ial ilo dren ko re kajur; 17 Eo ej kadrioiytok jariot im ors, jar in tōrinae im armij e kajur, (rej jimor babu, re jamin jerkak; re joko wōt, emwij kwune ir einwōt juōn lamp): 18 Komij jab kememej ke men ko mokta, ak kalomōnlokjen kin men ko eto? 19 Lo, I naj kōmōn juōn men ekāl; kiō e naj waloktok; kom jamin jela kake ke? I naj kōmōn juōn ial ijo ejelok armij ie, im river ko ilo ene jemaren. 20 Kiru ko in melaj re naj kōñiājoik Iō, jakol ko im ostrij ko; kin Aō lelok dren ko ijo ejelok armij ie, im river ko ilo ene jemaren, bwe In lelok limeir ñōn ro Aō dri ailiñ, ro I ar kālet ir, 21 armij ro I ar nawāweir ñōn Iō mōke, bwe ren kwalok Aō aibujuij.

22 Ijoke, kwar jab kir ñōn Iō, O Jakob; a kwar mōk kin Ōa, O Israel. 23 Kwar jab bōktok jen sip ko am ñōn katok kijeek ko: im kwar jab kōñiājoik Iō kin men in katok ko am. I ar jab jon yuk kin jurtak ko, ak kamōk yuk kin frankinsens. 24 Kwar jab wiaik ñōn Iō too e tōñōl kin mōnni, ak kamāt Iō kin kioeo in men in katok ko am; a kwar jon Iō kin jerawiwī ko am, im kamōk Iō kin am kōmōn men ko re jab wānik.

25 Ōa, im Ōa wōt, Eo ej jeor bwir ko am kin Ōa mōke; im I jamin kememej jerawiwī ko am. 26 Kwon kakememej Iō; jen ekajete dron: kweo kwon kwalok ijo am, bwe ren maroñ in kowānik yuk. 27 Jemōm moktata e ar bwir, im dri kaki ro am rar jerawiwī nae Iō. 28 In men Kin, I naj kejekron iroj ro an mweo e kwojarjar; im I naj kōmōn Jakob men in jerata, im Israel men in kajirere.

44 A kiō, kwon roñjake, O Jakob korijera, im Israel, eo I ar kālete: 2 Ein drein an Jeova ba, Eo e ar kōmōnmōn yuk, im nawāwem jen loje, Eo e naj jibōñ yuk: Kwon jab mijōk, O Jakob korijera; im kwe Jeshurun, eo I ar kālet e. 3 Bwe I naj lutōk dren ion eo e maro, im river ko ion brij e mōra; I naj lutōklok Aō Jitōb ion ineōm, im Aō men in jeramōn ion ro nejōm: 4 im re najedreklok ilo bwiljin ujoij, einwōt willo ko iturin river ko. 5 Juōn e naj ba, Ōa dron Jeova; im bar juōn e naj mōke naetan e kin etan Jakob; im bar juōn e naj je kin pein ñōn Jeova, e naj mōke naetan e kin etan Israel.

6 Ein drein Jeova, Kiñ in Israel, im an Dri Lomor, Jeova in inelip eo ej ba: Ōa jino in, im Ōa jemlokōn; im e bar ejelok Anij ijillokiō. 7 Im wōn eo einwōt Ōa, e naj kirtok, im naj kwalok e, im kilajrōk e ñōn Ōa, elikin Aō kar kabin dri ailiñ ro moktata? im men ko re naj walok, im naj ber, ren kwaloki. 8 Komin jab mijōk, im jab lelñōñ: I ar jab kennanek kwe jen eto, im kwalok e ke? im kom Aō dri kennan. E bar or Anij jen Ōa ke? aet, ejelok Ejman; I jaje kin jabrewōt.

9 Ro rej nawāwen juōn men in e jekjek, ir otemjej re men wan; im men ko re mōnōnō kake, ejelok tokjeir; im dri kennan ro air re jab lo, ak jela: bwe ren jok kake. 10 Wōn eo e ar nawāwen juōn anij, ak kaunlok juōn men in e, eo ejelok tokjen? 11 Lo, naj kajok ro otemjej rajitan; im ro dri jermal, rej ian armij ro; ren

kweloktok, ren jutōk; re naj lelñoñ, naj kajok ir otemjej.

12 Dri jerbal eo ej kōmōnmōn juōn māl, im jerbal ilo melle, im nawāwen kin ammer ko, im kōmōne kin pein e kajur : aet, e kwuli, im e kijelok ; e jab irak dren, inem e barōk. 13 Dri jerbali alal ej kōnōke juōn lain ; ej kakōle kin juōn rōn ; ej nawāwen kin plen ko, im ej nawāwen kin alij, im nawāwen ekar ñōn wāwen juōn eman, ekar ñōn woleo an armij, bwe en jokwe ilo juōn im. 14 Ej juokwi aik ko, im ej bōk wijki holm im ok, im kakajur ñōn e mōke juōn ian wijki ko ilo bukwōn wijki : ej kallip juōn wijki fōr, im wut ej najirik e. 15 Inem e naj ñōn juōn armij bwe en tile ; im ej bōk jen e, im rōñrōñ ; aet, ej kejo kijeek kake, im kōmat bred : aet, ej kōmōnmōn juōn anij, im kabuñ ñōn e ; ej kōmōnmōn juōn men in e jekjek, im buñbero ñōn e. 16 Ej tile jimōtōn ilo kijeek ; kin jimōtōn ej kōñi kōniek ; ej kōmat men in kōmat, inem e māt ; aet, ej rōñrōñ, im ba, Aha, ij mănān, I ar lo kijeek. 17 Im jen bwen ej kōmōn juōn anij kake, an men in e jekjek ; ej buñbero im kabuñ ñōn e, im jar ñōn e, im e ba, Kwon lomor iō ; bwe kwe aō anij.

18 Re jaje, re jab kalomōnlokjen : bwe E ar kili mejeir, inem re ban lo ; im burueir, inem re ban jelalokjen. 19 Im ejelok juōn ej kememejlok im ejelok jela ak meletlet bwe en ba, I ar tile jimōtōn ilo kijeek ; aet, bareinwōt I ar kōmat bred ion melle eo an ; I ar kōmat kōniek im kōñi : im in kōmōnmōn mōtōn eo juōn men in jōjōik ke ? in buñbero ñōn kăn wijki ke ? 20 Ej mōña brij in ubaj ; juōn buru emwij mone e ar kajeor e ; im e ban lomoren an, ak ba, E jab juōn riōp ilo anbijmaroñiō ke ?

21 Kwon kememej men kein, O Jakob, im Israel ; bwe kwe dri korijera ; I ar nawāwen yuk ; kwe korijera : O Israel, I jamin meloklok yuk. 22 Emwij Aō jeor einwōt juōn kōro e mijil, jerawiwi ko am, im, einwōt juōn kōro, bwir ko am : kwon jeblaktok ñōn iba ; bwe I ar lomoren yuk.

23 Komin al, O lōñ ko, bwe Jeova e ar kōmōne ; komin lamij, komeo mōtōn lōl retā ; komin kakōmkōm, kom tol ko, O bukwōn wijki, im jabrewōt wijki ilon ; bwe Jeova e ar lomoren Jakob, im E naj mōke kaibujuij E ilo Israel.

24 Ein drein Jeova, am Dri Lomor, im Eo e ar nawāwen yuk jen loje, Ej ba : Ña Jeova, eo ej kōmōnmōn men otemjej ; eo Ej mōke erlokwe lōñ ko ; eo Ej erlokwe lōl, (wōn eo ej iba ?) ; 25 Ej kajitokjen kakōlen dri riōp, im kōmōn bwe ro dri marmir ren uriekak ; Ej kejeblaklok ro dri meletlet, im kōmōn bwe air jela en bwebwe ; 26 Ej kabin nan jen dri korijeran, im buji bebe an ro dri jilikan ; Ej ba kin Jerusalem, Re naj jokwe ilon ; im kin jikin kwelok ko in Juda, Re naj kaleki, im I naj karōk jikin ko an re jebeplek ; 27 Ej ba ñōn mulōl eo, Kwon mōra im I naj kamōra river ko am ; 28 eo Ej ba kin Sairōs, Ej Aō dri lale sip, im e naj kōmōn aolepen Aō kōnan, aet, e naj ba kin Jerusalem, Re naj kaleke, im kin tempel eo, Re naj na loñtōm.

45 Ein drein Jeova ej ba ñōn eo E ar kabit e, ñōn Sairōs, eo pein anbijmaroñōn I ar drebiye, in kōtaik ro dri ailiñ ko iman, im I naj jelate iben kiñ ro ; bwe In kabellek aor ko iman, im jamin kili kejem ko : 2 I naj ilok imanlok, im I naj eorāk jikin ko re berakilkil ; I naj rupe aor jinibōrōrō ko, im I naj bukwē alal wāwen māl ko ; 3 I naj lewōj men ko re aurōk in marok, im mweiuk ko emwij noje ilo jikin ko retino, bwe kwon jela bwe Ña Jeova, eo Ej kir yuk kin etōm, aet, Anij in Israel. 4 Kin Jakob korijera, im Israel eo I ar kălet e, I ar kir yuk kin etōm : I ar añiñin yuk meñe kwo jañin jela Ña. 5 Ña Jeova, im ejelok bar juōn ; im ejelok Anij ijilokiō. I naj kañōrñōr yuk, meñe kwo jañin jela Ña ; 6 bwe ren jela jen tak al, im jen kabilūñ, bwe e bar ejelok jen Ña : Ña Jeova, im ejelok bar juōn. 7 Ña ij kōmōn maram eo, im Ij kōmōnmōn marok ; Ij kōmōn ainemōn, im kōmōnmōn jor-

ran; Ña Jeova eo ej kōmōn men kein otemjej.

8 Komin wutlok, O lōñ ko, jen ilōñ, mejatoto en katorlōllok wānik: lōl en bellok, bwe en kadriojtok men in lomor, im en kōmōn bwe wānik en edreklifllok iben; Ña Jeova I ar kōmōn e.

9 Wo ñōn eo ej akwaile eo Dri Kōmōnmōne! juōn mōtōn jābi ian mōtōn jābi ko in lōl! Kle eo en ba ñōn eo ej nawāwen ke, Ta eo kwoj kōmōne? ak men in kōmōn eo am en ba, Ejelok pein? 10 Wo ñōn eo ej ba ñōn juōn eman, Ta eo kwoj keutak e? ak ñōn juōn kōra, Ta eo kwoj iñtan kake?

11 Ein drein Jeova, eo Dri Kwojarjar in Israel im Dri Kōmōnmōn e Ej ba; Komin kajitōk iba kin men ko re naj itok; kin ro nejiō, im kin men in kōmōn an peiō, komin jiroñ Iō. 12 Emwij Aō kōmōn lōl, im kōmōnmōn armij ion: Ña, aet pā ko peiō rar erlokwe lōñ ko; im aolepen jar eo air I ar jiroñi. 13 I ar kajerkake ilowānik, im I naj kajime ial otemjej an: a naj kalek jikin kwelok eo Aō, im e naj kōtlok ro Aō dri jebokwe, jab kin wōnan ak binmour, Jeova in inelip eo ej ba.

14 Ein drein Jeova ej ba, Jerbal an Ijpt, im mweiuk ko mweien Itiopia, im ro dri Sebia, armij re utiej, re naj itok ñōn kwe, im re naj am: re naj lor yuk; ilo tomere ko re naj itok; im re naj buñbero ñōn kwe, im re naj akwelap ñōn yuk, im ba, Emol Anij ej ilo kwe; im ejelok bar juōn, ejelok Anij. 15 Emol kwe juōn Anij ej tilekek, O Anij in Israel Dri Lomoro eo. 16 Naj kajok ir, aet, re naj no, ir otemjej; re naj jimor ilok kin no, ro rej kōmōnmōn ekjōp ko. 17 A naj lomoren Israel kin Jeova kin juōn lomor ñōn in drio: kom jamin jok ak no ilo lōl ejelok jemlokōn.

18 Bwe ein drein Jeova eo e ar kōmōnmōn lōl im jab kōmōne wan, im nawāwen bwe ren jokwe ie, Ej ba, Ña Jeova, im e bar ejelok jen Ña. 19 I ar jab konono ilo etino, ilo juōn jikin ilo enen marok eo; I ar jab ba ñōn inen Jakob, Ejelok tokjen ami

kabukot Iō: Ña Jeova Ij konono wānik, Ij kwalok men ko re jime.

20 Komin kweloktok im itok; komin jimor kebaktok, komeo dri ko an ro dri ailiñ ko: re jaje wōt, ro rej inek alal an men in e jekjeke, im jar ñōn juōn anije ban lomor. 21 Komin kwaloke, im bōktok; aet, ren bebe iben dron: wōn e ar bakajen men in jen ien eto? wōn eo e ar kwaloke jen ien mokta? E jab Ña, Jeova ke? im ejelok Anij eor jen Ña, juōn Anij e wānik, im juōn Dri Lomor; E bar ejelok jen Ña. 22 Komin reitok ñōn Ña, im mōke lomorem, komeo jabōn otemjej jabōn lōl; bwe Ña Anij, im ejelok bar juōn. 23 Kin Ña emwij Aō kanōjni, nan eo e ar ilok jen loñiō ilo wānik, im e jamin jeblaktok, bwe jabrewōt bukwe e naj bukwelōlō ñōn iō, jabrewōt lo e naj kanōjni kin Ña. 24 Emwij ba kin E, ilo Jeova wōt wānik im kajur; aet, armij re naj itok ñōn iben; im ir otemjej re kar illu nae E re naj jok. 25 Ilo Jeova naj kowānik aolepen inen Israel, im re naj jualōñlōñ kake.

46 Bel ej barikrik, Nibo ej kumwil; ekjōp ko air rej ion kiru ko, im ion kau ko: men ko kom ar bōkto bōktōk rej ken kamōk kiru eo. 2 Rej kumliklik, rej jimor barikrik; re ban lomoren inek eo, a ar mōke rar ilok ñōn jebokwe.

3 Komin eoroñ Iō, O imōn Jakob, im aolepen bwen imōn Israel, ro I ar jebōk ir jen ien air lotak, im bōk ir jen ien air mour; 4 im ñōn ien lōlap, Ña e, im ñōn ien ami uōn I naj ineklok kom: I ar kōmōnmōn, I naj jebōklok; aet, I naj bōklok, im I naj kōtlok. 5 Ñōn wōn kom naj kajeoñwe Iō, im kōmōn Iō einwōt, im keire Iō, bwe kimin einwōt juōn? 6 Ro rej draepe gold jen bōjo eo, im paun silver ilo ken paun ko, im kejerbal juōn dri kōmōne kin gold, im ej kōmōnmōne juōn anij; im rej buñbero, aet, rej kabuñ. 7 Rej ineklok e ion aierair, im bōklok, im kajutōk e ilo jikin, im ej jutōk wōt; e jamin makōtkit jen jikin: aet, juōn e maroñ in kir ñōn e, ijoke, e ban uak, ak lomoren e jen jorran eo an.

8 Komin kememej men in, im mōke kwalok kom eman; komin bar lemnok kake, O kom dri bwir, 9 Komin kememej men ko moktata jen in drio: bwe Ņa Anij, im ejelok bar juōn; Ņa Anij, im ejelok einwōt: 10 im Ij kwalok jemlokōn jen jinoin, im jen ien moktata, men ko jañin kōmōne; im Ij ba, Aō bebe e naj jutōk, im I naj kōmōn aolepen kōnan ko Aō; 11 im kirtok juōn bao elej jen rear, juōn armijan Aō bebe jen juōn ene etolok; aet, I ar konono, I naj bareinwōt kamol e; emwij Aō bebe kake, I naj bareinwōt kōmōne.

12 Komin eoroñ Iō, komeo e kajur buruemi, komij etolok jen wānik. 13 I naj kebatok Aō wānik, e jamin etolok, im Aō men in lomore jamin kōtar; im I naj likit lomoro ilo Zaion ñōn Israel Aō aibujuij.

47 Kwon wōnlōltok, im jijōt ilo bōñōlñōl, O virjin nejin Babilon; kwon jijōt ilo brij, im ejelok am tron, O lio nejin ro dri Kaldia; re jamin bar naetōm tokwankwan im ub. 2 Kwon bōk dreka irir ko im irir flauo; wutik veil ne am, jolok lukko eo, kakelwan jurōn neōm, driblok river ko. 3 Naj kwōk am kelwan, aet, am jok e naj alkar: I naj irenwōne, im ejelok armij I naj irikini. 4 Aruij Dri Lomor, etan Jeova in inelip eo, Dri Kwojarjar an Israel. 5 Kwon kejeklokjen im jijōt, im ilok ñōn ilolan marok, O lio nejin ro dri Kaldia; bwe re jamin bar naetōm Liroij in ailiñ in kiñ ro. 6 I kar illu iben dri ailiñ ro Aō, I ar kejekron Aō men in jolit, im liwoj na ilo peōm: kwar jab tiriamokake ir; ion ro re bwijwōlā kwar likit am ine e kanuij erro. 7 Im kwar ba, I naj liroij ñōn in drio; inem kwar jab likit men kein na ilo buruōm, im kwar jab kememej jemlokōn men in.

8 Kin men in kiō kwon roñjake men in, kwe dri bukot men ko men in mōnōnō, kwoj jijōt in. ejelok uota, kwoj ba ilo buruōm, Ņa wōt, im ejelok ijilokiō; I jamin jijōt einwōt juōn kōra e joko belen, im ejelok nejiō e naj mij: 9 a men kein ruo re naj itok iom

ilo jirik ien ilo juōn wōt ran, e naj joko ro nejōm im leo belōm; kin an lōñ joñōk re naj itok iom, ilo marmir ko am relōñ, im ilo anijnij ko am re kanuij lōñ. 10 Bwe kwar liki am nana; kwar ba, Ejelok ej lo iō; am meletlet im am jelalokjen rar kankeke yuk; im kwar ba ilo buruōm, Ņa ij ber, im ejelok ijilokiō. 11 Kin men in nana e naj itok iom; kwo jamin jela ekijkan am kajeor e: ima jorran e naj buñ iom; kwo jamin marōn in katoane: im kakkure eo kwo jaje kake e naj eiriñ an itok iom.

12 Inem kwon jutōk iben jinani j ko am im kwar jerbal kake jen ien am jiroñ; elañe ein drein kwo naj maroñ in lo tokjen, elañe kwo naj maroñ in bōk anjo. 13 Kwoj mōk kin bebe ko am relōñ: inem kiō ro dri kakōleik lōñ, ro dri lale iju ko, ro dri kennan kin aliñ eo, ren jutōk im lomoro jen men ko re naj itok iom. 14 Lo, re naj einwōt kñ wit e menoknok; kijeek e naj tile ir; re jamin mōke kōtlok ir jen kajur in urur eo; e jamin melle in rōñrōñ, ak kijeek in jijōt iman. 15 Ein drein men ko kwar jerbal kake re naj ñōn kwe: ro rar wia ibōm jen ien am jiroñ, re naj jebwābwe jabrewōt ñōn jikin; e naj ejelok dri lomoren yuk.

48 Komin karoñjake men in, O imōn Jakob, ro emwij naetair kin etan Israel, im rar drioi jtok jen dren ko in Juda; ro rej kanōjni j kin etan Jeova, im konono kin Anij in Israel, a jab ilo mol, ak ilo wānik, 2 (bwe rej mōke likit ir dri jikin kwelok e kwojarjar, im atatar ion Anij in Israel; Jeova in inelip eo, etan): 3 emwij Aō kwalok men ko mokta jen ien eto; aet, rar drioi jtok jen loñiō, im I ar kwaloki: eiriñ I ar kōmōni inem rar walok. 4 Kin Aō jela bwe kwoj bōt, im kenwam einwōt juōn iki māl, im dremōm jini bōrōrō; 5 kin men in I ar kwalok ñōn kwe jen ien mokta; I ar kwaloke ñōn kwe mokta jen an ber; ñe kwo ab ba, Ekjōp eo aō e ar kōmōne, im aō men in e jekjek, im aō men in unlok, e ar jiroñi. 6 Kwar roñjake; kwon lo

aolepen men in; im komēo, kom jamin kennanek kake ke? I ar kwalok nōn kwe men ko rekāl jen ien in, im men ko re tiljek, kwar jañin jela kake. 7 Emwij kōmōnmōni kiō, im jab jen ien ko mokta; im mokta jen ranin kwar jañin roñjake; ñe kwo ab ba, Lo, I ar jela kake. 8 Aet, kwar jab roñjake; aet, kwar jaje kake; aet, jen mokta e jañin bellok loji-liñōm: bwe I ar jela bwe e kanuij jela mon am kōmōn, im rar naetōm juōn dri kokkure kien jen loje. 9 Kin eta I naj kaiberber Aō illu, im kin Aō aibujuij I naj drebiye jen kwe bwe In jab bukwelok yuk. 10 Lo, I ar karreoik yuk, a jab einwōt silver; I ar melejoñ yuk ilo ubaj in jorran. 11 Kin Ña, kin Ña, I naj kōmōne; bwe etke ren kananaik eta? im Aō aibujuij I jamin lelok nōn bar juōn.

12 Kwon eoroñ Iō, O Jakob, im Israel eo I ar kir e: Ña e; Ña Ij mokta, im Ña bareinwōt eliktata. 13 Aet, peiō e ar likit loñtōn lōl, im anbijmaroñiō e ar erlokwe lōñ ko: ñe Ij kir nōn ir, rej jimor jutōk. 14 Komin kweloktok, kom otemjej, im roñjake; wōn eo ibeir e ar kennan kin men kein? Eo Jeova ej yokwe e naj kōmōn An kōnan ion Babilon, im pein e naj ion ro dri Kaldia. 15 Ña, Ña wōt, I ar konono; aet, I ar kirtok e; I ar āñintok e, im e naj kejeram-mōn ial eo an. 16 Komin druaktok nōn iba, komin roñjake men in; jen jinoi I ar jab konono ilo etino; jen ien an ber, Ña ijo: im kiō Iroi Jeova e ar jilkintok iō, im Jitōb eo An.

17 Ein drein Jeova ej ba, Dri Lomormōm, Dri Kwojarjar in Israel: Ña Jeova am Anij, Eo eor tokjen An kakin yuk, Eo ej tel yuk ilo ial eo emōn kwon etal ie. 18 O elañe kwar eoroñ kien ko Aō! inem am ainemōn e naj kar einwōt juōn river, im am wānik einwōt no ko in lometo: 19 ineōm bareinwōt e naj kar einwōt bok, ro nejōm jen lojiōm einwōt an lōñ bok: jamin kar bukwelok etan ak kokkure jen imaō.

20 Komin drioiñlok jen Babilon, komin ko jen ro dri Kaldia; kin aini-

ken al komin kwalok e, komin kennan men in, konono kake nōn jemlokōn lōl; komin ba, Jeova e ar lomoren Jakob, korijeran. 21 Im rar jab maro ke E ar tel ir ilujen ene jemaren ko; E ar kōmōn bwe dren ko ren torlok jen dreka nōn ir; E ar rupe dreka eo bareinwōt, im dren ko rar torlok wōt. 22 Ejelok ainemōn, Jeova ej ba, nōn ro dri nana.

49 Komin eoroñ Iō, O ailiñ ko redrik: im komin roñjake, kom ro dri ailiñ ko, jen etolok: Jeova e ar kir iō jen loje: jen lojen jinō e ar konono kin eta: 2 im E ar kōmōn loñiō einwōt juōn jāji ekōñ; i lurin pein E ar noj iō: im E ar kōmōn iō juōn mōri e matōltil; E ar kejbārok iō ilo nien mōri eo An: 3 im E ar ba nōn iō, Kwe dri korijera; Israel, eo naj kaibujuij Iō kake. 4 A I ar ba, I ar jerbal bata, ar jeroane aō kajur kin ejelok, im wan; a emōl aō ekajet jime ej iben Jeova, im eamtō iben aō Anij.

5 Im kiō Jeova, eo e ar nawāwiō jen loje bwe in dri korijeran, bwe in bar āñintok Jakob nōn iben, im bwe ren kokweloklok Israel nōn iben (bwe ña I mutoktok ilo mejen Jeova, im aō Anij ej aō kajur); 6 aet, Ej ba, Ej juōn men erik bwe kwon dri korijera in kajutōk bwij ko bwijin Jakob, im bwe kwon aini ro emwij kejbārok ir in Israel: I naj bareinwōt lelok yuk juōn maram nōn ro dri ailiñ ko, bwe kwon Aō aōnan nōn jemlokōn lōl. 7 Ein drein Jeova ej ba, Dri Lomoren Israel, im Dri Kwojarjar eo an, nōn eo armij rej kitōtō kake, nōn eo ailiñ eo ej drike nōn juōn korijeran iroi ro: Kiñ ro re naj lo im jerkak; bwirōk ro, im re naj kabuñ: kin Jeova eo e tiljek, im Dri Kwojarjar in Israel, Eo e ar kālet yuk.

8 Ein drein Jeova ej ba, Ilo juōn ien emōn I ar uak Yuk, im ilo juōn ran in lomor I ar jibōñ Yuk; im I naj kejbārok Yuk, im lelok Yuk juōn bujen armij ro, bwe Kwon koutiejlok eneo, bwe Kwon kōmōn bwe ren bōk jolit wan ko: 9 im ba nōn ro emwij lukwoj ir, Komin drioiñlok; nōn re

rej ber ilo marok, Komin mōke kwalok kom. Re naj mōña ilo ial ko, im ilo jikin otemjej reutiej im jemaren naj air jikin mōña. 10 Re jamin kwuli ak maro; im al e jamin mōn ir: bwe Eo ej tiriampo kake ir e naj tel ir, im iturin unin dren ko E naj tellok ir: 11 Im I naj kōmōn tol ko Aō otemjej juōn ial, im naj koutiej ial ko Aō relap. 12 Lo, rein re naj itok jen etolok: im lo, rein jen ene Sainim eo. 13 Komin al, O lōñ ko; im komin lōñliñ O lōl: im kakōmkōm ami al, O tol ko; bwe Jeova e ar kainemōn ro An dri aillīn, im E naj tiriampo kake dri jorran ro An.

14 A Zaion e ar ba, Jeova e ar illok jen ña, im Iroi j eo e ar meloklok iō. 15 Juōn kōra e maroñ meloklok niñniñ eo an bwe en jab tiriampo kake ladrik e nej in lojen ke? aet rein re maroñ in meloklok, a I jamin meloklok yuk. 16 Lo emwij Aō jeje etōm ilo lobiren peiō; worwor ko am rej imaō ien otemjej. 17 Ro nejōm rej jarōpmōkōj; ro dri kokkure yuk, im ro dri kejebeplik yuk, re naj droiijlok jen yuk. 18 Kwon reiliñlok iturōm, im lo: rein otemjej rej kweloktok, im itok ñōn ibōm. Kin Aō mour, Jeova ej ba, Kwo naj kanuknuk yuk kin ir otemjej einwōt juōn inōk, im kañōrñōr yuk kin ir einwōt juōn lio belele. 19 Bwe, kin jikōm re jemaren im ejelok armij ie, im kin eneōm emwij air kokkure, emol kiō kwo naj kobajlok ro rej jokwe ie, im ro rar woroñlok yuk re naj etolok. 20 Ro nejōm ilo ien am liājlol re naj ba wōt ilo lojiliñōm, Jikiō e airik jen ña; kwon letok jikin aō jokwe. 21 Inem kwo naj ba ilo buruōm, Wōn e ar keutak rein ñōn iō, bwe emwij kaliāj-iol iō jen ro nejiō, im ña I mōke iaō, juōn rar jolok jen enen, im dri itoitōk? im wōn e ar kōkajiririk rein? Lo I kar mōke iaō; rein, rar ber ia?

22 Ein drein Jeova, Iroi j, ej ba, Lo I naj kwotōke peiō ñōn ro dri aillīn ko im leliñlok Aō flag ñōn jar in armij ro: im re naj bōktok lōmaro nejōm ilo ubeir, im limaro nejōm, naj inektok ir ion aierair. 23 Im kiñ ro re

naj ro jemōm dri kōkajiriri, im lroi j ro air ro jinōm dri kaninnin; re naj buñbero ñōn kwe, im drōmij bōñōlñōl in neōm; im kwo naj jela bwe Ña Jeova; im jamin kajok ro rej kōtar Iō.

24 Naj bōk men in jibwe jen ro re kajur, ak kōtlok ro dri jebokwe an wānik ke? 25 A ein drein Jeova ej ba, Naj bōklok dri jebokwe an ro re kajur, im naj kōtlok men in jibwe an ro rej kaleññoñ; bwe I naj akwaile eo ej akwaile yuk, im I naj lomoren ro nejōm. 26 Im I naj najirik ro rej kamakokoik yuk kin kōniekir; im re naj karek kin bōtōktōkir, einwōt wain etōñōl: im aolepen kōniek e naj jela bwe Ña, Jeova, Ij Dri Lomorōm, im am Dri Binmour, eo e Kajur Potata an Jakob.

50 Ein drein Jeova ej ba, Ewi jeje in jolok jinōm, me I ar jolok e kake? ak wōn ian ro dri kamuri Iō, I ar wiakake yuk ñōn e? Lo emwij wiakake kom kin jerawiwi ko ami, im ar jolok jinōm kin bwir ko ami. 2 Etke, ke I ar itok, e ar ejelok armij? ke I ar kir, etke ejelok ej uak? Peiō e karulok wōt inem I jab maroñ in lomor ke? ak ejelok Aō kajur in kōtlok ke? Lo, kin Aō nan, Ij kamōra lometo, Ij kōmōn river ko juōn ene jemaren; iik ko air re buol, bwe ejelok dren, im re mij kin maro. 3 Ij kanuknuk lōñ ko kin kilmej, im kōmōn nuknuk eklep iren men in kalibubu ir.

4 Jeova e ar letok ñōn iō loin ro emwij katakin ir, bwe in jela ekijkan in jibōñ eo e mōk kin nan ko: Ej kworuj jiboñ otemjej, Ej kworuj lojiliñiō bwe en roñ einwōt ro emwij katakin ir. 5 Iroi j Jeova e ar kabellok lojiliñiō im I ar jab bōt, im jab oktōkliklok. 6 I ar lelok elikiō ñōn ro dri jebōk, im jebiō ñōn ro rar tōm jen kolan; I ar jab noji turin meja jen jok im iyelok. 7 Bwe Iroi j Jeova e naj jibōñ Iō; kin men in I jamin no: kin men in I ar likit turin meja einwōt dreka ebin, im I jela bwe jamin kajok Iō. 8 Ej ebak, Eo ej kowānik Iō; wōn e naj akwaile Iō? jen jimor jutōk: wōn eo dri kijirāte Iō? er

ruaktok ñōn iba. 9 Lo, Iroiĵ Jeova e naj jibōñ Iō; wōn eo e naj liakelok Iō? lo ir otemjej re naj morlok einwōt juōn balle; drile e naj kōñ ir.

10 Wōn eo iami ej mijōk Jeova, ej bokake ainiken dri korijeran? eo ej etetal ilo marok, im ejelok maram iben, en liki etan Jeova, im atartar ion Anij eo an. 11 Lo kom otemjej ro komij kejo juōn kijeek, komij kañōrñōr kom kin alal ko re urur; komin etetal ilo urur in kijeek eo ami, im ilo alal ko rej urur im kom ar kejo ir. Men in kom naj bōk jen peiō; kom naj babu ilo buromōj.

51 Komin eoroñ Iō, komeo komij lor wānik, komeo komij kabukot Jeova; komin lale dreka eo ar jekjek kom jen e, im roñ eo ar kōbij kom jen e. 2 Komin reilok ñōn Ebream jememi, im ñōn Sera eo e ar keutak kom; bwe ke leo e ar juōn wōt I ar kir e, im I ar kejerammōn e, im kōmōne bwe en orlok. 3 Bwe Jeova e ar kainemōn Zaion: E ar kainemōn jikin ko otemjej ie ejelok tokjeir, im E ar kōmōn ene jemaren ie bwe en einwōt Iden, im ene jemaren in bwe en einwōt jikin kallip an Jeova: naj io lōñliñ im ainemōn illoan, kamolol im ainiken al.

4 Komin eoroñ Iō, O jar an armij ro Aō; im komin kwalok lojiliñōmi ñōn Ña, O kom dri ailiñ eo Aō; bwe juōn kien e naj drioiĵlok jen Ña, im I naj kabin Aō ekajet jime juōn maram ñōn ro dri ailiñ ko. 5 Aō wānik ebak, Aō lomor e ar drioiĵlok, im pā ko peiō re naj ekajete ro dri ailiñ ko; ailiñ ko re naj kōtar Iō, im re naj kejatrikrik ir kin peiō. 6 Komin reilok ñōn lōñ ko, im lale lōl iomin; bwe lōñ ko re naj tōp einwōt bat, im lōl e naj morlok einwōt juōn balle; im ro rej jokwe ie re naj mij einwōt: a Aō men in lomor e naj ñōn in drio, im Aō wānik e jamin joko.

7 Komin eoroñ Iō, komeo komij jela wānik, armij ro kien eo Aō ej ilo burueir; komin jab mijōk kinaklok in armij ro, im jab lelñōñ kin air kajirere. 8 Bwe drile eo e naj kōñ ir ein-

wōt juōn nuknuk, im likakrōk e naj kōñ ir einwōt kolan sip: a Aō wānik e naj ñōn in drio, im Aō men in lomor ñōn ebeben otemjej.

9 Kwon ruj, kwon ruj, kwon kobebe kin kajur, O pein Jeova: kwon ruj einwōt ilo ran ko mokta, ilo ebeben ko in ien ko etto. E jab Kweo ke, kwar bukwe Rehab ilo mōtōn ko, kwar wie kiru drujit eo? 10 E ar jab Kweo Kwar kworoj lometo; Kwar kōmōn mulōl ko in lometo juōn ial ñōn ro emwij lomor ir bwe ren elālok jen e ke? 11 Im ro Jeova e ar binmour ñōn ir re naj jeblaktok, im itok kin al kō ñōn Zaion; im lōñliñ ñōn in drio e naj ion bōrair; re naj bōk mōnōñ im lōñliñ; im buromōj im mōtatu re naj ko.

12 Ña, aet ña wōt, Eo ej kainemōn yuk: wōn kwe, bwe kwōj mijōk juōn armij, eo e naj mij, im nejin armij eo naj kōmōne bwe en einwōt ujoij; 13 im kwar meloklok Jeova Dri Kōmōnmōn yuk, Eo e ar erlokwe lōñ ko, im likit loñtōk ko loñtōn lōl; im kwōj mijōk ien etemjej iomin aolepen ran, kin lej an dri kamakoko ke ej kapojōk bwe en kokkure? im ewi illu elej an dri kamakoko eo? 14 Naj kōtlok mōkōje eo ej kumliklik; e jamin mij im wōnlōllok na ilo roñ eo, im e jamin aikwij kijen. 15 Bwe Ña Jeova am Anij, Eo ej biuktōk lometo, inem no ko an re ñirñir: Jeova in inelip eo, etan. 16 Im I ar likit nan ko Aō ilo loñōm, im I ar kalibubu yuk ilo lurin peiō, bwe In kallip lōñ ko, im likit loñtōk ko loñtōk lōl, im ba ñōn Zaion, Kwe komij dri ailiñ ro Aō.

17 Kwon ruj, kwon ruj, kwon jutōk, O Jerusalem, eo e ar irak jen pein Jeova kōp in illu eo An: kwar irak jābi in kōp in jebwālel, im kōbare. 18 Ejelok juōn dri tel e, ian man ro otemjej e kar keutak ir; im ejelok juon ej kapjere pein ian lōmaro nejin e ar kōkajiririk ir. 19 Men kein ruo rej itok iom; wōn e naj jōñōt yuk? kokkure im jorran, im ñita im jāji: ekijkan Aō naj kainemōn yuk? 20 Ro nejōm rar kijelok, rej babu iman ial ko otemjej, einwōt juōn kau ko-

man e awia ilo juōn ok; re obrōk kin illu an Jeova, kowe an am Anij.

21 Kin men in, kiō, kwon roñjake men in, kwe dri jorran im karek, a jab jen wain: 22 ein drein Iroi Jeova ej ba, im am Anij eo ej kwi kin ro dri ailiñ An, Lo, emwij Aō bōk jen peōm kōp in jebwāl, jābi in kōp in Aō illu; kwo jamin bar irak jen e: 23 im I naj likite na ilo pein ro rej kejorran yuk, ro rar ba ñōn am, Kwon barikrik bwe kimin elā; im kwar kōtaik elikōm ñōn brij, bwe en einwōt ial, ñōn ro rej elālok.

52 Kwon ruj, kwon ruj, kwon kōnōk kajure eo am, O Zaion; kwon kōnōk nuknuk ko am re wōlio, O Jerusalem, jikin kwelok eo e kwojarjar: bwe jen ien in ro dri jab mijmij im ro retton re jamin dreloñ iloam. 2 Kwon mōke ierke yuk jen bōñōñlōl; kwon jerkak, kwon jijōt ion tron eo am, O Jerusalem; kwon jelat jen kworan kenwam, O lio nejin Zaion dri jebokwe.

3 Bwe ein drein an Jeova ba, Emwij wiakake yuk kin ejelok eamtōm; im naj binmoure yuk kin ejelok mōnni. 4 Bwe ein drein Iroi Jeova ej ba, Ro Aō dri ailiñ rar wōnlōllok ñōn Ijpt bwe ren jokwe ie: im dri Assiria rar kamakokoik ir ke ejelok unin. 5 Inem kiō, Ij wojōk ta ijin, Jeova ej ba, bwe rej āñinlok ro dri ailiñ Aō kin ejelok wōnan? iroi ro air rej roror, im ien otemjej iomin aolepen ran rej kajirere eta. 6 Kin men in ro Aō dri ailiñ re naj jela eta: kin men in re naj jela ilo ran eo bwe Ña eo ej kono: lo, Ña e.

7 Re nañin wōlio ilo tol ko neen eo ej bōktok ¹nan emōn, ej kwalok ainemōn, ej kennantok kin emōn, ej kwalok men in lomor, ej ba ñōn Zaion, Am Anij ej Kiñ! 8 Ainiken dri ekil ro am! rej koutiej ainikeir rej jimor al; bwe re naj lo im jelmæ dron, ñe Jeova ej jebłaktok ñōn Zaion. 9 Komin driblok ilo lōñliñ, komin jimor al, komeo ene e jebeplok in Jerusalem; bwe Jeova e ar kainemōn ro An dri ailiñ, E ar binmour ñōn

Jerusalem. 10 Jeova e ar kakelwan pein e kwojarjar iman mejen ro dri ailiñ ko otemjej; im jemlokōn otemjej jemlokōn lōl, rar lo men in lomor an aruij Anij.

11 Komin ilok, komin ilok, komin drioijslok jen ijo, komin jab uñire jabrewōt men etton; komin drioijslok jen e; komin mōke karreoik kom, komeo rej inek jābi ko an Jeova. 12 Bwe kom jamin kijorur in drioijslok, im kom jamin kolok: bwe Jeova e naj ilok imami; im Anij in Israel e naj dri kajere ñōn kom.

13 Lo, Dri Korijera e naj kōmōn ilo meletlet, naj koutiej im leliñlok E, im E naj kanuij utiej. 14 Einwōt elōñ rar bwilōñ kake Yuk, (elaplok an kuōt turin mejen jen jabrewōt armij, im enbwinin jen ro nejin armij), 15 ein drein E naj kailbuk elōñ dri ailiñ ko; kiñ ro re naj kil loñir kin e: bwe re naj lo men eo jañin kennanek ir kake; im re naj melele men eo re jañin roñjake.

53 ¹Wōn e ar tōmak am in nan? im ñōn wōn ar kwalok pein Jeova? 2 Bwe E ar edreklok iman einwōt juōn jul e ub, im einwōt okar jen juōn brij emōra: iben, ejelok wāwen emōn ak wōlio; im ñe jej lo E, E jab mijwarik bwe jen kōnake. 3 Armij rar kejekron im jolok E; E juōn armij in buromōj, im E ar jela liājlol; ar kejekron E einwōt juōn armij rej binej mejeir jen e; im kij jar jab kaurōk E.

4 Emol e ar ²inek iñtan ko ar, im bōklok buromoj ko ar; a jar lemnok bwe Anij e ar mōn E, im dreñlok E, im kaiñtan E. 5 A emwij wākare E kin jerawiwi ko ar, im kakiniñij E kin bwir ko ar; kaje eo an aruij ainemōn e ar ber ion, im kaejmour kij kin dribitbit ko An. 6 Kij otemjej einwōt sip ko jar jebwābwe; jar jeorlok jabrewōt iar ñōn ial ko an; im Jeova e ar likit ion, jerawiwi ko ar otemjej.

7 Ar kōtaik E, a ke ar kaiñtan E, E ar ³jab walōñi loñin; einwōt ⁴juōn

¹ Rom 10. 15.

¹ Rom 10. 16.

² Matu 8. 17.

³ Luk 23. 9.

⁴ Jerb. 8.

lam rej tellok e ñōn mij, im einwōt juōn sip ej ikōñ iman ro dri mijbare, ein drein E ar jab walōñi loñin. 8 Kin kōtaik imekajetar bōklok E; im kin ebeben eo An, wōn iar e ar lemnok ar bukwelok E jen enen ro dri mour, kin jerawiwi an ro Aō dri ailiñ, ro tellokir dribitbit? 9 Im rar kōmōn lūpōn iben ro dri nana, im iben juōn dri mweie ilo An mij; meñe E jañin kōmōn men in lej, im ejelok mon ilo loñin.

10 A Jeova e buñburuen in kaññtan E; E ar kaburomōj E; ñe kwo naj kōmōn An men in katok kin jerawiwi, E naj lo inen, E naj kaitoklok ran ko An, im men in mōnōnō an Jeova e naj jerammōn ilo pein. 11 E naj lo tokjen iñtan eo An, im naj jokōne: kin An jela kake, Dri Korijera e wānik e naj kowānik elōñ; im E naj ineklok jerawiwi ko air. 12 Kin men in, I naj je An kij iben ro relap, im E naj ajej men in rakim iben ro re kajur; kin ke E ar lutōklok an ñōn mij, im ar bwini E iben ro dri bwir: a E ar ineklok jerawiwi an elōñ, im E ar kōmōn men in mirik kin ro dri bwir.

54 1 Kwon al, O kweo kwo war, kweo kwar jab keutak; kwon driblok ilo al, im kwon lamij, kweo kwar jab neje: bwe elōñlok nejin lijnono jen ro nejin lio eor belen, Jeova ej ba. 2 Kwon kalaplok jikin im nuknuk eo am, im ren erlokwe binjen ko binjen mo ko imōm; kwon jab bōprae: kwon kaitoklok to ko am, kwon kabin jur ko am. 3 Bwe kwo naj berejōke i anbijmaroñōm im i anmiñōm; im inēom e naj bōk ro dri ailiñ ko, im kōmōn bwe jikin kwelok ko emwij kejebeploki, armij ren jokwe ilo ir.

4 Kwon jab mijōk; bwe kwo jamin jok: im kwon jab no; bwe jamin kajok yuk: bwe kwo naj meloklok jok an am jiroñ; im kwo jamin bar kememej air kajirere kake yuk ilo ien am kar lijnono. 5 Bwe Eo e ar kōmōnmōn juk, E leo beleom; Jeova in inelip eo, etan: im Dri Kwojarjar eo in Israel am Dri Lomor; naj naetan Anij in aolepen lōl. 6 Bwe Jeova e ar kir yuk einwōt juōn kōra

e joko belen im e buromōj iloan, lio belele e jañin ridto, ke emwij jolok e, am Anij ej ba. 7 Iomin jirik ien I ar illok jen kwe; a kin tiriamo ko relap I naj kokweloktok yuk. 8 Ilo illu e jiōblok, I ar binej meja jen kwe iomin jirik ien; a kin joij elap im in drio I naj tiriamo kake yuk, Jeova am Dri Lomor ej ba.

9 Bwe eñin einwōt dren ko an Noa ñōn Iō; bwe einwōt I ar kanōjnij bwe dren ko an Noa re jamin bar torlok ion lōl, ein drein I ar kanōjnij bwe i jamin illu ñōn kwe, ak enoik yuk. 10 Bwe tol ko re maroñ in joko, im kamōkit tol ko redrik; a Aō joij elap e jamin illok jen kwe, im Aō bujen e ainemōn e jamin joko, Jeova, eo ej tiriamokake yuk ej ba.

11 O kwe dri jorran, jibliklik kin lañ, im jañin kainemōn yuk: lo, I naj likit dreka ko am ilo antimoni, im kōmōn loñtōm jen saffair ko. 12 Im I naj kōmōn windo ko am jen rubi ko, im aur ko am jen karbunkel ko, im tōreren otemjej ko am kin dreka raurōk. 13 Im naj katakin ro nejōm otemjej kin Jeova; im ainemōn an ro nejōm e naj lap. 14 Ilo wānik naj kabin yuk: kwo naj etolok jen men in kamakoko, bwe kwo jamin mijōk; im jen lelñōñ, bwe e jamin kebak yuk. 15 Lo, re maroñ kokweloktok, a jab kin Ña: jabrewōt ro rej kwelok nae yuk re naj buñ kin kwe. 16 Lo, I ar kōmōnmōn dri jerbal eo ej drele kijeek in melle, im bōktok juōn ken tōrinae ñōn jerbal eo an; im I ar kōmōnmōn dri jeroane bwe en kokkure. 17 Jabrewōt ken tōrinae emwij nawāwen nae yuk, e jamin jerammōn; im jabrewōt lo e naj walok nae yuk ilo ekajet, kwo naj liakelok e. Eñin men in jolit an ro dri korijeran Jeova, im air wānik ej jen Ña, Jeova ej ba.

55 O, jabrewōt eo ej 1 maro, komin itok ñōn dren ko, im eo ejelok mōnni iben; komin itok, wiaik, im mōña; aet, komin itok, wiaik wain im milk kin ejelok mōnni im ejelok wōnan. 2 Etke komij draepe mōnni

kin men eo e jab ekōn? im ami jerbal kin men eo e jab ju buruemi kake? komin kanuij eoroñ lō, im mōña men eo emōn, im ami en mōnōnō kin kioeo. 3 Komin, kajirtok lojiliñemi, im itok ñōn iba; komin roñjake, inem ami e naj mour: im I naj kōmōn ibemi juōn bujen ñōn in drio, aet, men in tiriamo remol an Devid. 4 Lo, I ar lelok E juōn Dri Kennan ñōn ro dri ailiñ ko, juōn Dri Tel im Iroiñ ñōn dri ailiñ ko. 5 Lo, kwo naj kir juōn ailiñ kwo jaje kake; im juōn ailiñ e ar jab jela kake yuk e naj etōr ñōn ibōm, kin Jeova am Anij, im kin Dri Kwojarjar in Israel; bwe E ar kaibujuij yuk.

6 Komin ¹bukot Jeova ke kwo maroñ in lo E; komin kir ñōn e ke Ej ebak: 7 dri jerawiwi en illok jen ial eo an, im dri jab wānik jen lemnok ko an; inem en jeblak ñōn iben Jeova, im E naj tiriamo kake e; im ñōn iben aruij Anij, bwe e naj kanuij wujlep in jolok bwir ko an. 8 Bwe lemnok ko Aō re jab lemnok ko ami, im ial ko ami re jab ial ko Aō, Jeova ej ba. 9 Bwe einwōt lōñ ko re utiej jen lōl, ein drein ial ko Aō re utiej jen ial ko ami, im lemnok ko Aō jen lemnok ko ami. 10 Bwe einwōt wut ej wōnlōltok im sno jen lōñ, im jab jeblak ñōn e, a ej kaimlolo brij, im kōmōn bwe en jebar im elle, im lelok ine ñōn dri jeor im ekōn ñōn eo ej mōña; 11 e naj ein drein nan eo ej waloklok jen loñiō: e jamin jeblaktok ñōn iba im ejelok tokjen, a e naj kōmōn men eo I kōnan, im e naj jerammōn ilo men eo Ij jilkinlok e kake. 12 Bwe kom naj drio-ijlok kin mōnōnō, im naj āñinlok kom kin ainemōn: tol ko relap im ko redrik re naj driblok imami ilo al: im wijki otemjej in melaj re naj kabokpā. 13 Wijki fōr e naj edrek im binej jenkwōn kālīklik eo; im wijki mōrtel e naj edrek im binej jenkwōn mār kuj: im e naj ñōn Jeova kin juōn āt, juōn kakōle ñōn in drio im jamin bukwe-loke.

56 Ein drein Jeova ej ba, Komin lale ekajet jime, im kōmōn wānik; bwe Aō men in lomor e nañin

itok, im Aō wānik e nañin walok. 2 ¹E mōnōnō armij eo ej kōmōn men in, im nejin armij eo ej drebije; im ej kejbārok ran in Sabat jen kokkure, im ej drebij pein jen an kōmōn jabrewōt nana. 3 Im drua maijet eo e ar koba iben Jeova, en jab konono im ba, Emol Jeova e naj kijbil iō jen ro dri ailiñ An; im eunōk eo en jab ba, Ņa juōn wijki emōra. 4 Bwe ein drein Jeova ej ba ñōn eunōk ro rej lale ran in Sabat ko Aō, im kālet men ko rej kabuñburuō, im drebij wōt bujen eo Aō: 5 Nōn ir I naj lelok ilo mweo imō im iloan worwor ko Aō, juōn men in kemem im āt emōn jen ñe e kar or nejir man im kōra: I naj lelok ñōn ir juōn āt ñōn in drio, im jamin bukweelok e.

6 Bar juōn, ro drua maijet rej koba iben Jeova, bwe ren korijer ñōn E, im bwe ren yokwe etan Jeova, bwe ren korijeran, jabrewōt eo ej kejbārok ran in Sabat jen kokkure, im drebij wōt bujen eo Aō; 7 rein I naj āñinlok ir ñōn tol eo Aō e kworjarjar, im kamōnōnōik ir ilo imōn jar eo Aō: air jurtak kijeek ko, im air men in katok ko, re naj men in kabuñburuō ion lo-katok eo Aō; bwe naj naetan mweo imō juōn imōn jar ñōn ro dri ailiñ ko otemjej. 8 Iroiñ Jeova, eo ej kokweloktok ro ar jolok ir an Israel, Ej ba, I naj kokweloktok bar jet ñōn iben, eorlok jen ro emwij kokweloklok ir.

9 Komeo kiru ko otemjej in melaj, komin iten mōña, aet, kiru otemjej jen jikin wijki. 10 Dri ekil ro an re bilo, ir otemjej re jajelokjen; ir otemjej rej kiru roror ejelok ainikeir, re ban roror; rej tōnak, rej babu wōt, rej yokwe kiki. 11 Aet, kiru roror ko re dōr, re jamin māt; im rein seperd ro re ban melele: ir otemjej rar jeorlok ñōn ial ko air, jabrewōt ñōn wōnan, juōn im aolepeir. 12 Komin itok, re ba, I naj bōktok wain, im je naj kobrōk kijkin dren e kajur; im ilju e naj einwōt ranin, juōn ran e tuñtuñ in lap.

57 Dru wānik e jokolok, im ejelok armij ej lemnok kake; im

emwij bōklok armij e kin tiriamo kake, im ejelok ej lemnok bwe ar bōklok dru wānik kin nana. 2 Ej dreloñ iloan ainemōn: rej kakiĵe ion aowej ko air, jabrewōt iair ej etetal ilo an wānik.

3 A komin druaktok, kom ro nejnin lio dri marmir, inen leo dri luñ im kōra ekijoñ eo. 4 Wōn Eo komij kuri nae E? Wōn Eo komij kōmōn loñōmi elap, im kato loemi nae E? kom jab ro nejnin jerawiwi ke, juōn inen riōp ke, 5 komeo komij mōke tile kom kin ekjōp ko, iomin jabrewōt wijki e māroro; rej mōn ro nejemi ilo komlōl ko, ilo roñ in dreka ko? 6 I bwiljin dreka ko re matōltil ilo komlōl eo, kij eo am; ir rej am men in jolit; ñōn ir wōt kwar lutōklok juōn jurtak in irak, kwar lelok men in katok. Ren kainemōn Iō kin men kein ke? 7 Ilo juōn tol elap im utiej kwar likit aowej eo am; bar juōn, kwar wōnliñlok ñōn ijo bwe kwon katok. 8 Im ilikin aur ko im jur ko kwar kajur am men in kemem; bwe kwar kalikar yuk ñōn bar juōn jen Ña, im kwar wōnliñlok; kwar kalaplok aowej eo am, im kōmōn juōn bujen ibeir; kwar mōm kake aowej eo air ke kwar loe. 9 Im kwar ilok ñōn iben kiñ eo, im eor oil ibōm, im kwar kalōñlok am men in ñōj, im kwar jilkinlok am dri keañ ñōn etolok, im kwar mōke kanaanaiĵ yuk ñōn Hedis. 10 Kwar mōk kin an aitok ial eo am; a kwar jab ba, Ej men bata: kwar lo bwe kwoj kajurlok; inem kwar jab kijelok. 11 Im wōn eo kwar mijōk e im lelōñ kake, bwe kwoj riōp, im kwar jab kememej Ña, ak kalomōnlokjen kake? I ar jab kejeklokjen jen ien etto, inem kwo jab mijōk Iō ke? 12 I naj kwalok am wānik; im kin kōmōn ko am, e naj ejelok tokjeir ibōm. 13 Ñe kwoj kir, ro emwij am kokweloktok, ren lomorōm; a kōto e naj jibwe ir, juōn menono e naj bōklok ir otemjej; a eo ej ko ñōn iba, eneo e naj an, im e naj jolit tol eo Aō e kwojarjar.

14 Im e naj ba, Komin ejeliñlok, komin ejeliñlok, kapoj ial eo, komin

bōk lōkatip eo jen ial an ro Aō dri ailiñ. 15 Bwe ein drein ej ba, Eo eutiej im ilōñ, Eo ej jokwe ilo ien in drio, etan Ekwojarjar, Ij jokwe ilo jikin eutiej im kwojarjar, bareinwōt iben eo e inemōn im etā buruen, bwe In kemour an eo dri etā, im kemour buruen eo dri buromōj. 16 Bwe I jamin akwail in drio, im I jamin illu aolepen ien: bwe jitōb eo e naj kijelok imaō, im bareinwōt an ro I ar kōmōnmōn ir. 17 Kin bwir an arōk eo an I ar illu, im mōn e; I ar binej turin meja, im I ar illu; im e ar etal wōt im rolliktok ilo ial in buruen. 18 I ar lo ial ko an, im I naj kaejmour e; I naj bareinwōt tellok e, im karōk men in ainemōn ñōn e im ñōn ro dri jōñ iben. 19 Ña Ij kōmōnmōn leen tiko: Ainemōn, ainemōn, ñōn eo etolok im ñōn eo ebak, Jeova ej ba; im I naj kaejmour e. 20 A ro dri nana rej einwōt lometo e limajnono; bwe e ban kakiĵe, im dren ko an rej juliñlok birikōt im brij. 21 Ejelok ainemōn, aō Anij ej ba, ñōn ro dri nana.

58 Kwon lamij, kwon jab karikrik, kwon koutiej ainikōm einwōt juōn jilil, im kwalok ñōn ro Aō dri ailiñ bwir eo air, im ñōn imōn Jakob, jerawiwi ko air. 2 A rej bukot Iō ran otemjej, im mōnōñ in jela ial ko Aō: einwōt juōn ailiñ e ar kōmōn wānik, im ar jab illok jen kabuñjar an air Anij, rej kajitōk iba kin ekajet ko re jime; rej mōnōñ in kebaktok ñōn Anij. 3 Kin men ot kim ar jitlok re ba, im Kwo jab loe? kin men ot kim ar kejjoran am, im Kwo jaje kake? Lo ilo ran in ami jitlok komij lo ami mōnōñ, im kamakokoik ami dri jerbal otemjej. 4 Lo, komij jitlok kin iri im akwail, im bwe komin jekanunōk kin pein jerawiwi: komij jab jitlok ranin bwe ren roñjake ainikemi ilōñ. 5 Eñin men in jitlok eo I ar kālete ke? ran eo ñe emōn bwe juōn armij en kaiñtan an ke? Unin an juōn jitlok, bwe en mōjir bōran einwōt juōn ujoij rush, im erlokwe iomin, nuknuk eklep iren, im brij in ubaj ke? kwo naj naetan men in juōn jitlok, im juōn ran in kabuñburuen

Jeova ke? 6 E jab efin jitlok eo I ar kãlete: jelate kworok in jerawiwi, jelate toon ine eo, im kotlok ro emwij kamakokoik ir, im bwe komin ruji ine otemjej ke? 7 E jab bwe kwon ajelok kijom iben ro rej kwuli, im bwe kwon anintok non mweo imom ro dri jeramel im rar jolok ir ke? elane kwoj lo dri kelwan eo, bwe kwon kanuknuk e; im kwon jab tilekek jen koniekom ke? 8 Inem am maram e naj mejollok einwot rantak, im am kaejmour e naj edreklok mokoj; im am wanik e naj ilok imamllok; aibujuij an Jeova e naj biniworwor non yuk. 9 Inem kwo naj kir, im Jeova e naj uak; kwo naj lamij, im E naj ba, Na iji.

Elane kwoj boklok jen bwiljom, ine eo, kajok kin arrin peom, im konono jab wanik: 10 im elane kwoj lellok non ro dri kwuli men eo am e ar konan, im kamat eo emwij kaiitan e: inem am maram e naj tak ilo marok, im am marok e naj einwot ke al ej ber iolap; 11 im Jeova e naj tel yuk ien otemjej, im kamat am ilo jikin remora, im kabin dri ko drim; im kwo naj einwot juon jikin kallip e aimlolo, im einwot juon unin dren, dren ko an re jamin roj. 12 Im rore naj jen kwe re naj kalek jikin ko rar jebepllok: kwo naj leliñlok loñtok ko an eloñ ebeben; im naj naetom Dri bar kalek men in jorran, Dri karok ial ko bwe ren jokwe ie.

13 Elane kwoj kajeor neom jen ran in Sabat, jen komon am konan ilo ran eo Ao e kwojarjar; im naetan Sabat men in lonlin, men e kwojarjar an Jeova e mutoktok; im naj koniajoik e, im jab komon ial ko am, ak lo am men in mononon ak konono kake nan ko am: 14 inem kwo naj kalonlin yuk ilo Jeova; im I naj komon bwe kwon uwe ion jikin ko re utiej an lol; im I naj najirik yuk kin men in jolit an Jakob jemom; bwe lofin Jeova e ar konono kake.

59

Lo 1pein Jeova e jab karu bwe en jab maron in lomor; ak e jab bon loliliñin bwe en jab maron

in roñjake: 2 a ami komon ko re nana rar kijbil kom jen ami Anij, im jerawiwi ko ami rar binej turin menjen jen kom, inem E jab konan roñ. 3 Bwe peomi rej etton kin botoktok, im arrin peomi kin jab wanik: tiomi rar konono riop, im loemi ej kiejej kin jerawiwi. 4 Ejelok ej kirtok ekajet jime, im ejelok ej akwail kin mol: rej liki men wan, im konono riop ko: rej ettaik men in kejjorran, im keutak jab wanik. 5 Rej rupi lip ko an serpent, im rej ej toon kalualu: eo ej mona lip ko air ej mij; im eo emwij rupe ej kwalok juon vaiper. 6 Kap ko air re jamin balle ko, im re jamin moke kalibubu ir kin jermal ko air: jermal ko air, jermal in jab wanik. Im komon men in lej ej ilo peir. 7 Neir rej etor non nana, im rej kijorur in katorlok botoktok ejelok ruon: lemnok ko air, lemnok in bwir; jebeb im kokkure rej ilo ial ko air. 8 Re jab jela ial in ainemon; ejelok ekajet jime ilo etetal ko air: rar komon ial ko rankeke non ir moke; jabrewot eo ej etetal ilo ir, e jab jela ainemon.

9 Kin men in, ekajet jime ej etolok jen kij, im wanik e jab tobar kij: jej bukot bwe jen lo maram, a marok wot; im jatoltil, a jej etal ilo marok. 10 Jej jatole worwor einwot ro dri bilo; aet, jej jatol einwot ro ejelok mejeir: jej jebebeb ke al e ber iolap, einwot ran in lokon al; iben ro re kajur, jej einwot ro remij. 11 Jej otemjej non einwot kiru baer ko, im je kanuij jon einwot muli ko: jej bukot bwe jen lo ekajet jime, a ejelok; men in lomor, a etolok jen kij. 12 Bwe eloñlok aruij jerawiwi imam, im aruij bwir rej kennan nae kij; bwe aruij jerawiwi rej iber, im jab wanik ko ar je jela kake: 13 ke jej bwir im karmijete Jeova, im jeorlok jen lore aruij Anij, im konono kin kamakoko im kabata, lemnok kake im kwalok jen buruer nan ko nan in riop. 14 Im ekajet jime emwij kajeblakloke, im wanik ej jutok etolok; bwe mol e ar buñ ilo ial eo, men eo e jime e ban dreloñ. 15 Aet, rej aik-

wij mol; im eo ej illok jen nana ej mōke kōmōn e men in rakim.

Im Jeova e ar loe, im E illu bwe ejelok ekajet jime. 16 Im E ar lo bwe ejelok armij, im bwilōñ kin an ejelok dri mirik: kin men in, pein wōt e ar bōktok men in lomor ññn iben; im An wānik e ar jebōk E. 17 Im e ar kōnōk wānik einwōt juōn keñ tōrak, im juōn kōrep in lomor ion bōran; im E ar kōnōk nuknuk in kwi ññn nuknuk ko, im emwij kanuknuk E kin kijejeto einwōt juōn kobe. 18 Ekar ññn kōmōn ko air, ein drein E naj nawōnair, illu ññn ro dri jumae E, wōnair ññn ro dri kijrāte E; ññn ailiñ ko E naj lelok wōnair. 19 Ein drein re naj mijōk etan Jeova jen kabiltñ, im aibujuij eo An jen tak al: bwe E naj itok einwōt juōn river ej ibeōp mōkōj, eo menono an Jeova ej kaiure. 20 Im juōn Dri Lomor e naj itok ññn Zaion, im ññn ro rej jeorlok jen jerawiwi ilo Jakob, Jeova ej ba. 21 Im kin Ña, eñin Aō bujen ibeir, Jeova ej ba; Aō Jitōb eo Ej iom, im nan ko Aō I ar likiti ilo loññm, re jamin illok jen loññm, ak jen loñin ineōm, ak jen loñin inen ineōm, Jeova ej ba, jen ien in im ññn in drio.

60 Kwon ¹jerkak, kwon romak; bwe am maram E mottok, im aibujuij in Jeova e ar tak iom. 2 Bwe, lo, marok e naj kalibubu lōl, im marok jiliñliñ, ro dri ailiñ ko; a Jeova e naj tak iom, im naj lo An aibujuij iom. 3 Im ro dri ailiñ ko re naj itok ññn maram eo am, im kiñ ro ññn rabōlbōl in am tak.

4 Kwon reiliñlok iturōm, im lo: ir otemjej rej kweloktok, rej itok ññn ibōm; lōmaro nejōm re naj itok jen etolok, im limaro nejōm, re naj bōktok ir ilo peir. 5 Im kwo naj lo im joerer mejōm, im buruōm e naj luj-luj im laplok; bwe naj ukot obrōk an lometo ññn kwe, mweiuk ko mweien dri ailiñ ko re naj itok ññn ibōm. 6 Kamel ko relōñ re naj kalibubu yuk, kamel ko remōn drer jen Midian im Ipa; ir otemjej jen Shiba re naj itok; re naj bōktok gold im frankinsens, im

naj kwalok nebar ko an Jeova. 7 Bwijin kiru otemjej jen Kidar naj kokweloktoki ññn ibōm, sip koman ko jen Nebaiot naj korijer ññn kwe; re naj wōnliñtok men in kabuñburuō ion lokatok eo Aō, im I naj kaibujuij mweo imōn Aō aibujuij. 8 Wōn rein rej kākī einwōt juōn kōro, im einwōt muli ko ññn windo ko air? 9 Emol ailiñ ko redrik re naj kōtar lō, im wa ko an Tarshish mokta, bwe ren ek-tōktok lōmaro nejōm jen etolok, air silver im gold ibeir, kin etan Jeova am Anij, im kin Dri Kwojarjar eo an Israel, bwe E ar kaibujuij yuk.

10 Im ro drua maijet re naj kalek worwor ko am, im kiñ ro air re naj korijer ññn yuk: bwe ilo Aō illu I ar mōn yuk, a ilo Aō yokwe I ar tiriamo kake yuk. 11 Aur ko am re naj bellok ien otemjej; jamin kilik ran ak boñ; bwe armij ren bōktok ññn kwe mweiuk ko mweien ro dri ailiñ ko, im bwe ren āñintok kiñ ro air dri je-bokwe. 12 Bwe ro dri ailiñ eo im enen kiñ eo re jab kōnan korijer ññn kwe, re naj joko; aet ro dri ailiñ ko re naj mweoñeñlok. 13 Aibujuij an Lebanon e naj itok ññn ibōm, wijki fōr, wijki vain, im wijki box otemjej, bwe ren kaibujuij jikin imōn kwojarjar eo Aō, im I naj kōmōn jikin neiō bwe ren aibujuij. 14 Im ro nejin ro rar kejjorran yuk re naj itok im barikrik ññn kwe; im ro otemjej rar kejjekron yuk re naj mōjir iturin neōm, im re naj naetōm, Jikin kwelok an Jeova, Zaion eo an Dri Kwojarjar in Israel.

15 Ke rar illok jen yuk im drike yuk, einwōt bwe ejelok armij e ar driblok yuk, I naj kōmōn yuk juōn men emōn potata ññn in drio, men in lōñliñ ññn elōñ ebeben. 16 Im kwo naj ninnin milk an ro dri ailiñ ko, im naj ninnini tin kiñ ro; im kwo naj jela bwe Ña, Jeova, Ij am Dri Lomor, im am Dri Binmour, Eo E kajur potata an Jakob. 17 Kin jinibōrōrō I naj bōktok gold, im kin māl I naj bōktok silver, im kin alal ko, jinibōrōrō, im kin dreka ko, māl. I naj kōmōn dri kabwijrōk ro am, ainemōn:

im iroiꝝ ro am, wānik. 18 Jamin roñjake kin kōmōn lej ilo eneōm, jebeplok ak kokkure ilo tōreren ko; a kwo naj naetan worwor ko am, Men in lomor, im kejem ko am, Men in nebar. 19 ¹Al e jamin bar am maram in ran; im aliñ e jamin rome yuk kin an rabōlbōl: a Jeova e naj fñōn kwe juōn maram in drio, im am Anij am aibujuij. 20 Am al e jamin bar tulok, im am aliñ e jamin joko; bwe Jeova e naj am maram in drio, im ran ko ran in am liājlol re naj jemlok. 21 Bareinwōt armij otemjej am re naj wānik; re naj jolit eneo in drio, ine ko I ar kalibwini, jerbal in peiō, bwe ren kaibujuij yuk. 22 Eo erik e naj juōn tausan, im eo e niñ juōn ailiñ e kajur; Ña Jeova I naj bik-bikri ilo ien eo an.

61 ²Jitōb an Iroiꝝ Jeovaej ioō; bwe Jeova e ar kabit Iō bwe In kwalok nan ko remōn fñōn ro etā burueir; E ar jilkintok Iō bwe in kitimi ro erup burueir, im kwalok kōtlok fñōn ro mātōn iri, im kabellek prison fñōn ro re lukjōk; 2 bwe In kwalok yiō in joij an Jeova, im ran in kwi an aruij Anij; bwe In kainemōn ro otemjej rej liājlol; 3 bwe In likit fñōn ro rej liājlol ilo Zaion, im lelok fñōn ir belin bōrair kin brij in ubaj, oil in lōñliñ kin buromōj, im nuknuk in nebar, kin jitōb in edroro; bwe ren naetair wijki ko in wānik, ko Jeova e ar kalibwini, bwe ren kaibujuij E.

4 Im re naj kalek jikin ko rar jebeplok mokta, re naj koutiej men ko ar kokkure mokta, im re naj bar kalek jikin kwelok ko emwij kamweofñe-
eñloki, men in kokkure an elōñ ebeben. 5 Im ro drua maijet re naj jutem najirik bwijin kiru ko am, im ro dri ene ko jet re naj am dri tōblōl im dri lale bwil in grep ko am. 6 A naj naetōmi pris ro an Jeova; armij re naj likit etōmi dri korijeran aruij Anij: kom naj mōña mweien ro dri ailiñ ko, im ilo air aibujuij kom naj jualōñlōñ. 7 Ñōn binej jenkwōn jok eo ami, naj ruo alen men ko mokta ibemi; im fñōn binej jenkwōn kana-

naik, re naj lōñliñ kake kij eo air: kin men in, ilo eneir, ruo alen e naj ibeir; lōñliñ in drio e naj ioir. 8 Bwe Ña, Jeova, Ij yokwe ekajet jime, Ij drike koaroñ na iben jab wānik: im I naj nawōnair ilo mol, im I naj kōmōn juōn bujen in drio ibeir. 9 Im ineir re naj jela kake iben ro dri ailiñ ko: im ro nejn iben jar in armij ro; ir otemjej rej lo ir re naj kwalok kin ir, bwe rej ine eo Jeova e ar kejeram-mōn e.

10 I naj kanuij lōñliñ ilo Jeova, aō e naj lōñliñ ilo aō Anij; bwe E ar kanuknuk iō kin nuknuk ko in lomor, E ar kalibubu iō kin kobe in wānik, einwōt leo belele ej eneke kin wut ko, im einwōt juōn lio belele ej mōke kaibujuij e kin inōk ko an. 11 Bwe einwōt lōl ej elle nar eo an, im einwōt jikin kallip ej kōmōn bwe men ko emwij jeori ie ren edreklok; ein drein Iroiꝝ Jeova e naj kōmōn bwe wānik im nebar ren edreklok iman ro dri ailiñ otemjej.

62 Kin Zaion I jamin kejeklok-jen, im kin Jerusalem I jamin kakije, mae ien an wānik eo an drioijlok einwōt rabōlbōl, im an men in lomor einwōt juōn lamp ej urur. 2 Im ro dri ailiñ ko re naj lo am wānik, im kiñ otemjej, am aibujuij; im naj naetōm kin etōm ekāl, eo loñin Jeova e naj konono kake. 3 Kwo naj bareinwōt juōn bokrōnate wōleo ilo pein Jeova, im juōn belin kiñ ilo pein am Anij. 4 Re jamin bar naetōm, Dri jojo lār; im re jamin bar naetan eneōm, Mwefōnefñlok: a re naj naetōm, Hep-ziba, im eneōm, Beula; bwe Jeova ej mōnōnō ilo kwe, im naj belek eneōm. 5 Bwe einwōt juōn likao ej belele iben juōn virjin, ein drein lōmaro nejōm re naj belek yuk; im einwōt leo belele ej lōñliñ kin lio belele, ein drein am Anij e naj lōñliñ kin kwe.

6 I ar likit ro dri ekil ion worwor ko am, O Jerusalem: re jamin kejeklokjen ran ak boñ: komeo komij men in kemem an Jeova, komin jab kakije. 7 Im komin jab kakijeik E, nae ien Ej kabin, im mae ien Ej kōmōn Jeru-

salem men in nebar ilo löl. 8 Jeova e ar kanōjnij kin anbijmaroñōn, im kin pein kajur eo An, Emol I jamin bar lelok am korn kijer ro dri kiji-rāte yuk; im ro drua maijet re jamin irak am wain ekāl, rar jab jerbāl kake: 9 a ro rar marmire re naj kōñe, im nebar Jeova; im ro rar ainetok re naj ilimi ilōan worwor ko an mwēo imō e kwojarjar.

10 Komin dreloñ, komin dreloñ ilo kejem ko; komin kapoj ial ñōn armij ro; komin ejeliñlok, ejeliñlok ial eo elap; komin ainilok dreka ko; komin jerōke juōn flag ñōn ro dri ailiñ ko. 11 Lo, Jeova e ar kennan ñōn jemlo-kōn löl, Komin ba ñōn lio nejin Zaion, Lo, men in lomorōm ej itok; lo, wōnan eo ej iben, im jerbāl eo an iman. 12 Im re naj naetair, Armij ro dri kwojarjar, Ro Jeova ej lomor ir: im re naj naetōm, Men in ainetok, Juōn jikin kwelok e jab joko.

63 Wōn eo Ej itok jen Idom, im nuknuk ko An re kilmir, jen ene Bozra? Eo ej aibujuij ilo nuknuk ko An, Ej etal ilo lapen kajur eo An? Ña eo Ij konono ilo wānik, im kajur potata; ñōn lomor. 2 Etke kwoj kilmir ilo kobe ne Am, im nuknuk ko Am einwōt ko an eo ej juri ken joniōk wain? 3 I ar juri ken joniōk wain mōke iaō; im ian ro dri ailiñ ko, ejelok armij iba: aet, I ar juri ir ilo Aō illu, im jurlok ir ilo Aō illu ebwil; im emwij wutrikrik nuknuk ko Aō kin drair, im I ar kamār aolepen nuknuk ko Aō. 4 Bwe ran in kwi e ar ber ilo buruō, im yiō an ro emwij Aō lomor ir, e ar itok. 5 Im I ar reilok, im ejelok, bwe en jibōñ: im I ar bwilōñ bwe ejelok bwe en jebōk: kin men in, peiō e ar bōktok men in lomor ñōn iba, Aō illu e ar jebōk Iō. 6 Im I ar juri ro dri ailiñ ko ilo Aō illu, im I ar kakarek ir kin Aō illu ebwil, im I ar lutōklok drair ion löl.

7 I naj konono kin tiriamo kake ko an Jeova, im nebar ko an Jeova, ekar ñōn aolepen men ko Jeova e ar wujleptok ñōn kij, im joiij elap ñōn imōn Israel, eo E ar wujleptok ñōn ir ekar

ñōn tiriamo kake ko An, im ekar ñōn men in joiij ko An relōñ. 8 Bwe e ar ba, Emol, rej droō, ro nejiō ro re jamin kōmōn riōp: ein drein Ekar air Dri Lomor. 9 Ilo aolepen air jorran ar kejjorran E, im enjel eo An e ar lomor ir: ilo An yokwe im ilo tiriamo kake eo An, E ar binmour ñōn ir; im E ar jebōk ir, im bōklok ir ilo aolepen ran ko mokta.

10 A ar kabata, im kaburomōj Jitōb Kwojarjar eo An; kin men in, E ar oktōk bwe En jumae ir, im E ar mōke tōrinaek ir. 11 Ien eo E ar kememej ran ko mokta, Moses im ro dron, im ba, Ewi Eo e ar āñintok ir jen loan lometo, iben seperd ro an bwij eo An? ewi Eo e ar likit An Jitōb Kwojarjar i bwiljir? 12 E ar kōmōn bwe pein e wuj en ilok i anbijmaroñōn Moses? E ar kijbil dren ko imair, bwe En kōmōn ñōn E mōke, juōn etan in drio? 13 Eo e ar tellok ir ilujen mulōl ko, einwōt juōn ors ilo ene jemaren, inem rar jab lōkatip? 14 Einwōt kiru ko rej wōnliñlok ilo komlōl eo, Jitōb ñōn Jeova e ar kōmōn bwe ren kakiije: ein drein Kwar tel ro drom, im kōmōn ñōn Kwe juōn āte aibujuij.

15 Kwon reilōltok jen lōñ, im lale jikin Am kwojarjar im Am aibujuij: ewi Am kijejeto im kōmōn ko Am re kajur? Kwoj drebij wōt yokwe in buruōm im tiriamo kake ko Am kin ña. 16 Bwe Kwe Jemem, meñe Ebre-am e jaje kim, im Israel e jab kwalok kin kim: Kwe, O Jeova, Jemem: etōm, Dri Lomorem jen in drio. 17 O Jeova, etke Kwoj kōmōn bwe kimin jebwābwe jen ial ko Am, im kabin buruem jen mijōk yuk? Kwon jeb-laktok kin ro dri korijerōm, bwij ko an jolit eo Am. 18 E ar ber ibem, ro drom ro kwojarjar, jirik wōt ien: ro dri kiji-rāte kim rar jure imōm e kwojarjar. 19 Kimuij einwōt ro Kwar jañin iroiij ioir, einwōt ro jañin naetair kin etōm.

64 O bwe Kwon kekel mejjatoto, im Kwon wōnlōltok, bwe tol ko ren makōtkit imam, 2 einwōt kileek ej tile jul ko, im kijeek ej kōmōn bwe dren ko ren bululul; bwe

Kwon kajelaik rodri kijirāte Yuk kin etōm, bwe ro dri ailiñ ko ren wuririr iman mejōm! 3 Ke Kwarkōmōn men ko men in lelñōñ, kim ar jab reilok kake, Kwar wōnlōltok; tol ko rar makōtkit iman mejōm. 4 Bwe jen ien ko mokta armij re jañin roñjake, ak roñlil kin lojiliñir, im mej e jañin lo juōn bar Anij jen Kwe, Eo ej jerbāl ñōn eo ej kōtar E. 5 Kwoj wōnmae eo ej lōñliñ in kōmōn wānik, ro rej kememej Kwe ilo ial ko Am: lo, Kwar illu, im kim ar bwir: iloiritto amuij ber; im naj lomorem ke? 6 Bwe kim otemjej kimij einwōt juōn eo etton, im men in wānik ko am rej einwōt juōn nuknuk e brijrij: im kim otemjej kimij aimerlok einwōt juōn bwilik; im jerawiwi ko am, einwōt kōto, rej bōklok kim. 7 Im ejelok juōn ej kir etōm, im ej loetōk bwe en drebij Yuk; bwe Kwar binej turin mejōm jen kim, im Kwar tile kim kin bwir ko am.

8 A kiō, O Jeova, Kwe jemem; kim kle, im Kwe am potter; im kim otemjej men in kōmōn an peōm. 9 Kwon jab kanuij illu, O Jeova, im kwon jab kememej jerawiwi ñōn in drio: Kwon lo, Kwon lale, kimij akwelap ñōn Kwe, kim otemjej drom. 10 Am jikin kwelok ro kwojarjar rej juōn ene jemaren, Zaion ej juōn ene jemaren, Jerusalem e jebeplik. 11 Mweo imwem e kwojarjar im woleo, ijo ro jimam rar nebar Yuk, emwij tile kin kijeek; im emwij kejebeplik jikem otemjej rej men in mōñōñō. 12 Kwon naj mōke drebij Yuk, O Jeova, kin men kein ke? Kwo naj ikōñ, im kanuij kejjorran kim ke?

65 Ro rar jab drien kajitōk Iō, ¹rar kajitōk Iō; im ro rar jab bukot Iō, rar lo Iō: I ar ba, Komin kalimjek Iō, komin kalimjek Iō, ñōn juōn ailiñ ar kir e kin eta. 2 I ar ²erlokwe peiō, ran eyu, ñōn juōn ailiñ e kabata, ro rej etetal ilo juōn ial e jab emōn, ekar ñōn lemnok ko air; 3 juōn ailiñ ej kaillu Iō iman meja ien otemjej, kin air katok ilo jikin kallip ko, im kin air tile ijur

ion brik ko; 4 ro rej jokwe iolapin wuliej, im jokwe ilo jikin ko retino; ro rej kōñ kōniekin pig, im meraikik in men in dramam ko ej ber ilo jābi ko air; 5 ro rej ba, Kwon jutōk ijene, lale kwar druaktok, bwe ña I kwojarjar jen kwe. Rein ro rej bat ilo botiō, juōn kijeek ej urur aolepen ran. 6 Lo, emwij jeje imaō: I jamin kejeklokjen, a I naj nawōnan, aet, I naj nawōnan ilo ubeir, 7 jeramiwi ko otemjej ami, im ko an jeme-mi, Jeova ej ba, ro kom kin: tile ijur ion tol ko, im kejeiokiok Iō ion tol ko redrik: kin men in I naj joñwe jerbāl ko air mokta ilo ubeir.

8 Ein drein Jeova ej ba, Einwōt wain ekāl ej ber ilo uror in grep, im juōn ej ba, Komin jab kokkure, bwe eor jerammōn ie: ein drein I naj kōmōn kin ro dri korijera, bwe In jab kokkure ir otemjej. 9 Im I naj kwalok juōn ine jen ilo bwiljin Jakob, im juōn dri jolit tol ko Aō, jen bwijin Juda; im ro Ij kålet ir, re naj jolit eneo, im ro dri korijera re naj jokwe ie. 10 Im Sharon e naj jikin bwijin kiru, im komlōl in Ekor, jikin an kiru ko babu, ko rej an ro droō, ro rar bukot Iō. 11 A kom ro komijillok jen Jeova, ro rej meloklok tol eo Aō e kwojarjar, ro rej kapojōk juōn tebel ñōn Jerammōn, im eteñ wain ekāre ñōn Jenekjij; 12 I naj likit kom drien mij kin jāji, im kom otemjej naj bari-krik ñōn kokkure; kin ke kom ar jab uak Aō kir; ke I ar konono, kom ar jab eoroñ; a kom ar kōmōn men eo e nana ilo meja, im kålet men eo I jab mōñōñō kake.

13 Kin men in, ein drein IroiJ Jeova ej ba, Lo, ro dri korijera re naj mōña, a kom naj kwuli; lo, ro dri korijera re naj irak, a kom naj maro; lo, ro dri korijera re naj lōñliñ, a kom naj jok; 14 lo, ro dri korijera re naj al kin lōñliñ an buru, a kom naj jōñ kin buromōj an buru, im limō kin an droaj buruemi. 15 Im kom naj likit etōmi menukol ñōn ro ij kålet ir; im IroiJ Jeova e naj mōn yuk; im E naj bat atkālēn ro dri korijeran: 16 einwōt bwe eo ej mōke kejerammōn e ilo lēl,

e naj kejerammōn e kin Anij in mol; im eo ej kanōjnij ilo lōl, e naj kanōjnij kin Anij in mol; kin ke emwij meloklok men ko mokta, im re binjōk jen meja.

17 Bwe lo, Ij kōmōn lōñ ko rekāl im lōl ekāl; im jamin kememej men ko mokta. 18 A komin mōnōnō im lōñliñ in drio kin men ko Ij kōmōni; bwe lo, Ij kōmōn Jerusalem men in mōnōnō, im armij ro an bwe ren lōñliñ. 19 Im I naj mōnōnō kin Jerusalem, im lōñliñ kin ro droō; im jamin bar roñjake ilo e, ainiken limō im ainiken jōñ. 20 Re jamin bōklok jen ijo niñniñ ro eit air ran, ak juōn lōlap e jañin uñ an ran; bwe ajiri e naj mij ñe jibuki yiō ridtōn, im dri jerawiwi eo jibuki an yiō, e naj menukol. 21 Im re naj kalek moko, im jokwe ilo ir; im re naj kallip bwil in grep, im mōña jen leen. 22 Re jamin kalek, im bar juōn ej jokwe ie; im re jamin kallip, im bar juōn ej mōña: bwe einwōt ran ko an juōn wijki, ej ran ko an ro droō, im ro I ar kålet ir, naj etto air mōnōnō kake jerbal an peir. 23 Re jamin jerbal bata, ak keutak ñōn kokkure; bwe ir inen Jeova e mōnōnō, im bareinwōt ro nejir. 24 Inem mokta jen air kir, I naj uak; im ñe rej konono wōt, I naj roñjake. 25 Kiru wulf im jindrik in sip re naj mōña iben dron, kiru laion e naj mōña kan in wit, einwōt kau; im brij e naj kijen serpent. Re jamin mōn ak kokkure ilo aolepen Aō tol e kwojarjar, Jeova ej ba.

66 Ein drein Jeova ej ba, Lōñ ej Aō tron, im lōl eran neiō: ie wāwen im kom naj kalek ñōn Iō? im ewi ijo I naj kakije? 2 Bwe peiō e ar kōmōne aolepen men kein, im wāwen drein an aolepen men kein ber, Jeova ej ba: a I naj reilok ñōn armij in, aet, ñōn eo e jeramel im etā buruen, im eo ej wuririr kin nan ko Aō. 3 Eo ej mōn juōn ox, ej einwōt eo ej mōn juōn armij: eo ej katok kin kon in sip, einwōt eo ej ruje kenwan kiru roror; eo ej bōktok jurtak irak, einwōt eo ej katok kin

bōtōktōk in pig; eo ej tile frankinsens, einwōt eo ej kejerammōn juōn men in e. Aet, rar kålet ial ko air, im air rej mōnōnō kin men in jōjōik ko ibeir; 4 I naj bareinwōt kålet lemnok wan ko air, im bōktok air mijōk ioir; bwe ke I ar kir, ejelok en e ar uak; ke I ar konono, rar jab roñjake: a rar kōmōn men eo e nana ilo meja, im rar kålet men eo I ar jab mōnōnō kake.

5 Komin eoroñ nan in Jeova, kom ro komij wuririr kin nan ko An; Ro jeōmi im jātōmi ro rej kijirāte kom, ro rej jolok kom kin eta, rar ba, Jeova en aibujuij bwe kimin lo ami lōñliñ; a ir ro re naj jok. 6 Juōn ainiken jeurur jen jikin kwelok eo, juōn ainiken jen tempel, ainiken Jeova eo ej irenwōne ñōn ro rej kijirāte E.

7 Mokta jen an mejōljōllok, e ar keutak; mokta jen an iñtan, e ar lotak nejin eman. 8 Wōn e nañim roñjake einwōt? wōn e nañin lo einwōt? Juōn ailiñ e naj lotak ilo juōn wōt ran ke? ro an juōn ailiñ re naj lotak kiōkiō ke? bwe ke Zaion e ar jino in iñtan, e ar lotak ajiri ro nejin. 9 Ña I naj bōktok ñōn ien keutak, im jab kamaroñ ñōn lotak ke? Jeova ej ba: Ña eo Ij kamaroñ ñōn lotak, I naj binej loje ke? am Anij ej ba.

10 Komin mōnōnō iben Jerusalem, im lōñliñ kake e, kom otemjej komij yokwe e: komin mōnōnō kin lōñliñ iben, kom otemjej komij liājlol kake e; 11 bwe komin ninnin etin ainemōn ko an; bwe komin bōk dren in etin, bwe komin mōnōnō kin aibujuij elap eo an. 12 Bwe, ein drein Jeova ej ba, Lo, I naj na ainemōn ñōn e einwōt juōn river, im aibujuij an ailiñ ko einwōt river e jiōblok: im kom naj ninnin ie; kom naj jela, im re naj kabwiji kom ion neir. 13 Einwōt juōn eo jinen ej kainemōn e, ein drein I naj kainemōn kom; im kom naj ainemōn ilo Jerusalem. 14 Im kom naj loe, im buruōmi re naj lioeo, im dri ko driōmi re naj keneo einwōt ājib in ujoj: im pein Jeova e naj jenelok ñōn ro dri korijeran; im E naj kwi nae ro rej kijirāte E.

15 Bwe lo, Jeova e naj itok ilo kijeek, im jariat ko An re naj einwöt aire; bwe En kwalok An illu kin lej, im kowe eo An kin urur in kijeek. 16 Bwe Jeova e naj irenwōne ion kōniek otemjej kin kijeek im jāji eo An; im ro Jeova e ar mōn ir, re naj lōñ. 17 Ro rej mōke kokwojarjar ir im karreoik ir ilo jikin kallip ko, ilikin juōn wijki, bwe ren mōña kōniekin pig, im men in jōjōik, im kijirik, re naj jimor jemlok iben dron, Jeova ej ba.

18 Bwe I jela jerbal ko air, im air lemnok; ien eo ej itok ñe I naj kokweloklok aolepen ailiñ ko, im kajin ko; im re naj itok im lo Aō aibujuij. 19 Im I naj likit juōn kakōle iolapir, im ro rej ko, I naj jilkinlok ir ñōn ailiñ ko, ñōn Tarshish, Pul, im Lud, ro rej kiele libon, ñōn Tubal im Jevan, ñōn ailiñ ko redrik im retolok, ko re jañin roñjake Aō buñbuñ, im re jañin lo Aō aibujiuj; im re naj kwalok Aō aibujuij iolapin dri ailiñ ko.

20 Im re naj bōktok aolepen ro jeōmi im jātōmi jen ailiñ otemjej, bwe ren men in lelok ñōn Jeova, ion ors ko, im ilo jariat ko, im ion wanebōk ko, im ion mul ko, im ion kamel ko, ñōn Jerusalem, tol eo Aō e kwojarjar, Jeova ej ba, einwöt ro nejin Israel rej bōktok air men in lelok ilo jābi erre, ñōn imōn Jeova. 21 Inem I naj kâlet jen ir bwe ren pris im dri Livai, Jeova ej ba.

22 Bwe einwöt ¹lōñ ko rekāl im lōl ekāl, ko I naj kōmōni, re naj bin imaō, Jeova ej ba, ein drein ro ineōmi im etōmi re naj bin. 23 Im ber inem, jen juōn aliñ ekāl ñōn bar juōn, im jen juōn Sabat ñōn bar juōn, kōniek otemjej e naj itok bwe en kabuñ imaō, Jeova ej ba. 24 Im re naj drioijslok im kalimjek ubōn armij ro rar kokkure kien ko Aō: likakrōk eo air e jamin mij, im kijeek eo air e jamin kwun; im re naj men in jōjōik ñōn kōniek otemjej.

¹ Hib. 12. 26, 27.